





7. 5. 199

7 L 5.199







CHR. G. HEYNII

PROFESSORIS ELOQV. ET POES. GEORGIAE AVGVSTAE

M. ERITANN. R. A CONSIL. AVL.

OPVSCVLA  
ACADEMICA

COLLECTA

ET

ANIMADVERSIONIBVS

LOCVPLETATA.

---

VOLV MEN II.

---

---

GOTTINGAE

APVD IO. CHR. DIETERICH.

1787.

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637

ALV02V90

ALV02V90

ALV02V90

II

ALV02V90

ALV02V90

ALV02V90

# CONSPECTVS PROLVSIONVM

## VOLUMINIS SECVNDI.

Prolusiones XV. de ciuitatum Graecarum  
per Magnam Graeciam et Siciliam  
institutis et legibus.

Prooemium Pag. 3

I. *Legum Locris a Zaleuco scriptarum fragmenta.*  
*Commentatio prior. Ad commendandum no-*  
*vum Prorectorem Ge. Henr. Ayrrer d. 3. Iulii*  
*1767 \** 12

II. *Commentatio posterior. Ad indicenda*  
*anniuersaria sacra XXX. die 17. Septembris*  
*1767* 24

)( 2 Epime-

\*) Quae antecesserant Programmata ad commendandum nouum  
Prorectorem Kaeftnerum 2. Jul. 1766. et Walchium 2. Januar.  
1767. v. Vol. I. p. 290 et 301.

## IV

Epimetrum I. de Locris 46

II. de Zaleuco 62

III. *Legum Charondae fragmenta.* Sectio prior.  
Ad commendandum nouum Prorectorem Phil.  
Ge. Schroeder d. 2. Jan. 1768 74

IV. — Sectio altera. Ad indicenda anniuersaria sacra XXXII. d. 17. Sept. 1769 \* 86

V. — Sectio tertia. Ad commendandum nouum Prorectorem Ge. Lud. Boehmer d. 2. Jan. 1770 97

VI. — Sectio quarta. Ad indicenda anniuersaria sacra XXXIII. d. 17. Sept. 1770 \*\* 112

## VII.

\*) Programma ad commendandum nouum Prorectorem Gatterer d. 4. Julii 1768. vid. Vol. I. p. 330. ad indicenda sacra anniuersaria XXXI. d. 17. Sept. 1768. ibid. p. 346. et ad commendandum nouum Prorectorem Foerisch, 4. Jan. 1769. ibid. p. 363.

\*\*) Referenda huc: Parentale sacrum Munchhusii d. 28. Dec. 1770, Vol. I. p. 383. quo iudicta oratio in eius memoriam subiecta est sub calcem huius Vol. II. tum Programma ad commendandum nouum Prorectorem Vogel 2. Jan. 1771. ibid. Vol. I. p. 401.

VII. *De Sybaritarum ac Thuriorum rep. et legibus*  
 Sectio prior. Ad commendandum nouum Pro-  
 rectorem Jo. Ph. Murray d. 2. Jul. 1771 120

VIII. — Sectio altera. Ad indicenda anniuersaria sacra XXXIV. d. 17. Sept. 1771 † 145

IX. — Sectio tertia, in qua quaeritur, fuerintne Thuriorum leges a Charonda scriptae. Ad commendandum nouum Prorectorem Jo. Steph. Pütter d. 2. Jul. 1772 153

*De Sybaritis ac Thuriis Spicilegium* 172

X. *De Crotoniatarum rep. et legibus.* Ad commendandum nouum Prorectorem Jo. Petr. Miller d. 2. Jul. 1774 \* 176

*Epimetrum de Pythagora et Pythagoreis legumlatoribus* 196

XI. *De reliquis post Sybaritas et Crotonienses Magnae Graeciae ciuitatibus, quae Achaicis institutis* 23

†) Prolusio ad commendandum nouum Prorectorem Zachariae 2. Jan. 1772. v. To. I. p. 409.

\*) Intercefferant inter hanc et superiorem Prolusionem; Progr. ad anniuersaria sacra XXXV. indicenda d. 17. Sept. 1772. quod sequetur inf. hoc. Vol. p. 299. et ad anniuersaria sacra XXXVI. 17. Sept. 1773. v. inf. p. 315.

*tutis et iuribus sunt usae. Lao, Elea, Terina, Caulonia, Pandosia, Metaponto. Ad indicenda sacra anniuersaria XXXVII. d. 17. Septemb. 1774 \** 200

*XII. Instituta et leges civitatum stirpis Dorienſium; nunc quidem Tarentinorum. Ad indicenda anniuersaria sacra XXXVIII. d. 18. Septemb. 1775* 214

*XIII. Instituta et leges Heraclienſium, quae Tarentinorum fuit colonia. Ad indicenda anniuersaria sacra XXXIX. d. 17. Sept. 1776* 233

*XIV. De reliquis rebusp. Magnae Graeciae et Siciliae stirpis Doricae; tum de Chalcidicis et reliquis. Ad commendandum nouum Prorectorem Ern. Gothofr. Baldinger d. 2. Jan. 1777* 252

*XV. Obseruationum ad leges et instituta rerumpubl. Magnae Graeciae et Siciliae complementum et spicilegium. Ad indicenda anniuersaria sacra XXXIX. d. 17. Sept. 1786 \*\** 278

## XVI.

\*) Programma ad commendandum nouum Prorectorem Meister 3. Julii 1775. v. inf. p. 332.

\*\*) Facile intelligitur, hanc decimo inde anno scriptam Prolusionem esse huc retractam, ut argumentum hoc vno loco absolutum haberetur.

XVI. *Litterarum artiumque inter antiquiores Graecos*  
*conditio ex Musarum aliorumque deorum nomi-*  
*nibus muniisque declarata. Ad indicenda sacra*  
*anniuersaria XXXV. d. 17. Sept. 1772.* 299

XXVII. *Notatio Corporis Iuris glossati. Msti Biblio-*  
*thecae Georgiae Augustae. Ad indicenda sacra*  
*anniuersaria XXXVI. simulque ad commendand-*  
*dum nouum Prorectorem Ge. Henr. Ayser d.*  
*17. Sept. 1773* 315

XVIII. *De Arcadibus luna antiquioribus. Ad com-*  
*mendandum nouum Prorectorem Chr. Frid. Ge.*  
*Meister d. 3. Julii 1775* 332

XIX. *Numi Familiarum Romanarum, qui in Museo*  
*academico seruantur. Commentatio I. Ad in-*  
*dicenda anniuersaria sacra XXXX. d. 18. Sept.*  
*1777* 355

XX. — Commentatio II. Ad commendandum  
nouum Prorectorem Lud. Kulenkamp d. 2. Jan.  
1778 371

XXI. — Commentatio III. Ad indicenda an-  
niuersaria sacra XXXXI. d. 17. Sept. 1778 390

XXII.

---

XXII. *Oratio in sollennibus parentalibus memoriae  
Munchhusianae celebrandae indictis d. 28. Decemb.*

1770 \*

409

Index

447

- \*) Hanc unam ex ceteris orationibus, ex muneris ratione habitis, servatam esse volui.



*PROLVSIONES XV*

DE

CIVITATVM GRAECARVM

PER MAGNAM GRAECIAM

ET SICILIAM

INSTITVTIS ET LEGIBVS.

A



---

### *Prooemium.*

**H**abet hoc scribendi genus, quod per Prölationes academicas diuersis temporum spatiis et ex praescripto absoluitur, difficultates suas et molestias; in his etiam hanc, quod, cum intra paucorum foliorum angustias commentatio continenda sit, argumentum indagationis paullo altioris, aut copiosioris disputationis, non nisi per partes exigere licet, quodque, cum subtilior commentandi ratio ab hoc scriptionis genere plerumque abhorreat, feligere necesse est tantum potiora, quae publici, vt aiunt, saporis aut sunt aut videri possunt.

Institueram equidem conquirere reliquias et fragmenta institutorum legumque ciuitatum Magnae Graeciae, assumtis ciuitatum Graecarum per Siciliam institutis, quae cum illis coniuncta essent. Exsequi propositum non licuit nisi per partes, Commentationibus XIV. per interualla publice scriptis: I. II. *de LL. Locris scriptis a Zeluco* I. et II. 1767. III. VI. *LL. Charondae* I. II. III. IV. 1768. 69. 70. VII. IX.

IX. *Instituta et LL. Sybaritarum et Thuriorum* I. II. III. 1771. 72. X. *Crotoniatarum* 1774. XI. *reliquarum Achaici iuris ciuitatum* 1774. XII. *Doriensium, et in his Tarentinorum* 1775. XIII. *Heraciensium* 1776. XIV. *coloniarum a Corinthiis, Messeniis, Rhodiis deductarum, tandemque Chalcidici generis coloniarum* 1777. quibus accessit XV. *Obseruationum ad LL. et instituta rerumpublicarum Magnae Graeciae et Siciliae complementum et spicilegium* 1786. in quod reieci simul ea, quae de toto hoc legum genere et de natura harum legum disputari posse visa sunt.

Intelligitur ex his, me ciuitates illas ac colonias *ad certa genera* reuocasse: quandoquidem constanti vsu et obseruatione deprehensum est, colonias uti religiones et sacra, sic leges et iura, hoc est reip. administrandae formam, retinuisse, quam metropolis constitutam habebat \*): quo quidem instituto hoc

\*) v. Proluf. de vet. Coloniar. Iur. sup. To. I. pag. 315 sqq. Si in ea aetate adhuc viueremus, qua in laude habebatur, doctam antiquitatem vel sine insigni aliquo ad rem praesentem fructu recolere: haberem utique in votis, ut vir doctus omnia antiquitatis vestigia de coloniis veteris Graeciae per orbem terrarum colligeret ac scite disponderet: plurima ad hoc consilium et numis et marmoribus peti possunt mutuam sibi lucem foenerantia, inprimis quod ad sacra, religiones ac deos, et magistratus spectat; praeterea de dialecto, quae coloniis communis fuit cum metropoli. Ita v. c. in paucis tabulis ap. Comitem de Caylus *Recueil* To. II. pl. XV sq. obseruare licet ex marmoribus ibi allatis: Chalcedonem, utpote Megarensium coloniam, dialecto dorica usam: in eadem Senatum populumque suum γραμματεα habuisse; Cumas Aeolica, Cyzicum, Miletum ab Athenis ortae coloniam, Ionica dialecto usam; in eadem Atticam originem redolere Dianam Munychiam, tribus IV. institutas, etc.

hoc consequutus sum, vt formam et administrationem rerumpublicarum certo aliquo iudicio constituere possem. *Genera* igitur *illa* nunc in ipsa fronte *apponere*, tum altero loco placet *tempora*, quibus *islae ciuitates origines suas habuerint, consignare*: vt his sub vnum conspectum appositis tanto melius ea, de quibus posthaec sigillatim disputabitur, perspicui et ad sua genera ac capita reuocari possint.

Omnino igitur coloniae Magnae Graeciae ac Siciliae maximam partem aliae fuere *Dorici*, aliae *Achaici*, aliae *Cualcidici* generis. *Doricae* stirpis coloniae aliae deductae a *Lacedaemoniis*, vt *Tarentini* eorumque colonia, *Heraclea* in terra Siritide (v. Proluf. XII. et XIII.) aliae a *Corinthiis*, et quidem *Syracusae*: a quibus exierant *Acrae*, *Casmenae*, *Camarina*; aliae a *Megarensibus*: *Hybla* et *Thapsus*; aliae a *Rhodiis*: *Gela* et ab hac *Agrigentum*; a *Messeniis* *Messana*, et ab hac *Pyxus* in Lucania; porro *Tyndaris* in Sicilia; a *Cnidiis* *Lipara* (v. Proluf. XIV.). Licet et ad Doricum genus referre *Locros*, etsi ab Aeolica stirpe oriundos et legibus *Zaleuci* sibi scriptis vtentes, a quibus *Hippo* seu *Vibona Valentia* condita, et *Medma* (v. Proluf. I. II.). Commune fuit harum ciuitatum, vt *aristocratica* reip. administrandae forma vterentur: verum ea, quae certae stirpi ac genti auctoritatem ac ius deferret; quod fecerant *Dores*, cum *Heraclidis* profecti, (cf. inf. Proluf. XII.) sequuti exemplum patriae auctoritatis, qualis in patrefamilias habebatur.

*Achaici* generis fuere *Sybaris*, cui succedere *Thurii* (v. Proluf. VII. VIII. IX.), qui *Charondae* Le-

gibus vñ esse feruntur, (v. III - VI.) et *Croton* (v. Proluf. X.) et ductae ab istis *Laus*, *Scidrus* et *Metapontum*, cum *Posidonia*; ab his *Terina*, *Caulonia*, *Pandosia* (v. Proluf. XI.). Instituta Achaeorum ad democratiam erant promiora: ἰσοπολιτείαν vnice probabant; sed magistratibus vtique parebant. cf. Proluf. X.

*Chalcidicae* stirpis, adeoque *Ionicae* originis, habitae *Cumae* in Italia et ab his *Neapolis*: etiam a Cumanis *Zancle*, postea *Messana* facta, ab hac *Himera* et *Mylae* conditae: porro ad Chalcidicum genus spectant *Naxos*, a quibus *Callipolis*, *Leontini* et *Catana*; ab istis *Euboea*; *Tauromenium*, *Rhegium*. Aristocratica reip. forma omnino vsae sunt Chalcidicae ciuitates: quam eandem tamen nec minus democratiam appellare posses; erat nimirum resp. legibus temperata, magistratibus ex Optimatibus constitutis; Optimates autem ex censu habebantur; Tum de rep. partim in senatu partim in comitiis populi agi solitum (v. Proluf. XIV.)

*Ionicae* quoque originis *Elea* a Massiliensibus in Italiam adducta, *Scylletium* et *Thurii* Atheniensium colonia (ibid.)

Praeter has *Cretensium* coloniae *Brundisium*, *Hyria*, *Sallentia*; in Sicilia *Heraclea* *Minoa*. E *Thessalia* autem *Petilia*, *Crimisa* et *Egesta*; ex *Aeolis* tandem *Temesa*, et e *Phocide* *Lagaria* (ibid.)

Intelligetur ex his Doricum genus cum Chalcidico maxime per Siciliam, Achaicum autem per Magnam Graeciam opibus polluisse. Achaei Aeolicae

cae stirpis et sermonis esse a nonnullis perhibentur \*). Enimuero fuit Achaeorum stirps diuersa ab Aeolum, Dorum et Ionum stirpibus; Ionibus tamen fuere propiores, etiam sermone †). Leges autem et instituta Achaeorum nusquam Aeolicarum ciuitatum communes fuere.

Ciuitatum Magnae Graeciae leges et instituta a Pythagora et Pythagoreis emendata esse communis est antiquitatis narratio; etsi, si seuerius in tradita inquisiueris, ea, quae fama certa tradita sunt, ab iis quae incerta fide traduntur, difficile sit discernere. Verum hac de re inf. ad Crotoniatarum *temp.* agendi locus erit.

At hoc, quo versamur, loco subiiciam *temporum notationes*, quas quidem fatis definitas reperire licuit, coloniarum in Magnam Graeciam et

A 4

Siciliam

\*) Inducti sunt viri docti loco Strabonis lib. VIII. p. 514 B. vbi dictum erat Aeoles et extra Peloponnesum opibus valuisse, et vero etiam intra Peloponnesum; hic autem mox cum Ionibus et Doriensibus permixtos esse: Οἱ μὲν οὖν Ἴωνες ἐξέπεσον πάλιν ταχέως ὑπὸ Ἀχαιῶν Ἀιολικοῦ ἔθνους. ἐλείψθη δὲ ἐν τῇ Πελοποννήσῃ τὰ δύο ἔθνη, τὸ μὲν Αἰολικὸν καὶ τὸ Δωρικόν. Iam antea dixerat Aeolicum et Doricum sermonem conuenisse. Pergit etiam alios minus cum Doriensibus commerciis iunctos, vt Eleos et Arcades; Aeolice locutos, reliquos plus minusue Dorice. Verba Αἰολικοῦ ἔθνους manifestum sunt glossēma; collegit ita aliquis ex seqq. Repugnat tamen hoc ceteris Strabonis locis, quibus aperte Aeoles ab Achaeis et hos ab istis distinguit cf. lib. VIII. p. 587 C. et seq. Achaeos cum Aeolibus passim permixtos iuisse non negem. cf. Paus. VII, 1. sermo autem temporis successu tantum non Doricus factus.

†) Pausan. II, 37. p. 199. ante Heraclidarum reditum in Peloponnesum τὴν αὐτὴν ἡφίσταντο Ἀθηναίους οἱ Ἀργεῖοι (atqui hi erant Achaei) Φωνήν.

Siciliam deductarum: vt vno statim conspectu ordo earum ac successio percipi possit. *Conditae* itaque *traduntur et deductae Cumae*, a Cuma Euboeae, ante C. N. 1031. (Euseb. 1050.) adeoque ab excidio Troiae annis 153. ab reditu Heraclidarum 73. A Cumis deducta *Neapolis* et *Zancle*; (haec facta est Messana Ol. 29, 1.) A Zancle ductae *Himera* et *Mylae*.

*Metarantum*, antiquissima vrbs, cuius adeo origo ad Pylios a Troia reduces referebatur; accepit aliquando novos colonos ab Achaeis et Sybaritis.

*Naxos* condita circa Olymp. 11. ante C. N. 736. a Chalcidensibus Euboeae.

Paulo post Ol. 11, 2. *Syracusae* a Corinthiis. Inde prodire *Acrae* Ol. 28, 4. ante C. N. 665. *Casmene* Ol. 33, 4. ante C. N. 645. *Camarina* Ol. 45, 1. ante C. N. 600. et iterum ante Ol. 72, 3. et tertio paullo post.

Sub idem tempus Ol. 11. *Hybla* a Megarenfibus: prodiit ex hac paullo post *Thapsus*.

A Chalcidensibus *Leontini* conditi Ol. 12, 3. ante C. N. 730 et *Catana* paullo post.

*Sybaris* ab Achaeis Ol. 15, 1. ante C. N. 720. excisa Ol. 67, 2. ante C. N. 510. inflaurata Ol. 81, 4. a. C. N. 453. tum *Thurii* facti Ol. 83, 3. ante C. N. 446.

*Croton* ab Achaeis Ol. 17, 3. ante C. N. 710.

*Tarentum* a Lacedaemoniis Ol. 18, 2. ante C. N. 707. Eius colonia *Heraclea* Ol. 86, 4. ante C. N. 433.

*Gela*



*Gela* a Rhodiis Ol. 22, 3. ante C. N. 690.  
Ex hac exiit *Agrigentum* Ol. 49, 3. ante C. N. 582.

- *Locri* Epizephyrii a Locris Opuntiis Ol. 24, 2. ante C. N. 683. Praecessisse tamen fertur alia colonia circa Ol. 14, 1. ante C. N. 724. et tertia antiquior e Corcyra.

*Rhegium* a Chalcidensibus: paullo post Ol. 28, 1. ante C. N. 668.

*Messana* a Messeniis: Ol. 29, 1. ante C. N. 664. quae Zancle fuerat.

*Agrigentum* a Gelois Ol. 49, 3. ante C. N. 582.

*Elea* f. *Velia* Ol. 61, 1. ante C. N. 536. a Phocaeensibus, qui Massiliam condiderant Ol. 45, 1. ante C. N. 600 et Ol. 60, 2. ante C. N. 539.

*Posidonia* a Sybaritis ante Ol. 67, 2. ante C. N. 510.

*Thurii* conditi ab Atheniensibus Ol. 83, 3. ante C. N. 446.

*Heraclea* a Tarentinis Ol. 86, 4. ante C. N. 433. cum antea *Siris* fuisset.

Cum itaque legum scribendarum causa mitterentur a Romanis qui per Italiam et Graeciam ciuitatum leges et instituta cognoscerent (V. C. 302. Ol. 82, 1. ante C. N. 452.) vrbes, quae per Graeciam Magnam adiri potuere, fuerunt Locri, Croton, Metapontum, Tarentum; inprimis vero leges Zaleuci et Charondae, et instituta a Pythagoreis passim emendata, cognosci potuere.

A 5

Quae

Quae vero caussae Graecos impulerint ad tot nouas in Italia sedes petendas, si quaeritur: partim de singulis coloniis ea de re expeditior disputatio est, et videnda sunt quae de iis sigillatim dicta sunt; partim vniuerse quaestionem tractauimus in *Commentatione de vet. Coloniar. Iure et causis* (sup. *Vol. I. p. 296. sq.*). Vt tamen nunc summam aliquid apponamus; antiquiorum coloniarum mittendarum necessitatem plerumque fecit nouae sobolis subnatae frequentia, cui alendae ager non suppetebat, seu quia eo inter ciuium capita diuiso nihil quod nouis ciuibus assignari posset supererat, seu agri sterilitate, anni intemperie aut alia calamitate suborta. Aliarum autem coloniarum, inprimis post Olympiadum initia, causas a dissidiis et seditionibus ciuitatum per Graeciam repetendam esse manifestum fit; iuribus ciuium in administratione reip. populari non satis seu per ordines seu per stirpes aut ad censum descriptis. Factio itaque victa plerumque ad alias sedes quaerendas proficiscebatur. Fuere tamen etiam nouandarum rerum auctores, qui desperato coeptorum successu patria discederent; alii, qui fortunae casibus caput obicere et nouarum terrarum opportunitate circumspecta meliorem sortem expectare mallerent. Vt vero in Italiam et Siciliam nauigarent, Asiae, etiam Ponti, littoribus iam a Graecis occupatis, allicere eos debuit prioribus aetatibus locorum solitudo, mox cognita ac fama celebrata coeli solique felicitas, agrorum vbertas et popularium ex ea opulentia; etsi ipsa successus similis spes vim ad aliorum animos habere debuit: quo factum videmus, vt,  
postquam

---

postquam femel Doricae stirpis colonia Siciliam infederat, mox magno numero aliae eiusdem stirpis succederent; similiterque Achaici generis coloniae per Italiae extremas oras.

Incrementa tam matura et tam laeta coloniis his per Italiam et Siciliam cum coeli solique felicitas, quae illa aetate fuit incredibilis, tum rei agrariae studium iam tum inter Graecos aliquantum excultum vsuque ac peritia firmatum, mox etiam nauigatio et prouentus exportatio attulit. Ab vna et altera ciuitate (v. inf. de Sybaritis) veteres incolae, etsi barbari, in agrorum communionem adsciti, ab aliis aduenae in ciuitatem adscripti frequentiam ciuitatibus facile addere debuere. Praeterea ex recentiorum scriptorum disputationibus res vulgata est, quam celeres et faciles auctus sint hominum, si victus cultusque vitae parata ipsis est copia.

---

## I.

ACADEMIAE GEORGIAE AVGVSTAE

P R O R E C T O R

CHR. GUIL. FR. WALCHIVS D.

C V M   S E N A T V

SVCCESOREM SVVM

GE. HENRICVM AYRER

CIVIBVS COMMENDAT

IN A. D. III. JULII MDCCCLXVII.

*Legum Locris a Zaleuco scriptarum fragmenta.*

Commentatio prior.

**E**xacto iam magistratus nostri tempore, Commilitones amantissimi, quem quidem, quod vobis nobisque gratulamur, ita deponimus, ut modestiam vestram, pudorem, legumque ac disciplinae publicae reuerentiam, publica commemoratione dignam iudicemus, utque omnino nos, observatores potius et custodes virtutis vestrae, quam exactores ac censores, fuisse iuuet, succedet nunc in locum nostrum Vir illustris, omnique doctrinae insigniumque cum in vestras utilitates tum in publicum Academiae nostrae statum meritorum laude cumulatissimus,

GEORG.

---

 GEORG. HENR. AYRER D.

cuius quidem omni humanitate expolitissimi viri dignitate et auctoritate non minus, quam vestrae laudis, quo perpetua illa sit, retinendae amore et studio adductum vos iri speramus, ut sedulo curetis, quo ea, qua nunc cum maxime floretis, bene moratae praeclareque et animo et vita constitutae iuventutis laus integra vobis seruetur et illibata. Solennia, in quibus more solito Prorektoris dignitas et insignia publice transferuntur, habebuntur die III. Julii, hora X. quibus ut frequentia vestra celebritatem addere nosque in suggestum escensuros et, quae diuina prouidentia etiam per hoc semestre in nos cumulauit, beneficia enarraturos beneuole audire velitis, id vero est, quod humanissimis precibus nostris a vobis contendimus.

Ceterum ut mori institutoque Academiae nostrae pareamus, quo nihil ne sollemnium quidem verborum concipitur, quin adiectum sit aliquid vel coniunctum, quod siue honestam voluptatem afferre siue vtilitatem aliquam ad animos vestros, Commilitones, habere possit, disputatiuncula breui *Leges Locris a Zaleuco scriptas* illustrabimus. Quod conimentationis genus si vobis non omni fructu carere videbitur, aliarum deinceps ex antiquitate ciuitatum, Magnae saltem Graeciae ac Siciliae, instituta et leges, quarum quidem memoria ad nos peruenit, pari cura et ratione recensebimus. Nolite autem arbitrari, Commilitones, esse eam rem alienam a studiis nostris communibus; nec nisi ad iurium tantum vel antiquitatis scientiam spectare. Veteres enim,

enim, quod vel ex Cicerone de legibus notum esse potest, cum morem obseruasse memineritis, ut in legum scribendarum tabulis non modo ius civile, aut, cum eo, publica et sacrorum ac religionum iura, quod etiam in Romano iure fieri videtis, comprehenderent, verum etiam ea, quae ad morum sanctitatem vitaeque publicae priuataeque integritatem vtiliter praecipere poterant, perscriberent, et pleraque genera officiorum, quae non modo aliis, sed et sibi quisque et deo immortalis, ut vulgo loquimur, praestare debet, consignarent; unde, quod facile sentitis, ad suam quisque vitam ac publicam priuatamque virtutem fructum aliquem tollere ac percipere potest. Quod enim nostrarum ciuitatum et imperiorum descriptione institutum est, ut morum fingendorum, animorumque regendorum, et ad pietatem ac virtutem informandorum ratio ac disciplina tantum non tota priuati cuiusque hominis et patris familias arbitrio relicta, aut ad eum inter nos ordinem, qui sacra ac religiones curat, relicta, eiusque operae, doctrinae, curae et vigilantiae commissa sit: id aliter se habuit antiquis temporibus, cum ipsa nutriendae, educandae, erudiendaeque sobolis ratio, publica priuataque disciplina, legibus esset perscripta iisque fere sapientissimis. Quae ita apud veteres populos humaniore cultu expolitos se habuisse, mirari nolite. Scribebantur enim illae leges a summis philosophis, multo rerum hominumque usu spectatis, versatisque in grauissimis reipublicae muneribus ac curis a):

scribere-

a) *Opus esse corpori legibus, quas et ipsas inter initia tulere sapientes. Seneca ep. 90.*

scribebantur in parvis ciuitatibus, non in magnis regnis et imperiis; in summa vitae simplicitate, rerum et negotiorum curis nondum ita impeditis et implexis, vt commerciorum crebritate et varietate suborta factum; et quidem ciuibus aequali libertate vtentibus, quibus legumlatores non id, quod vnius vel paucorum vtilitatibus consentaneum esset, ex imperio iniungere, sed rerum veritate et aequitate, ac publica ad omnes et singulos vtilitate, leges suas approbare debebant. Sequebantur porro eam rationem veteres legumlatores, vt non modo facinora ac scelera, in quae hominum audacia vel malitia erumpere solet, poenis propositis compescerent, verum vt ipsam illam audaciam ac malitiam ex animis ciuium euellerent et extirparent, publicam autem priuatamque virtutem infunderent. Quam ad rem duo se habere putabant grauissima praesidia caque in ipsa hominum natura fundata, in quibus tanquam ancoris tota staret resp. alterum nutritionis et educationis, legum praescripto definitae et magistratus cognitioni et inspectioni subiectae, alterum, quod ipsa illa educationis disciplina efficitur, publici domesticique exempli, et virtutis atque integritatis publicis decoribus et ornamentis honorandae *b*). Quibus ipsis rebus effectum est hoc, vt, quemadmodum nostra aetas in omnibus facile rebus antecellit, quae ad disputationis subtilitatem fuere deductae, ita antiquitas factis et vita praestaret.

Nisi

*b*) Pythagoras rogatus a Xenophilo quomodo filium optime institueret. *el πόλεις εὐνομούμενης γενήσεται. si, inquit, in ciuitate bonis legibus instituta vixerit.* Diog. Laert. VIII, 10.

Nisi enim in rebus nostris nimium placere nobis volumus, concedendum id est antiquitati et largiendum, ad res agendas et bene gerendas vitam publicam priuatamque melius apud ipsam fuisse institutam, sanctiores mores, rectiorem disciplinam, in illis ciuitatibus viguisse; non, quasi ex iis omnes corruptelae exulauerint; verum salubris aliqua sentiendi, viuendi, resque gerendi ratio ex ipsa nutritione vitaeque exemplis accepta, multo magis tum per vulgus erat iparsa; generosiores sensus, studia et consilia honesta inter plures reperiiebantur; nec pro vno ciue paullo liberalius instituto ducenti erant numerandi, qui, vix ipsis humanitatis rudimentis exculti, et egestatis sordibus obfiti, aut stupore essent defixi aut non nisi humilibus et sordidis curis oppressi. Nondum inuaserat vitam multiplex hoc corruptelarum genus; nec fracta erant corpora animique hac desidia, hac mollitie, quae malorum colluuiem in nos deriuauit, ad ea autem perferenda fortitudinem ac robur ademit. In illa vitae seueritate, nonnunquam etiam austeritate, simplicitate ac frugalitate, et rebus agendis et malis ferendis paria idoneaque erant corpora. Nondum umbratilia studia et otiosorum hominum argutiae ciuium in se exultationem et gloriam deriuauerant, neque animis ea labes infidebat, quae deinceps ex monastica disciplina multorum mentibus adhaesit, posse aliquam esse laudem virtutis, quae nullis factis declaretur neque vllum ad alios habeat fructum. Quae omnia bona, quibus cognoscendis vel vnius Plutarchi lectio sufficit, ex suis legibus et institutis, disciplinaque publica priuataque, iis legibus con-

stituta,



stituta, ciuitates illas habuisse, vt appareat: fragmenta, quae ex iis, tanquam e naufragio tabulae, sunt seruata, colligere vobisque proponere haud pigebit.

In legum quidem ferendarum disciplina praestantissimi facile auctores totiusque humani generis magistri habendi sunt Graeci; praeclaris tamen legibus multo omnium maxime floruit Magna Graecia, non modo ab eo inde tempore, quo Pythagorica disciplina eam illustrauit; qua quidem, secundum diuinam nostram nec cum humanis institutis comparandam doctrinam, nihil dici potest sanctius et ad virtutem ac pietatem hominum animis instillandam melius comparatum fuisse; sed etiam antiquioribus saeculis. Verum de hoc alio tempore *c*); nunc autem, vt vno aliquo specimine eam rem declaremus, fragmenta legum Zaleuci apponemus. De *Zaleuco* quidem ipso nunc non agemus. Nolumus enim docte magis quam vtiliter scribere. Satis est cognoscere ac tenere, eum circa Olymp. XXIX. vixisse *d*), esseque adeo antiquiorem Pythagora Samio;

*c*) [Egit nunc de his accuratius, quam a me fieri potuisset, MEINERS noster, V. C. in *Geschichte der Wissenschaften in Griechenland u. Rom* To. I. add. TIEDEMANNI V. C. *Griechenlands erste Philosophen.*]

*d*) Ante C. 664. cf. Bentleii diss. de Phalaridis Epist. pag. 337 sqq. Wesseling. ad Diodor. I. p. 490. Fabric. B. Gr. lib. II. c. 24. E loco tamen Demosthenis adv. Timocr. p. 480. A. male ab iis ipsis doctis viris temporum ratio subducitur. Anni CC ibi commemorantur, non intra quos leges Zaleuci durauere, sed intra quos nulla  
*Heynii Opusc. acad. Vol. II.* B ex

mio; etsi eum multi inter Pythagoreos, falso tamen, retulerunt. Leges scripsit *Locris*, quae colonia erat a *Locris Graeciae* in extremam Italiae oram, haud longe ab *Epizephyrio* promontorio, deducta e). Extat legum eius passim memoria; superest quoque prooemium legum: verene an falso sub eius nomine hoc feratur, alio tempore videbimus. Sufficit id valde antiquum esse, quandoquidem *Ciceronem* illud ante oculos habuisse manifestum est. Cognoscetis saltem in iis, *Commilitones*, tam religiosam numinis reuerentiam, studiumque honestatis ac pietatis tam praeclaris sententiis commendatum, ut ne *Christiano* quidem sapiente illa, quae dicta sunt, indigna iudicare possitis f).

*A prin-*

ex iis lex fuit abrogata; multo autem minus illi anni retro ab *Olymp. CVI*, 4. computari possunt.

e) Circa *Ol. XXIV*, 2. a. C. 683. adeoque paullo post *Crotonem* et *Syracusas* conditas, quod et a *Strabone* confirmatur. De ceteris v. *Epimetrum*.

f) *Stobaeus Serm. XLII. p. 279.* Ex eodem fonte, unde is sua hausit, fluxere ea, quae *Diodorus XII*, 20. suis historiis intexuit. Expressit ex iisdem praeclarum legum suarum prooemium *Cicero de LL. II*, 8. Nos utriusque verbis comparatis sententiae probabiles constituimus: in ipsis verbis illustrandis nunc non haeremus. Totum hoc prooemium, cum *Charondae* altero, falsarii commentum esse contendebat *Bentley*. in *Diff. de Phalar. Epp.*, relegabatque illud corpus legum in *Ptolemaeorum* tempora, et *Sophistae* setum esse asseribat. Refellere eum et vindicare illud antiquo *Zaleuco* voluit *Ven. Praeful Warburton. divine Legat. of Moses B. II. Sect. 3. p. 110.* Quae nobis hac de re constituenda esse videantur, in *Epimetro* apponemus.

\* *A principio, inquit, ii, qui ciuitate nostra uti volent, in animum inducant et persuasum sibi habeant, esse deos, et, mente intuentes caelum mundumque, rerumque in eo dispositionem pulcherrimam et ordinem, totam illam magnificentiam ff) non fortuitum neque humanum opus esse*

B 2

\* Ap. Stobaeum l. c. Τοὺς κατοικοῦντας τὴν πόλιν καὶ τὴν χώραν πάντας πρῶτον πεπεισθαι χρὴ καὶ νομίζειν, θεοὺς εἶναι, καὶ ἀναβλέποντας (leg. ἀναβλέπειν, aut del. καὶ ante ἀναβλ.) εἰς οὐρανόν, καὶ τὸν κόσμον καὶ τὴν ἐν αὐτοῖς διακόσμησιν καὶ τάξιν· (interpolata haec: abest ap. Diodor. καὶ τὸν κόσμον. tum verbum deficit θεωρεῖν, ἐπισκοπεῖν aut simile quid; forte fuit καὶ ἀναβλέποντας εἰς οὐρανὸν τὴν διακόσμησιν καὶ τάξιν ἐπισκοπεῖν. cf. Diodori verba.) οὐ γὰρ τύχης οὐδ' ἀνθρώπων εἶναι δημιουργήματα. σέβασθαι δὲ τοὺτους καὶ τιμῆν, ὡς αἰτίους ὄντας ἀπάντων ἡμῖν ἀγαθῶν τῶν κατὰ λόγον γιγνομένων. ἕκαστον οὖν ἔχειν καὶ παρασκευάζειν δεῖ τὴν ἑαυτοῦ ψυχὴν πάντων τῶν κακῶν κηδαράν. ὡς οὐ τιμᾶται θεὸς ὑπ' ἀνθρώπου φαύλου, οὐδὲ θεραπεύεται δαπάναις, οὐδὲ τραγηθῆναι τῶν ἀναλισκομένων, κατὰ πᾶρ μοχθηρὸς ἄνθρωπος, ἀλλ' ἀρετῇ καὶ προαιρέσει τῶν καλῶν ἔργων καὶ δικαίων. (Ap. Diodor. est: ὡς τῶν θεῶν οὐ χαιρόντων ταῖς τῶν πονηρῶν θυσίαις τε καὶ δαπάναις, ἀλλὰ ταῖς τῶν ἀγαθῶν ἀνδρῶν δικαίαις τε καὶ καλαῖς ἐπιτηδεύσεσι.)

διὸ ἕκαστον δεῖ εἰς δύναμιν ἀγαθὸν εἶναι καὶ πράξει καὶ διακίρρει τὸν μέλλοντα ἔσσεσθαι θεοφιλῆ, καὶ μὴ φοβεῖσθαι τὰς εἰς χρήματα ζημίας μᾶλλον τῶν εἰς αἰσχύνην τεινόντων· καὶ πολίτην ἀμείνονα ὀνομάζειν τὸν τὴν οὐσίαν προϊέμενον μᾶλλον τοῦ καλοῦ καὶ δικαίου.

ff) κατασκευάσμα et paullo ante καὶ ταῖς διανοαῖς ἐπισκοπεῖν τὸν οὐρανὸν καὶ τὴν διακόσμησιν καὶ τάξιν, κρίνειν οὐ τύχης οὐδ' ἀνθρώπων εἶναι ταῦτα τὰ κατασκευάσματα. ap. Diod. At Stobaeus post εἰς οὐρανὸν apponit καὶ κόσμον, Pythagoricam vocem. Nisi tamen reliqua et ipsae sententiae Pythagoreum auctorem proderent, huic vni argumento, quod multis modis solui potest, non tantum tribueremus, quantum Bentlej. p. 195.

esse cognoscant et iudicent, deosque tanquam omnium, quae huic vitae insunt honesta et bona, unicos hominibus auctores ac largitores, colant; animum autem suum unusquisque ab omni vitiorum labe purum habeat et comparet, necesse est: siquidem numen non malorum sacrificiis et in rem sacram factis sumtibus g), sed bonorum iustis et honestis studiis vitaeque rationibus ac rectis factis gaudet h).

Itaque unumquemque, qui deo carus esse cupit, tum voluntate atque animo, tum facto, pro virili i) bonum esse oportet; nullum porro gravius malum nec cum ulla fortunarum iactura comparandum sibi accidere posse existimet, quam dedecus ex flagitio contractum; et eum demum bonum haberi ciuem iudicet, qui facultates amittere, quam de recto et honesto decedere, malit.

Quotquot

g) τῶν ἀλισκομένων ap. Stobaeum legitur. Bentlej. p.353 τῶν ἀλισκουμένων impurorum emendat. Nescio an alia sit auctoritas idonea vocis ἀλίσγειν contaminare, quam τῶν LXX. Certe lenior medela loci ad manum est: τῶν ἀναλισκομένων. Verba enim sunt: αἷς οὐ τιμᾶται θεὸς ὑπ' ἀνθρώπου Φαύλου, οὐδὲ θεραπεύεται δαπάναις οὐδὲ τραγωδίαις τῶν ἀναλισκομένων, impensarum, καὶ ἄπερ μοχθηρὸς ἄνθρωπος.

h) Haec Stobaeus cum Diodoro. Quae sequuntur, apud illum solum sunt servata. Ceterum cum postremis conveniunt verba Varronis e Manio a Nonio Marcello in voc. patella servata: Quocirca oportet bonum ciuem legibus parere et deos colere, in patellam dare μικρὸν κρέας.

i) εἰς δύναμιν. Fac haec et quae sequuntur omnia, non esse Zaleuci, sed Pythagorei alicuius, annon vel sic eorum aliqua auctoritas erit? talem vitae sanctitatem, mentis pietatem, non mirabimur, aemulabimur? et homines iis sensibus imbutos virtutis laude et nomine priuabimus?

**\*\*** Quotquot vero animos suos ad haec adducere nequeunt, sed ad iniquitatem proniores sunt et procliviores, eos omnes, cum ciues, viros et feminas, tum inquilinos, admonitos esse volumus, ut deos reputent et esse et ab iniusto quoque et malo poenas expetere, utque sibi ante oculos ponant tempus illud, quo unicuique ex hac vita est decedendum. Omnes enim iamiam morti vicinos iniuriarum, quas commisere, et acris subit memoria et grauis inuadit poenitentia, vehemensque votorum ardor, quo vellent exactam sibi vitam omnem fuisse iustam. Quamobrem unumquemque oportet semper, et in singulis adionibus, illud tempus suis cogitationibus adeo familiare facere ac si praesens esset; ita enim maxime recti honestique diligentem curam ac rationem habebit.

**\*\*\*** Si autem quisquam a malo genio, ad ipsum  
B 3 adstante

••• Ὅσοις δὲ μὴ ῥᾶδιον πρὸς ταῦτα τὴν ὁρμὴν πεπεισθαι, (nescio an satis sanum sit: an f. πεπίεσθαι?) τὴν δὲ ψυχὴν ἔχουσιν εὐκίνητον πρὸς ἀδικίαν, ὧς ἡμῖν παρηγγέλλω πᾶσι τοῖς τοιοῦτοῖς πολίταις καὶ πολίταις καὶ ξυνοίκιοις, μεμνησθαι θεῶν ὡς ὄντων καὶ θίξας ἐπιπεμπόντων τοῖς ἀδίκοις· καὶ τίθεσθαι πρὸ ὀμμάτων τὸν καιρὸν τοῦτον, ἐν ᾧ γίνεται τὸ τέλος ἐκάστῳ τῆς ἀπαλλαγῆς τοῦ ζῆν. πᾶσι γὰρ ἐμπίπτει μεταμέλεια τοῖς μέλλουσι τελευτᾶν μεμνημένοις ὧν ἡδίκηκασι, καὶ ὁρμὴ τοῦ βούλεσθαι πάντα πεπράχθαι δικαίως αὐτοῖς. διὸ δεῖ ἕκαστον παρ' ἐκάστην πρᾶξιν αἰεὶ συνοικεῖν τὸν καιρὸν τοῦτον ὡς δὴ παρόντα· οὕτω γὰρ ἂν μάλιστα τοῦ καλοῦ καὶ τοῦ δικαίου φροντισεῖν.

••• ἔν τῳ παραστῇ δαίμων κακὸς τρέπων πρὸς ἀδικίαν· διατρίβειν πρὸς ναοὺς καὶ βωμοὺς καὶ τεμένεσι, Φεύγοντα τὴν ἀδικίαν, ὡς δέσποιναν ἀσεβεστάτην καὶ χαλεπατάτην, ἱκετεύοντα τοὺς θεοὺς συναποτρέπειν αὐτήν. Ἴέναι δὲ καὶ πρὸς ἄνδρας δόξαν ἔχοντας ἐπ' ἀνδραγαθίᾳ, ἀκουσόμενος (leg. ἀκουσόμενον) περὶ εὐδαιμονοῦς βίου καὶ κακῶν ἀνδρῶν τιμωρίας, ἵνα ἀποτρέπη (f. ἀποτρέπηται) τῶν ἀδίκων ἔργων.

## II.

ACADEMIAE GEORGIAE AVGVSTAE  
 PRORECTOR QVINTVM  
 GEORGIVS HENR. AYRER D.  
 CVM SENATV  
 TRICENNALIA ACADEMICA  
 IN A. D. XVII. SEPT. MDCLXVII.  
 RITE INDICIT.

---

*Legum Locris a Zaleuco scriptarum fragmenta.*

Commentatio posterior.

---

**A**d liberaliorem disciplinam nutritionemque, Cives amantissimi, imprimis pertinere videtur et hoc, vt mature adsuefaciamus animos nostros ad sensum publicae felicitatis eorumque bonorum, quae ex egregie instituta administrataque rep., temporum tranquillitate ac securitate, cultuque hoc vitae literarumque lumine, proueniunt, quo tempora, in quae aetas nostra incidit, illustrantur. Vulgaris enim institutio et ratio ita in angustum contrahere solet animos et ad eam consiliorum cogitationumque humilitatem deprimere, vt plane nullum, nisi eius boni et commodi, quod ad se directo spectet, sensum habeant; quicquid autem publice bonum et

et vtile et laetum sit, id parum aut nihil ad se pertinere arbitrentur. Itaque nihil plane ab iis cogitari, fuscipi, agi, curari, designari potest, nisi in quo lucelli alicuius spes affulgeat, aut voluptatis species arrideat, aut vanae laetudinis aura adspiret. Quo quidem cum animo et consilio an quicquam praeclari in rep. geri possit, nisi forte casus fortuitus et rerum aliquis commodus nexus ita ferat, vos ipsi, Commilitones, iudicate. Scilicet generosiore spiritu, maiore animo et liberaliore indole opus est, ut vel ea, quae officii ac muneris ratio facere iubet, ita facias et exsequaris, ut honestam inde laudem et bonorum existimationem consequaris. Eosdem hos, ingenuis animis dignos, sensus afferre debetis, Ciues, ad sollennia Academiae nostrae anniuersaria, quae nunc in ante diem XVII. Sept. rite indicimus. Parum liberalis ac potius fordidi esset ingenii, rogare, quid illa publica vota ad me? Ad hominem et ciuem, nihil in rep. geri potest, quod non pertineat. Publica felicitate optimus quisque laetatur, ut non magis sua domestica, cuius ista et fundus et tutela est. Vos itaque, o Nostri, et generis et animi nobilitate florentissimi, sollennibus his pompa in Templum Academicum ducta celebrandis frequentes et fauentes adeste, et Rhetorices Professore, C. G. HEYNE, oratione super noto illo dicto: *Vitam sine litteris mortem esse* \*), habita, noua vota publice suscipientem be-

B 5

neuolis

\*) Graece dixeris: *Βλὸς ἔμποςος ἀβλῶτος*. Ductum ab illo Senecae Epist. LXXXII. *Otium sine litteris mors est et hominis viui sepultura.*

neuolis animis audite. Nos interea telam nuper de Zaleuci legibus coeptam nunc pertexemus.

Praemisso prooemio, quae subiectae fuere leges, eae ad sequentia maxime, quantum quidem ex iis memoratum reperimus, capita reuocandae esse videntur: †)

*Legibus omnes parento. Magistratus reuerentor: iis quisque assurgito, quod imperatum est, facito. Si quidem apud homines qui bonam mentem habent et saluti suae consulunt, secundum deos, daemones et heroes, proximus honos habetur parentibus, legibus et magistratibus. Ciuitatem aliam, quam patriam suam, amiciores sibi nequis facito: si fecerit, diis patriis iratis id se facere exislimato. Tale enim studium prodicionis initium fieri solet. Illud autem etiam grauius, si, patrio solo relicto, in aliena ciuitate degat. Patria enim nihil nobis coniunctius a).*

Haec

†) Est de iisdem Jo. WILH. ENGELBRECHTI Diff. *Leges Locrensiū Zaleuco auctore promulgatae* Lips. 1699. Sed fere vulgaria, aut quae pro illis quidem temporibus non male disputari poterant, in ea offendas.

a) Ap. Stobaeum Serm. XLII. p. 280. *καταίσθαι δὲ τοῖς νόμοις ἅπαντας, καὶ τοὺς ἄρχοντας αἰδεῖσθαι, καὶ ἐξίστασθαι, καὶ ποιεῖν τὸ παραγγελλόμενον, ὡς μετὰ θεοῦς καὶ δαίμονας καὶ ἥρωας γονεῖς τε καὶ νόμοι καὶ ἄρχοντες σύναγγύς εἰσι ταῖς τιμαῖς παρ' ἀνθρώποις νοῦν ἔχουσι καὶ σωθησομένοις. πόλιν δὲ φιλαιτέραν μηδεὶς ἄλλην ποιεῖσθω τῆς ἑαυτοῦ πατρίδος, ὡς θεῶν πατρῴων νεμεσάντων. ἀρχὴ γὰρ προδοσίας φύεται τοῖς ταῦτα βουλομένοις. ἔτι δὲ χαλεπώτερον, τῆς οἰκείας γῆς στερόμενον ζῆν ἐπ' ἁλλοτρίας· οὐδὲν γὰρ ἐστὶν οἰκειότερον πατρίδος.* Achaeorum legem de patria non deferenda ex Ouidio nouimus, vbi de Myscelo: Met. XV, 29. *prohibent*



Haec in ciuitate, quae in medio multarum populari imperio vtentium rerump. sita est, non inutiliter praecipere vnusquisque facile videt.

*Nemo aliquem de ciuium numero, quos leges eadem rep. frui voluere b), implacabili odio prosequitur. Neque enim vel magistratu vel iudicis munere recte fungi potest is, qui animum imperare sinat menti c). Sed inimitias quisque cum altero ita suscipito, tanquam iterum in gratiam cum illo et amicitiam rediturus; qui secus fecerit, a ciuib. suis pro immani et feroci homine habetor d).*

In

*bent discedere leges, Poenaeque mors posita est patriam mutare volenti.* Sententiam verborum, vt in legum formulis, quam commodissime reddere studemus, sed singularum rerum rationes reddere in tali scriptione molestum esset. In vltimis: ἐτι δὲ χαλεπώτερον, τῆς οἰκείας γῆς στερόμενον, ζῆν ἐπ' ἀλλοτρίᾳ, parum commode dictum στερόμενον, de eo qui patriam migratione deferit.

b) Stob. ibid. μηδὲ ἐχθρὸν ἀκατάλλακτον μηδεὶς μηδένα νομιζέτω τῶν πολιτῶν, οἷς ἐφῆκασιν οἱ νόμοι μετέχειν τῆς πολιτείας. Non de iis, qui reip. administrandae praeficiuntur, sed omnino de ciuib. accipienda haec; nam hi tantummodo dici possunt μετέχειν τῆς πολιτείας. Et sequitur: ὡς ὁ τοιοῦτος οὔτε ἀρξαι δύναται ἂν οὔτε δικάσαι καλῶς, τὸν θυμὸν ἔχων κυριώτερον τοῦ λογισμοῦ. Scilicet e ciuium numero et iudices et magistratus leguntur. Sed et comparato Diodori loco XII, 20. vniuersae haec omnibus praecepta esse intelligas: προστάττων, μηδένα τῶν πολιτῶν ἐχθρὸν ἀκατάλλακτον ἔχειν etc.

c) τὸν θυμὸν ἔχων κυριώτερον τοῦ λογισμοῦ, apud Stob. vt modo vidimus; philosophico dicendi more et hoc dictum.

d) Haec apud Diodor. II, 20. τὸν δὲ παρ' αὐτὰ ποιῶντα, διαλαμβάνεσθαι παρὰ τοῖς πολίταις ἀνήμερον καὶ ἄγριον τὴν ψυχὴν. Si nostra instituta hoc ita terrent, aut. quod

In ciuitate enim libera multo grauiora et acerbiora odia inimicitiaeque suscipi et exerceri solent, quam in aliis imperiis. Notabile vero hoc, quod animaduersionis loco in hominem durum et implacabilem censura publica et iudicium ciuium de eo sinistrum subiicitur.

*Iniquis sermonibus et maleuolis obtreccationibus siue in remp. omnino, siue in singulorum ciuium famam grassari pro nefario scelere habetor. De iis, qui ita delinquant, cognitionem magistratus, legum custodes, habento, eos primum admonendo, mox, si non paruerint, mulando e).*

*Ex propositis publice legibus si quam apparebit non bene latam esse, mutari eam in melius fas esto; comprobatis et sancitis omnes parento. Leges enim semel scitas ciuium voluntatibus esse obnoxias nec decet nec conducit f); at legum tanquam summum imperium pati ac*

quod facile vnaquaeque ciuitas et vicinia et sodalitas instituire posset, censura publica vel tacita vel expressa recte administraretur; ad emendandos homines plus forte effectum esset, quam aut doctrinis, quae captum vulgi excedunt, aut poenis ac suppliciis propositis.

- e) Apud Stob. l. l. μηδεὶς δὲ λεγέτω κακῶς μήτε κοινῇ τῇν πόλιν, μήτε ἰδίᾳ τὸν πολίτην. ἀλλ' οἱ τῶν νόμων φύλακες ἐπιμελείσθωσαν τῶν πλημμελούντων, πρῶτον μὲν νοουθετοῦντες, ἐὰν δὲ μὴ πείθωνται, ζημιοῦντες. Simile praeceptum inter leges est Platon. lib. XI. extr. Cic. II, 8. ad ferias traxit: *Feriis iurgia amouento*. quippe in quibus inprimis ex conuentu hominum et hilaritate rixae exoriri solent. Comprehensum hoc idem sub voc. *fauere linguis*. v. de Div. I, 45. cf. Turneb.

- f) τῶν δὲ κειμένων νόμων ἐὰν τις δοκῇ μὴ καλῶς κεῖσθαι, μετατιθέμεν (leg. μετατιθέναι) ἐπὶ τὸ βέλτιον· μενόντων δὲ, πάντας παιδαρχεῖν. ὡς ὑπ' ἀνθρώπων μὲν ἡττάσθαι τοὺς κειμένους νόμους οὐ καλὸν οὐδὲ συμφέρον.

ac perferre, honestum iuxta et utile est g). In nec obediētes et noxios ciues animaduertitor, ut qui in ciuitatem imperii detrectandi licentiam, quod omnium malorum principium est, inserant. h)

Magistratus ab omni arrogantia et superbia abstinento, nec ad contumeliam ius dicunto. Omni amicitia et odio vacanto, iustitiam unice spectanto. Ita demum et iudicia pronuntiabunt quam iustissima, et videbuntur esse digni, quibus sanctissima res, ius ciuium, permittatur i).

Seruos quidem per timorem iuste facere, par est; liberos vero homines per verecundiam et honestatem. Quocirca etiam magistratus tales esse oportet, ut ciuibus suis digni videantur apud quos erubescant k). Praeclare hoc! modo non exploratum haberetur, bonos magistratus,

g) ὑπὸ δὲ νόμου βελτίονος ἡττώμενον κατακρατεῖσθαι, καὶ καλὸν καὶ συμφέρον. secundum illud Pindari: νόμος πάντων βασιλεὺς θνατῶν τε καὶ ἀθανάτων. De quo v. Rittershus. ad Porphyrr. p. 84. et multo magis Valk. ad Herodot. III, 38. p. 215. Diodor. XII, 16. vbi haec inter Charondae leges memorat, paullo obscurius expressit, τὸ μὲν γὰρ ἡττᾶσθαι ὑπὸ νομοθέτου (melius ὑπὸ νόμου) καλὸν εἶναι, ὑπελάμβανε, τὸ δὲ ὑπὸ ιδιώτου, παντελῶς ἀτοπον, καὶ εἰ ἐπὶ τῷ συμφέροντι γίνεσθαι.

h) τοὺς δὲ παραβλίνοντας ταῦτα χρηὴ κολλάζειν ὡς κατασκευάζοντας τῇ πόλει μεγίστων κακῶν ἀρχὴν, ἀναρχίαν.

i) ἀρχοντας δὲ μὴ εἶναι αὐθαδεῖς μήτε πρὸς ἐπὶ ἡρείαν κρίνειν, μηδὲ μεμνησθαι κρίνοντας Φιλίας καὶ ἔχθρας, ἀλλὰ τοῦ δικαίου. οὕτω γὰρ ἀποδιώσουσι τὰς κρίσεις δικαιοσύνης καὶ τῆς ἀρχῆς ἔσονται ἄξιοι. Stob. l.c. Diod. XII, 20.

k) Stob. p. 280. τοὺς μὲν οὖν δούλους προσήκει διὰ φόβον πράττειν τὶ τῶν δικαίων, τοὺς δὲ ἐλευθέρους δι' αἰδῶ καὶ τὸ καλόν. διὸ χρηὴ καὶ τοὺς ἀρχοντας εἶναι τοιούτους, ἵν' ἔχωσιν οἱ ἀρχόμενοι τοὺς ἄξιους αἰσχύνης.

gistratus, pariter ac *bonos ciues, non legibus, sed moribus contingere.*

Sequitur de lege abroganda locus nobilissimus. *Si quis de legibus sancitis aliquid derogare aut nouam legem rogare voluerit, is collo in laqueum inserto de lege verba facito. Si suffragiis latis antiqua lex abroganda, aut noua, quae ad populum lata est, comprobanda esse et accipienda videbitur: indemnitas maneto. Sin antiqua lex melius se habere, aut, quae noua proponitur, iniusta esse videbitur, ei, qui legi abrogat, derogat, obrogat, aut nouam rogat: laqueo attracto gula frangitor 1).*

## De

- 1) εἰν δὲ τις βούληται τῶν κειμένων νόμων κινεῖν ἢ ἄλλον εἰσφέρειν νόμον, εἰς βρόχον εἴρας τὸν τράχηλον λεγέτω τοῖς πολίταις περὶ αὐτοῦ· καὶ εἰν μὲν διαψηφισομένων δόξῃ λελύσθαι τὸν νόμον, ἢ ὑπάρχειν (obtinere locum) τὸν εἰσφερόμενον, καὶ αὐτὸν ἀΐδων εἶναι. εἰν δὲ ὁ προυπάρχων μᾶλλον δοκῇ καλῶς ἔχειν, ἢ ὁ εἰσφερόμενος ἢ ἄδικος· τεθνήσκει τὸν κινεῶντα ἢ εἰσφέροντα νόμον, ἀπισπασθέντος τοῦ βρόχου. Stobensis *ibid.* p. 280. et ex Hierocle *idem* Serm. XXXVII. p. 229. extr. Demosth. adv. Timocr. p. 480. A. B. ed. Reisk. p. 744. (ubi τὰ πάτρια περιστέλλειν est, *instituta maiorum minuire, sepire*) Polyb. Ecl. lib. XII, 7. e quo eum, qui nouam legem suaderet, in confessu elo virum id fecisse apparet. Eodem in loco de legis sententia summus in vrbe magistratus, qui Cosmopolis erat dictus, cum priuato contendit. Zaleuci lege id factum diserte ap. Polyb. editum. Demosthenes Locrensiū modo legem memorat, auctoris non meminit. Charondae Thuriisque hanc legem, vti et alia, tribuit Diodorus XII 17. etiam legem de iure talionis mutatam, quam ad Locros retulit Demosthenes. Sed grauior esse debet Demosthenis auctoritas; in quo Bentlej. sequimur p. 343-345. cf. Wesseling. ad Diodor. l. c. et infra Prolog. IV. de LL. Charondae. adde Vales. ad Harpocr. in ἐτερόφθαλμος.

De utilitate talis legis multa passim a viris prudentibus disputata sunt; et eam quidem certis reip. temporibus accommodatissimam esse posse, non negatur, perpetuam tamen eandem esse non debere recte contenditur; possunt enim eae rerum vicissitudines incidere, ut lex tum cum ferretur utilissima aliquando perniciem reip. afferat. Praeclare etiam in eam sententiam disputatur, ut legum omnino custodia certo magistratui mandetur, qui singulis decenniis vel vicenniis de legibus novandis ad populum ferat, si temporum quidem vicissitudines, reip. incrementa et opes, vel calamitas aliqua, vel novae exortae causae, quibus lex non prouiderat, quicquam in iis novari iusserint. Sed quod ad Zaleucum attinet, eum meminisse debemus in civitate libera, in qua summum imperium non in unum delatum sed populo servatum esset, leges scribere. Iam autem imperium popolare multo pleniori et religiosiori legum obsequio multoque severiori disciplinae adstrictum esse solet, quam alterius formae resp.; tota eius salus legum perpetuitate et intacta sanctitate continetur; ut legem male positam esse satius sit, quam male tolli; nec facile vlla democratia soluta est, nisi legibus antiquis solutis; multaque eius rei exempla ante oculos Zaleuco versari debebant. Porro et apud ipsos Locros magistratus, cui legum custodia mandata esset, fuisse videtur, si quidem supra cognitio in eos, qui remp. aut ciues suos improbe et invidiose dictis lacefferent, mandata dicebatur *legum custodibus m)*; atque etiam legem, si quam minus bene  
latam

m) νόμων φύλακες ap. Stob. p. 280.

latam esse apparuisset, emendari potuisse, paullo supra positum in his ipsis legibus vidimus. Quo ipso intelligitur, legem illam tantum ad priuatos spectasse, vt eorum impetus reprimeretur, ne labefactarent leges patrias: at magistratum legitime constitutum de legibus ferre potuisse. Addit Demosthenes narrationi, per plus quam CC annos non nisi semel vnā legem de talionis iure esse mutatam.

Progressus inde Zaleucus ad reliqua sigillatim et per partes constituenda, super ea, quae fere hisce in rebus scribi a legumlatoribus solent, *ex proprii ingenii acumine multa sapienter et egregie inuenisse et sanxisse* memoratur n). Inprimis autem ad bonam *feminarum disciplinam* nonnulla praeclare constituisse videtur. Cum enim alii legumlatores, qui *mulierum pudori prospicere vellet, luxuriam earum et impudicitiam, quae multarum calamitatum publice priuatimque causa est, grauibus multis pecuniariis irrogatis reprimere se posse putarent, ipse ingenioso poenae genere incontinentiam earum continuit o)*. Ita enim scripsit:

*Mulierem ingenuam, nisi quae ebria sit, plus una ancilla ne comitator. Extra urbem noctu pedem ne efferto, nisi adultero se prostitutura p)*. *Aurum vestemque clauo siue aureo siue purpureo distinctam ne gestato; meretrici*

n) ap. Diodor. XII, 21.

o) Diodori verba sunt l. l. vbi v. Wesseling.

p) Non absimilem rationem commentus erat Solon, qui et ipse mulierum ingenia disciplina domestica ac publica compescere voluerat. ap. Plutarch. p. 90. B. *De nocte iter ne facito, nisi curru vecta ad lucernam, λύχνον προφαίνοντες.*

*meretrici gestare fas esto q).* Candida scilicet veste vti debebant matronae, vt ex Svida intelligitur. Porro:

*Annulum aureum et vestem operosiore et pretiosiore r), nisi qui scortatione se vel adulterio contaminat, ne quis gestato: s)*

Hoc

q) γυναῖκι ἐλευθέρα μὴ πλείω ἀκολουθεῖν μιᾷ θεραπαινίδος· εἰ μὴ μεθύη· μηδὲ ἐξίεναι νυκτὸς ἐκ τῆς πόλεως, εἰ μὴ μοιχευομένην· μηδὲ περιθέσθαι χρυσία μηδὲ ἐσθῆτα παρυφασμένην, εἰ μὴ ἑταῖραν. Apud Svidam in Ζάλευκος minus accurate hoc idem narratum: προϊούσας ἐπ' ἀγορᾶς γυναῖκας, τὴν μὲν ἐλευθέραν λευχείμονα μετὰ οἰκείων βαδίζειν, παιδίσκη μίαν ἔχουσιν· τὰς δὲ ἄλλας ἐν ἀνδραῖς. Aurum et verlicolores vestes etiam Syracusanae leges non nisi meretricibus gestare permittebant. Athen. XII. p. 521. B. Similis lex Atheniensium v. Petit. LL. Attic. VI. tit. 5. § 7. Comparari quoque potest Romanorum institutum, vt ingenuas mulieres stola cum instita ac vitta insigniret; etiam Henrici IV Galliarum Regis edictum anni 1601, quo auri argenteique vsus in vestitu interdicitur omnibus; adiectum esse fertur, praeterquam meretricibus et nebulonibus: *excepté pourtant aux filles de joye et aux filoux, en qui nous ne prenons pas assez d'intérêt, pour leur faire l'honneur de donner notre attention à leur conduite.* Memorabilis legis oratio esset, si vere haec in lege lecta fuissent. In edicti tamen verbis v. c. in *Grande Conference des Ordonnances et Edicts Royaux — par Jaques Joly* p. 779. non habentur. Sed probabilius est, ex interpretatione alicuius scriptoris esse ea profecta; vti v. c. in *Petro Matthieu*, qui etiam Charondae legem cum illo Edicto comparat. *Histoire de France*, subiecta sunt haec: (T. II. p. 140) *L'Edict devoit dire, que le clinquant estoit defendu à toutes sortes de gens sauf aux Basteleurs, aux Comediens et aux Courtisans.*

r) μηδὲ τὸν ἄνδρα φορεῖν δακτύλιον ὑπόχρυσον μηδὲ ἱμάτιον ἰσομιλήσιον, εἰ μὴ ἑταίρου ἑταίρου. Dixit ἱμάτιον ἰσομιλήσιον, vestem Milesiae parem; utebatur hac voce in Heynii *Opusc. acad.* Vol. II. C primis

Hoc commento, inquit Diodorus, dum pro poenis foedas ac probrofas condiciones poneret, sub quibus intemperantem et flagitiosum esse liceret, facile effecit hoc, vt, cum nemo turpis probri, pro poena inflicti, confessione ciuibus suis contem-  
tui ac ludibrio esse sustineret, a noxio luxu et in-  
temperantia eos auerteret. Rationem autem legis  
ita melius tenebimus, si reputauerimus, perditos  
Etruscorum mores totam Italiam, etiam ex Cam-  
paniae coloniis, tanquam contagio, contaminasse,  
et in Locrorum vicinia Sybaritas luxu diffluisse.  
Apud hos inprimis infamis mos delicatos pueros  
alendi et ingenuos pueros in deliciis habendi vi-  
guit t).

Scilicet

primis Bentleius ad conuellendam harum legum aucto-  
ritatem; Miletum Asiae longius abfuisse, Apuliae,  
Calabriae et Tarentinas lanas fuisse propiores. Poterat  
vel sic responderi, nos legis vim, non ipsa verba, ha-  
bere. Verum concidit tota Bentleii ratio, si tenea-  
mus, Sybaritas Milesia lana ad vestimenta esse vsos,  
eamque rem magnam inter Sybaritas et Milesias ami-  
citiam conflasse et commercia mutua conciliasse: v.  
Athen. XII. p. 519. B. secundum Timaeum, quem Dio-  
dorum quoque in deperditis exscripserat, vt ex fra-  
gmento intelligitur in Eclogis: Wessel. ed. To. II. p.  
549. Doctissimus hic vir ad Diodor. XII, 21. Bent-  
leio adstipulabatur: verum ad Herodot. VI, 21. ex  
Athenaei loco alia constare vidit.

- s) Diodor. XII, 21. Ceterum etiam hanc legem trans-  
scribere Syracusani. v. Athenaeus ex Phylarcho p.  
521 B. Procliue est, cum Wesselingio ad Diodor.  
p. 492. in eam deuenire opinionem, Dioclem haec  
in Syracusanorum leges e Locricis transtulisse.
- 2) Athen. XII. p. 518. F. e Timonis Sillis, vt probabile  
sit: Ἐθὺς δὲ κατ' αὐτοῖς, καὶ τοῖς παιδῶν μέχρι τῆς  
τῶν ἐφήβων ἡλικίας ἀλουργίᾳς τε φορεῖν καὶ πλοκα-  
μίδας.



Scilicet et has leges in ciuitate ad popularis imperii formulam descripta sancitas esse tenendum est; qualis ciuitas, vti morum sanctitate ac testimonia disciplinaeque seueritate vel maxime continetur, ita legibus sumtuariis, iisque accuratius perscriptis, carere non potest. Etsi autem in ipso legum harum argumento nonnulla sint, quae reprehendi posse non negemus: in eo tamen hominis acumen facile agnoscas, quod honoris et infamiae sensu apud ciuium suorum animos, ad reprimendam libidinem et luxuriam, vnice sibi vtendum esse vidit. Frustra enim leges scribuntur, multaetaeque et poenae proponuntur, si modo proponi possunt, in eos, qui in corpora sua et bona aut in suos suamque posteritatem flagitiose saeuiunt. Ab existimationis bonae malaeque et famae sensu ac studio, ipsa disciplina publica priuataque animis ciuium iniecto, quodcunque hic est praesentis remedii, petendum est. Magno igitur tempora nostra praesidio ad rectam disciplinam carent, quandoquidem dedecus, probrum ac turpitudine, a flagitio, libidine ac scelere, ad paupertatem, rei familiaris angustias et generis humilitatem, migravit; in contemptu haberis propter loci et fortunae tenuitatem in erogando sumtu ad externum vitae cultum; contra auctoritate flores etiam cum animi sordibus et inter vitae flagitia, modo genere et opibus valeas.

Ad disciplinae seueritatem et austeritatem pertinet et illa Zaleuci lex, qua ebrietatem e ciuitate sua proscribere voluisse videtur. Cum enim alii legumlatores facinora tantum e temulentia orta puniant: ipse facinorum causam praecidere voluit:

*Si quis merum biberit, nisi id medici iussu, valetudinis recuperandae causa, factum fuerit, id ei capitale esto u).* En legem Mohammedicam ante Mohammedem, et sub caeli plaga diuersa; ab eadem tamen causa, vt probabile fit, profectam, cum, animaduersis exitiosis effectis, non haec, sed causam ipsam, tollendam esse iudicaret legum auctor. Quod legum et institutorum genus cum naturae humanae vim faciat, vim habere solet quamdiu morum asperitas vitaeque austeritas durat. Cum ipso vitae cultu, multo magis luxus contagione, solui necesse est.

Hae et similes leges aliae fecisse videntur, vt pro seuerissimis haberentur omnino eae, quae a Zaleuco scriptae sunt, veteri prouerbio: *Zaleuci lex x).*

*Multam idem dixisse fertur ei, qui e peregrinatione redux, quaesiuerat: num quid noui.* Sed an hoc a Zaleuco constitutum sit, dicere vix habeas. Plutarchus, a quo hoc fluxit, Egregie, inquit, Locrorum

u) αἷτις ἀκρατον ἐπίς, μὴ προτάξαντος ἱατροῦ, θανάτου ἐναντα (hoc itaque exceptum lege fuit). Θάνατος ἦν ἡ ζημία ap. Athenaeum X. p. 429 A. At Aelianus V. H. II, 37. qui aut Athenaeum exscripsit, aut ex eodem fonte hausit. rem ita effert: *Si quis aegrotans vinum merum bibisset, iniussu medici, etiamsi conualuisset, mortis ei supplicium erat constitutum, quod, cum non praescriptum ipsi esset, tamen biberat, ὅτι μὴ προτάξαντος αὐτῷ ὁδὸς ἐπινεν.* Sed huic exscriptori fidem minus habeas, quandoquidem ille interpretandi et ordinandi studii reus habetur infinitis exemplis.

x) ap. Zenob. Cent. IV, 10. Diogenian. Cent. IV, 94. Mich. Apostol. IX, 50.

Locrorum magistratus y) in hoc sunt versati, qui peregre venientem et quaerentem, ecquid novi, mulctarunt.

Haecenus de iis, quae ad morum disciplinam pertinuisse videntur. De criminibus publicis priuatisque haec dicenda habemus :

Ephorus apud Strabonem z) hoc a Zaleuco inprimis noue institutum memorat, quod, cum priores legumlatores singulis delictis imponendae poenae modum ac definitionem iudicibus permisissent, ipse in legibus poenas expresserit, in quibus nihil iudicum arbitrio vel libidini relictum esset; *ratus scilicet sententias iudicum de iisdem causis non semper esse easdem, poenas autem eiusdem criminis semper easdem esse debere \**). Paullo obscurior est

C 3

sententia

y) οἱ τῶν Λοκρῶν ἀρχόντες. Plutarchus de Curiositate p. 519. B.

z) lib. VI. p. 398. C.

\*) ἡγούμενος τὰς γνώμας τῶν δικαστῶν οὐχὶ τὰς αὐτὰς εἰ-  
ναι περὶ τῶν αὐτῶν, δεῖν δὲ τὰς αὐτὰς — — hic hiat  
oratio in libris vulgaris. Videtur aliqua lux affundi  
posse ex loco Diodori XII, 16. vbi eadem lex, cum aliis,  
ad Charondam transfertur. Coniungitur enim haec  
iudiciorum lex cum illis, ut nemini quicquam in legi-  
bus semel sancitis mutare integrum esset. *Ea cum  
maxime ratione eos, qui in iudiciis praetextus et sensus  
(voluntates legislatoris pro expressis verbis introdu-  
cunt, compescuisse, ne cauillationibus suis legum au-  
thoritatem labefactarent.* Adde idem factum esse ideo,  
ut in causis capitalibus aliores interdum hoc dicto ute-  
rentur: aut legem, aut reum seruari necesse esse; cum  
scilicet pro eo multa ex aequitatis rationibus possent  
disputari.

sententia; illud tamen satis constare videtur, apud Locros in declaranda legis sententia nihil ad interpretandum acumini iudicis fuisse datum, sed intra litteram legis omnem rationem substituisse. In quo tamen mirandum illud videri potest, quomodo in tam modico legum numero omnia tam plene et accurate definita esse potuerint, ut ipsa legum sententia omnes causae viderentur esse decisa. Morum simplicitati, litium paucitati et iudicum dilectui et sanctitati id fortetribuendum. Sed et in poenali tantum rei iudiciariae parte severitatem illam interpretationis obtinuisse tenendum est.

Viguit etiam inter Locros lex Mosaica, certissimum simplicitatis et vitae et temporum documentum *a)*, ut oculo lueres oculum alteri elisum, neque ea poena vlla aestimatione redimi posset. Quae lex quas turbas dederit, cum vnoculo oculus excussus esset, nota est narratio *b)*. Ex superiore tamen lege disceptatio statim diremta esse debuit, cum in ipsis legum verbis iudici esset manendum. Eius tamen, qui vnoculus erat, suasionem legi haecenus derogatum narrat Demosthenes, ut, qui ei vnum oculum excussisset, utroque priuaretur. Etiam Diodorus, qui hanc legem ad Charondae tabulas transtulit, disertè narrat, eius, qui oculo quem vnum habebat excusso fuerat excaecatus, suasionem legem fuisse abolitam (XII, 17); minus tamen probabile hoc de Thuriis quam de Locris traditum bene monuit Bentleius.

In

*a)* Etiam inter Solonis leges fuit v. Diog. Laert. I, 57.

*b)* v. Demosth. in Timocr. p. 480 B. (p. 744. ed. Reisk.)

In adulteros lex constituta, *ut oculis*, quibus male visi essent, *priuarentur* c). Quam legem in filio adulterii reo ita temperasse fertur Zaleucus, ut alterum oculum filio, alterum sibi ipsi excuteret. Neque tamen hoc memoratum vidimus, an multi excaecati incedentibus per vias urbis occurrerint. Potuit autem seuerior aliquis illud ipsum, quod alii a Zaleuco factum mirantur, in fraudem legis factum dicere, cum legum verbis esset inhaerendum, non verbi aut facti cauillatione verborum vis eludenda.

De *Iuribus priuatis* quod commemoremus, habemus illud, quod apud Strabonem ex Ephoro affertur d), Zaleucum *de contractibus simplicius*, quam alios Legumlatores, *leges suas descripsisse*. Quod quam salubriter factum esset, non animaduertentes Thurii e), cum contrario modo singula ad sum-

C 4

mam

c) Aelian. V. H. XIII, 24. Val. Max. VI, 5, 3. Heraclides Ponticus de Politicis, qui furtum memorat, aut potius is qui eum excerpsit, tit. *περί Λοκρῶν*, vix audiendus. v. Perizon. ad l. l. Aeliani. Simfon. Chron. ad 3560. *Aduersus plagiarios, itidem in adulteros ac fugitiuos, a Locris poenas esse constitutas*, etiam Timaeus, qui ad eos profectus erat, deprehenderat ap. Polyb. Exc. de V. et V. (To. III. Opp. p. 40.) Quam vim leges ad deterrendos amatores a vi amasio inferenda habuerint, ut mallent gulam laqueo frangere, exemplum ap. Maxim. Tyr. diss. 26. p. 28 R. occurrit, quod vnde ille habeat non succurrit.

d) Strab. VI, p. 398. extr. p. 399.

e) Debent itaque Thurii Locrorum leges adoptasse. Et sane apud Athenaeum XI, p. 508. Thuriarum legumlator appellatur Zaleucus; et apud Scymnum Chium v. 349 sq. Sybaritae periisse memorantur, cum Zaleuci leges

mam subtilitatem exigent, et, quod in quaque re summum esset, persequerentur, factum est, ut maiorem illi quidem inde celebritatem consequerentur, sed deteriorem haberent remp.; Quippe bonis regi legibus non eos, qui legibus suis omnem calumniae locum volunt praeccludere, quod fieri quidem nequaquam potest, sed qui leges simpliciter scriptas omni fide et cura tuentur. Atque ita etiam Plato sensit, dum, apud quos plurimae sint leges, apud eosdem plurimas ait esse lites et mores pessimos; sicut morbi esse soleant plurimi, ubi multi sint medici. Haec quidem Strabo.

*Ne syngrapham pro pecunia foenebri dari liceret, lege Zaleuci interdictum fuisse, apud Zenobium f) legimus. Non satis explorata nobis legis mens est; sed aut foenori, graui in rep. malo, omnino occurrere, aut fidem bonam ita fundare voluisse videtur, ut nuda stipulatione constaret, non autem in syngrapharum laqueos et cauillationes induceretur. Habuisse ea lex hunc exitum memoratur, ut multi essent, qui contractus inficiarentur. Requirebat saltem lex antiquam fidem et iurisiurandi sanctitati, quae inter priscos homines summa fuit; ab eadem cum desciscerent seriores, scripto opus fuit, quod idem nouis fraudibus excogitandis locum fecit. Verum omnino diuersis modis definita fuisse*

leges soluissent. Quae loca nisi rem declararent, possent sane Ephori verba in alienam sententiam accipi. cf. Fabric. B. Gr. T. I. p. 535. °

f) Zenob. Prov. Cent. V, 4. συγγραφήν ἐπὶ τῶν δανειμάτων μὴ γίνεσθαι. Nisi forte hic homo legem Charondae dicere voluit: v. inf. Prolus. VIII.

fuisse videtur lex; quod ignoramus; colligere tamen licet ex alia lege ab Aristotele commemorata: *ne quis patrimonium suum vendat, nisi manifestam calamitatem sibi ostendat accidisse* \*). Scilicet fuere Locri ex eo ciuitatum genere, in quibus bonorum aequalitas seu fundorum aequa singulis portio erat.

Multas etiam pecuniarias in Zaleuci legibus irrogatas fuisse, ex Hesychii loco g) apparet.

Ius aliquod interdicto *uti possidetis* simile, aut potius cum iure *vindiciarum* apud veteres Romanos comparandum, apud Locros locum habuisse, ex Polybio h) constat. Lex enim Zaleuci fuit, *ut*

C 5

rem,

\*) de Rep. II, 7. p. 430 f.

g) In *Λεπτάς καὶ παχείας* (sc. *δραχμάς*). His quoque vocibus inter argumenta utebatur Bentleius, quibus euincere volebat codicem hunc LL. Zaleuci Sophistae fuisse solum; nam verba illa Attica esse. Nec tamen hoc per se, nisi alia adfuerint, magnam habere potest vim. Potuit Hesych. ex scriptore laudare, qui Zaleuci LL. intexuerat suis scriptis, vel obiter memineral, et ad suae ciuitatis morem accommodauerat verba et computum numorum.

h) Ecl. lib. XII, 7. τοῦτον δὲν κρατεῖν τῶν ἀμφισβητούμενων ἕως τῆς κρίσεως. παρ' οὗ τὴν ἀγωγὴν συμβαίνει γίνεσθαι. Controuersia in hoc tanquam cardine versabatur: legis verba erant, *ut rem, de qua sit controuersia, ille possideat penes quem erat tum, cum in ius fuit adducta, παρ' οὗ τὴν ἀγωγὴν συμβαίνει γίνεσθαι*, h. qui manu iniecta rem vindicatam in ludicium adduxerit. Adduxerat autem is in vindiciarum iudicium, qui mancipium ante possessum et a se abductum iterum repetierat. At alter contendebat sibi mancipii seruandi ius competere, ex sua enim domo illud esse abductum, etiam ab altero. Re a iudicibus ad summum magistratum Cosmopolidem dictum delata, videtur

*rem, de qua sit controuersia, ille possideat, quamdiu  
lis pendeat, penes quem erat, cum in ius fuisset adducta.*  
Narratio eodem loco est de controuersia super hu-  
ius legis sententia orta, cum alter alteri mancipium,  
quod is adhuc possederat, per vim abduxisset,  
prior autem mox mancipium manu prehensum in  
iudicium adduxisset, ac sponsores daret. Iam enim  
vterque, et actor et reus, possessionem rei litigio-  
sae ad se pertinere contendebant. Sed ad causam  
singularem descendere nunc non possumus.

Sunt scilicet adhuc subiicienda nonnulla, quae  
ad legum a Zaleuco latarum rationem omnino et  
indolem spectant. Laudatur itaque in eo et Cha-  
ronda, qui Thuriorum legibus scribendis inclaruit,  
quos etiam Plato imitatus est, et Cicero, et pro-  
bavit Posidonius, quod in legibus non simpliciter  
et nude et imperiose, quae facienda vel omittenda  
essent, prescriberent, verum, priusquam lex ipsa  
proponeretur, in commendationem legis nonnulla  
praemitterent, quibus persuaderent ciuibus, ut eam  
sibi salutarem esse putarent i). At Seneca (Ep. 94)  
impro-

detur hic ita statuisset, ut huic alteri vindicias daret  
et rem pendente lite possidendam addiceret. Legis  
itaque verbis magistratus pertinaciter inhaesit. Ita  
saltem accipienda videntur verba Polybii p. 334. τὸν  
δὲ διαστειλασθαι etc. et secundum hanc interpretatio-  
nem etiam iudices sententiam tulere.

- i) Cicero de L.L. II, 6. *Sed ut — fecit Plato — id mihi  
credo esse faciendum, ut priusquam ipsam legem reci-  
tem de eius legis laude dicam; quod idem et Zaleu-  
cum et Charondam fecisse video. Vix in singulis le-  
gibus putabimus id factum, sed in solo prooemio.*  
Subiungit



improbavit hoc. *Legem enim, inquit, breuem esse oportet, quo facilius ab imperitis teneatur: velut emissa diuinitus, vox sit; iubeat, non disputet. Nihil videtur mihi frigidius, nihil ineptius, quam lex cum prologo. Mone, dic, quid me velis fecisse; non disco, sed pareo.* In tam diuersa iudicia eadem res distrahi potest pro diuerso hominum sensu, pro diuersoque rerum hominumque respectu; alter seruilibus ingeniis imperari, ingenuis et ciuilibus praecipere vult alter. Reputandum verò erat, aliam veterum istarum legum indolem fuisse, aliam Romanarum, quas Seneca respiciebat. Sane ea quae de iure personarum, contractuum, et sic porro, iure ciuili constituuntur, vix prooemia, vulgus de iuris aut ratione aut aequitate edocentia, admittunt; at in istis legibus ea, quam nos politiam vocamus, vel maxime continebatur vna cum ethicis. Prooemium itaque non male accommodatum videri poterat, quo leges tanquam paterno affectu suaderent ac monerent ciues et ad obsequium hortarentur; neque adeo, quae in eo occurrunt, poenarum minationes pro sanctione haberi possunt ac debent \*).

### Neque

Subiungit paullo post ipse Cicero prooemium legis suae, cuius sententia est: esse deum eumque res humanas curare ac bona malaque respicere. *Legis laudem* dixit, h. e. commendationem, eandem, quam mox prooemium vocat; etsi hoc non tam in legibus omnino commendandis versatur, sed tantum ad prima legis capita respicit; in quibus de religionibus agitur.

- \*) Non itaque tam absolum in his prooemiis Zaleuci et Charondae ad deorum ac daemonum poenas provocari. Potuit hoc idem facere Moses; et in prooemio

Neque vero Locrenses in rep. talibus legibus constituta male rem gesserunt. Magna enim eorum fuit per plura saecula felicitas hominumque et opum affluentia et summa *εὐνομίας* laus *k*). Inprimis memorabile est Pindari praeconium, qui post CC. a scriptis inde legibus annos, (circa Olymp. LXXIV). *Iustitiam ait Locrorum urbem regere et esse iis Calliopen non minus quam Martem curae l*). Et altero loco: *eos hospitii facilitate, rerum honestarum et litterarum studiis et fortitudine commendat m*). Quo ipso refellitur iniquissima eorum opinio, qui *humanarum legum* prudentia publicae priuataeque felicitati parum prouideri posse censent. Nec soluta est resp. Locrorum, nisi vi externa; quae si maior fuerit, nihil rerum humanarum est, quod non ab ea infringatur et destruat. Dionysius iunior Ol. CVI, 1. *n*). Syracusis exclusus, cum suis opibus et stipatoribus, Locros, vnde maternum genus ducebat, confugit, paulloque post tam atroci violentia in eos est grassatus,

mio simili consilio scripto quid ni nostra adhuc aetate numinis metus et vitae futurae praemia ac poenae ostendi possint?

*k*) v. Strabo VI. p. 397. D. *πλεῖστον χρόνον εὐνομηθέντας*. Plato de LL. I. p. 638. A. Steph. et in Timaeo pr. vbi cf. Proclus in Timaeum p. 22. Demosth. aduers. Timocr. p. 480. A. Aelian V. H. II, 37.

*l*) Olympion. X, 17. *Νέμει γὰρ Ἀτρέκεια πόλιν Λοκρῶν Ζεφυρίων. μέλει τέ σφισι Καλλιόπα καὶ χάλκεος Ἄρης*. Quod ad Musarum sacra attinet, praestantissimus citharcedorum, Eunomus, ex ea vrbe oriundus fuit. Strabo VI. p. 399. 400.

*m*) Ol. XI, 17 sq.

*n*) a. C. 356; et 327 annis post leges a Zaleuco scriptas.

tus, vt tota ciuitas pessundaretur. Sed videndi hac de re, quos infra laudabimus o).

Haec quidem haftenus. Nos autem legibus patriis et maiorum institutis immanentes non minorem prosperitatem consequi posse existimare debemus. Priuatae enim vitae felicitas aliqua in quacunque reip. descriptione esse potest; tanto ea maior et certior, si Optimi Principis, Regis Indulgentissimi, pietate, clementia et iustitia, Immortalium Virorum sapientia et cura ac fide, et publicae et priuatae cuiusque securitati, tranquillitati et felicitati prouidetur. PP. d. XVI. Sept. c1010ccclxvii.

- o) Strabo VI. p. 397. 398. cf. Athen. XII. p. 541. D. E. e Clearchi libro V. Vitarum. Aelianus V. H. IX, 8. Ad ea respiciunt Plutarch. Timol. p. 242. C. et Aelian. V. H. VI, 12.

# Epimetrum I.

## de Locris.

*Sunt hi Locri (Epizephyrii) colonia eorum Locrorum qui in sinu Crissaeano habitant (Locrorum Ozolarum) ab Euanthe deducta, non multo post Crotonem et Syracusas conditas. Est haec Strabonis auctoritas eaque grauissima (lib. VI. p. 397. C.). Addit idem falso ab Ephoro a Locris Opuntiis eos fuisse repetitos. Ephoro tamen adstipulati sunt alii scriptores, in his ipse Virgilius (Aen. VII, 399): Hic et Narycii posuerunt moenia Locri; est enim Naryx Opuntiorum a). Et videntur ipsi Locri hoc probasse, quandoquidem heroem suum Ajacem Locrum colebant, qui Opuntios duxerat, et eius comites post reditum a Troia dispersos hoc littus adiisse narrabant. v. ad Virgil. l. c. add. Paus. III, 19. extr. Conon. c. 18.*

*De originibus urbis valde inter se diuersa narrata fuisse apparet ex fragmento Polybii lib. XII. in Exc. de V. et V. (To. III. p. 38 sq.) de diffidio inter Aristotelem et Timaeum: quorum prior b) coloniam ex fugitiuis mancipiis, moechis et plagia-*  
riis

a) v. ad e. l. et Cluver. *Ital. ant.* p. 1302. Salmas. ad Solin. p. 48. Rem in medio relinquit Scymnus Chius v. 315. εἰς δ' ἄπεικα τῶν Ὀπουντίων Λοκρῶν. ἔνιοι δὲ Λοκρῶν φασὶ τῶν ἐν Ὀζόλαις.

b) Aristoteles in πολιτεία τῶν Λοκρῶν. puto, (quam Clemens T. I. p. 352. A. Sylb. laudat.)

riis, collectam esse dixerat c), hic (historiarum libro IX.) ingenuorum ciuium ex Locris Graeciae profectorum fuisse asseuerauerat. Polybius ex iis quae vterque attulerat, neutrum fide satis explorata, verum fama et opinione accepta narrasse, Aristotelem tamen ait probabiliora dixisse. Timaeum quidem sibi inde fidem adstruere velle, quod se Locros Graeciae adiisse et ibi foedus inter metropolin et coloniam scriptum vidisse asserit d), quo commune inter eas ciuitatis ius constitutum erat, adiisse quoque Locros Italiae, et apud hos leges reperisse fugitiuorum et similium hominum ingeniis prorsus dissimiles. Verum fidem horum omnium Polybius ita eleuat, vt Timaeum mentitum esse foedus illud dicat; forte etiam ipse in hoc paullo iniquior: nam potuit tale foedus inter Locros Graeciae et Italiae esse; sed forte serioribus annis, ita vt originis conditionem probare non posset. Polybius ipse (v. Eclogas libri XII. To. III. p. 327.) a Locrensis famam ab Aristotele traditam firmari audierat: pro argumento quoque affert nobilitatem gentium a feminis apud eos ductam.

### Ceterum

c) Polyb. I. I. Aristotelem εἰπόντα τὴν ἀποικίαν αὐτῶν εἶναι δρακετῶν οἰκιστῶν, μοιχῶν, ἀνδραποδιστῶν.

d) συνθήκας ἐγγράπτους — αἷς ἐπιγεγραμμένη τὴν ἀρχὴν τοιαύτην: ὡς γονεῦσι πρὸς τέκνα; sollenni formula, de qua cf. Opusc. To. I. p. 312. At p. 42. Polyb. vbi Timaeus ait: τὴν τε πολιτείαν καὶ τὰ λοιπὰ Φιλκίνθρῳ πατρὶς Λοκροῖς ἀμφοτέρους Ἀριστοτέλη καὶ Θεόφραστον κατεψεύσθαι τῆς πόλεως, leg. ἀμφοτέρους Ἀ. καὶ Θ. nam de solis Italiae Locris nunc agit.

Ceterum de Locrorum ortu à fugitiuis narratio repetita est etiam ab aliis *e*). A Tarentinis accessisse colonos Locrensis suspicatur *Io. Gillies*, V. C. qui nuper historias Graecas iterum conscripsit To. I. p. 385. quid tamen suspicandi opportunitatem fecerit non assequor *f*).

Vt tam varie de Locrorum origine traderetur, causam forte inuenire licet etiam in hoc, quod iterum iterumque deducta fuit colonia. Sane celeberrima fuit illa, quae sub Ol. XXIV, 2. ante C. N. 683 facta est, (Chron. Euseb. ad h. a.) paullo post Crotonem et Syracusas conditas Strab. VI. p. 397, C. Accessisse tamen iam tum aliquid Dorici generis videtur: obscura enim et ambigua fama erat de Syracusanis novos colonos inter se dissidentes placantibus: v. Strabo VI. p. 397. B. Archiam Corintho ad Syracusas condendas proficiscentem illic apulisse et Dorienfes a Megaris Siciliae profectos secum abduxisse alio loco memoratum p. 414. B. etsi in his temporum ratio sibi non satis constat. Tum Scymnus 277. loca ad Epizephyrium ait Dorienfes infedis: quibus assumtis Archias Syracusas mox condidit. Verum praecefferat alia colonia a Lacedaemoniis iam sub Rege Polydoro missa: qui circa Ol. XIV, 1. obiisse fertur: Paus. III, 3. Effectum forte

*e*) Apud Dionys. Charac. in Deser. Orbis v. 365. vbi conditores fuisse dicuntur, qui cum suis dominibus consueuissent: *σφετέρως μὴ δύναντες ἀνάσσειν*. vbi disertius rem exponit Eustath.

*f*) Temporum ratio toto illo de coloniis loco parum accurate habita est.

forte est his colonis antiquioribus admixtis, *ut Locri, qui Aeolicae stirpis erant, Dorici generis haberentur* \*) *Doricaque loquendi forma uterentur*; etsi huius quidem sermonis Dorici causae potuere esse aliae, imprimis ex cognatione veteris Aeolici et Dorici sermonis, tum ex Dorici sermonis usu per Italiam regnante ductae. Si vero Cononi (Narrat. 3.) fidem tribuas, qui priscam famam diuersarum urbium collegerat, praecesserat adeo tertia aliqua colonia e Phaeacibus Corcyrae, vnde fuerat cognatio inter Locrenses et Corcyraeos g).

Iam si apud Polybium (Ecl. libri XII. To. II. p. 328) „Locri cum Siculis, qui illas terras tenebant, foedus pepigisse, dicuntur, quod illorum fraude mox fuit violatum, non hoc ad recentiorum coloniam spectare potest; excefferant enim Siculi, si quidem ad famae veteris fidem, quam et Thucydides et Aristoteles sequuntur, res exigenda est, antiquissimis iam temporibus, cum Pelasgi in haec loca immigrarent. Potuit tamen simile quid *de barbaris* narratum esse, qui haec loca incoluerant; eos Siculos fuisse posthaec aliquis scriptor de suo adiecerat.

*Leger*

\*) cf. inf. Prolus. XIV. vbi etiam de Locrorum coloniis. Etiam in expeditione Atheniensium aduersus Syracusas Locri partes Doriensium tuebantur. Thucyd. VI, 44.

g) διὰ ταῦτα ὡς συγγενεῖς Φαλακὲς Λοκροὺς τοὺς ἐν Ἰταλίᾳ προσποιοῦντο. Exponitur ibi Graeca narratio de Locro Alcinoi fratre in Italiam ad Latinum profecto. Neumannus V. C. ad cognationem ingeniose retulit nonnullorum Locrensiū numorum typum. Palladem et Pegasum, Corinthiam originem prodentes; Corcyram autem aliquando Corinthiorum coloniam fecisse, vel ex Thucyd. notum est: in *Numis inedd.* p. 34. sqq.

*Leges Locros scriptas habuisse, eosque primos fuisse, qui legibus scriptis uterentur; et leges iis scriptas esse a Zaleuco, historica fide exploratum est. v. Epimetrum II. Quod in his legibus, etiam nemine monente, expectes, erit hoc ut ab omni subtilitate longissime absint. Et sane summam legum ut antiquitatem ita simplicitatem passim in fragmentis pluribus facile agnoscas. Potuere tamen vel sic leges Zaleuci sequentibus saeculis, per quae Locrorum resp. stetit aut restituta iterum conualuit, prudentium virorum curis esse emendatae. Certe Timares aliquis seu Timaretus inter Locrorum legumlatores cum Zaleuco memoratur h). Celebrata quoque urbs est eximie bonarum legum nomine, et floruisse fertur earum beneficio. Testatur locus Pindari (X. Olymp. 17.) et Demosthenis ac Strabonis verba iam alio loco laudata. cf. Bentley. (Lenep. p. 191.) Est apud Porphyrium (V. P. s. 56.) e Dicaearcho narratio de Pythagora exule a Locris non recepto quoniam in suis legibus nihil haberent quod displiceret i). Leges autem Zaleucus scripsit non sub ipsa statim urbis incunabula; verum ad multas discordias et turbas res iam fuerat deducta, ut ex Aristotelis fide traditum accepimus k). Si tamen Zaleucum circa Ol. XXIX. vixisse, Locrorum autem urbem*

h) Ap. Iamblich. V. P. n. 130. et 172.

i) ἀλλ' ἐπὶ τοῖς ἰδίοις νόμοις οὐδὲν ἔχουσαν ἀγκυλῶν αὐτοὶ μὲν ἐπὶ τῶν ὑπαρχόντων πειρασόμεθα μένειν.

k) In Schol. Pindari Ol. 10, 17. Ad easdem seditiones spectat Strabonis locus lib. VI. p. 397. C. ubi Locri aduenae tres quatuorue annos in Zephyrio habitasse, mox inde urbem transtulisse dicuntur, opitulantis Syracusanis.



urbem Ol. XXIV, 2. conditam esse; probabiliter constat, non adeo multis annis post urbis primordia leges accessisse apparet.

In legibus illis *plus quam ducentis annis* unicam tantum legem nouam esse latam, seu verius veteri legi esse derogatum, Demosthenis notus locus, ubi de talione vnoculi agit, testatur <sup>1)</sup>. Quod si inde ab Ol. XXIX annos computes CC. incidimus fere in tempora Dionysii iunioris Ol. CVI, 1. qui crudelitate in Locros et impietate vsus incredibili eorum res afflixit quod iam sup. (p. 44. 45.) est commemoratum.

*Reip. Locrorum formam* fuisse *aristocraticam* vix dubites. Diserte inter aristocracias eam refert Aristoteles (lib. V, 7. p. 530) eo loco, quo de ea per Dionysii affinitatem euerfa monet. Eamque retinere etiam cum Romanorum ciuitas foederata facti essent: nam bello Punico II. ad Poenos defecisse narrantur, *prodita multitudine a principibus*: Liv. XXIII, 30. cf. XXIX, 6. In Zaleuci legibus (apud Stob. et Diod.) ἀρχοντες memorantur, quibus caussarum disceptationes et iudicia mandata sunt.

Summum magistratum habuere *Cosmopolidem*, a quo in iure controuerso legum interpretationem petitam esse videmus in caussa de rei vindicatione

D 2

ap.

1) In Timocr. p. 744. ed. Reisk. καὶ τοῦτον μόνον λέγοντας Λοκροὶ θεάζαι τὸν νόμον ἐν πλείοσιν ἢ διακοσίοις ἔτεσιν. Ap. Strab. est πλείστον χρόνον εὐνομηθέντες. Diodorus, qui Charondae illam legem fuisse narrat lib. XII, 17, tres a Thuriis leges esse abrogatas memorat.

ap. Polybium *m*); tum *Senatum* cō virorum (*ibid.*) in quo de lege abroganda agendum erat. Etiam *Polemarchum* nominatum reperimus *n*); et Νομοφύλακας, quos aliquo loco videmus maledicos et admonendo et multando coercere potuisse; vt adeo ius animaduertendi eos in certis causis habuisse appareat. Erat idem magistratus Athenis et in aliis Graeciae ciuitatibus, non eadem tamen vi ac potestate: (v. Harpocraton h. v. Suidas h. v. et viros doctos.) Cicero de *LL.* III, 20. conquestus legum custodiam Romae esse nullam, itaque eas ab apparitoribus et librariis peti, subiicit: *Graeci hoc diligentius, apud quos Nomophylaces creantur; nec hi solum litteras — sed etiam facta hominum obseruabant ad legesque revocabant.*

In numis tamen *o*) raro magistratus nomen aut nota occurrit. Numi aurei, argentei et aerei, quos a numis Locrorum, Opuntiorum et Ozolarum discernere interdum difficile est, tanquam proprium typum habent Jovis caput barbatum; cum quo frequenter aquilam lepori inhiantem aut eum discerpentem videas, aut etiam fulmen. Jupiter quoque sedens occurrit. Palladem cum Pegafo ad originem Corin-

*m*) Exc. lib. XII. (To. II. p. 334.) ea tamen conditione, quantum intelligitur, vt, si legem in aliam partem interpretabatur, ipse non minus quam alter ex litigantibus laqueo de ceruice pendente diceret: quod forte minus accurate narratum.

*n*) In Heraclid. fragm. p. 30. Crag. vbi de periura homine a mustelis diuinitus immissis punito. Νομοφύλακας inuenies ap. Stob. p. 280, 18.

*o*) v. Maguan. *Bruttia numismatica* tab. 67 sqq.

Corinthiam per Corcyraeos spectare videri supra memoratum est. Ad agri fertilitatem spica, vna, et cornu copiae, et Cereris caput apposita face. Etiam Proserpinae, eximie a Locris cultae, caput obseruare mihi videor *p*). In vno numo Dioscuro- rum capita occurrunt, quod ad illa respicere potest, quae de eorum praesentia in pugna ad Sagram narrari infra ex Jultino XX, 3, 8. videbimus, vbi et aquila, quam in numis signari diximus, circumuolasse pugnantes Locros narratur, quoad vincerent. In alio est Juno sedens, si modo ad nostros Locros spectat. Caduceum qui occurrit ad Mercurii cultum in his oris refert Neumann. l. c. p. 37. Ad Romanorum foedus illi numi, in quibus Romae sedenti corona ab vrbe Locrensi imponitur, adscripto: *Ρωμα πιστις Λοκρων*, *q*) spectant.

*Instituta Locrensum*, praeter illa quae iam in Prolusione memorata sunt, reperiri a me potuere haec: primo, quod *nobilitas generis a feminis apud eos ducta erat*: ita *orti e centum gentibus* eminebant inter ceteros; erat autem eorum ortus talis: apud Locros Graeciae ad expiandum Aiakis Oilei sacrilegium, rapta Cassandra in conspectu Palladis, quotannis mittendae erant virgines Ilium forte legendae ex C. gentibus illustrioribus *r*): ex his virgines nonnullae

D 3

vna

*p*) Vt tab. 71. VIII.

*q*) Digessimus in ordinem hunc ea, quae in Magnano occurrunt, et diligenter exposita sunt sigillatim in Raschii Lexico Numismat. voc. *Locri*.

*r*) Strabo XIII. p. 896. 7. add. Plut. de sera num. vind. p. 557. D. et laudd. ibi a Cl. Wyttenb. in ed. libelli p. 66. Toup. Ep. crit. p. 162.

vna cum ceteris in coloniam exierant: v. Polyb. Exc. (To. II. p. 327. 8.) ab his oriundi erant illi quos diximus

Idem mox (p. 328. 9.) ex Locrorum ipsorum narratione refert, Locros, qui primi haec loca adierant, cum patria instituta nulla haberent, *Siculorum*, cum quibus communem agrum haberent, *ritus moresque plures assumpsisse*, sed mutatos et emendatos a se: inter quos etiam exponit vnum puellae phialephori s).

Magnam vitae fragilitatem severitatemque, et austeritatem priscam, inter Locrenses viguisse multa cum instituta tum leges testantur; ex institutis etiam illud, *quod nullis mancipiis vsi sunt*, Timaeo asserente t), *nisi recentibus demum aetatibus*; vt nec Graecis olim omnino patrio more ferui emittii nec ancillae fuere. Quod si forte Timaeus nimis absolute et praefracite hoc pronuntiauit, omnino tamen haecenus verum est, quod in antiqua vitae simplicitate multo maior Graecis vsus fuit operarum mercede conductarum: Passim quoque apud Homerum aut ἔριθροι aut θῆτες memorantur; adeoque libera capita agros colebant u). Primos post Thessalos et Lacedaemonios mancipiis emittiis vsos esse Chios a Theopompo Historiarum libro XVII. traditum erat: v. Athen. VI. p. 265. hos quidem e barbaris, at illos

s) Φιαληφόρου.

t) Athen. VI. p. 264. C. p. 272. A.

u) Haecenus bene Palaeph. c. 3. οἱ γὰρ τότε ἄνθρωποι αὐτουργοὶ ἦσαν.

illos ex Achaeis, Theffalos e Magnetibus et Perrhaebis victis, adeoque ex hominibus suae gentis.

Porro apud Locrenses morem fuisse, *ut non lugerent mortuos, sed, cum extulissent, epularentur*, in Heraclidis fragmentis occurrit: (p. 28. 30. ed. Crag.) alterum institutum erat, quo *insitorias tabernas habere non licebat et rem cauponariam exercere, sed agricolarum quemque apud se natos fructus in forum apportatos vendere necesse erat*: Quod institutum si vixit, non adeo magna mercaturae celebritas apud Locros esse potuit; tanto vero minus avaritiae et luxus fomenta subministrata sunt.

De caeteris *Locrorum rebus* pauca sunt, quae tenemus. Mirum tamen est vel sic, cum ne magnorum quidem imperiorum ac rerumpublicarum memoria satis explicita ad nos peruenerit, singularum ciuitatum notitias non contemnendas erui et colligi posse.

Locri Crotoniatis, a quibus bello petiti fuerant, cladem illam nobilem ad Sagram fl. (ante Ol. LV, 1.) intulere; de qua v. in Prolus. X. *de Crotoniat. rep.* Eo bello euenisse videtur, quod apud Livium (XXIX, 18) Romae in Senatu a legatis Locrensiū de templo Proserpinae eiusque thesauris narratur: *Maiores quondam nostri, graui Crotoniensium bello, quia extra urbem templum est, transferre in urbem eam pecuniam voluerunt. Noctu audita ex delubro vox est: abstinerent manus, deam sua templa defensuram. Quia mouendi inde thesauros incussa erat religio, muro circumdare templum voluerunt. Ad*

*aliquantum iam altitudinis excitata erant moenia, quum subito collapsa ruina sunt.* Eodem bello territi Locrenses auxilium a Spartanis petierant, qui cum eos auxilium a Castore et Polluce repetere iussissent, deos illos habuere propitios (Justin. XX, 2), in pugna autem Ajacem Oilei f. in ordine stantem suis rebus consulere experti sunt: Paus. III, 19 extr. Conon. c. 18. Mirum videri potest, Locros in Spartanis spem auxilii obtinendi posuisse, cum quibus communia iura nulla haberent. Enimuero in memoriam reuocanda est antiquior illa, quam supra commemoravi, coloniae origo a Lacedaemone ducta regis Polydori aetate.

Bellum iis intulerat Anaxilaus tyrannus Rheginus eosque internecone deleuisset, nisi Hiero minis eum deterruisset \*). Factum hoc paullo ante Ol. LXXVI, 1. quo anno tyrannus obiit, cum inde ab Olymp. LXXI, tyrannidem tenuisset. Ol. XCVII, 4. cum Dionysius magnae Graeciae vrbes armis peteret, escensione ad Cauloniam facta et vrbe oppugnata, victis autem iis, qui ad eam liberandam aduenerant, seu tum seu paullo post vrbs capta, atque solo aequata est (v. Diod. XIV, 103-106): agrum autem Cauloniatarum Locris donauit Dionysius. Paullo diuersa sunt, quae a Justino narrantur, dum (lib. XX, 5.) Dionysium ait *expugnatis Locris* Crotonienses aggressum esse, qui fortiter resisterunt. Susplicari licet Justinum

\*) Pind. P. 2, 34 sq. et Schol. Pind. P. 1, 99. qui ad Epicharmum *ἐν Νάροις* prouocat. Idem ad P. 2, 34.

num in nómine errasse et Cauloniatis Locros substituisse. Nam Locrenses societate et amicitia potius cum Dionysio iuncti fuisse videntur: etenim Ol. XCV, 3. Dionysius ad populum Locrensem legatis missis et impetrato nuptiarum iure Dori- dem, Xeneti clarissimi ciuis filiam, in matrimo- nium duxerat: Diodor. XIV, 44. Post Caulonia- tarum agrum iis assignatum, simile beneficium paullo post (Ol. XCVIII, 1.) adiecit Hipponiata- rum agro Locris attributo *y*), nec non agri parte Scylletici Crotoniatis adempti (Strab. VI. p. 401. B.). Quicquid est, Dionysio mox in Siciliam reuerso facile libertatem pristinam recuperauere. Ex ista tamen affinitate, quod Aristoteles monuit, Locris exitii causae natae sunt *z*). Nam susceptus ex eo connubio Dionysius iunior Syracusis fugatus Lo- cros venit et ab iis receptus mox per satellites omni contumelia in eos saeuivit, vt iam supra est narratum (p. 44. 5.). Post eius tamen discessum praesidio deiecto acerbè et crudeliter iniuriam in eius coniuge et liberis vlti sunt *a*), nullis precibus Dionysii per legatos admissis, tolerata quoque ob- sidione a Tarentinis et agrorum direptione.

D 5

Nec

*y*) Diod. XIV, 107. vbi addit Diodor. κατὰ τὸ συνεχὲς γὰρ ἐφιλοτιμεῖτο τοὺς Λοκροὺς εὖ ποιεῖν διὰ τὴν συγ- χωρηθεῖσαν ἐπιγαμίαν.

*z*) de Rep. V, 7. p. 530. B. vbi inter causas aristocratiæ euersae refertur affinitas nobilium cum potentibus extraneis contracta: — καὶ (scilicet) κηδεύειν ὅτῃ θά- λωσι· διὸ καὶ ἡ Λοκρῶν πόλις ἀπώλετο ἐκ τῆς πρὸς Διο- νύσιον κηδείας.

*a*) v. inprimis Strabo l. c.

Nec tamen hac calamitate ita pessundati videri debent, quin iterum aliquas opes recuperaverint: nam cum Bruttiis bella gessisse eosque pugna fugasse, ex Nossidis epigrammate nouimus, quod Bentleius illustrauit. (*Diff. in Phalar. p. 198. Len.*)

Grauior fortuna iis imminebat inter Romanorum bella cum Tarentinis et Lucanis. Pyrrhus in Italiam accitus seu foedere seu vi ad societatem secum ineundam eos compulerat: facto inde eius in Siciliam discessu, Locri, praesidio Pyrrhi praefectoque, quorum iniurias diutius perpeti nequebant, trucidatis, ad amicitiam Romanorum se contulerunt (ante C. N. 277. V.C. 477); quo tempore Romani primum in Bruttios arma mouerunt. Mox vero ille (anno insequenti) e Sicilia redux, ciuitate, animatis praesentia sua regiae factionis hominibus, recepta, multa in Locrenses foeda facinora edidit, caedibus et rapinis in miseros grassatus; inde ad sacrilegium conuersus ingens auri pondus e templo Proserpinae terra effossum abstulit, quod tamen classe tempestate afflicta mari obrutum est; vnde tamen aestu maris eiecta spolia in templo iterum reposita sunt *b*).

Post Pyrrhi discessum Locros in foedere cum Romanis perstitisse, et ab hoc tempore inter ciuitates Romanorum foederatas habendos esse non dubitamus. Itaque bello Punico priore Hamilcarem classe

*b*) De his v. Freinsb. Suppl. Livii lib. XIV, 23 sqq. inpr. Appian de reb. Samnit. Ecl. in ed. Schweigh. To. I. p. 69. 70. Liv. XXIX, 18.



classe ad Italiam deuastandam profectum agros Locrensi-  
 um et Bruttiorum late deuastasse reperimus (V. C. 506 ante C. N. 248. Oros. IV, 10). At  
 pugna ad Cannas facta fuere Locri inter socios, qui a Romanis deficerent (V. C. 538. ante C. 216. Liv. XXII, 61. et XXIII, 30); itaque anno se-  
 quente Appio Claudio ad urbem aduenienti portas clauferunt (Liv. XXIII, 41). Ex iis tamen, quae paullo post inter acta anni eiusdem V. C. 539. Livius narrat lib. XXIV, 1. Locros iterum ad Romanos se applicuisse apparet. Nam Poenis tum ad muros accedentibus, deducto in portum Romanorum praesidio ut Rhegium deueheretur, dederunt se, *foedere aequis legibus facto*: Locrensis iussu Hannibalis data pax, *ut liberi suis legibus viverent; urbs pateret Poenis, portus in potestate Locrensi esset; societas eo iure staret, ut Poenus Locrensem, Locrensisque Poenum pace ac bello iuaret.* Recepere paullo post Locri multitudinem Crotoniatarum, quae ex urbe capta a Brutiis in templum Junonis Laciniae confugerat: (ib. c. 3.) Ad urbem recuperandam cum T. Quinctius Cos. V. C. 546. frustra copias et tormenta admouisset (Liv. XXVII, 25): res tandem fraude et insidiis perfecta est, decimo defectionis anno, quarto decimo Punici belli (V. C. 547. a. C. 207). Urbs dedita Scipioni: v. Liv. XXIX, 6 sqq. et Q. Pleminius legatus cum praesidio urbi relictus. At enim scelere et avaritia Romani etiam Poenos superarunt: inde anno sequenti Locrensi legatis Romam missis misericordia senatus motus Praetorem M. Pomponium cum decem legatis Locros misit ad causam cognoscendam:

dam: qui *Locrensis* edixere *libertatem legesque suas* *populum Romanum senatumque restituere* (Liv. l. c. c. 9. 16-21). Reddita quoque thesauris Proserpinae pecunia; quinto tamen hinc anno nouo sacrilegio pecunia nocte clam sublata (Liv. XXXI, 12. 13). Ab hoc inde tempore inter *foederatas populi R. ciuitates* fuere, vt suis legibus vterentur, ex foedere tamen publice ad ea, de quibus conuenerat, praestanda tenerentur: erat in his vt copias maritimas mitterent, quoties Romanis opus esset. Narrat Polybius (Ecl. XII, 3), qui tum Romae inter euocatos Achaeorum erat et gratia multorum florebat, sua opera factum esse, vt Romani Locrensis, propter attritas forte eorum res, remitterent, ne cum in bellum Hispaniense auxilia (forte aduersus Celtiberos) tum aduersus Dalmatas (V. C 596. ante C. N. 156) copias maritimas mittere tenerentur. Postea nihil quod de iis memorabile occurrat meminimus: nisi quod Strabo ita memorat, vt urbem adhuc rebus non prorsus profligatis fuisse intelligas. Inde nomen urbis occurrit apud Plinium et forte alios.

Inter haec tempus esse debuit, quo et ipsi Locri luxuriam et impudicitiam in urbem admitterent, si quidem eodem modo, vt apud Lydos et Cyprios, puellae apud illos publice prostitisse narrantur apud Athenaeum (lib. XII. p. 516), qui id antiquae alicuius iniuriae monumentum esse putabat. Potuit hoc adeo ferius esse Dionysii contumelia, quam diximus; potest tamen quoque narratio ex hac Locrorum calamitate esse efficta. Locricum

cricum carmen apud eundem (p. 516. B.) c moechae persona cani solitum, (quod emendat Bentlej. p. 199) pro argumento certo haberi nequit.

Ex ciuibus nobile nomen fuit *Euthymi*, qui pugilatu victor Olymp. LXXIV. VI. VII. (v. Paus. VI, 6), idem oraculi iussu viuus sentiensque consecratus, sacrificatumque ei imagine eius et Olympiae altera posita (Plin. VII, 48). Alium Locrum in pueris pugilem, *Agefidamum*, Pindarus binis carminibus celebrauit: Ol. 10. et 11. *Xenocritus* inter antiquissimos paeorum auctores a Plutarcho (p. 1134. B. C. To. II.) et inter eos refertur, qui secundae constitutionis musices principes habendi essent: idem ex quo natus erat oculis captus fuit, vt in fragm. Heraclidis legitur, in quibus ille cum *Erasippo*, et ipso Locrensi poeta, memoratur. Verum adeo quod Pindarus praedicat: μέλι τί σφισι καλλιόπα.

# E p i m e t r u m I I.

## de Zaleuco.

De Zaleuco in diuerſas partes diſputatum eſt a viris doctis *a*). Inprimis ſubtiliter de eo commentatus eſt BENTLEIUS in *Diff. ſupra Phalaridis Epiſtolis* p. 337 ſqq. verum tam impotenti animo, vt, dummodo aduerſarium Boylium laederet et exagitarct, ipſe parum curaret ſi aliis latus ipſe nudaret. Saltem vera et falſa, dubia et explorata, eadem lance appenduntur. Non meum eſt in iis excutiendis et ſeu refellendis ſeu firmandis, operam conſumere: praestat ſingulis aequa trutina expenſis apponere ea, quae ſeu veriora ſunt ſeu veris ſimiliora, eaque ad certas claſſes redigere. Quod Timaeo ille tantum tribuit, vt ſecundum eum omnino neget, Zaleucum vnquam fuiſſe, id eius cupiditati et irae in aduerſario conſiciendo condonabimus. Nam primum Timaeus hoc non ex fide hiftorici ſed *ad ſuam opinionem* tradiderat; ita vero non auctoritas viri, ſed iudicii ratio erat exquirenda *b*); iam autem Timaeum odio et ira, tum perti-

*a*) v. Congeſta ap. Fabric. B. Gr. To. I. p. 531 ſq. et Weſſeling. ad Diod. XII, 20.

*b*) Eadem hac fere via Polybius Timaeum refellit, ab Ariſtotele in iis, quae de Locorum originibus tradita erant, diſſentientem: *utrumque*, ait, *tantum ex coniectura locutum eſſe, Ariſtotelis vero narrationem eſſe veriſimiliorem, cuncti ex iis, quae diſſerui, ſatis intelligunt.* Exc. de Virt. e lib. XII. (p. 38. To. III.)

pertinacia occaecatum, multa perperam tradidisse satis constat. Quomodo igitur huius hominis iudicium et opinionem satis magnam vim habere dicemus ad euertendam omnem antiquitatis fidem? De Locrorum rep. libri erant Aristotelis et Theophrasti, περὶ τῆς τῶν Λοκρῶν πολιτείας: iam uterque Zaleucum legum Locris scriptarum auctorem ediderat; Timaeus tamen in Theophrastum saltem inuectus erat, utque eum tanto grauiore ictu percussum prosterneret, Zaleucum omnino vllum fuisse negauerat c). Sane vel sic comparata utriusque auctoritate haud difficile erat pronuntiare, utri assentiendum esset. Verum accedebant Theophrasti auctoritati, perpetua omnium temporum fama, tot auctorum consensus, et Locrorum ipsorum commemoratio. Disertior erat locus Aristotelis [ap. Schol. Pind. Olymp. X, 17] d), in quo narratum, *Locros, cum multis discordiis agitentur, consulto deo, respon-*

- c) Cic. de Legg. II, 6. ad Att. VI, 1. Omnino ex his locis nihil recte confici potest, non enim satis constat, quidnam illud fuerit, quod Timaeus negauerat: altero loco Zaleucum leges Locris scripsisse a Timaeo reorehensum erat; altero; Zaleucum ipsum negare vllum fuisse Timaeum. At quam diuersa haec sunt. Ipsum Timaeum audire opus esset, si eius assertum satis exploratum aliquis dare se velle sponderet.

- d) Φησὶν Ἀριστοτέλης ἐπειδὴ γὰρ ἐχρῶντο τῷ θεῷ, πῶς αὖ πολλὰς ταραχὰς ἀπαλλαγεῖν, ἐξέπεσαν αὐτοῖς χρησμοὶς, ἑαυτοῖς νόμους τίθεσθαι, ὅτε καὶ τις ποιμὴν, ὄνομα δ' ἦν Ζάλευκος, πολλοὺς νόμους δυνήσεται τοῖς πολιταῖς εἰσαγεγεῖν δοκίμοις. γνωσθεῖς δὲ καὶ ἐρωτηθεῖς, πόθεν εὖροι; ἔφησεν ἐνύπνιον αὐτῷ τὴν Ἀθηναίων παραστήσεσθαι (ἱμνο παραστήσεσθαι). διὸ αὐτὸς τε ἤλευθέρωται καὶ νομοθέτης κατέστη.

*responsum accepisse, ut sibi leges constituerent, quandoquidem pastor aliquis, nomen ei erat Zaleucus, multas bonas leges illis ferre possit. Agnitus ille pastor et interrogatus unde illas accepisset, a Minerva sibi per somnum eas traditas esse narrauit. Itaque ille libertate donatus et legumilator constitutus est. Aduersus haec disputare velle, tanquam parum credibilia, hominis esset aut otio aut doctrina abundantis. Narrauit Aristoteles, quid enim in ista antiquitate aliud narrare potuit? rem prisca fama acceptam: in qua nihil est, quod genio saeculi antiquioris apti fidei aut probabilitati repugnet, nihil saltem aliud potiori cum fide tradi potest. Fuere illa aetate multi in seruitute habiti, qui generis nobilitate domestica et liberali institutione dominos suos longe antecellerent. Si Locrus ipse fuit, in seruitutem ille barbarorum abstractus esse potuit, ut nunc ciuibus redderetur. Armenta autem pascere non erat res adeo illiberalis, ut ad leges scribendas nemo a passione procedere posset: habemus vel Mosis exemplum. Contra ad certum consilium deflexam esse apparet narrationem, quam Diodorus sequitur XII, 20., fuisse Zaleucum virum stirpe clarum et magnae in ciuitate sua auctoritatis.*

At illud alterum, quod a multis assertum fuit, *Zaleucum Pythagoreum fuisse*, bene refellit Bentleius. Satisque constat ante Pythagoram Zaleucum saltem CXX annorum interuallo vixisse, si quidem circa Olymp. LX. Pythagorae, Zaleuci autem circa Ol. XXIX. collocanda esse tempora probabile fit. Certe

Certe in Eusebiano Chronico ad Ol. XXIX. adscriptum erat: *Zaleucum Locrum tunc floruisse e).*

Quae alia de Zaleuco tradita sunt, quippe e tam remota antiquitate, non magis aliunde quam fama accepta tradere potuere scriptores f). Eum Locrum fuisse communi fide produnt scriptores. Quod Λόκρον ἐκ Θουρίου traditum videmus apud Suidam, parum certa fide nititur, cum, vnde hic sua hauserit, non constet; apud eundem pro patria obiisse narratur pugnando. In eo autem haerendum non est, nec hoc fraude aut astutia factum dicendum, quod a Minerva leges suas accepisse narratur g); ex antiquorum hominum sensu, is, qui eiusmodi quid pronuntiabat, cum fide id tradere poterat. Nemo enim *vir magnus sine aliquo afflatu diuino*

e) Ζάλευκος ὁ νομοθέτης Λοκρῶν ἡλικίας. Quod ap. Aristot. de Rep. II, 12. ille a nonnullis ἀρχαῖος Thaletis s. Thaletae Cretenfis editus erat, ad paullo rudiorum antiquitatis declarationem spectare puta.

f) Imaginem eius Vrsinus inter Imagg. n. 150 ex numo argenteo protulit, sed fuit ille adulteratus nomine Zaleuci insculpto; est enim caput Jovis in aliis Locrensiū numis obuiū.

g) Cum Aristotele etiam Chamaeleon, eius discipulus, idem tradiderat, teste Clem. Alex. Strom. I. p. 352. et scripserat ille plures Vitas (βίους) in quibus adeo et Zaleuci vitam fuisse credas, nisi Clemens adiecisset ἐν τῇ περὶ μέθης. Quod Heraclidem, et ipsum Heraclitum, plagii accusavit, ap. Athen. V, 92. id tantum ad vitam Homeri et Hesiodi spectat. Plutarchum, Valer. Max. Theodoretum, qui de Minerva in auxilium a Zaleuco vocata idem tradiderant, iam Bentleius excitavit et Fabric. B. Gr. To. I. p. 531.

Heynii Opusc. acad. Vol. II. E

*diuino unquam fuit, neque sibi visus est esse. Sapientia consilia a diis dari animisque instillari qui crederent, leges ferendas, rem arduam, aggressi, ad certum numen, seu Iouem seu Mineruam, seu Apollinem recte referebant sua inuenta h).*

Quae ad *leges ab eo scriptas* spectant, ad plures propositiones reuocabimus videbimusque discrete de singulis; hac enim maxime via ac ratione dispellere licebit nebulas et difficultates in toto hoc argumento a viris doctis collectas et obductas, dum miscentur plura admodum inter se diuersa.

Iam primum Locrorum *remp. legibus* iisque praeclaris constitutam fuisse constans est antiquitatis fama; accedit quod eadem fama habitum fuit, fuisse eos, qui primi *scriptis* vterentur *legibus*. Hoc ex Scymno Chio et ex Strabone notum est i). Idem auctores sunt, a *Zaleuco* eas fuisse scriptas; accedit Aristoteles k), auctor grauissimus. Nam alios seriores commemorare nihil attinet. Fuit omnino

h) Nec minus alienum est, ad theocratiam aliquam haec referre velle.

i) Scymnus *Orb. descr.* 313. 4. Locri — τούτους δὲ πρώτους φασὶ χρήσασθαι νόμοις Γραπτοῖσιν, οὓς Ζάλευκος ὑποθέσθαι δοκεῖ. Strabo VI. p. 397. D. Πρῶτοι δὲ νόμοις ἐγγράφτοις χρήσασθαι πεπιστευμένοι εἰσὶ, καὶ πλείστον χρόνον εὐνομηθέντες. Clementem Alex. Strom. I. p. 309. A. indocte Zaleucum primum omnino legumlatorem appellansem iam Bentleius notauit.

k) de Rep. II, 12. νομοθέται δὲ ἐγένοντο Ζάλευκος τε Λοκροῖς τοῖς Ἐπιζεφυρίοις —



omnino Zaleuci et Charondae nomen tam clarum, vt, quoties de praestantia legum et auctoritate, aut de auctoribus bonarum legum agitur, nomina illa plerumque apponantur. Sic etiam apud Ioseph. in Apion. II, 15. Scriptores autem aequales vel aetate proximos, habemus omnino nullos; eos tamen habemus, qui vixere, cum Locrorum resp. nondum esset euerfa. Ad Ephorum Strabo prouocat; ex quo illud insuper addit 1), *Zaleucum leges istas ex Cretensium, Laconum et Areopagitarum institutis composuisse*. Quo ipso Thaletae, qui inter Cretensium legumlatores fuit, discipulus a nonnullis haberi seu appellari potuit, quod Aristoteles, vt supra monitum est, tradit. Inter haec, quae ab illis, Cretensibus inprimis, mutuata videri possint, refero austeritatem ac simplicitatem vitae, tum τὰ συττίτια. Fuerintne leges Zaleuci aliis ciuitatibus communicatae, non traditur. Vnis Sybaritis eas assignatas vidimus a Scymno Chio (v. 345) vix tamen recte (v. ad LL. Sybaritar.).

Dubitari itaque nequit *Zaleucum vixisse*, et *Locris leges scripsisse*: verum ita nondum effectum est, etiam leges Zaleuci esse aut prooemium, quod a Stobaeo et Diodoro seruatum habemus. Alio modo probanda erant haec, quae figillatim constituenda sunt. Videndum est, primo, *durauerintne illae Zaleuci leges ad seriora tempora, quibus a scriptoribus consignari potuere? consignataene sint ipsis*

E 2

legum

1) p. 398. B. - τῆς δὲ τῶν Λοκρῶν νομογραφίας μνησθεὶς Ἐφορος, ἣν Ζάλευκος συνέταξεν ἐκ τῶν Κρητικῶν νομίμων, καὶ Λακωνικῶν, καὶ ἐκ τῶν Ἀρεοπαγιτικῶν, etc.

*legum verbis an suis cuiuslibet scriptoris, ad verbum an summam? fuerintne illae ipsae quas Stobaeus et Diodorus seruarunt? legum autem exordium, quod ab his insertum est, fuitne ipsis Zaleuci legibus praescriptum? an argumentum saltem eius habemus, aliis verbis conceptum? an prorsus est commentitium: Dirimenda haec erant, ut diximus, non in vnum permiscenda: alioqui, quicquid asseritur, et verum et falsum esse potest.*

Quamdiu igitur *leges Zaleuci superstites fuerint*, et si diserta auctoritas commemorari nequit: probabilitas tamen est satis magna, usque ad ea tempora, quibus vixere, qui earum meminere, eas durare potuisse atque etiam durasse.

Locrorum opes fractae sunt a Dionysio iuniore OL CVI, 1. ante C. N. 356. Iam autem eadem aetate vixit Ephorus, Aristoteles et Theophrastus. Si fractae fuere, non fuere euerstae res Locrorum; immo vero ex illa tempestate emersere iterum Locri et per multa saecula florere, ut nullo modo dubitari possit; an Locri antiquas suas leges etiam post Dionysii tempora seruare potuerint; idque multo minus, si reputes, non, ut Lycurgi leges, ore modo ac carmine traditas, verum, ab initio statim, litteris perscriptas eas fuisse.

Iam autem a *Ioanne Stobensi*, inter excerpta veterum scriptorum loca, adscripta exstant *fragmenta legum Zaleuci et Charondae* una cum *prooemiis*; non dissimilia inserta sunt historiis Diodori; ita  
 . . . . . ut

vt vtrumque aut in eundem fontem, aut in eos incidisse necesse sit, qui ex vno eodemque fonte hauserant. De Charonda alio loco videbimus; nunc de Zaleuco dispiciendum. Quod ad leges attinet, sunt sane ex iis nonnullae, quarum etiam apud alios scriptores mentio fit. Quod autem non ipsis verbis Zaleuci antiquis ad nos peruenire, non eam vim habere potest, vt omnino commentitiae sint. Quot tandem aut Lycurgi aut Solonis aut Regum et Decemuirorum Romae leges ipsis eorum verbis expressae! negabimusne illis quicquam veritatis inesse? De his adeo videtur satis tuto pronuntiari posse: vim et argumentum legum non esse commentitium, sed cum fide traditum; nequaquam tamen ipsis legum verbis, quorum omnino nihil ad nos perlatum est.

Quis tamen ille auctor fuerit, qua aetate, qua fide et auctoritate ille fuerit, e quo Jo. Stobensis et Diodorus ea petiere, quae ab iis tradita sunt, hoc in incerto est. Sane inter πολιτείας et νομοθεσίας Aristotelis, Theophrasti et Heraclidis, leges Locrorum haud dubie fuere adscriptae, vix tamen ipsis legum verbis antiquis. Potuit etiam esse, qui Locrorum leges, forte et res, ex ipsis Locrensiū tabulis, collegisset et singulari opere proposuisset. Potuit etiam esse, qui ex vno alteroue, aut ex pluribus, nouum opus concinnasset, certo consilio, ad philosophiam, imprimisque ad legum ferendarum rationem, attemperato. Quod si ille ipsa legum verba haud reddidit, forte nec expressit; si plura de suo addidit: non tamen statim dicen-

dus est omnia commentus esse et mentitus. Quod si haec ab historico narrata fuere, cui oratio in alium modum erat inflectenda, prisca verba is multo minus retinere potuit. Quod Bentleius ita colligit: has Zaleuci leges, quae ferri solent, aut Timaei aetate nondum extitisse aut ab eo pro impostoris fetu habitas fuisse, parum subtiliter factum. Nihil enim aliud consequitur, quam: Timaeum illum codicem legum ignorasse; illo autem tempore etiam doctissimus homo innumera ignorare potuit, quae tamen scripta extarent, cum nondum ea essent litterarum commercia, quae nostra aetas vidit. Idem Ptolemaeorum tempore, quando libri quaestus causa fingi coepere, fuisse contendit, qui corpus legum confingeret idque Zaleuci inscriberet, addito luculento aliquo indicio, fuisse eum Pythagoricum. Redeunt haec ad ariolationem non indoctam; verum non minus coniectare licet multa alia, quibus confici potest, sine omni fraude, et mero iudicii errore euenisse, ut liber ille Zaleuci nomine inscriberetur, utque ille Pythagoreus haberetur. Fac fuisse aliquem, qui legum bonarum digestum condere vellet, atque fundum earum faceret leges Locris ante multos annos scriptas; subiiceretque iisdem leges Charondae forte et aliorum: ita tamen ut pro consilii sui ratione eas aliis verbis ac modis enuntiaret, legum causas aliaque ad legum vim declarandam adderet. Ita nulla fraus, nullum fallendi studium in illo homine fuit; contra Diodori culpa, cum parum subtile iudicium ea in re adhibuisset, accidit, ut in historiarum corpus suum eas admitteret; quod ille tanto cupidius

pidius fecit, quia propositum hoc ipsi in eo opere erat, ut ad morum virtutisque disciplinam in animos demittendam illud componeret 1).

Enimuero difficilior quaestio exoritur super prooemio legum, quod in Diodoro et Stobaeo proditum est. Quod quidem a vetere Zaleuco scriptum esse, quale nunc habemus, nemo facile in animum induxerit, qui orationem a priscae aetatis, in qua Zaleucus vixit, genio abhorrentem etiam in eo, quod vetere dialecto Dorica illud perscriptum esse debuerat, si a Zaleuco esset profectum, reputet *m*); etsi mihi pro multo grauiore argumento est sententiarum ratio et indoles in multis pro temporum antiquiorum ratione paullo subtilior, et orationis copia nimis exuberans, cum in vetere sermone breuitatem expectares; inprimis vero in sententiis, de diis maxime et daemonibus, multa sunt, quae Pythagoricam doctrinam redhibent, pro Zaleuci vero aetate nimis docte dicta sunt *n*).

## E 4

## Verum

1) v. Commentatt. soc. Gott. To. VI. et VII. de Diodori fide ac fontibus.

*m*) Hic Benth. praeclare egit partes critici l. c.

*n*) Sane quidem etiam Numae, qui eadem fere aetate cum Zaleuco vixit, non minus subtilem doctrinam tribuunt v. c. Plutarch. in Numa p. 65. A. B. eum negasse, sensui aut ulli affectioni (dolori) obnoxium esse numen, sed esse inuisibile et sola mente comprehensibile; vetuisse eum porro, diuinæ naturae ullam effigiem siue ab humana siue ab alterius animantis forma ductam tribuere; quippe nosas esse, angustiora exprimere humilioribus; neque etiam deum aliter quam mente attingi posse (καὶ ἀνεπίστατον θεόν). Praeclara haec sunt, quis dubitet, verum haud dubie a seriore aliquo philosopho Numae subiecta, seu cum ita ipse statueret, seu ut suis dictis auctoritatem compararet.

Verum temere ruimus in contrarium errorem, si omnia ista a falsario supposita asseueramus. Si ipsa Zaleuci verba non tenemus, at potuit fama aliqua superesse prooemii a Zaleuco et Charonda legibus praemissi, potuere sententiae, potuit argumentum eius prooemii traditum esse, quod is, qui illud quale nunc habemus, scripsit, sequeretur \*).

Quod si igitur in verbis non minus quam in sententiis multa sunt a Zaleuci aevo aliena: nihil amplius inde confectum est, quam verborum, quibus haec perscripta sunt, auctoritatem Zaleuco vindicari non posse. Quantum sibi veteres in verbis aliorum ad suam orationem accomodandis permittant, ex ipsa comparatione Diodori et Stobaei intelligas; aut idem exemplum aut exempla eodem fonte profecta vterque sunt sequuti: at quam diuerse ab iis enuntiatae, auctae vel imminutae sunt sententiae! Quid? quod in Stobaeo esse possunt nonnulla a seriore interpolatore, etiam a Christiano homine, intertextata! Haec et similia cautum reddent lectorem in singulis, non vero ita labefactabunt, vt totum commentum hominis fraudulentum et falsarii protenus abiiciendum esse pronuntiet.

Sane

\*) Warburtonus *Divine Legation of Moses* B. II. S. III. p. 116 sqq. legum verba cum temporum progressionem mutata esse censebat ad vulgarem hominum usum sermonisque morem mutatum; idem exemplo Ocelli Lucani vitur, cuius libellum doricè exaratum nunc in vulgarem sermonem translatum habemus; eodem exemplo Zaleuci leges potuisse in vulgarem sermonem redactas ab aliquo ad nos peruenire. Cum grauiora sint alia, quae hoc prooemium premant, equidem in verbis, de quibus multa dici possunt, non haereo.

Sane sententiae et verba Pythagoreum produunt o). Hoc nemo facile inficias eat, eoque ipso constat, fuisse aliquem, qui Zaleuci nominis auctoritate usus est; vt vero omni fundo destitutum eum fuisse et falsarii fraude grassatum esse dicamus, effectum non est. Habetur praeterea huius prooemii auctoritas satis antiqua, cum Cicero manifeste illud respiciat p):, saltem prooemium, quod huic nostro non dissimile omnino esset. Atqui vel sic effectum est, a Christiano homine id profectum non esse; vt adeo iniquiores sint in genus humanum et in numinis optimi beneficentiam, quae intelligentia et mente nos instruxit, iniurii, qui nihil bonae frugis aut virtutis inter homines ante illud tempus nec quenquam fuisse contendunt, qui de natura diuina et humana recte sentiret.

- o) Warburtonus quidem ea ratione vti malit, vt dicat, sententias has iam ante Pythagoram per Italiam fuisse. Totus tamen orationis color ac tenor Pythagoricis similior est. Ita enim Pythagoras sentiebat, ad stabiliendam iustitiam nihil esse efficacius prouidentia numinis et cura rerum humanarum, si mentibus hominum de ea recte persuasum sit; itaque initio ab hac facto remp. et leges et iura constituebat. cf. Jamblich. V. P. f. 174.

- p) de Legg. II, 6.

## III.

ACADEMIAE GEORGIAE AVGVSTAE

PRORECTOR

GEORG. HENRICVS AYRER D.

CVM SENATV

SVCCESOREM SVVM

PHIL. GEORGIVM SCHROEDER

CIVIBVS COMMENDAT

IN A. D. II. JANVARIJ MDCCCLXVIII.

*Legum Charondae fragmenta.*

Sectio prior.

**L**egitimum magistratus nostri \*), Ciues, tempus cum ipso anno feliciter nunc exire, quamquam per se laetum et dulce est fesso id genus studiis curisque animo et gestienti iam redire ad solita negotia vitaeque officia, in quibus tanquam per gratas vices recreet se atque recipiat; habet tamen ea res nunc dulcedinem aliquam praecipuam atque  
eximiam

\*) Ex persona Ge. H. Ayveri, cuius nomen praescriptum est, dicta haec esse puta.



eximiam adiunctam, quod magistratum nostrum, quintum sulceptum, inter res constanter et aequaliter prosperas gestum, nunc ita deponimus, vt nec publicae nec priuatae nostrae felicitati vlla facta sit imminutio aut obscuratio; quod in tanta rerum humanarum inconstantia et vicissitudine quis non notabili aliqua fortuna nobis contigisse existimet? Vestra autem inprimis, Carissimi Ciues, modestia, verecundia et obsequio, tam pacatam ac tranquillam habuimus remp. vt abeuntes nunc magistratu sine vlla dubitatione remp. saluam iurare possimus. Ob quem secundum rerum nostrarum cursum debita agentur Deo O.M. gratiae eo die, erit autem is a. d. II. Ianuarii, quo academici magistratus insignia rite et inter publicam gratulationem transferentur in

PHILIPPVM GEORG. SCHROEDERVM D. Virum Experientissimum, cuius beneuolentiam et humanitatem, quam vel ipsum medici nomen ac professio ostendit, quum vos multis studiosissimae voluntatis documentis a viro praestantissimo declaratam habeatis, non dubitamus, quin vos non minus amore in eum ducti, quam laudis vestrae retinendae studio incensi, sitis daturi operam, vt legum sanctitas, magistratus reuerentia, honestatis et ingenui pudoris modestiaeque decore, vt haec omnia, inquam, propria vobis sint atque perpetua. Quam nostram spem de virtute vestra ac fiduciam vanam et inanem non fore, in ipsis his noui anni auspiciis hoc vestro quasi auspicio et omine declarabitis, Illustrissimi Comites, Generosissimi et Nobilissimi Ciues, si ad solennes caerimonias dicta die

die in templo academico habendas frequentes convenietis votisque nostris pie et religiose fauebitis.

Ne tamen apud vos, Commilitones, nihil aliud egisse videamur, quam vt tanquam alicuius praeconis voce atque opera, quae publice indicenda erant, sollenni formula indiceremus, sed vt potius amicitiae atque familiaritatis morem seruemus, quo postquam de grauioribus rebus actum est, ad familiares et hilariores sermones ac colloctiones dilabitur oratio; tenebimus vos per horulae spatium disputatione de re nec iniucunda nec inutili instituenda.

Magnum inter eos, qui legibus olim scribendis claruerunt, fuit nomen *Charondae*, nec Zaleuci fama obscurius, quanquam minus certa de eo memorari possunt. Nos, vt in Zaleuco fecimus, primum legum, quae sub eius nomine veniunt, fragmenta vndecunque conferemus, tum nonnulla, quae de harum legum auctoritate, deque tanti viri vita factisque disputari possunt, breuiter subiiciemus.

Et legum quidem praeclarum *prooemium* a Joanne Stobensi a) seruatum primo loco erit ponendum;

a) Joannes Stobis oriundus Serm. XLII. p. 289. a quo quidem homine verae et vtilis sapientiae maior apparatus nobis est seruatus quam per infinita subtilium philosophorum volumina. Dissertationibus aliquot Leges Charondae expositae sunt a Sam. Strunkio Vpsaliae sub finem superioris saeculi; quarum quartam, 1670. 8. in manibus habemus, quae tamen ceterarum desiderium non facile faciat; tam occupata est tota in rebus ac locis communibus.

nendum; de quo quid statuendum sit, alio loco videbimus; auctoritatem eius ipse Cicero pro se laudat b).

*Consultantes aliquid et agentes a diis auspicari fas est. Optime enim res, ut vulgare dictum fert, se habent tum, si eorum, quae suscipiuntur, deum auctorem habeamus et auspicem omnium. A malis porro facinoribus abstinendum est, iamque maxime propter hanc ipsam cum deo consiliorum communicationem. Cum iniusto enim numen nihil commune habere potest c).*

*Debet autem unusquisque instare sibi seque excitare d) ad capeSSenda iusta consilia et peragenda sic, ut quaeque res postulat e).* Nam aequalem in parvis iuxta ac magnis contentionem et studium adhibere, pusilli animi est et illiberale. Quare videndum, ne parua aeque ac magna nimis animose aggrediare, sed ut unamquamque

tem,

b) Cic. de Legg. II, 6 ut, priusquam ipsam legem recitem, de eius legis laude dicam. quod idem et Zaleucum et Charondaem fecisse video — Quos imitatus Plato, videlicet hoc quoque legis putavit esse, persuadere aliquid, non omnia vi ac minis cogere — Habes legis prooemium, sic enim hoc appellat Plato.

c) Τῶς βουλευμένους καὶ πράττοντας τι ἀπὸ Θεῶν ἀρχεσθαι χρή. τὸ γὰρ ἄριστον, ὥσπερ ἂ παροιμία Φατί, τὸν Θεὸν ἡμεν αἴτιον πάντων τούτων. ἔτι δὲ Φαύλων πράξεων ἀπέχεσθαι καὶ μάλιστα, διὰ τὴν πρὸς τὸν Θεὸν συμβουλίαν. οὐδενός γὰρ ἀδίκῳ Θεὸν κοινωνεῖν.

d) Ita int. βοηθεῖν ἑαυτῷ καὶ ποτικελεύεσθαι. Verba sunt βοηθεῖν δὲ ἕκαστον ἑαυτῷ καὶ ποτικελεύεσθαι, κατ' ἀξίαν τῶν δικαίων μεταλαμβάνειν καὶ πράσσειν. τὸ γὰρ ὑπὲρ μικρῶν καὶ μεγάλων ὁμοίως διατείνεσθαι ἄγαν μικροπρεπὲς δοκεῖ ἡμεν καὶ ἀνελεύθερον.

e) κατ' ἀξίαν τῶν δικαίων μεταλαμβάνειν καὶ πράσσειν.

*rem, ex dignitate eius et efficacitate aestimatione facta, suscipias f).* Quo ipso consequeris auctoritatem et dignitatem.

Qui meminerit, in magnis iuxta imperiis ac parvis ciuitatibus quantae nimium saepe rerum turbae, dissensiones, discordiae, odia et bella internecina, hoc ipso excitata ac mota fuerint, quod res paruae, leues et inanes, magno conatu ac molimine, scenico aliquo apparatu, augusta verborum, sententiarum, vultus denique grauitate agebantur, dum interea ad ea, quae in re summa erant et ipsam publicae priuataeque rei salutem continebant, nemo animo vacaret, is forte intellet, hoc quidem legis caput egregiam et exquisitam latoris prudentiam tanquam specimine aliquo prodere.

*Viro aut mulieri ob iniustitiae culpam a ciuitate notatis g) ne quis opem ferto, neque cum iis versator; qui*

f) Restituenda scilicet Joanni et sententia et lectio sua: διὸ φροντίζεν [δεῖ] τῷ (pro τοῦ ἐμπίπτειν doricè) μὴ σφόδρα ἐς τὰ ἀκίστα (pro ἥκιστα male μάλιστα scribitur) καὶ τὰ μεγάλα ἐμπίπτειν. ἀλλὰ κατ' ἀξίαν τὰν ἑαυτῷ (pro ἑαυτοῦ, non autem ἑαυτῷ) καὶ δυναμίαν (non δυναμιν?) μετρῶντα, ἐκάστην πράγματι (non πράγμα) ἐπιβάλλειν. Haecenus prooemii verba apud Stobaeum doricè sunt perscripta.

g) Ἀδίκῃ ἀνδρὶ ἢ γυναικὶ κενυμένοις ὑπὸ πόλεως ἐπαρωγὴν μὴ ποιεῖσθαι, μηδὲ ὁμιλεῖν μηδένα, ἢ ὀνειδίζεσθαι ὡς ὄντα ὁμοίον ᾧ ὁμιλεῖ. Acciperes verba hoc modo, ut ciues vetiti sint, subuenire vltro modo iis, qui iudicati sint iniusti esse, h. e. in quos actione iniusti facta sententia lata fuerit. Sequitur mox lex, quae respondeat huic: πολλῇ δὲ ἀδικουμένῃ βοηθεῖν, videtur tamen

*qui secus fecerit, ei ignominia inuritor, ut similis habeatur illi, quicum versatur.*

Diodorus hanc eandem legem recitat, qua malorum consuetudine (*κακομιλία*), quae maxima vitae humanae pestis est, et partim pravis exemplis consiliisque a virtutis studio reuocat, partim integerrimos saepe animos tanquam contagione aliqua contaminat, urbem liberare voluerit. Sed is rem ita eloquitur, ac si malorum consortio ac familiaritate non modo seuerè interdixerit, sed et *adionem pravae societatis instituerit, grauemque huius delicti multam reis imposuerit* h): egregia lex, si de virtutis studio et vero eius fundamento quaeritur! sed ab auctoribus adiectam vellemus *rationem ac modum, quo talia iudicia tractari potuerint*. Iam porro:

*Viros bonos, qui virtute ceteris praeferre existimantur, amare quisque et frequentare, atque vere eos imitando, et virtutem sibi propriam faciendo, initiis illis, maximis omnium et sanctissimis, honestati, initiari studeto i). Sine hac enim nemo vir perfectus k).*

Cui

men eadem lex esse, de qua Diodor. XII, 12. ἔγραψε δὲ ὁ Χαράωνδας καὶ περὶ τῆς κακομιλίας νόμον — ἀπηγόρευσε τῇ τῶν πονηρῶν Φίλῃ τε καὶ συνῆθελε χρήσασθαι. Formata autem vox *κακομιλία* non ut *καχεξία*, sed ut *κακοσίμων*.

h) καὶ δίκας ἐποίησε κακομιλίας, καὶ προστίμοις μεγάλαις ἐπέγραψε τοὺς ἀμαρτάνειν μέλλοντας. idem Diod.

i) τοῖς δὲ προκακριμένους ἄνδρας ἀγαθοὺς ἀγαπᾶν, καὶ ἐντυγχάνειν αὐτοῖς, ταλεῖσθαι τε τὴν μεγίστην καὶ τελειοτάτην τελειήν, ἀνδραγαθίαν μιμουμένους (immo μεμνημένους *initiatos*) ἐπ' ἀληθεία, καὶ πτωμένους τὴν ἀρετήν. quanto potentior atque efficacior ad honestatis studium in animis inflammandum debuit esse haec religiofissimae rei imago, quam ieiuna virtutis definitio!

*Cui iniuria affecto in patria iuxta ac peregrina terra succurrunt. Nec minus hospitem quemvis, cui in patria sua et ex suis legibus l) honos habetur, honorifice et familiariter excipiunt et dimittunt, Iouis hospitalis memores, tanquam numinis, quod communi apud omnes gentes religione colitur, quodque hospitii iura seu servata seu violata inspicit.*

*Senes iunioribus et exemplis et monitis auctores sunt, ut verecundiam habeant, et prava quaevis erubescant; idcirco ipsi verecundia et pudore conspicuos se praebent. Nam in quibus civitatibus senes sunt inuerecundi et improbi, in iisdem liberi etiam et nepotes m) impudentiam retinent. Impudentiam autem et proternitatem*

k) τέλειος, vti ex initiis, quibus initiatus aliquis est. οὐδὲν γὰρ ἀνὴρ τέλειος ἀνευ ταύτης (sc. τῆς ἀρετῆς.) Quae vero sequuntur, ita se habent: πολίτη δὲ ἀδικουμένῳ βοηθεῖν καὶ οἶκοι καὶ ἐπὶ ξένης. ξένον δὲ πάντα, τὸν ἐν τῇ αὐτοῦ πατρίδι σεβόμενον καὶ κατὰ τοὺς οἰκίους νόμους, εὐφρήμως καὶ οἰκείως προσέχεσθαι, καὶ ἀποστέλλειν, μεμνημένους Διὸς ξένιου, ὡς παρὰ πᾶσιν ἰδρυμένου κοινοῦ θεοῦ καὶ ὅντος ἐπισκόπου φιλοξενίας τε καὶ κακοξενίας.

l) Nihil maiore iudicio potuit declarari; ne aliorum virtutem e suis opinionibus aestimarent. Quid igitur istos homines iudicaturos fuisse putabimus de hoc hominum genere, quod leges, religiones, mores, sanctiores ac perfectiores habere videri vult, et aliorum diguitatem, honestatem ac virtutem, ex verborum nominumque professione iudicat!

m) παίδων παιδες. Verba sunt haec: ἡγεῖσθαι δὲ καὶ παραγγέλλειν πρεσβυτέρους νεωτέροις τὸ αἰδεῖσθαι καὶ αἰσχύναςθαι τὰ κακὰ, φανεροὺς ὄντας αὐτοὺς αἰσχυνομένους καὶ αἰδομένους. ὡς ἐν αἷς πόλεσι πρεσβυτέρων ἀναισχυντίᾳ [εἰσι], φύονται παῖδες αὐτῶν καὶ παίδων παῖδες ἀναισχυνοί.

*tatem intemperantia et iniustitia sequitur, atque hinc succedit exitium. Ideo inuerecundiam auersantur, et verecundiam amplectuntur, tanquam hoc ipso deos habituri propitios suasque res saluas et incolumes. Nullus enim improbus deo carus est n).*

*Honestatem et veritatem vnice colunt; turpitudinem et mendacium odio habent: Nam hisce notis o) virtus et malitia discernuntur. His sciam a pueris assuefaciunt, castigando mentiendi studiosos, diligendo ac fouendo veritatis amantes, ut vniuscuiusque animo innascatur et naturam quasi induat illud, quod pulcherri- mum est et virtutis semina habet secundissima p).*

*Frugi*

n) ακολουθεῖ δὲ ἀναίσχυντις καὶ ἀναδείξ ὕβρις καὶ ἀδικία· τοῖσι δὲ ἔπεται ὀλεθρος. μήτε τις δὲ ἔστω ἀναίτης, ἀλλὰ σωφρονεῖτω ἑκάστος, ὡς καὶ τῷ τευξόμενος θεῶν ἴλαων καὶ σωτηρίας. οὐδεὶς γὰρ κακὸς θεοφιλής.

o) Veritatis et mendacii, honestatis et turpitudinis. τιμάτω δὲ ἑκάστος τὸ καλὸν καὶ τὸ ἀληθές, καὶ μισεῖτω τὸ αἰσχρὸν καὶ τὸ ψεῦδος. ταῦτα γὰρ ἀρετῆς σημεῖα καὶ πικρίας. διὸ χρὴ συνεδίζειν ἐκ παίδων κολλῶντας μὲν τοὺς φιλοψευδεῖς, φιλοῦντας δὲ τοὺς φιλαλήθεις.

p) sc. veritatem et honestatem. Quam praeclara praecepta! et quam praeclare illa, ad insinuandum se in animos hominum, verbis expressa! ἰν' ἐμφυσιῶται ἑκάστῳ τὸ κάλλιστον καὶ σπαρμωδέστατον τῆς ἀρετῆς. O quam multa in rebus ad publicam priuatamque felicitatem spectantibus caeci illi Gentiles videbant. in quibus nos Christiani caecutimus! Si sensu et affectu imbibitum, monitu et exemplo instillatum, non inanum verborum ambagibus traditum, fuerit honestatis ac veritatis studium, quanto meliores quanto feliciores ciues habituri essemus! Super voce ἐμφυσιοῦν, quae et infra occurrit ἰν' ἐμφυσιῶται ἑκάστῳ τὰ παραγγέλματα, grauis est censura Bentleii p. 376. qui adeo

Heynii Opusc. acad. Vol. II.

F

barba-

*Frugi potius esse quam sapere videri unusquisque civium studeto. Nam sapientiae existimationem affectare, indubitatum solidi et angusti animi est signum q). Frugi autem esse et modestum se praebere ita studeto, ut esse velit, non autem videri. Verbis egregiam virtutem iactare ne quis audeto, qui nec factis nec animi habitu professionis fidem fecerit r). Audiant haec, et tanquam a philosopho dicta, improbent, vel ii ipsi, qui, quanquam formulariae tantum pietatis studiosi, a pietate tamen nomen mutuantur!*

*Ergo*

barbarum auctorem prodi hoc ipso contendebat, quod vocabulum, vulgari usu pro ἐμφυσῆν, inflare, adhiberi solitum, usurpauerit tanquam a Φύσις ductum, ut sit *in naturam et indolem convertere*. Iniquissima vero strictura. Est enim voc. Pythagoreis seu veris, seu imitatoribus, hoc sensu frequentatum: sic Hipodamus de rep. apud Stob. XLI. τὰ δὲ ἔδη καὶ ἐπιτηδεύματα πλάσσει καὶ κηροχυτεῖ τὰν ψυχὰν, Φυσίωσιν ἐμποιοῦντα διὰ τῆς συνεχέος συνεργίης: h. *habitu in naturam verso*. Apud Porphyr de Abst. I, 29 ἡ κατὰ τὰ ὄντως ὄντα Φυσίωσις καὶ ζωή. III, II. Φυσιοῦσθαι α *natura vim habere*.

- q) Προσκοιῶσθω δὲ ἕκαστος τῶν πολιτῶν σωφρονεῖν μᾶλλον ἢ Φρονεῖν. ὥς ἡ προσκοίησις τοῦ Φρονεῖν μέγα σημεῖον ἀπειροκαλίας καὶ σμικρότητος. Quanto melius aureum hoc praeceptum nostris legum tabulis esset inferendum, cum in τῷ Φρονεῖν summa nunc omnis sapientiae poni solet. Quid? quod, nisi quaestulunculis et opiniunculis animum onerare maluissent nostri maiores quam paucis veritatis fructuosae et virtutis aetuosae praeceptis imbuere ipsoque vitae usu firmare, quanto meliorem nunc temp. haberemus!

- r) ἔστω δὲ ἡ προσκοίησις τοῦ σωφρονεῖν ἀληθής. μηδεὶς γὰρ πλαττέσθω γλώσση καλὰ ἔργα, πράξεως καὶ διανοίας στερόμενος ἀγαθής.



*Erga magistratus, tanquam parentes, beneuolentia affecti sunt, obediendo ac venerando ipsos. Qui aliter senferit, poenam mali consilii dabit daemonibus ciuitatis praesidibus s). Nam et ipsi magistratus ciuitati praesunt et ciuium saluti.*

*Magistratus autem ipsi ciuibus, tanquam liberis suis, cum iustitiae cura praesunt. Inimicitias iuxta atque amicitias, irasque in iudicando reprimunt t).*

*Laudantur et concelebrantur illi, qui, locupletes cum sint, tenuioribus subueniunt; quippe qui patriae suae, comuni parenti, liberos simulque propugnatores seruent. Subueniunt autem iis, qui fortunae, non otiosae et intemperantis vitae, culpa pauperes sunt v).*

*Fortunae*

- s) Ita int. δαίμοσιν ἐστιούχοις et mox ἄρχοντες γὰρ ἐστι-  
χοῦσι πόλεως καὶ πολιτῶν σωτηρίας. Verba sunt: Χρῆ  
δὲ καὶ πρὸς τοὺς ἄρχοντας εὐνοίαν διαφυλάττειν, κατὰ-  
περ πατρικὴν, εὐπειθοῦντας καὶ σεβομένους. ὡς ὁ μὴ  
διανοοῦμενος οὕτως τίσει δίκην κακῆς βουλῆς δαίμοσιν  
ἐστιούχοις. ἄρχοντες γὰρ ἐστιουχοῦσι πόλεως καὶ πο-  
λιτῶν σωτηρίας. De Daemonibus vid. sup. ad LL.  
Zaleuci Proluf. I. Voc. ἐστιοῦχος in verbis Aeschylli  
legitur ap. Longin. f. 3. vbi et Toup. in Ind. ra-  
ram vocem esse notauit. Ceterum lex haec cum non-  
nullis aliis etiam eo est notabilis, quod diris quodam-  
modo deuouetur is qui aduersus legem deliquerit;  
cuius generis multae leges sunt inter Mosaicis. Le-  
gem hanc respexit Cic. de LL. III, 1. Nec vero so-  
lum ut obtemperent obediuntque magistratibus, sed et-  
iam ut eos colant diligentque praescribimus, ut Cha-  
rondas in suis fecit legibus.

- t) Χρῆ δὲ καὶ τοὺς ἄρχοντας δικαίως προεστάναι τῶν ἀρχο-  
μένων, κατὰπερ τέκνων ἰδίων, ἔχθραν καὶ Φιλίαν καὶ  
θυμὸν ἐν τῇ κρίσει κοιμίσαντες.

- v) Ἐπαινεῖσθωσαν δὲ καὶ εὐδοκίμεισθωσαν, ἔσοι ἂν ὄντες  
εὐποροὶ τοῖς ἐνδεεστέροις ἐπαρκῶσιν, ὡς τέκνα καὶ αἰμὼν-

*Fortunae enini casus omnibus communes sunt: otiosa autem et incontinens vita malis hominibus propria est u).*

*Item honestum habetor, indicare eum, cuius quis facinoribus conscius est, ut resp. salua sit, multos habens bonae constitutionis custodes x). Qui indicaturus est, pietatem adhibeto: etiam genere proximos deserto; patria enim nihil est coniunctius y). Indicium autem faciunt non eorum, quae per imprudentiam praeter voluntatem commissa, sed quae consulto peccata sunt. Ceterum is, qui indicio delatus fuerit, si aduersus indicem inimicitias susceperit, ab omnibus odio habetor, atque ingrati animi poenas dato tanquam is, qui mercede defraudet eum, per quem quasi medicum, a pessimo morbo, scelere, liberatus est z).*

### Periculosa

τορας σώζοντες τῆς αὐτῶν πατρίδος· ἐπαρκαίωσαν δὲ τοῖς διὰ τύχην πνευμένοις, καὶ μὴ διὰ βίον ἀργὸν καὶ ἀκρατῆ.

- u) Sic int. ἡ μὲν γὰρ τύχη πᾶσι κοινὴν, ὁ δὲ ἀργὸς καὶ ἀκρατὴς βίος κακοῖς ἀνδράσιν ἴδιος.
- x) Καλὸν δὲ ἔστω καὶ μνησθῆναι, εἰς τὴν τῶν συνίδῃ ἀδικοῦντι, ἵνα ἡ πολιτεία σώζῃται πολλοὺς ἔχουσα τῆς εὐκοσμίας φύλακας.
- y) ὁ δὲ μνηστὴρ εὐσεβὴς ἔστω, καὶ κατὰ τῶν οἰκευμάτων ἐξαγγέλλων. οὐδὲν γὰρ ἐστὶν οἰκειότερον πατρίδος. respectusque adeo patriae debet esse maior quam consanguineorum.
- z) Ita int. μισείσθω ὑπὸ πάντων, δίκην διδοὺς ἀχαριστίας, ἥς (δι' ἧς μισθοῦ) ἀποστερῇ τὸν ἰατρεύοντα, μεγίστην νόσον ἰατρευόμενος, ἀδίκιαν. Antecedentia vero sic se habebant: ἐμφανίζονται δὲ μὴ, τὰ δι' ἀκούσιον ἄγνοιαν γιγνόμενα, ἀλλ' ὅσον ἂν ἐκ προνοίας τι ἀμαρτάνωσι. ὁ δὲ ἐμφανισθεὶς, ἂν ἐθελεσχερῇ τῷ μνηστῇ, μισείσθω etc.

Periculosa forte lex et admodum lubrica, et quae umbratilem potius, quam verum legumlatorem prodat, qua lycophantis et delatoribus, et cum his omni sceleri, flagitio et infamiae, cum odiis, inimicitiis, caedibus, aditus in forum parari videtur! nisi forte in ipso legum codice alia fuere subiecta, quibus his malis occurreretur. Et alia sane apud Diodorum a) Charondae lex memoratur, quae non tam superiori abrogare quam potius huius ipsius legis depravationi cauere debuisse videri potest: *Calumniae enim, inquit, conuictis b) poenam irrogauit hanc, ut myrica coronati per urbem circumducerentur, quo eos malitiae palmam esse consequutos manifeste appareret.* Sed sunt adhuc nonnulla alia ad hanc legem monenda, quae in aliam commutationem differenda esse videmus. Vos, Ciues amantissimi, iis, quas ab initio proposuimus, precibus monitisque ut locum apud vos esse velitis, iterum iterumque rogamus. P. P. Kal. Januar. cło Io cclxviii.

a) Diodor. XII, 12.

b) malitiosae delationis, τοὺς δὲ ἐπὶ συνοφαντία καταγνωσθέντας προτέταξε περιπατεῖν ἐστεφανωμένους μυρική, ὅπως ἐν πᾶσι τοῖς πολίταις φαίνωνται πρωτεῖον τῆς πονηρίας περιπεποιημένοι.

## IV.

ACADEMIAE GEORGIAE AVGVSTAE

PRORECTOR.

PAVLVS JACOB. FOERTSCH D.

CVM SENATV

ANNIVERSARIA INAVGVRATIONIS

SACRA XXXII.

IN A. D. XVII. SEPT. MDCCCLXXK.

RITE INDICIT.

*Legum Charondae fragmenta.*

Sectio altera.

**S**olent vulgo homines ea tantum tempora pro memorabilibus habere; in quibus aliquid ad vtramque fortunam insigne et a vulgari rerum cursu deflectens euenerit; quemadmodum omnino ea, quibus adfueuimus, quamuis notabilia et praeclara, vix obiter contemplamur; in iis autem, quae noua et insolita sunt, vnice haeremus ac stupemus. Quid? quod adeo, cum suspicimus magni caelestia mundi Tempia super, stellisque micantibus aethera fixum, Vix venit in mentem solis lunaeque viarum; at nunc, cum

cum *crinitum fidus* apparet, cuius non oculi animique ad caelum conuersi sunt? Sed *assiduitate quotidiana*, vt Ciceronis verbis vtamur, *et consuetudine oculorum*, *assuescunt animi*, *neque admirantur neque requirunt rationes earum rerum*, *quas semper vident*; *proinde quasi nouitas nos magis quam magnitudo rerum debeat excitare*. Sapiens itaque, non ille ex porticu nec ex schola formularia, sed qui ad vitae vsum et felicitatem transferendam sibi esse philosophiam censet, magnam sui studii partem ponit in eo, vt obvia quaeque et vulgaria, quae ante pedes, in omnium conspectu oculisque posita, omnium manibus trita tractataque sunt, excutiat et exploret, quaeque iis siue ad vitae miseriam minuendam, siue ad felicitatis publicae priuataeque materiem augendam insint, extundat et exquirat. Idem ille sapiens, dum sortem aequabilem et in neutram partem conspicuam eminenti et inuidiosae fortunae anteferre non dubitat, eum demum vitae suae cursum secundum iudicet necesse est, quem inter res modice prosperas animo aequo et tranquillo nulla-que fortunae in alterutram partem vicissitudine turbato exegerit.

Scilicet mortalibus si qua vita beata contigit, ea esse iudicanda est, quam te viuere vix sentiebas, vixisse recordaris, tanquam somnium, quod modo effluxit. Nam qui eam felicitatis mensuram esse velit, vt nullam diem, nullam horam, feliciter exegisse arbitretur, nisi cum apud se diceret: at beatum me! nae is, veremur, vt magnam vitae suae partem cum felicitate coniunctam fuisse dicere possit.

Redeuntibus nunc, Ciues, sacris Academiae nostrae anniuersariis, exactoque adeo iterum anno, qui sacro huic computo accedit, (et vtinam in immensam annorum summam excrescat!) si nihil nec admodum laetum nec admodum triste, quod euenerit, memorare possumus, habemus in eo ipso, quod de rep. salua et incolumi, rerumque statu integro et stabili, gratulari possumus; quanquam, in hac ipsa acquabiliter prospera fortuna, multa publice laeta et secunda contigerunt, cum beneuolentiae Regis Optimi erga nos tot tamque praeclaras significationes, curae autem ac tutelae Parentis nostri communis, Munchhusii, tam plena affectus signa, ac potius monumenta, enumerare in promptu sit; nuper quidem etiam hoc, quod Regis Optimi frater amantissimus Sereniss. Dux Glocestriae, res nostras inspicere non est dedignatus. Quae cum ita sint, habemus utique, quod sollennia anniuersaria et supplicationes publicas in a. d. XVII. Sept. e Senatus academici decreto, rite indicamus; cumque ille dies ex iis sit, quos maiorum mos et ritus cultui diuino publico consecrauit, ducetur quidem a. h. IX. pompa ex more in templum academicum, sed orationis loco, quam haberi mos est, inter sacra publica, Vir Summe Reuerendus, Collega noster coniunctissimus, *G. T. Zachariae* D., qui illo die verba e suggestu faciet ad piam concionem, expositis pro solita facundia ceteris, quae pietatis sensum in animis excitare possint, deo aget immortalis gratias ac vota publica persoluet. Vos igitur, Iuuentutis florentissimae Principes, Comites Illustrissimi, ceterique Ciues genere, ingeniis, moribus Nobilissimi,

lissimi, quorum studium amorque nostri aliis rebus cognitus nobis perspectusque est, sollennibus his interesse frequentes tanto minus recusabitis, quo magis ipsius diei sanctitas, sacrarum rerum reuerentia, pietatisque in adorando Numine O. M.; omnis felicitatis fonte et auctore vnico, testandae necessitas, hoc idem a vobis exigunt et flagitant.

Satis nunc factum est, Ciues amantissimi, ei, quod indicendorum anniuersariorum sollennium nobis incumbebat, officio. Restat altera officii pars, vt de quaestione aliqua docta et vtili vobiscum agamus; paucis vtique, quippe qui docta et vtilia non semper ad animos per diu tenendos esse accommodatissima bene teneamus.

Substitimus tum, cum de Charondae legibus agere instituissemus a), in ea lege, qua indicii munus et officium vnicuique ciuium erat impositum; si cuius facinoribus erat conscius b). Securitatem et tranquillitatem publicam inter ciues Charondae in hoc inprimis fuisse propositam, ex ipsa lege intelligitur c); ad omne autem criminum flagitiorumque genus, etiam ad morum prauitatem vitaeque profligatae turpitudinem, necessitatem hanc indicii pertinuisse, ex iis, quae mox ex eadem lege subiicientur

F 5

tur

a) In Proluf. Kal. Jan. 1768. *Legum Charondae fragmenta.*  
Sectio prior.

b) *ἰὰν τις τῷ συνίδῃ ἀδικοῦντι.*

c) *ἵνα ἡ πολιτεία σώζηται, πολλοὺς ἔχουσα τῆς εὐνομίας φύλακας.*

Πλάτωνος ἔκδοσις

tur \*), patebit: Habere tamen eam aliquid incivile, forte illiberale et ingenuo homine indignum, erit forte, qui existimet. Quis enim, nisi qui ex aliorum miseria crescere publicoque odio exultare malit, eorum, quae ab altero, familiari interdum ac collega, prae et sinistre gesta sint, index apud magistratum esse sustineat? Sed, dum a tali indicio, tanquam cum honestate parum coniuncto, abhorremus, adpersa fere et admixta calumniae, odii vel cupiditatis, nota aliqua animo insidet; cum tamen ab odiis iuxta ac studiis pravis intactum servare studeat animum bonus quisque civis; et, quod in ipsa lege adiicitur, maior haberi debeat ratio patriae, qua nihil cuiquam esse potest coniunctius, quam familiare, liberorum ac parentum. Verum primo, si non ipsa lege, tamen ipsa re et instituto, multa potuere esse definita, quae hanc delationem circumscriberent. Potuit ea locum habere in criminibus conceptis, inchoatis, designatis. Tum subiicitur recensensus eiusmodi scelerum (ἀδικημάτων), quae a malo animorum habitu proficiuntur: deorum contemptus, parentum violatio, magistratum et legum neglectus, et iustitiae eleuatio ac despectus. Huic animi deprauati malitiae nisi mature occurratur, in deterima scelera et facinora erumpere illa potest. Tandem, idque primum erat, lex haec tolerabilis esse potuit duntaxat in ea ciuitate, in qua disciplinae magna esset severitas, morum simplicitas et

\*) ἐμφανιζόντων δὲ — ὅσον ἂν ἐκ προνοίας τι ἀμαρτάνωσιν.  
— ἔστω δὲ μέγιστα ἀδικήματα θεῶν καταφρόνησις etc.  
v. Prolaf. sequ.



et sanctitas, deorumque vigeret reuerentia et iurandi religio.

Neque maiores adeo nostri talis indicii honestatem suspectam habuerunt; quod cum omnino ex antiqua rei iudiciariae inter Germanos forma, tum ex iis conuentibus iudiciariis intelligitur, qui inde in nonnullis tractibus, ad Loganam inprimis, etiamnum frequentari solent, in quibus ciues omnes ac singuli, inprimis tamen ii, qui publico aliquo munere vel ministerio funguntur, iureiurando adacti, quidquid contra leges a quopiam ciuium suorum commissum peccatumque nouerint, publico indicio edere tenentur; quod ipsum indicium pro accusatione habetur, vt statim res in iudicum confessu disceptanda proponatur. Sane quidem finibus contineri fatis angustis et ad certa tantum crimina et flagitia, inprimis ea, quae bonam ciuitatis vel pagi constitutionem bonamque politiam turbare possunt, spectare hoc iudiciorum genus videtur; habet tamen, nisi fallimur, hoc maiorum nostrorum institutum bona multa et praeclara, adeo vt nuper a viro docto horum conuentuum vtilitas egregie sit commendata d). Quid? quod in *Episcoporum olim placitis* excitati ex media parochianorum turba aliquot, numero fere septem, *testes synodales* vulgo dicti, de iis, quae clandestina celarentur, criminibus et flagitiis, etiam de vita moribusque suorum conterraneorum indicium profiteri iureiurando obligati cogebantur; etsi etiam hoc indicium intra adulterii

d) J. F. Ehrhardt von dem geschwornen Montage, oder den Ruge-Gerichten an der Lahn. Marb. 1768.

adulterii fere, caedis ac rapinae, similiaque crimina, quibus si se contaminet, aliquis, vir bonus esse nequit, substituisse videtur; nisi quod de magicis artibus, et impietate suspectaque religiosi cultus formula quaesitum praeterea fuit e).

Omne tamen indiciorum genus (nam de maiestatis delatione, quam nemo sine horrore nominat, non agimus) in nullo populo ac rep. retineri, multo minus recipi, potest, quandocunque morum integritas fidesque antiqua corrumpi, et cum diuitiarum opumque studio sycophantarum delatorumque calumnia et malitia iudicumque auaritia et cupiditas grassari coepit. Fingunt quidem plerumque leges hominum ingenia; nec tamen minus legum naturas hominum ingenia temperant. Nec scriptis in sycophantas et calumniatores legibus ad rerum summam multum effici putamus; etsi Thuriōs etiam legem habuisse memorauimus, qua falsae calumniae poena infligebatur haec, vt *myrica coronatus* calumniator per urbem circumduceretur. Myrica, quod tamaricis genus est, propterea ad hanc contumeliam delecta esse videtur, quod infelix is frutex habitus, quippe qui circa saxa solitaria f) ferpat, adspectu parum gratus. Poena autem talis, quod

e) v. Boehmeri *Ius eccles. Protest.* lib. III. t. 39. § 37. 63 sqq. et nuper Koppius de iudiciis Hassiac. med. Sec. (P. I. *von den Hessischen geistl. und Civil-Gerichten* II. St. IV. *Abth.* § 85 sqq.) Originem inde ducere videntur corvcae et indices in Wurtembergens. terris, *Gemeinsmänner* dicti, quos Keislerus memorat T. I. p. 80. Sed de his circumspicere non vacat.

f) cf. Plin. XIII, 21. c. 37.

quod facile quisque pro se intelligit, in ea tantum  
 republica malos detertere potest, in qua bonae ma-  
 laeque famae, decoris dedecorisque, sensus animis  
 insitus sit paullo acutior. Is autem nisi disciplina  
 publica priuataque et ipsa puerilis aetatis institu-  
 tione instillatus fuerit, ciuium animis sponte non  
 facile innascitur. Ad hunc tamen honestatis pudor-  
 isque sensum in ciuium suorum animis eliciendum  
 et excitandum vetustarum ciuitatum disciplina mi-  
 rifice erat concinnata, non, ut nullam nisi in Regis  
 seruitio gloriam positam esse putarent, verum ut  
 recte factorum praemium summum ac certissimum  
 ex ciuium exultatione et laude peterent, male-  
 facti poenam acerbissimam et omni supplicio atro-  
 ciores arbitrantur infamiam. Itaque illam ipsam  
 myricae gestandae ignominiam Diodorus narrat g)  
 inter Thurios plerisque adeo intolerabilem visam  
 ut, cum eam sibi iudicum sententiis infligam au-  
 dirent, morte suis sibi manibus illata eam occupa-  
 rent. Omnino autem, ut violenta imperia terrore  
 ac metu tranquillitatem, hoc est seruitutem, pu-  
 blicam retinere student, ita ciuitates, quae in eam  
 reip. formam descriptae sunt, quae hominibus in-  
 genuis consentanea sit, ciuium pudorem habent  
 salutis suae custodem fidissimum.

Ne ille itaque animis, tanquam speculis, de-  
 ficiatur, sed vigilanter et fideliter excubet, ipsas  
 leges in iis ciuitatibus eo temperatas esse necesse  
 est, ut in poenis ac suppliciis ignominiae et infamiae,  
 non autem atrocitatis ac tormentorum fau-  
 tia,

g) Diodor. XII, 11.

tiae, quod pessimum tranquillitatis publicae praesidium est, ratio habeatur. Falso enim natura accusatur, quasi quaedam ingenia tam ferocia ac beluina fluxerit, ut nisi belluarum more regi nequeant. Suam inhumanitatem accusent, qui culpa sua commiserunt, ut illa ingenia fortis suae duritiae et immanitate efferarentur. Scilicet, quod nostra vel asperitate vel socordia miseri sunt, hoc in ipsos poena vindicandum arbitramur? Sed de his satis a viris sapientibus ac doctis et saepe actum est. Nos ad aliam inter Thurios ab ignominia ductam poenam progredimur.

Adulterii poena inter Thurios constituta fuit haec, ut moechum ludificari faceretque ac dicacibus convitiis exagitare posset quivis. Quae quidem poena an inter nos ab adulterii flagitio multos sit reuocatura, forsitan dubites, multo magis ex quo Gallica elegantia Germanorum mores adeo infecit, ut etiam honori sibi aliquis ducat, flagitiosum et esse et haberi. Sed pudorem omnem iam dudum eo usque eiurauimus, ut in ipsa rep. litteraria, in qua Honestas et Bona Mens magistratum gerere debebant, verendum sit, ne, quicumque regnum affectet, aut saltem aliquo loco esse velit, id se inquinatis moribus, flagitiosa aliorum infectione et perfrectae frontis impudentia facile consequi posse putet. Enimuero quaeri potest non minus ac dubitari de toto hoc genere poenae civilis, quod petatum est a cauillatione et irrisione, satisne graue illud sit et legum auctoritati consentaneum? quod tamen in ea ciuitate minus in reprehensionem venire potest,

in

in qua existimationis bonaeque famae ac pudoris omnino aliqua ratio habetur: ea res tamen, nisi in magna morum simplicitate locum vix habet. <sup>in</sup>Expediorem reprehensionem habet illud institutum, quo ludificationi publicae, et lasciviae plebis ac puerilis aetatis, reus exagitandus conceditur. Exempla eius generis sunt mali debitores apud Tyrrhenos, qui marsupio vacuo ad collum religato per vias ducebantur irridendi pueris; (fragm. Heraclid. *de Tyrrhenis*) aut apud Bocotos, cophino capiti superinieceto vt in foro sederent. (Nic. Damasc. in fragm.)

Sed inter Thurios eadem ludibrii poena in *curiosos* et de alienis negotiis satagentes ardelionesque erat statuta *h*). Sapienter utique in pessimum animi vitium plurimorumque pessimorum vitiorum fomitem animaduerti Charondas voluit. Nam nemo facile aliarum rerum curiosus est, qui non furum negligens sit et otiose agat, et idem loquax sit et aliis male cupiat. Quod autem Plutarchus vtrumque hominum genus et moechos et male sedulos vna enuntiatione complexus est, id, dum breuitatis studio plura sub vnum caput reuocabat, temere

*h*) Plutarch. de Curios. p. 159. B. εἰ δὲ καὶ ὁ τῶν Θουρίων νομοθέτης· κωμωδεῖσθαι γὰρ ἐκάλει τοὺς πολίτας, πλὴν μολίχους καὶ πολυπράγμονας. Nolim κωμωδεῖσθαι *comœdiis* traduci proprie dictum accipere; quanquam essent, quae pro hac interpretatione memorari possent. Epigrammaticorum dicacitas igitur tum pro virgarum saevitia erat, qua carnifices nunc noxiorum terga caedunt. Ceterum alienorum negotiorum male curiosos multari etiam apud Locros, altera de Zaleuci legibus prolusione vidimus: sup. p. 36.

temere factum putare malumus, quam, quanquam ipse hoc facere videtur, alterum alterius simile arbitrari. Ceterum dum de hac *cauillandi licentia* per Charondae legem in *sycophantas, impudicos et male curiosos, permissa* agimus, Lycurgi institutum illustrare licebit, quo cauillari et diſteria iacere affuefaciebant pueros suos Lacedaemonii i). Spectasse enim Laco videtur partim hoc, vt ingenia acuerent et cum ſollertia hilaritatem aliquam induerent animis, partim vt cauillorum et diſteriorum aculeos extimeſcentes pueri nihil ſtulte vel praeue committerent, quo ſodalium ſalibus perfricandos ſe traderent. Haec quidem haecenus. P.P. a.d. XVI. Sept. cIoIo cclxix.

i) v. Cragius de rep. Lac. lib. III. t. 8. inſt. 8.

## V.

ACADEMIAE GEORGIAE AVGVSTAE  
 PRORECTOR  
 PAVLVS JACOB. FOERTSCH D.  
 CVM SENATV  
 SVCCESOREM SVVM  
 GE. LVDOVICVM BOEHMER D.  
 CIVIBVS COMMENDAT  
 IN A. D. II. JANVARII MDCCCLXX.

*Legum Charondae fragmenta.*

*Sectio tertia.*

**P**ergit Joannes Stobensis in legum Charondae recensu in hunc modum: *Pro maximis autem sceleribus habentor deorum contemptus, parentum mala tractatio voluntaria, magistratuum legumque neglectus et pravam ius fasque in contemptum adducendi studium. Contra iustissimus idemque sanctissimus civis aestimator, qui eadem illa honore habeat, eosque, qui illa contemnunt, apud cives et magistratus indicet a).* Cum antecedente de indicio

a) Ἐστω δὲ μέγιστα ἀδικήματα, θεῶν καταφρόνησις, καὶ γονέων κάκωσις ἐκούσιος, καὶ ἀρχόντων καὶ νόμων ὀλιγωρία

Heynii Opusc. acad. Vol. II.

G

γωρία

indicio coniunctam fuisse hanc legem manifestum est. Bene autem et hic Charondas ethicum praeceptum inferit idque longe grauiissimum. Nam legum sanctitas et reuerentia atque quodam modo horror animis vel maxime erat instillandus, si expectabat hoc, ut ciues aliquando haberet vitae puritate, integritate et sanctitate conspicuos. Quod nostris temporibus et nostris moribus contra se habere videtur. Nam ad puerilis institutionis formulam vix quisquam hoc refert, ut legum reuerentia imbuantur animi. Contra autem non facile est aliuius tam obtusi ingenii, qui non audeat in leges dicax esse; et, dum ediscuntur iura, eorum maiestatem et sanctitatem pauci ita animis suis habent propositam, ut legem aliquando siue fraude ac dolo malo siue interpretatione vel sinistra vel indocta violare, religioni sibi ducere mature adsuescant.

Ad custodiendam hanc et muniendam legum reuerentiam referenda est lex Charondae, cuius vestigia seruauit Diodorus: *Legi, inquit, parendum esse statuit, etiam iniquae et male scriptae b)*; melius scilicet

γαρία, καὶ ἐπουσίως ἀτιμία δικαιοσύνης. δικαιοτάτος δὲ ἔστω καὶ ὀσιώτατος πολίτης, ὁ ταῦτα τιμῶν, καὶ ἐμφανίζων πρὸς πολίτας καὶ ἄρχοντας κατὰ τῶν καταφρονούντων. Jo. Stob. Serm. XLII. p. 290. Dicta haec vltima sunt ut εἰσάγειν δίκην κατὰ τινος. Sic κατηγορεῖν, καταδικάζειν et multa in re forensi. Et sic paullo ante: κατὰ τῶν οἰκειοτάτων ἐξαγγέλλων (quod communi ratione εἰσαγγέλλων vel ἐπαγγέλλων esse debebat.)

- b) Diodor. XII, 16. προσέταξε γὰρ ἐκ παντὸς τρόπου πείθεσθαι τῷ νόμῳ, καὶ ἥ παντελῶς κακῶς γεγραμμένος. vbi in seqq. late de hac lege disputat Diodorus.



scilicet arbitratus et honestius, auctoritati legum aliquid concedere priuatum hominem, quam ut priuati hominis libido vel temeritas legis auctoritatem cauillatione sua eleuaret. Fecit tamen emendandi legem, quae emendatione indigere videretur, potestatem. Subiicit enim eodem loco Diodorus narrationem similem ei, quae in Zaleuci legibus a nobis iam memorata est, ut qui quicquam in legibus nouandum publice proponeret, is interea, dum de emendanda lege deliberaretur, collum funi infereret mox adducendo, nisi lex esset abrogata. Nisi itaque seu Diodori seu eorum, quos ille sequutus est, memoria vacillauit: aut alter legis auctor ab altero id petiit, aut vtriusque auctoritas fecit, ut communia vtrique tribuerent, quae alterutri tantum erant relinquenda. Zaleucus certe magnam in legibus acerbiter et austeritatem est sequutus; Charondae vero leges sanctiones habent mites et ad lenitatem temperatas.

Sequitur apud Stobensem lex praeclara et homine libero ingenuoque digna, modo in ciuitate libera et in ea patria viuat, in qua liberum hominem aliquo loco haberi videas: *Pro patria mori honestius ducitor, quam viuendi cupiditate patriam et honestatem deferere. Praestlat enim honeste mori, quam viuere turpiter et cum opprobrio c).*

G 2

Aut

c) Jo. Stob. l. c. p. 290. ὑπὲρ πατρίδος ἀποθνήσκειν σεμνότερον ἔστω, ἢ γλισχόμενον τοῦ ζῆν ἐγκαταλιπεῖν αὐτήν καὶ τὸ καλόν. Κρεῖττον γὰρ τεθνήσκειν καλῶς, ἢ ζῆν αἰσχροῦς καὶ ἀπονειδίστως.

Aut breuiter nimis haec a Stobensi excerpta sunt, aut in ipsis legum tabulis alia lex fuit in eandem rem scripta, quam Diodorus seruauit: *Signorum ordinumque in bello desertores, aut arma pro patria fumere omnino detrectantes, muliebri vestitu amicti per triduum in foro desident* d). Communis ea omnium ciuitatum Graeciae, et quorum non populorum! fuit lex, vt id genus homines capite plecterentur e). Quod quidem supplicium acerbum et iniquum haberi non potest in ea rep. in qua aequo omnes iure vtuntur et libertatis publicaeque salutis fructus non minus ad egenos et infimos quam ad diuites et principes pertinent, habetque adeo vnusquisque, cur rep. saluam esse velit; cum pro nostris quidem regnis et imperiis tuendis vita sit impendenda iis maxime hominibus, quorum nihil refert, quo tandem statu ac loco summa rei sit, quique ex funestissimo quamuis reip. casu nihil aliud habent, quod sperent vel metuant, quam vt alii miseriae generi adsuescant. Thuriis tamen qui leges scripsit, humanitatem sequi maluit; forte et publicam utilitatem, quam cum hac lege coniunctam esse arbitrabatur maiorem. Nam, quod et Diodoro obseruatum, seruabat ciuitati ciuis caput (magnum vero

lucrum,

d) Diodor. XII, 16. ἕτερον δὲ εἶθ' ἔθηκε νόμον κατὰ τῶν λιπόντων τὴν ἐν πολέμῳ τάξιν ἢ τὸ σύνολον μὴ ἀναλαβόντων τὰ ὅπλα ὑπὲρ τῆς πατρίδος. Τῶν γὰρ ἄλλων νομοθετῶν κατὰ τῶν τοιούτων ταπεινότητων θάνατον τὸ πρόστιμον, αὐτοὺς προσέταξε τοὺς τοιούτους ἐν τῇ ἀγορᾷ ἐφ' ἡμέρας τρεῖς καθεστῆσαι ἐν ἐσθῆσι γυναικαῖς.

e) Nolumus in loco communi haerere. v. Petit. LL. Att. VIII, 3. Cragius de rep. Laced. lib. III. tab. XII. inst. XI. et multi alii super λειποταξίῳ et λειποστρατίῳ poenis.

lucrum, si recte rerum naturas aestimes!) eique, qui repentina animi perturbatione et metus vi correptus fugerat, locum potestatemque faciebat, vt tanto acriore magisque strenua virtute adspersam sibi maculam eluere posset. Quanquam et ipsa memorata illa ignominia, quam lex inurebat, talium ciuium, quales suos Thurios esse volebat Charondas, animis omni supplicio atrocior esse debuit, vt eius adeo metu honestam quisque mortem alacriter peteret. Paris ceterum humanitatis et aequitatis lex in ordinum desultores scripta erat apud Aegyptios f).

Porro: *Defunctos morte honoranto non quidem lacrymis nec lamentis, sed bona recordatione, et frugum hornarum quotannis oblatione. Ingrati enim in Manes animi est, luctum immodicum retinere g)*; quatenus scilicet laedi videntur Manes luctu immodico. Notum illud Tibulli: *Tu Manes ne laede meos, sed parce papillis &c.* Id autem, quod lege hac constitutum est, infinitis modis praestat more

G 3

hoc

f) Diodor. I, 78. vt iam Wessel. monuit.

g) Χρὴ δὲ καὶ τῶν τελευτῶντων ἑκάστον τιμᾶν, μὴ δακρύοις, μηδὲ οἰκτοῖς, ἀλλὰ μνήμῃ ἀγαθῇ καὶ τῇ τῶν πατ' ἔτος ὥραιων ἐπιφορᾷ, ὡς ἀχαριστίας οὐσης πρὸς δαίμονας χθονίους λύπης ὑπὲρ τὸ μέτρον γιγνομένης. Scilicet τὰ ὥραια, h. flores, poma fructusque verno aestiuoque tempore ex arboribus fruticibusque nascentes, pro inferiis inferebant sepulcris vel apponebant tumulis; notissimus veterum mos; ortus ille et compositus haud dubie ad illum alterum, qui tempore prior fuit, cum numen, omnium bonorum mortalibus impertitorum fontem et causam, quocunque tandem nomine, frugum primitiis appositis colebant. Δαίμονες autem χθόνιοι non sunt dii inferi, sed Manes, vt saepe alibi.

hoc inter monachorum claustra nato, quo mortem omni terrorum et minarum genere, funera miserabili rerum specie prosequimur, ritu nec ad pietatis sensum nec ad luctus significationem fatis composito.

*Nemo damnum iniuste passus vlla super re convicia facito. Divinior enim res est bene dicere quam male dicere h). Etiam is, qui iram reprimit, melior civis habetur, quam is, qui ira immoderate effertur i). Praeclare!*

*Qui templi et publica civitatis aedificia privatarum aedium sumtu superat, nequaquam nominis claritatem sed insaniam consequitur. Nihil enim esto privatum magnificentius et augustius publicis \*).*

Quem hic verbis expressum habemus praeclarum morem, eum tacito quondam consensu sequutae sunt veteres civitates liberae fere omnes, ut in aedificia publica sumtus facerent ingentes, cum privatim humili quisque vteretur ac parva domo. De Athenis quidem alio tempore vidimus k). Roma modici in privata aedificia sumtus et

h) Βλασφημείτω δὲ μηδεὶς ἐπ' αἰτίῳ βλάβῃ περὶ μηδενός. Θεϊότερον γὰρ εὐζωμία κακῆς κατηγορίας.

i) Νομιζέσθω δὲ πολίτης αἰεῖναι ὁ τῆς ὀργῆς ἀρετῶν μάλλον τοῦ διὰ τρυφὴν πλημμελοῦντος.

\*) Ibid p 291. Ὁ ἰσραὴ καὶ ἀρχεῖα ὑπεραίρων τῇ πολυτελείᾳ (non πολυτελείᾳ) τῶν ἰσραὴν μὴ εὐδοξείτω, ἀλλ' ὀνειδίζέσθω· μηδὲν γὰρ ἔστιν ἰδιωτικὸν μεγαλοπρεπέστερον καὶ σεμνότερον τῶν δημοσίων.

k) De publicis privatae frugalitatis utilitat. Prol. post. Kal. Jan. 1766. supra Vol. I. p. 246. Et Horatius de Romanorum maioribus: *Privatus illis census erat brevis; Commune magnum etc.*

et publicae libertatis eundem vidit finem; nec praetiorum magnificentia nisi cum publica servitute ciuitatem inuasit. Hinc, cum priuatim quisque impensis parceret, in paruis quoque ciuitatibus Italiae et Graeciae templa, basilicae ac porticus, regum nostrorum aut superabant opes, aut aequabant. Nescio an a simili caussa repetendae sint aedes passim per Europam sacrae immensae molis ac mirandae magnificentiae, iis tamen aetatibus exstructae, quae metalli materiaeque copia, artis praestantia, operarum frequentia, ipsaque manupretii, si rationes subtiliter ineas, vilitate nostris temporibus longe erant inferiores; scilicet habebat temporum illorum superstitio et stupor hoc saltem boni, vt, in quas censum publice priuatimque effunderent, sacras basilicas haberent solas. Quod Asiae quoque et Aegypti reges portenta illa potius quam miracula operum publicorum eduxerunt, in eo, praeter multa alia, quae hic commemorari non possunt, eos non parum opibus necessariis instruxisse iuuisseque videtur ceterorum aedificiorum domuumque priuatarum exilitas. Nec mirum itaque, si magnarum urbium plerumque ruinae nullae nunc visuntur praeterquam templi forte vel sepulcri. Ita Babylonis vestigia ex vnica lapidum caementorumque strue, quae ex vetere aliqua mole vel templo superstes est, aestimantur; et publicorum operum ruinae in immani solitudine, quae urbium areas occupat, sunt, quae veteris Aegypti opes fabulis eximunt.

*Diuitiis et pecuniae seruiens contemnitor tanquam animi pusilli, et illiberalis, sumtuosarumque rerum et vitae scenico apparatu instructae stupidus admirator; idem abiecti animi homo existimator. Magnus enim animus omnia humana secum praemeditatus nulla tali re perturbatur, si inciderit l). Scilicet respicit Charondas homines beatos, qui e fortunae bonis ita toti pendent, ut iis ereptis omnia vitae tolerabiliter viuendae instrumenta sibi erepta miseriamque eertissimam paratam videant.*

*Turpia ne quis loquitor, ne idem factis turpibus animum assuesfaciat aut mentem impudicitia et flagitiis obruat. Nam quae honesta sunt et amabilia, propriis et usu receptis nominibus appellamus; quae vero auersamur, eorum vel nomenclatione abstinemus, tanquam re turpi. Eslo igitur turpe etiam eloqui turpia m).*

Pro-

l) Ὁ πλούσιος καὶ χρήμασι δουλεύων καταφρονεῖσθαι ὡς μικρόψυχος ὢν, καὶ ἀνελεύθερος καὶ καταπληττόμενος ὑπὸ κτημάτων πολυτελῶν καὶ βίου τραγῳδομένου, καὶ εὐτελὲς εἶναι τὴν ψυχὴν ὑπολαμβάνεσθαι. ὁ γὰρ μεγαλόψυχος προδιανοεῖται πάντα κατ' αὐτῷ τὰ κατ' ἀνθρώποις, καὶ δι' οὐδενὸς θορυβεῖται τοιούτου. ὅταν παραπέσῃ. Eleganter omnia extulit, παραπίπτειν nescio an h. l. a talorum isēti petitum sit; si secus ceciderit, nimirum quam sperabat, praeter opinionem. Aduersus voc. τραγῳδεῖσθαι, sane recentius Charondae aetate, docte disputauit Bentlej. p. 358 sq. refellitque saltem hoc, quod nemini in mentem veniat, nos ipsa legum verba habere.

m) Αἰσχροβήμονεῖται δὲ μηδεὶς, ὅπως ἂν μὴ παροικίῃ (leg. παροικιοῖ, ut προσοικιοῦν) τὴν δίκνοϊαν ἔργοις αἰσχροῖς, μήτε ἀναπίμπλη (ἀναπίμπλη scribitur: saltem ἀναπιμπλή ex πιμπλάω, nisi ἀναπιμπλή fuit) τὴν ψυχὴν ἀναιδείας

Progreditur iam legumlator ad ipsa turpia facta, a quibus ciues suos auocet, sed verbis verecundis et castis:

*Vxorem legitimam unusquisque diligit et ex ea prolem suscipito; in aliud vero nihil prolificum semen effundito, neque rem natura et lege pretiosam scelerate ac flagitiose infumito. Natura enim liberos procreandi causa, non libidinis, semen produxit n).*

*Vxor castam se praeſtato; cum aliis viris nefariam consuetudinem ne admittito. Meminerint enim vindictam instare a daemonibus familiae eucrsoribus et iurgiorum satoribus o).*

G 5

Qui

ἀναιδίας καὶ μισμμάτων· τὰ μὲν γὰρ εὐσχήμονα καὶ φίλα τοῖς οἰκείοις ὀνόμασι καὶ κειμένοις ὑπὸ τοῦ νόμου (non de proprie dicta lege sed more accipimus) προσαγορεύομεν· πρὸς ἃ δὲ ἐχθρῶς ἔχομεν, ἐξιστάμεθα καὶ τῆς προσηγορίας διὰ τὸ αἰσχρὸν· (forte haec tria verba διὰ τὸ αἰσχρὸν ab alia manu inserta) ἔστω δὲ καὶ αἰσχρὸν, εἰπεῖν τὸ αἰσχρὸν.

- \*) Γυναῖκα δὲ τὴν κατὰ νόμους ἕκαστος στεργέτω καὶ ἐκ ταύτης τεκνοποιεῖσθω, εἰς ἄλλο δὲ μηδὲν προιεσθω τέκνων τῶν αὐτοῦ σποράν· μηδὲ τὸ Φύσει καὶ νόμῳ τίμιον ἀνόμας ἀναλίσκῃ καὶ ὑβρίζῃ. ἡ γὰρ Φύσις τεκνοποιίας ἔνεκεν, οὐκ ἀκολασίας, ἐποίησε τὴν σποράν.
- \*) Γυναῖκα δὲ σωφρονεῖν χρὴ καὶ μὴ προσδέχεσθαι συνουσίαν ἀσεβῇ παρ' ἀνδρῶν, ὡς ἀπαντώσης νεμέσεως παρὰ Δαιμόνων καὶ (tollendum videtur hoc καὶ) ἐξοικιστῶν καὶ ἐχθροποιῶν. Notanda haec Daemonum Geniorumque vltorum notio in legibus his antiquioribus, ut omnino in prisco sermone, passim obuiorum, etiam in prisca arte, inprimis Etruscorum quam vocant. Senior aetas Furias, Ποινὰς, frequentare coepit.

*Qui liberis suis nouercam superinduxit, non probator, sed infamis habetor, tanquam diffensionis auctor domesticae p).*

Hanc legem Diodorus q) inter eas, quas Charondas a se inuentas, non aliunde adoptatas, legum codici inferuerit, memorat. Sanctionem idem r) legi adiectam nobis serauit, „*ut ii, qui nouercam suis induxissent, senatu consilioque publico essent exclusi*; fieri enim vix posse, vt is, qui suis „*liberis tam male consulat, patriae bene consulat. Nam quibus primae nuptiae bene successerunt, iis hac felicitate perfunctis acquiescendum; qui vero matrimonium infelix experti, idem erratum denuo committerent, insipientibus merito accensendos esse s).*” Altera haec ratio adiecta *secundas omnino nuptias*

p) Ὁ μητρειάν ἐπιγαμῶν μὴ εὐδοξείτω, ἀλλ' ὀνειδίζέσθω, ὥσπερ αἴτιος ὦν οἰκείας διαστάσεως. *ibid. ap. Jo. Stob. p. 291.*

q) Diodorus XII, 12.

r) Τὸ μὴ γίνεσθαι συμβούλους τοιοῦτους τῇ πατρίδι. Quo ipso illud explicatur in lege ex Jo. Stob. recitata: μὴ εὐδοξείτω ἀλλ' ὀνειδίζέσθω. Loquendi eadem quidem ratio veteri aevo frequentata, vt sententia aliqua simul cum negatione contrarii efferatur; quod vulgo, vt multa alia prisca sermonis simplicitati et infantiae omnino communia, Orientis linguis proprium esse putant. Vetus poeta mox excitandus sic extulit: μήτ' εὐδοκίμείσθω, μήτε μετεχέτω λόγου Πρᾶ τοῖς πολίταις — et alterum illud: ὥσπερ αἴτιος ὦν οἰκείας διαστάσεως, sic reddidit:

— ὡς ἐπέσανκτον κακὸν

Κατὰ τῶν ἐαυτοῦ πραγμάτων πεπορισμένος.

s) v. Diodor. l. l. vbi c. 14. veteris alicuius poetae iambi excitantur, quibus eadem Charondae lex exponitur; in



*nuptias* damnare videtur; lex ipsa id genus, si liberi ex priore matrimonio suscepti fuerint.

Ceterum cum seuerioribus moribus haec lex vtique est consentanea. Itaque et a philosophis passim nuptiae secundae damnatae, et ab iis ciuitatibus, quae seueriora instituta amplexae sunt; amplectuntur autem haec, et amplecti par est, omnes paruae ciuitates, quae ad popularem formam descriptae in morum austeritate non modo priuatam felicitatem, sed omnino publicam salutem positam esse intelligunt; facilius etiam eadem, cum finitus et iustus ciuium numerus sit, ad familiae alicuius magnae exemplum et instituta domestica regi possunt. Hoc idem fieri poterat in rep. Christiana primis aetatibus; itaque eadem seueriore disciplina stabat, multa accuratius et praecisius praecipiebat, adeoque et ipsa secundas nuptias improbabat. Sed sapienter recessit sequior aetas et ab hoc et a multis aliis, quae cum rei publicae priuataeque forma ac ratione coniuncta erant, eaque mutata deferenda sunt et ipsa; nec, nisi omnia simul in pristinum statum reuocari possint, (fieri autem hoc per nostrorum imperiorum et ciuitatum formam nequit,) nimis perseueranter sunt retinenda, aut quod retineri nequeunt, temporum vel hominum prauitati illud est imputandum. Multo minus ceteris omnibus insuper habitis, pro vna vel altera re, quae reliquarum accessio

in quibus vltima sic expressa:

Εἴτ' ἐπέτυχες γάρ, Φησι, γήμας τὸ πρότερον,  
Εὐημερῶν κατάπαυσον· εἴτ' οὐκ ἐπέτυχες,  
Μανικὸν τὸ πάλιν δευτέρας λαβεῖν πάλιν.

Sententia a multis repetita, v. Weseling. ad e. l.

accessio recte esse poterat, ab illis tamen seiuncta vana et inanis est, pugnare decet. Est enim animi angusti ac parum prouidi, cum cetera, quae summam rerum constituunt, attingi nequeant, haerere in vno pertinaciter, quod etiamsi obtinueris, rerum tamen summæ parum aut nihil consultum fuerit; quae quidem res saepe multis fuit fraudi ipsique virtutis veritati ac studio obfuit plurimum.

Prooemiorum tandem, vt ad hoc reuertamur, legum Charondæ fuit finis hæc:

*Praedicta omnia seruare fas piūque esto; qui violaverit, ciuilibus ille diris obnoxius tenetur t).*

*Hoc legum prooemium omnes ciues ediscunt; festis diebus post pæanas illud recitant, quem quidem ex omnibus epularum sacrarum curator id facere iusserit; ut in unius cuiusque naturam hæc praecepta abeant u).*

Itaque hætenus *prooemium legum*. Dicat aliquis, quæ tandem a superioribus diuersa ipsis legum tabulis

t) Χρὴ δὲ ἐμμένειν τοῖς εἰρημένοις· τὸν δὲ παραβαλόντα ἔνοχον εἶναι τῇ πολιτικῇ ἀρχῇ. Grauitèr ac digne hoc enuntiatum!

u) Προστάσσει δὲ ὁ νόμος ἐπίστασθαι τὰ προοίμια τοὺς πελίτας ἅπαντας, καὶ ἐν ταῖς ἑορταῖς μετὰ τοὺς παιᾶνας λέγειν, ᾧ ἂν προστάσσει ὁ ἐστιάτωρ, ἢ ἐμφυσιοῦται (l. -ᾧται, praeclara voce utitur, de qua sup. p. 81.) ἐκάστω τὰ παραγγέλματα. Videtur autem ἐστιάτωρ esse magistratus seu quicumque alius hoc muneris populi iussu consequutus, vt sacra publica epulasque sacris factis curaret; institutum veteris Graeciae sapientissimum, vnde Graecorum mores et ingenia, philosophia quoque et liberalior doctrina, colorem aliquem, ac typum quasi, habuerunt sibi proprium.

tabulis supererant perscribenda? Scilicet fuere omnia ea, quae ad civilem statum, reip. gerendae rationem, iudiciorum formas, causas priuatas, belli pacisque vices, pertinerent. In prooemium autem coniecisse videtur Charondas ea, quibus ad leges seruandas ac tuendas ciuium animi morum honestate imbuerentur. Quod vt consequeretur, *prooemium legum memoriae mandare ac publice inter epulas sollennes, quas re diuina facta haberi mos erat, decantari iussit*(x). Notabilis vtique haec eius, qui leges scripsit, prouidentia; cum non semper iis, qui leges scribunt, satis curae esse videatur, vt, quas leges scripserint, omnibus innotescant; quo non raro fit, vt legem esse latam cum demum aliquis intelligat, cum violatae legis poena ab ipso exigitur; quibus fere verbis Iosephus y) vtitur, vt eo ipso laudibus extollat Moysis sapientiam, qua institutum fuit, vt vnusquisque e populo legum codicem memoriter teneret, septimo quocque die ei disciplinae dicto ac destinato. Quod legum addiscendarum quidem institutum inter nos facile aliquis desideret, qui non meminerit, seruatum illud et diligenter firmatum

x) Itaque etiam apud Mazacenos Cappadociae, qui Charondae leges adscinerant, constitutus erat *νομαδικ* cf. inf. Proluf. IX. not. Diuersa causa fuit ediscendarum legum Lycurgi, quippe quae omnino litteris consignatae non erant. Quomodo autem cantu reddi potuerint leges et praecepta, si quaeras: de cantus summa simplicitate antiphonarum in morem cogitandum est. Inprimis celebratus est Cretensium mos leges decantandi: cf. Strab. X. p. 739. 738 A. C.

y) Ioseph. in Apion. II, 18. egregio loco.

tum in praeceptis quidem religiosis et ethicis, quae veterum legum tabulis fere comprehensa esse iam saepius vidimus; priuata autem rerum ac personarum iura, vel quae ex more ac consuetudine perfecta sunt, nec vtiliter nec decore fatis cum iisdem legi publice ac declarari posse videntur.

Restant fragmenta ex ipsis legum tabulis pauca; alio tempore subiicienda. Sed fatis substitimus in iis, quae ex more prooenii loco praemittenda sunt, ne sequamur id, quod saepe per stultitiam facere homines videas, vt iis, quae aditum tantum ad cetera patefacere debebant, ita adhaerescant, vt, tanquam qui aedium fores non intrant, ad rei caput non accedant, intra vestibulum subsistendo. Cum itaque magistratu, qui sex mensium erat e lege, ex reip. vtilitate per totum annum gesto, redeat ille dies, quo transferenda est in alium regendae reip. academicae cura et munus, suscipiet magistratum Vir Illustris, Iuris consultissimus

GE. LVD. BOEHMER D.

Quod quidem vos, Ciues, cum carissimum vobis Boehmerium nomen et sit et esse debeat, non sine laetitia ac voluptate accepturos esse arbitramur; habebitis enim Prorectorem vestri studiosissimum, pro vestris bonis ac commodis nunquam non vigilantem et excubantem. Namque ille, vt poetae verbis vtamur, *prudens et rectus* — Consulque non *unius anni*, reip. nostrae curam suam commodare nunquam refugit. Ei itaque vt amorem et obsequium

---

quum praestetis, exhortari vos, hoc esset, curren-  
tes incitare. Facietis itaque vestri non minus quam  
nostri causa etiam hoc, ut sollemnibus huius diei,  
quo magistratus insignia in aliam domum transfe-  
rentur, frequentes aditis; quod ipsum est, cuius  
rei causa, Comites Illustrissimi, Ciues sanguine  
ingeniisque animisque Generosissimi, rogatos vos  
hac ipsa tabula publice proposita esse volumus.

P.P. Kal. Jan. cIoIoCCLXIX.

## VI.

ACADEMIAE GEORGIAE AVGVSTAE  
 PRORECTOR  
 GEORGIVS LVD. BOEHMER D.  
 CVM SENATV

ANNIVERSARIA INAVGVRATIONIS  
 SACRA XXXIII.

IN A. D. XVII. SEPT. cldccclxx.

RITE INDICIT.

*Legum Charondae fragmenta.*

*Sectio quarta et nouissima.*

**F**idem sub anni huius initium datam a), dum, quicquid ex fragmentis legum Charondae superesset, nos persecuturos totamque hanc disputationem esse absoluturos pollicebamur, nunc quidem, Commilitones, exsoluimus, paullo quidem, quam exspectabamus, serius, cum continuatus per alterum semestre magistratus academicus nos iucundissima occasione et facultate vobiscum agendi excluderit. In

a) Progr. in a. d. 11. Jan. 1770. *Legum Charondae fragm. Sect. III.*

In hoc itaque tempus sollennium anniuersariorum reiecti, antequam eorum celebritatem vobis indicamus, inter fausta ac laeta huius diei omina, quod superest penſi et operae noſtræ proſtigabimus.

Prooemium fere integrum a Joanne Stobenſi ſeruatum vidimus. Ex ipſis legum tabulis pauca, quae paſſim ſuperſunt, prout publicum priuatumue ciuitatis ſtatum reſpiciunt, ſuo ordine diſpoſita recitabimus.

Et ad reip. quidem deſcriptionem ſpectat hoc ipſum, quod ſuper *legum ſeu ſeruandarum neceſſitate, etiam ſi male ſcriptae eſſent, ſiue emendandarum ac novandarum modo ac ratione ſanxit*. Rem ſupra attigimus *b)*, et Zaleuci ſimilem, ad Charondam lege confuſa tranſlatam, praeceptionem alio loco *c)*. Tres omnino leges apud Thurios abrogatas fuiſſe, Diodorus narrat; vnam de *talionis iure*, ſi quis alteri oculum excuſſiſſet, vt illi oculus viciffim erueretur; cuius ſimilem apud Locros vidimus *d)*, quamque  
ad

*b)* Seſt. III. p. 98. 99.

*c)* *Legum a Zaleuco ſcriptarum fragm.* Diſp. poſt. p. 30 ſq. Diodorum in Legum exemplar incidiffe, quod Charondam eius conſtitutionis auctorem perhiberet, cum Zaleucus fuiſſet in fronte praefcribendus, exiſtimat Weſſelingius. Mihi veri ſimile fit, ab iis, qui hiſtorias conſcriberent, vel legum ac πολιταιῶν varia genera conferrent, incerta iam tum rerum hominumque memoria, in auctore legum variatum eſſe. Charondae perperam tribui multa, quae Zaleuci fuere, dubitare noli.

*d)* v. LL. Zaleuci. Diſp. poſt. p. 38.

Heynii Opuſc. acad. Vol. II.

H

ad Zaleuci legum simplicitatem multo magis accedere putamus, quam ad Charondae subtilitatem; alteram *de nuptiarum diuortiis*; tertiam *de epicleris*; de vtraque hac lege paullo post videbimus.

*Ne quis cum armis ad concionem prodito e*), alia Charondae lex fuit, in populari illa quidem reip. administratione vtilissima, sed ipsi auctori exitiosa. Nam cum ille ad reprimendam latronum incurfationem egressus, et inde ad urbem redux factus, populum concursu facto tumultuari vidisset, gladio ut erat cinctus, in concionem processit. Tum vero ex maleuolis vnus, in gladium intuens, at tu, inquit, tuam ipse legem infringis; minime, Hercle, inquit, sed fanciam; strictoque protinus gladio incubuit *f*). Quod si ei, qui leges populo scripsit, cogitandum est, non suum, aut priuatum, sed publicum se esse hominem, legumque auctoritate nihil sibi esse posse prius potiusue: facile aliquis eo procedere potest, ut vel vita ac spiritu leges sibi fanciendas esse arbitretur. Quantopere autem ad maiorem legum reuerentiam talis eius, qui rogauit, seueritas valuisse debuerit; facile est vnicuique ad intelligendum.

In

*c*) Μηδένα μὲν ὅπλων ἐκκλησιάζειν. addita sanctione (v. Val. Max. VI, 5. ext. 4.) *ut, si quis concionem cum ferro intrasset, continuo interficeretur.*

*f*) v. Diodor. XII, 19. Val. Max. l. c. Diocli, qui Syracusanis leges scripsit, hoc idem facinus tribuerunt alii, ipso Diodoro teste l. c. et sub Olymp. XCII, 1. Lib. XIII, 33.



In ciuitatibus liberis iudicia ita describi solent, vt inter munia publica sit, iudicem esse et iudicare. Hoc idem apud Romanos obtinuit. Illud autem varie institutum esse solet, quinam illi sint, qui ad iudicia admittantur: definita modo aetate, modo censu, et sic porro. In aliis ciuitatibus, in quibus optimatum opes praevalent, iudicia non nisi ab ipsis exerceri solent: vt Romae ab Ordine Senatorio, quamdiu apud Patres summa rerum erat. Vt locupletibus iudicia ita relinqueret, vt ne tamen pauperes indigne ferrent, se exclusos, callide excogitauerat Charondas hoc, vt omnes ciues ad iudicia admitteret, *iis, qui iudicare detrectarent, multa constituta: sed pauperibus leuissima, diuitibus autem tam grani, vt, eos a iudiciis nunquam abesse velle, expectari posset.* Haec ex Aristotele discas \*).

Ad disciplinam domesticam spectat, quod a Diodoro egregie commendatur, tanquam a vetustioribus legumlatoribus neglectum, a Charonda vero animaduersum ac lege sancitum, *vt omnes ciuium filii in litteris instituerentur, ciuitate magistris stipendia erogante g).* Ad grammaticam seu litteraturam, hoc

H 2

est

\*) de Rep. IV, 13. p. 505. D. ἡ τοῖς μὲν μεγάλην ζήτησιν, τοῖς δὲ μικράν, ὥσπερ ἐν ταῖς Χαρώνδου νόμοις.

g) Diodor. XII, 12. extr. ἐνομοθέτησα γὰρ τῶν πολιτῶν τοὺς υἱεῖς ἅπαντας μάχεσθαι γράμματα, χορηγοῦσθαι τῆς πόλεως τοῖς μισθοῖς τοῖς διδασκάλοις. Igitur in mercede publice constituenda quaerendum est illud, quod Charondae tanquam propria laus imputatur. Nam vt pueri litteras discerent et carmina et modos musicos, iam antiquitus Cretensium fuit institutum: Ephorus ap. Strab. X. p. 739. B.

est legendi ac scribendi, recteque loquendi aliorum-  
que dicta intelligendi, facultatem Charondae curam  
spectasse ex iis ipsis intelligitur, ad quae Diodorus,  
forte satis importune, loco, quo haec memorat,  
digreditur, dum litterarum laudes praeconio amplo  
ornat. Scilicet ignorauit Graecia vtilissimum hoc  
institutum, vt publice essent constituti, qui litteras  
docerent; quandoquidem in ciuitatibus liberis ac  
populari forma descriptis a priuato cuiusque studio  
ac contentione expectari potest, vt liberali libero-  
rum nutritioni prospiciat. Priuatim tamen disci-  
plinae pretium ac merces sophistis primum, tum  
philosophis ac rhetoribus ceterisque liberalium ar-  
tium magistris solui coepit. Publica vero artium  
professoribus stipendia Massilienses, mox etiam Ro-  
mani, constituerunt; qua de re multi egerunt co-  
piose. Quid autem seu noxae seu beneficii ad ve-  
ram sapientiam ac doctrinam ille mos, vt stipendio  
ac mercede conducti doceant, habuerit, nunc qui-  
dem commode pluribus disputari vix potest. Sal-  
tem in iis litteris ac disciplinis, quibus imbutos esse  
fas est eos, qui aut publica aut priuata negotia ac  
munera tractare suscipiunt, vtilitatem hoc institutum  
habere maximam in confesso est.

De lege in calumniatores scripta alio tempore  
iam vidimus *h)*, et paucis ante versibus *i)* legem de  
*praua*

*h)* sup. p. 85. Diod. XII, 12. Est haec lex falsi testimonii iu-  
dicia, seu δίκας ψευδομαρτυριῶν, vel ἐπισκεψέως. consti-  
tuens, quam Aristoteles II. Polit. 10. vnicam legem no-  
vam a Charonda innocentiam pronuntiat. Vide de eo loco  
Bentlej. Diff. de Phalar. Epp. p 369. et Wesseling.  
ad



agnatum, ad quem hereditas pupilli esset peruentura, tutela exclusum esse voluit 1).

De nouerca liberis non inducenda, quam Diodorus primo loco inter leges memorat m), Jo. autem Stobensis inter prooemii capita recenset, supra sectione tertia (p. 106) dictum est. Inter leges apud Thuriōs abrogatas Diodorus n) recitauit hanc de nuptarum diuortiis: *ut uxori facultas esset, viro nuntium remittendi et cum alio viro, quo vellet, aliud matrimonium ineundi*. Veterum legum codices fere omnes in diuortiorum iuribus a nostris institutis discreparunt. Sed diuortii licentiam, non minus quam nostram legum seueritatem, suis incommodis laborare et in nonnullorum fraudem ac calamitatem cedere, ex eo ipso exemplo intelligitur, quo, ut legi obrogaretur, effectum est. Erat maritus aetate prouectior, qui vxorem iuuentulam duxerat. Fecit haec diuortium cum marito, qui iniuriae dolore adeo exarsit, ut in concionem progressus vel cum vitae periculo auctor fieret Thuriis emendandae legis; effecitque is, ut lex hunc in modum refingeretur: *licere uxori diuortio cum viro facto inire matrimonium cum quocunque velit, modo ne priore marito iunior sit. Similiter si quis uxori nuntium remittat maritus, ne is dimissa iuniorem ducere possit; quo ipso, quod*

1) v. Petiti LL. Attic. lib. VI. t. VII.

m) Diodor. XII, 12.

n) Diodor. XII, 18. νόμος ὁ διδοὺς ἐξουσίαν τῇ γυναικί, ἀπολύειν τὸν ἄνδρα καὶ συνοικεῖν ὃν αὐτὴ βούληται. De vxore ἀπολείπειν proprie erat dicendum; quae nota res est. cf. Petit, LL. Att. lib. VI. t. III.

quod tamen per se intelligitur, patet, non minus marito licuisse cum vxore diuortium facere. Feliciter et cessit huic homini suasio, et idem obtinuit, vt iuuenula mulier a nuptiis cum iuniore viro faciendis prohibita ad pristinum relictī mariti matrimonium rediret.

Apud Dionysium Halicarnassensem Charondas cum Solone et Pittaco memoratur, contra quam Romulus fecerat, patriae potestatis modum tum constituisse, cum filii inter viros adscripti essent o).

De *epicleris* alia lex fuit tertio loco inter abrogatas a Diodoro p) memorata similis illi, quae Attico iure q) fatis innotuit. Ea lege illi, qui gentilitatis gradu proximus erat, puellam in totius patrimonii successionem relictam (ea est *ἐπίκληρος*) in matrimonium sibi deponendi ius erat; et vicissim orba puella eius, qui genere proximus erat, nuptias lege vindicare poterat; ita vt huic aut orbam ducendi, aut, si paupercula esset, dotis loto D drachmas erogandi necessitas incumberet. Fuit aliquando orba aliqua nobili genere nata, sed extrema paupertate laborans, quae, quantum ex ipsa re intelligitur, D drachmas a diuite propinquo oblatas, accipere noluit, quoniam

H 4

ea

o) Dionys. II, 26. μέχρι τῆς εἰς τὰ ἀρχαῖα τὰ δημόσια ἐγγραφεῖς.

p) Diodor. XII, 18. [νόμος] ἐκέλευε γὰρ τῇ ἐπικλήρῳ ἐπιδικάζεσθαι τὸν ἐγγιστὰ γένους. αὐτὰρ οὕτως δὲ καὶ τὴν ἐπικληρὸν ἐπιδικάζεσθαι τῷ ἀγγιστεῖ. ὃ ἦν ἀνάγκη ἢ συνοικεῖν ἢ πεντακοσίας ἐκτίσαι δραχμὰς εἰς προικὸς λόγον τῇ πενιχρῇ ἐπικλήρῳ.

q) v. Petikum LL. Attic. VI, 1. § 9 seqq. Perizon. de Lege Voconia.

ea dote, quippe exigua ac tenui, et, ad Atticas faltem rationes, nondum ad XCIV thaleros affurgente, vix bonam conditionem erat inuentura; ea lacrymis precibusque a populo obtinuit, vt, lege nouata, diues propinquus quanquam inopem sine dote vxorem ducere cogeretur.

Haec fere sunt, Ciues Carissimi, quae circumspicientibus nobis sese obtulerunt Charondae legum fragmenta; non illa quidem magno numero, nec satis integra, ex quibus tamen praeclare intelligi potest, etiam hunc virum sapientissimum morum sanctitati, ac disciplinae domesticae et institutionis puerilis seueritati, tanquam fundamento, legum suarum auctoritatem ciuiumque felicitatem superstruendam esse putasse. Quae itaque res in nostris imperiis ac ciuitatibus non facile legibus comprehensa esse solet; partim quoniam in ipsa temporum hominumque barbarie et superstitione regna et imperia nostra initia sua habuere, partim quoniam morum disciplinam ipsa doctrinae sanctioris formula ac religioso ritu contineri videbant maiores, nec tamen animaduertebant, ad metaphysicarum quaestionum subtilitatem et caerimoniarum ritus omnia passim esse delapsa; partim quoniam, vt in ciuitatibus paruis ac liberis, ita non aequè in regnis et imperiis magnis, disciplinae domesticae prouideri ac consuli posse aiunt; ea itaque res, quae nostris aetatibus in politiam fere reiicitur, legum istarum fundum et basin, quam nos appellamus, constituere solebat. Quo factum est, vt sanctior ac seuerior disciplina inter homines a veri dei cultu alienos viguerit,

viguerit, quam quae nostrorum hominum esse solet aut potest, quibus tamen praecepta et exempla multo purioris, diuini ac perfectae alicuius sanctitatis sunt proposita. Scilicet frustra insignis aliqua virtus rectique et honesti studium aliunde quam ex morum publica priuataque ac domestica disciplina expectatur; haec autem, cum, in his regnis et imperiis, ad antiquam illam seueritatem componi nequeat, maneamus et acquiescamus in ea rerum humanarum conditione, in qua ipsa numinis prouidentia rerumque humanarum cura acquiescere videtur, feramusque si cum hominibus non omnino perfectis viuendum est. Nec enim vnā eandemque omnium hominum, aetatum ac populorum, perfectionem naturae virtutisque esse voluit deus: id quod, a plerisque parum perspectum, numen satis declaratum dedit ipsa hac sua generis humani descriptione, non minus ad physicas quam ad politicas rationes et causas attemperata. Multo minus in vno vel altero est haerendum, vtque illud e re tollatur, pugnandum, quod, si cum ceteris, quae cum perfecta sapientia ac virtute consistere nequeunt, vna absit, ad sanctitatem aliquid conferre forte possit; sin vnum ac solum tollatur, parum aut nihil conferat, noxae vero et iniuriae inferat aliquantum. Ne quis itaque luxum e ciuitate tollendum arbitretur: quandoquidem, vt aliquid profecisse videre, extirpanda simul innumera sunt, in ipsis ciuitatis fundamentis et radicum quasi fibris inolita, quae nisi conuulsa ciuitate euelli nequeunt; magna autem artium et operarum pars, negotiationis vero et mercaturae summa, in eo versatur. Multo minus

H s

hunc

hunc luxum, quantus quantus est, eiectum ciuitate, disciplinamque veterem apostolicam exacte restitutam fore speret aliquis, modo vnum vel alterum vestimenti lautioris genus, quod displicet, aut vna vel altera ars exulet, quae, dum vitae elegantiam animorumque delectationem sibi habet propositam, a vetere illa seueritate recedit; cum, vel illa arte, ceterisque artibus cunctis penitus sublatis, reliqua maneant omnia, a quibus morum corruptelam publice priuatimque proficisci necesse est, desint autem alia plurima, quae in ciuitatibus nostris esse nequeunt, sine quibus tamen disciplina illa vetus tristis ac truculenta ne optanda quidem est. Hominum itaque naturis ingeniisque, temporum locorumque rationibus, necessitatibus et opportunitatibus, obtemperare fas est sapientiam, quae aliquid verae vtilitatis ciuibus afferre velit; nec sine subtili iudicio rerumque nostrarum ac temporum institutorumque exploratione vel adoptanda sunt multa, egregii quidem exempli, sed a toto vitae nostrae cursu ac tenore alienissima, vel reiicienda ac damnanda alia, quae in ea, quam viuimus, vita aliter comparata esse nequeunt.

Sed abstergenda est a fronte omnis seueritas, hilaritasque assumenda diei, cuius sollennia nunc nobis superest vt indicamus. Natalis adest almae nostrae *Georgiae Augustae*, qui vt fausto omine inter fauentium bona verba et studia agatur, diligenter a nobis prouidendum est. Ducetur itaque die crastino pompa sollennis in templum academicum, peragentur rite caerimoniae sacrae, perfol-  
ventur



---

ventur immortalī numini gratiae pro rebus nostris laetis ac florentibus, nuncupabuntur vota fientque preces. Praeibit verba Eloquentiae Professor, HEYNIVS, qui, ut inter haec ipsa sollemnia animi vestri vtili aliqua commentatione ac quaestione teneantur, *de re litteraria mole laborante sua* nonnulla praefabitur. Quem ut lubenter benevoleque audire sollemnibusque nostris vestra frequentia novum decus et ornamentum addere velitis, hoc est, Comites Illustrissimi, Ciues genere et loco nobilissimi, ingenio et virtute praestantissimi, quod vos pro humanitate vestra precibus nostris facile esse daturos speramus. P. P. a. d. XVI. Sept. cld lō cclxx.

---

## VII.

ACADEMIAE GEORGIAE AVGVSTAE

PRORECTOR

RVD. AVGVSTINVS VOGEL D.

CVM SENATV

SVCCESOREM SVVM

JO. PHILIPPVM MVRRAY

CIVIBVS COMMENDAT

IN A. D. II. JULII c1010cclxxi.

*De Sybaritarum ac Thuriorum rep. et legibus.*

Sectio prior.

Quem sub anni ineuntis auspiciis et religionibus, dato rebus nostris nouo Curatore et Conservatore \*), ominati eramus, Ciues amantissimi, fore annum auspicatissimum, eum nunc, cum temporis progressu, rerum usu et euentu experimur talem, vt non modo publicis ille, sed etiam tacitis votis nostris respondere videatur. Non enim saluas tantum et incolumes res nostras gratulamur; verum incrementa quoque habuit res academica et auctus cum ciuium tum aliarum copiarum, quibus florere litteraria

\*) DE BEHR. v. Vol. I. p. 401.

litteraria ciuitas solet, laetissimos. Bibliothecae quoque nostrae opes locupletatae sunt insigniter. Nullus nos afflixit casus acerbior. Neminem ex numero nostro desideramus. Atque utinam laeta spes, quam agrorum herbae ostendebant, aeris intemperie annique calamitate ne interciplantur! in publica prosperitate nihil habere putabimus, quod ad priuatam felicitatem desideremus. Quae quidem, Ciues, nunc commemoramus etiam propterea, quoniam earum rerum publice commemorationem fieri aliam vix posse prouidemus. Quandoquidem enim magnifici Viri, Prorektoris, qui nunc se magistratu abdicat, valetudo paullo infirmior ad orationem in templo academico habendam vires idoneas vix polliceri visa est; placuit Senatui, ut magistratus academici honos et munia cum insignibus priuatim in Senatus confessu a. d. II Iulii transferantur in Prorektorem designatum, Virum Excellentissimum, Collegam coniunctissimum,

JO. PHILIPPVM MVRRAY ,

id quod ipsum vobis hoc edicto nostro publice indicere placuit; nam illud pietas vestra pudorque vix patitur, ut adhortandi sitis monendique, quo viro optimo, candore, fide et humanitate laudatissimo, officium et obsequium praestetis, cum summum eius de vobis bene merendi studium amorem vestrum et caritatem iamdudum prouocauerit.

Expositis nuper, Ciues, *legum, quae Charondae nomen praeferunt, fragmentis*, intacta a nobis, etsi molestia hac carere malimus, praetermitti non potest *de auctore harum legum* quaestio, non quidem illa

illa cognitu aequae iucunda vel facilis ad expediendum, ad auctoritatem tamen legum grauis et in vtramque partem momenti haud leuis. Cum tamen ea, nisi *Sybaritarum et Thuriorum fortuna* accuratius exposita, et ad temporum notationem revocata, vix satis diserte explicari posse videatur, de hac quidem vrbe, cui luxus et mollities nomen ad omne tempus memorabile fecit, pauca nunc diligentius, quam ab aliis factum vidimus a), commemorare iuuat.

Condita primum fertur Sybaris circa Olymp. XV. 1. [a. C. 720. a. Romae 34.] b) ab Achaeis (Strab.

a) Congesserunt multa de hac vrbe Cluverius, Golzius de Num. Magnae Graec. p. 272 sq. Vinding. in Helene p. 319. Mazoch. ad Tab. Heracl. p. 33. p. 517 sq. sed desideres facile seu in digerendis ordinandisque iis, quae congefferant, subtilitatem, seu in diiudicandis rebus videndisq. iis, quae inde sequantur, sollertiam. (Est etiam in *Memoires de l'Acad. des Inscrip.* To. IX. p. 163. Commentatio Blanchard auctore; nondum tamen me operae meae poenitet.)

b) Olymp XV, 3. ponit Simfon Chron. ad 3287. ex Capello Hist. sac. et prof. ad 3282. Adde Scalig. ad Euseb. MCCCXIV. Sed fundus est Scymnus (culus Periegesin Marciano tribuebant viri docti), qui v. 359. Sybarim sine offensione perstitisse ait annis CCX. iam si Sybarim Ol. LXVII, 3. ante C. N. 5to. deletam esse paullo post viderimus, facile sic computum sibi constare intelligemus. Nec adeo multum recedunt Eusebiani numeri, in quibus fere ad Ol. XVII, 4. quae est ante C. N. 709 (Scaliger ad Ol. XIX, 2. retraxit) legitur: *Croton et Parium et Sybaris conditae*. Parium ad Propontidem quis inter Crotonem et Sybarim Magnae Graeciae vrbes expectet? et Thasiorum illa colonia v. Eustath. ad Dionys. Perieg. p. 96.

(Strab. VI. p. 403 C. Alm.) Peloponneſo oriundis  
(cf. Scymnus Chius Perieg. 325 - 28. 339) Troezenios  
Achiuis adiunctos fuiſſe ex Ariſtotele (de Rep.  
V, 3.) cognoscitur c), qui Achaeos numero auctos  
mox Troezenios vrbe eieciſſe, inſuper tradit: quod  
ad

96. Niſi ſcriptura eſſet nimis diuerſa, videri poſſet  
eſſe *Pandofia* ſubſtituenda, quam, et Metapontum,  
vna cum Sybari conditam, diuerſis puta temporibus,  
ab Achaeis Scymnus refert v. 325. 6. 7. *Μετὰ δὲ  
Κρότωνα Πανδοσία καὶ Θούριοι. Ὅμορον δὲ τούτοις ἐστὶ  
τὸ Μεταπόντιον. Ταύτας Ἀχαιοὺς ἐκ Πελοποννήσου  
κτίσας Ἀφικομένους λέγουσι πάσας τὰς πόλεις.* Sybarim  
Crotonē antiquiorem ediderat Antiochus Syracuſanus  
ap. Strab. VI. p. 402. B. ſed in temporum notatione  
is non ſatis accuratus, vti in ſeqq. quoque ap. Strab.  
apparet: nam conditor Crotonis Myſcelus locum ſam  
a Sybaritis occupatum praeterneſtus eſſe narratur:  
v. ibid. et Zenob. III, 42. Porro *Iſeliceum* Achaeo-  
rum ductorem nomine recitat Strabo. Diuerſa ab  
aliis habet Juſtinus lib XX, 1. *Thurinorum urbem  
Philotteten condidiſſe ferunt ibique adhuc monumentum  
eius viſitur; et Herculis ſagittae in Apollinis templo,  
quae ſatum Troiae fuere.* Similia habentur in Mirab.  
Audit. c. 115. vnde melius conſtitui narrata a Juſtino  
poſſunt: fuit inter Sybarim et Crotonē locus, Ma-  
laca et Macalla dictus, in quo vetus ſanum Apolli-  
nis Alaei erat; in hoc Herculis ſagittae ab Philotteta,  
qui idem mox ad Sybarin fl. fuit ſepultus, erant de-  
dicatae. Poſtea autem Crotoniatæ aliquando victores  
ad templum Apollinis, quod in ſua vrbe habebant,  
eas deportarunt. Ad Petiliam mox eadem de Philo-  
teta conditore fama ſuit traducta ap. Virg. Aen. III,  
402. Strab. VI. p. 390. A. Hallucinetur Antonin. lib.  
Metam. c. 8. a Locris conditam Sybarim memorans,  
appellatam a Sybari fonte ad Criſſam Phocidis, qui  
nomen a monſtro eius nominis naſtus erat.

- c) Hinc Solin. 2. *Sybarim a Troezeniis et a Sagari Aia-  
cis Locri f.* etſi ea minus accurate excerpta ſunt.  
Sagariſ ad Sagram fl. ſpectare videtur.

ad Telyis tempora refert vir doctus ad Diodorum (lib. XII, 9. p. 483.) et recte; nam adiectum: ὅθιν τὸ ἄγος συνέβη τοῖς Συβαρίταις. Vrbs intra breue tempus laeta habuit incrementa d), partim eximia soli vbertate, partim adscitis in ciuitatem liberaliter multis aduenis (Diodor. XII, 9). Erat autem sita inter Sybarin et Crathin e) fluuios, qui magnam camporum planitiem ambiunt, fertilitate agri mirabilem (Diodor. l. c.). Pristina solo vbertas adhuc durat et pascuis siluisque campi virent; sed aquarum eluuius aestatem minus salubrem facit, quod Riedeseli nuper docuit, qui haec loca adiit f); ex quo eodem caussas didicimus, cur mane et vesperi frigus immodicum, meridie autem calorem esse intolerabilem, ex Timaeo narret Athenaeus (p. 519 F.). Scilicet ager versus mare patens a septentrione montes habet Calabriae altissimos, quos idem Riedeseli, generosissimus vir, Maio adhuc niue albicantes vidit g). Itaque inter  
luxus

d) Praetermittimus Sirin expugnatam et arma Metapontinis et Crotoniatis iuncta, v. Justin. XX, 2. Strabo l. c. de quibus v. inf. Prolus. X.

e) Etiam fluuiorum, de quorum naturis v. Aristot. Mir. Audit. c. 183. et quorum salubritatem comire declarant versus Metagenis Comici apud Athen VI. p. 269 F., nomina ortum ex Achaia produnt; nam et in hac Sybaris (Strabo VIII. p. 593 A.) et Crathis fluuii sunt cognominis (Herodot. I, 145. Strab. VIII. p. 502 C.) quod iam Cluver. obseruauit p. 1265. add. Paus. VIII, 15. f.

f) *Reise durch Sicilien und Großgriechenland* p. 200.

g) Hoc est illud quod apud Athen. e. l. ἡ πόλις ἐν πολλῇ καιμένῃ. Ceterum Riedeseli narrationem forte non satis cum Timaeo consentire dixeris; aerem enim ille  
ait

luxus apud Sybaritas inuenta memorata legimus alia, quae ad frigus temperandum valerent, vt nouum solii balneatorii vel cellae fudatoriae genus (v. Athen. XII. p. 519. E.), alia ad aestum mitigandum, vti vias ad praedia ducentes vmbraculis perpetuis opertas habuisse dicuntur; ita enim intelligendas puto ὁδοὺς καπαττέγους, quas excogitalse narrantur h). Ad aestum vitandum Nympharum antra i) excisa putanda, in vicinis nimirum montibus, ad quae diuersari solita traditur iuuentus Sybaritica. Eodem spectat vestium Milesiarum frequentatus vsus, quem in legum fragmentis vidimus.

Sybaritarum quidem luxu et deliciis nihil magis notum; itaque exemplis afferendis otium non consumimus. Sed cum sine magnis opibus et rerum affluentia luxus esse possit nullus, luxus quoque copias et instrumenta Sybaritis adfuisse constet abunde: illud desideretis a quoquam declaratum esse, vnde Sybaritis tantae opes et diuitiae venerint. Nam agrum coluerunt angustum, cuius fructus omnes ipsi consumerent (Athen. l. c.); erant in confiniis aliae vrbes non incelebres; Croton vero, non minus

ait esse crassum et mitem: *Die Luft ist hier dick und gelinde, weil die Gegend dem Mittag und dem Meere entgegen liegt, und von den hohen Gebürgen Calabriens vor der Nordluft verwahret wird. Sed cogitandum est Maio menſe adeoque verno tempore eum haec loca adiisse.*

h) Athen. e. l. Noſtratibus: *bedeckte Alleen.*

i) Eod. l. Νυμφῶν Λουσιᾶδων ἄντρα.

Heynii Opusc. acad. Vol. II.

I

minus opibus eximia vrbs, XXIV. millia aberat (CC *stadia* ap. Strab. VI. p. 403 C.) et a septentrione ad Bradanum faltem ditio Sybaritarum pertinuit. Habebant praeterea littus importuosum, nec de Sybaritarum nauigatione vsquam mentionem factam vidimus. Quin potius importari luxus commoditates et copias ab exteris mercatoribus videntur esse passi. Nam a Milesiis vestes ex lana Milesia habuisse narrantur, et quod apud Athenaeum (l. c. p. 519. B.) Tyrrhenos et Milesios luxus caussa adamasse feruntur, hoc eo spectat, quod ab iis luxus apparatus et fomenta nauibus aduecta accipiebant, lidem immunitatem ab omnibus vectigalibus concesserant iis qui purpura vestes tingerent aut importarent (ibid. p. 521. D.). Quibus itaque artibus aut praesidiis tantas diuitias, quae luxuriae lenocinarentur, parauerint Sybaritae, difficile est dicere. Agri quidem incredibili felicitati debuisse videntur plurimum. Vini copia debuit esse admodum magna, quod quidem ex Athenaei loco (l. c. p. 519 D.) colligas, vbi cellas vinarias narrantur habuisse ad mare, in quas canalibus (*δι' ὀχιδῶν*) perductum ex agris vinum partim vendebant mercatoribus externis, partim naui in urbem deportabant. Mirum est, quod canales illos tubos fuisse crediderunt viri docti; cum ad intelligendum facile sit, canales eos fuisse fossas ex fluuiis per agrorum campestrium limites aquarum diuergiis deductas, quibus deueherent nauigia vinearum prouentum. Sed multa ex his disertius exponere liceret, si Aristotelis librum de rep. Sybaritarum (v. Athen. l. c. p. 520 C.) cum Timaeo et aliis haberemus; fuerunt enim rerum



rerum Sybariticarum scriptores, vt Clitarchus (ap. Plutarch. Parallel. p. 310 F. vbi Κλείταρχος ἐν διευτέρῳ Συβαριτικῶν) et philosophi, qui de voluptate egerant, Sybaritarum exemplo inprimis vfi erant: (vt Chamaeleon Ponticus περὶ ἡδονῆς, qui idem liber Theophrasti nomine ferebatur: Athen. p. 273 C.) Videntur quoque ferioribus temporibus multa de Sybaritarum luxu aut a vero deflexa aut in falsum ficta esse, cum, vt quisque, Sophistae maxime, mollis et deliciosae vitae exemplum proponere aut exornare vellet, id a Sybaritis fere peteret; quod vel Athenaeo comparando suspicari licet (l. c. p. 518. 9.)

Alterum, quod in tanta vitae mollis et effeminatae infamia mirationem facit, est summa eorum, qui incoluerunt, frequentia. Vrbs enim in tam angusto solo posita CCC millia ciuium habuisse constanti fide traditur (v. inprimis Diodor. XII, 9). Incredibilis res ad fidem multis visa, nec iniuria. Defuit enim Sybaritis paupertas et frugalitas reique rusticae studium, quod Romanis erat summum, vt adeo iam quinto saeculo vltra XII centena millia ciuium Romae censeri possent. At Sybaris paullo supra ducentos annos incolumis stetit; et sobolē procreandae hominumque frequentiae luxum inimicum esse constat. Non pigebit apponere, quae nobis in mentem venerunt \*). Promptum est suspi-

I 2

cari,

<sup>e)</sup> Videant alii, an probabiliora haec sint iis quae apud Humium (*Discourses* p. 237 sqq.) et Wallactum (*on the Numbers of Mankind* p. 303.) leguntur: cf. sup. Opusc. T. I. p. 223.

cari, numerum eum omnium esse, qui urbem cum agro incolerent. Ita vero res non modo nihil habuisset miraculi, verum etiam pro fama tenuior esset, quam ut probabilitatem aliquam haberet. Sin eorum, qui urbem incoluerunt, sed omnis sexus et aetatis, numerum eum fuisse contendas, rem narres magis verisimilem. Ita enim civium numerus LXXV vel LX millium esse potuit. Si vero instes, ciues (πολίτας apud Diodorum) trecenties mille, non capita narrari, omnis sexus et aetatis turba ad XII, si cuique familiae quatuor capita assignes; sin quinque, ad XV centena millia assurgere debuit. Res per se non improbabilis, si nostri aevi multo maiore hominum frequentia celebratas vrbes cogites. Nec dimittendum est animo, Sybaritis institutum fuisse, ut in ciuitatem admitterent, quotquot vellet (Diodor. l. c. XII, 9. l. 15.). Potuit itaque fieri, quod in magnis urbibus euenire solet, ut luxuriae et ganearum damna aduenarum ad eam confluentium multitudo refarciret. Et fuit urbis ambitus L itadiorum, hoc est ultra sex millia passuum, eaque adeo amplitudine, quae tantam turbam continere posset. Imperabat praeterea ciuitas quatuor *k*) vicinis gentibus et XXV vrbes *l*) habebat sibi parentes (v. Strabo VI. p. 404. A.). Quae ipsa res argumento est, finitimas quoque terras humano

*k*) Quae illae fuerint, laborat aequil Mazochius p. 75. p. 180.

*l*) Fuisse plerasque ex his colonias aut vrbes colonis auctas probabile fit. Fuit ex hoc genere Paestum Strabo V. sub f. Metapontum id. VI. p. 406. B. de quo loco cf. Mazoch. p. 109.

humano cultū et rerum prouentu fuisse insignes, et conscriptos exercitus etiam ex agris et ex ipsis barbaris vicinas terras inhabitantibus. Meminit ex Timaeo Athenaeus (l. c. p. 519. C.) pompae, forte sacrae, in qua crocotis super loricas induti transuehebantur equites ultra V millia. Atqui videntur hi, vt aliis in ciuitatibus, iuuenes nobili genere fuisse \*). Scymnus tamen Chius, etsi is vnus a ceteris dissentit, centies tantum mille ciuium facit censum m). Forte mares aliquis tertiam omnium, qui viuerent, partem constituens, a centum millibus ciuium orsus ter centena millia omnium habitantium constituere voluit. Ad haec quanta feruorum turba, inprimis inter homines molles et luxuriosos, fuisse existimanda est! Quod tandem alii eos, qui aduersus Crotoniatas in aciem exierunt, CCC millia fuisse narrant, paullo post videbimus.

Ceterum ad animos luxu et mollitiae frangendos soli mirifica vbertas coelique clementia marisque opportunitas in littoribus his Italiae extremae insigniter a natura comparata est. Nam nulla est Graeciae magnae vrbs, quae non opibus et luxu inclaruerit. Quis Tarenti effeminata ingenia ignorat? Ipsa Croton tandem deliciis diffluit (v.

I 3

Athen.

\*) De hac pompa equestri accipiendum, quod apud Tacitum legimus Annal. XIV, 21. quod viris doctis obscurum visum: a *Tusciis accitos* (Romam) *histriones*, a *Thuriis equorum certamina*. Nisi verba aliunde inserta sunt.

m) Scymnus v. 340. Sybaris: Μυριάδας δέκα ἔχοντα τῶν ἀστῶν σχεδόν.

Athen. l. c. p. 522. 3. vbi plura de iis et de Japygibus et Siritis.)

Sybaritarum superbiae et arrogantiae potissimum exemplum passim memoratur, quod Olympiorum sollennia abolere conati sunt, indictis sub idem tempus ludis in sua vrbe maiore apparatus magnificentia, praemiis amplioribus propositis, quibus auocata multitudo Olympiae infrequentiam faceret n). Videntur autem Sybaritarum res maxime floruisse circa Olymp. L. quo Smindyridae illius fastu et luxuria notissimi mentio fit. Fuit enim inter procos, qui Sicyonem confluxerant, proposito a Clithene per praeconem filiae matrimonio; qua de re copiose narrat Herodotus o). Feruntur vero Sybaritae deo consulto sortem accepisse, se opum et deliciarum usum habituros perpetuum et securum, donec numen mortali posthabuerint. Oraculi euentum apud Athenaeum (lib. XII. p. 520. A, B. et Stephanum in Συβαρις) cognoscat qui volet. Ad eum videntur esse referenda, quae Aelianus narrat V. H. III, 43. Responsi accepti

n) Scymnus v. 347 sqq. ex Heraclide de Iustitia Athenaeus l. c. p. 521 F. Et hinc illustrandus Dionysius Perieg 372. 4 quos versus, rei ignorance, male interpretatus Eustathius ad c. l. nec expediuit Scaliger ad Euseb. p. 79 a.

o) Lib. VI, 126. 7. et ex eo Athenaeus XII. p. 529. B. C. qui. ex Timaeo haud dubie, mille eum coquos et ὀπυθηύρας secum adduxisse, narrat; quos non aucupes, sed auium altores et sartores (Federviehmäster) intellegi velim. add Athen. VI. p. 273. C. Aelian. XII, 24. IX. 24. De Clithene videri possunt quae ad Guthrianam farraginem notata sunt T. II. p. 541 sq.

cepti tempus ita constitui posse videtur, si Thamy-  
rin vel Amyrin, prouerbio notum, (v. Suidas in h.  
v. et Diogenian. ac Zenob. a viris doctis iam exci-  
tatos) exitum eius viuendo attigisse tenueris, quem  
eundem ad consulendum deum missum Athenaeus  
tradidit. Habet res aliquam similitudinem cum  
praesultore apud Livium II, 36. Jovi haud probato.

Tandem ciuitati exitium intulit Telys aliquis,  
qui popularibus studiis aduersus optimates vsus  
tyrannidem occupauit (v. Diodor. XII, 9. Herodot.  
V, 44. Heraclides Pontic. apud Athen. l. c. p. 521.  
F.). Concitata huius hominis artibus multitudine  
D. ex optimatibus vrbe eieci sunt p); qui cum Cro-  
tonem confugissent: Telyis, ira insani, hortatu  
missi sunt, qui exules dedi postularent, ni dede-  
rentur, bellum Crotoniatis indicerent. Religionem  
Crotoniatarum animis, ne supplices sibi factos pro-  
derent, incussisse fertur Pythagorae auctoritas, (v.  
Diodor. l. c. adde Jamblichum de vita Pythag. 177.  
133.) qui tum Crotone degebat paulloque post  
vitam finiit q). Verum etiam missos a Crotoniatis  
XXX legatos interemisse dicuntur Sybaritae inter-  
emtorumque corpora ante vrbis muros insepulta  
proiecisse (v. Athen. l. c. p. 521 E. qui etiam somniis  
principum et aliis prodigiis vrbis excidium signi-  
ficatum narrat). Telys quidem iam tum inter belli

I 4

apparatus

p) Diodor. l. c. Si recte Aristotelis locus, de rep. V, 3.  
huc retrahitur, ex Troezeniorum maxime numero  
illi esse debuerunt.

q) Quae maxime probabilis ratio Ol. LXVIII, 2. v. Bent-  
lej. Diff. upon Phalaris p. 73 sq. Sax. Onomast. p. 28.

apparatus et initia caesus fuisse videtur; quod si ponas, dissensus inter Diodorum, Herodotum et Heraclidem, qui diuersa inter se tradere putantur, facile componi potest; maximae enim intestinae turbae videntur extitisse inter Sybaritas, quandoquidem omnes Telyis consiliorum socios ad aras ipsas in templo Junonis interfecerunt (v. Athen. l. c. p. 521. F. ex Heraclide *de iustitia*) quo piaculo contaminati deorum iras expetiisse crediti sunt.

Indicto bello CCC millium exercitus a Sybaritis eductus esse dicitur, a Crotoniatis C millium, Parem ciuium omnino numerum edi supra vidimus. Probabile igitur videri potest, cum *παρθενῶν* exiisse Sybaritas aliquis legisset, vt is etiam numerum istum huc retraxerit. Tradunt tamen ad priorem modum Diodorus (l. c.) et Strabo (lib. VI. p. 404); et quanquam parum verisimile videri debet, nostris inprimis moribus, vt tota iuuentus aduersus hostem in aciem prodeat, in illa tamen aetate, sub illo coelo, in tam angustis terrarum finibus, cum vno impetu intra paucos dies summa res gereretur, euenire potuit, vt adeo desiperent homines, vt vni praelio fortunas ciuitatis et salutem committerent. Id quod ipsa res declarare videtur. Nam victis primo congressu Sybaritis opes vr̄bis vno ictu corruerunt. Pugnatum est ad Traentem fluuium r), Crotoniatae duce utebantur Milone, virium robore inclito

r) Qui nunc *Triunti* accolis est; cf. Bentley ex Jamblicho apud Wesfelingium ad Diodor. XII, 22. Obscura est narratio de hac pugna apud Zenob. III, 92, εἰς Ἀφάννας.

inelito (v. Diodor. l. c.) et, quod tamen ipsi inficiabantur, Doriei Spartani auxiliis, qui tum coloniam educturus ad has oras appulerat, de quo v. Herodot. V, 44. Meminit quoque Paus. III, 16. Callidum inter haec Crotoniatarum consilium memoratur, quod, cum scirent esse Sybaritarum equos ad tibiam saltare edoctos, repente in medio pugnae conflictu modos tibia cani iusserunt; quibus equi auditis erexerunt se et in numerum saltauerunt. (Athen. ex Aristotele lib. XII, p. 520. Aelian. de Animal. XVI, 23.)

Interea victores acerbe et immaniter usi victoria ne a captis quidem abstinuerunt manus (v. Diodor. l. c. c. 10. Athen. p. 251. E. Scymnus v. 343.) Tum Sybarim aggressi viris vacuum diripiunt, solo aequant et ruinis flumen, Crathim, ut ex Strabone (p. 404. A.) colligas, immittunt; ita ut mirandum non sit, si nulla nunc urbis vestigia superant. Ita paucis diebus 1) ingentibus opibus exciderunt Sybaritae, et deleta urbs tanta hominum frequentia tantoque rerum apparatu instructa, non barbarorum innumerae multitudinis incurfu, sed vicinae urbis lacerata ira. Facta autem haec circa Olymp. LXVII, 2 vel 3, a. C. 510, ut ex Diodoro colligas (lib. XI, 90. qui computi fundus est). Eodem anno in alia Italiae parte maiorum rerum facta erant initia; nam Romae eiectioni sunt Tarquinii, et circa idem tempus Pisistratidarum regnum Athenis est solutum. Vtra-

I 5

que

1) Intra LXX dies ap. Strabon. l. c. at Epitomator IX dies exhibet; ambiguo numero O et Θ. Scymnus v. 353, ἐν βραχεί χρόνῳ.

que res in historiis frequentius memorata et memorabilior visa quam tantae ciuitatis excidium. Milesii, quorum magna et ampla Sybari erant negotia, nuntiata Sybaritarum calamitate, publicum luctum indixerunt (v. Herodot. VI, 21). Subibant, cum ista legeremus, animum ea, quae sanctus vates de Tyri excidio praedicit: fore, ut mercatorum per omnes terras communis luctus cladem urbis insequatur.

Annis LVIII elapsis Sybarim instaurauit Thesalus quidam, seu Thessali (v. Diod. XI, 90 et XII 10.) collectis iis, qui a pristina clade supererant; Ol. LXXXI, 4. a. C. 453. Scilicet, qui fuga elapsi erant, Laum et Scidrum se receperant, teste Herodoto VI, 21. ubi Sybaritas non parem gratiam retulisse ait Milesiis, ut Mileto excisa (Ol. LXX, 3. a. C. 498.) luctum publicum indicerent, quod illi fecerant in Sybaritica calamitate. Erat autem Laus ad Lai fl. ostia, Sybaritarum colonia (v. Strabo VI, p. 388. B. et Plinius III, 10. *Laus amnis: fuit et oppidum eodem nomine*) cui vicina esse debuit *Scidrus* (cf. quem iam Wesselingius laudauit, Mazoch. ad Tab. Heracl. p. 502. 3.) Noua Sybaris soli fertilitate iam laetas spes faciebat, cum Crotoniatae vetere odio incensi aut pristino metu impulsii sexto anno post iterum novos colonos expulerunt Ol. LXXXIII, 2. a. C. 447. in quo tamen illud mirationem facit, quod Crotoniatae non ipsi agros feracissimos cultu vel colonis occupare maluerunt. Interea missis primum Lacedaemonem, tum Athenas, legatis Sybaritae populum Atheniensem, qui iam



iam tum, ut opes suas augeret, ad Siciliam et Italiam animos aduertisse videtur, exorarunt, ut sibi reditus et nouae coloniae adiutores mitteret, Lamponem nobili vate \*) et Xenocrate ducibus, Hieronem Plutarchus edit, adscriptis in coloniam quotquot vellent, etiam per Peloponnesum. Sed hi oraculo moniti, commode, ut videtur, inuento ad Crotoniatarum studia et consilia infesta eludenda, qui in vetere loco urbem restitui vetabant, ad alium locum urbis sedem transtulerunt circa fontem Thuriam, vnde urbi nomen venit *Thuriorum* u). Late haec persequitur Diodor. XII, 10. vbi add. a Wesselingio l. l. et Bentlej. p. 370. Ducta colonia Olymp. LXXXIII, 3. a. C. 446. Archonte Callimacho. Interfuit cum aliis claris hominibus Herodotus, nec non Lyfias \*\*).

Incidit intra breue tempus (de anno enim liquide non constat) urbi grauis feditio, veteribus colonis Sybaritis praecipuos magistratus, honores et agros sibi arrogantibus. Cum tamen recentes adscripti numero et viribus superiores essent, vbi ad manus ventum est, veteres Sybaritae ad internecionem

\*) A quo coloni missi *Θουριομάνταις* dicti feruntur: v. Hesych. h. v. Etymol. M. h. v.

u) Et si id ipsi Thurii, licet vana ratione, a *Θούρος* dixisse videntur, cum numis suis taurum cornu petam praeferebant.

\*\*) v. omnino Taylor. in Vita Lyfiae ad Ol. LXXXIV, 1. Magna in colonis mittendis opera fuit Periclis: Plutarch. in Pericle p. 158. D. *Κληρούχους* — *συνοικίσοντας* misit Pericles — *ἄλλους δ' εἰς Ἰταλίαν, οἰκισθῆναι Συβάρειν, ἣν Θουρίους προσηγόρευσε.*

necionem deleti sunt; paucis elapsis, qui *t*) ad Traentem fluuium in vicinis locis confederunt, vbi tamen et ipsi aliquantum post a Brutiis oppressi totumque Sybariticum nomen extinctum est (v. Diodor. XII, 22. vbi cf. Wesseling.). At Thurii nouis e Graecia copiis aucti, et Crotoniatis amicitiae foedere iunctis, praeclare constitutam ciuitatem et opes non contemnendas habuerunt [v. Diodor. XII, 11. quicum facile in concordiam redigi potest Strabo lib. VI. p. 404. A. B.] *v*)

Thurios statim bellum excepit cum Tarentinis Ol. LXXXIV, 1. et quidem ob Siritidem terram, duce *Cleandrida* (v. Diodor. XII, 23, et Wesseling, ad e. l. ex Strabone VI. p. 405. C. et Mazoch. p. 75. qui probabile facit, hunc hominem Gylippi patrem fuisse auaritia infamem, id quod stabiliri potest ex Thucyd. VI, 104. l. 93.) de cuius virtute ac prudentia in bello Thuriorum cum Terinensibus et Lucanis nonnulla narrat Polyaeus de Stratag. lib. II. c. 10.) Cum ex tam diuersis locis collecti essent coloni, Attica tamen plures erant oriundi.

Hi

*t*) Ad haec tempora etiam Aristotelis locus referendus de Rep. lib. V, 3. p. 520. C. καὶ ἐν Θουρίοις οἱ Συβαρίται [ἰσχυρίσασαν] τοῖς συνοικήσασιν· πλεονεκτεῖν γὰρ ἀξιοῦντες, ὡς σφετέρως τῆς χώρας, ἐξέπεσον.

*v*) Ad haec tempora referri debet, certe commodius aliud non occurrit, quod *aliquanta* post turbas, quae per omnes magnae Graeciae ciuitates ab eo inde tempore ortae erant, cum Pythagoreorum collegia fuissent cremata, *Achaeorum illae instituta expetuisse* narrantur. Polybius II. 39. παρακαλέσαντες γὰρ σφας καὶ συμφρονήσαντες Κροτωνιάται, Συβαρίται (Thurii), Καυλωνιάται, πρῶτον μὲν ἀπέδειξαν Διὸς Ὁμορίου κοινὸν ἱερὸν καὶ τόπον, ἐν ᾧ τὰς τε συνόδους καὶ τὰ διαβούλια συνετέλουν etc. v. inf. Proluf. X. 5).

Hi Thurios Atheniensium coloniam videri volebant, aliis repugnantibus. Tandem Apollinis haberi colonia coepit Ol. LXXXVI, 3. v. Diodor. XII, 35. Partium diuersarum studia in ciuitate ad popularem statum descripta viguisse, mirum non est. Post Atheniensium cladem in Sicilia acceptam Lacedaemoniorum rebus studens factio alteram, quae ἀττικίζου videbatur, Ol. XCII, 1. vrbe pepulit; inter eos fuit Lysias orator. cf. Taylor. in ej. Vita p. XXXIV. V. Tandem a Lucanis in feruitutem redacti sunt (Strabo VI. p. 404.) quod Ol. XCVII, 3. a. C. 390. V. C. 364. factum videtur, annis post Thurios conditos LVI. quando eos a Lucanis locorum iniquitate deprehensos ad internecionem deletos esse tradit Diodor. XIV, 101. \*) Lucanorum, vt barbarorum, quippe qui Samnitica origine erant, continua bella cum Graecis coloniis et grauissima fuere odia. Fuit in his bellis praelium communibus Graecorum armis factum ad Laum urbem oraculo ambiguo accepto: de quo v. Strabo lib. VI. p. 388 B. (inf. Proluf. XIV.) Arcessitus Ol. CX, 2. seu verius Ol. CXII, 1. ante C. N. 332. a Tarentinis aduersus Messapios et Lucanos Alexander Molossus ex Heraelea Tarentinorum conuentum in Thuriam transferre

\*) Apud Aelianum V. H. XII, 61. quo auctore, non adscriptum est, narratur de Thuriis a Dionysio armis petitis, classe vero a borea vento disiecta, liberatos metu Thurios Boreae sacra fecisse eumque ciuitati adscripsisse. Spectat res ad hunc ipsum annum Ol. XCVII, 3. quo in oppugnandis Rheginis classis Dionysii mersa fuit procellis; paucis adeo mensibus ante Lucanorum profectiorem hoc euenisse necesse est. Parum accurate adeo Aelianus narrationi adiicit, singulis inde annis Thurios Boreae rem sacram fecisse.

ferre voluit: h. e. in loca circa Thurios v. Strabo VI. p. 429. B. C. Eodem nomine cum Cleonymus Spartanus ad Italiae litora appulisset, V. C. 452. ante C. N. 302. cf. Diodor. XX, 104. *Thurias urbem in Sallentinis* ab eo occupatam direptamque, et a Romanis liberatam veterique cultori additam narrat Liv. X, 2. v. mox not. x). Ab iisdem Lucanis vexati sedecim annis post ad Romanos confugerunt V. C. 468. ante C. N. 286. Sciuit bellum aduersus Lucanos Romanus C. Aelio tribuno pl. rogante, cui mox Thurini statuem et coronam auream dono dederunt (Liv. Epit. XI. Plin. XXXIV, 6. § 15.). Cum Thurios iterum premerent Lucani Brutiique Statio Statilio duce, fugati illi a Cos. Fabricio V. C. 472. ante C. N. 282. et expugnata castra captaque (Valer. Max. I, 8, 6.). Tarentinis mox ad bellum cum Romanis spectantibus, noua clades Thurinis illata; nam indignantes illi in confiniis suis urbem cum Romanis societate et foedere iunctam, armis eam petiere captamque diripere eodem anno w). Quo tempore illa a Romanis recepta fuerit

- w) Enodandus ex his est Strabonis locus VI. p. 404. B. Θούριοι δ' εὐτυχήσαντες πολὺν χρόνον, ὑπὸ Λευκανῶν ἡνδραποδίσθησαν. Ταραντίνων δ' ἀφελομένων ἐκείνους ἐπὶ Ῥωμαίους κατέφυγον. εἰ δὲ πέμψαντες συνοίκους ὀλιγάνδροισι μετανόησαν Κοπίης τὴν πόλιν. Locus praeclarus; sed quid ἀφελομένων ἐκείνους sit, non facile assequare. Vertunt: *Tarentinis eos opprimentibus* perperam. Aut enim locus mutilus est, aut brevitatis studio dixit Strabo obscurius Lucanis ademisse et suae ditioni seu suis partibus adiecisse Thurium Tarentinos. Rem sic narrat Appian. in Exc. Vrsin. de Legatt. p. 344. (ed. Schweigh. p. 56.) Tarentinos cum

fuerit eo bello, notatum non vidimus. Bello Punico secundo cum ceteris Brutiis populis ad Annibalem descuerat V.C. 540. ante C.N. 214. at anno insequente iterum in fidem Romanorum rediere Thurini (Liv. XXV, 1.), a qua tamen descuere paullo post iterum, (Liv. XXV, 15.) anno inde tertio (V.C. 544. ante C.N. 210.). Aucta ciuitas multitudine eo ex Herdonea ab Hannibale abducta (XXVII, 1.) Colonia Thurios deducta est Latini iuris altero bello Punico finito V.C. 560. a.C. 194. (Liv. XXXIV, 53.). *Copias*, melius *Copiam*, inditum nomen  $\alpha$ ) ex Strabone vidimus, boni

cum bellum sibi a Romanis instare viderent, succensuisse Thurinis, quod non ad se, verum ad Romanos confugerant, eoque ipso Romanos in haec loca pellexerant. Urbem itaque diripere, principibus eiectis; praesidium autem Romanum pacta incolumitate dimissum est. Postulant mox Rom. legati inter alia a Tarentinis, ut Thurinis res ablatas restituant.

- $\alpha$ ) Etiam in numis occurrit Copiae nomen; v.c. Bruttia numism. tab. 107. apud Golzium t. XXXV, 2. duo alios protulit Pelerinus *Recueil de Medailles* To. I. pl. VII, 19. 20. inpr. Latere hoc nomen in Schol. Aristoph. Nub. 331. obuium est, et iam obseruatum a viris doctis ad Stephanum: Θούριοι — ὕστερον δὲ Ἀκαιοί. Pergit ille Πλευσανίας δὲ Ἀνθειας αὐτὴν καλεῖ· confundens hos Thurios et Thuriam Messeniae apud Pausan. IV, 31. Homero Antheam dictam At idem Pausanias alio loco lib. II, 19. p. 499. *Lupiam* inter Hydruntem et Brundisium prisco nomine Sybarin dictam docuit; qua in re erroris eum temere accusarunt viri docti. v. Mazoch. ad Tab. Heracl. p. 523 fqq. cni viro doctissimo visa haec est eadem esse, quae apud Strabonem Σύβαρις ἐπὶ Τεύθραντος πόλις *αρίστω* lib. VI. p. 405. C. memoratur, ut Teuthras fluiuii obscuri nomen sit. Sed de hac v. inf. Probus. XIV.

boni ominis causa. Mansit tamen antiquum Thuriorum nomen. Et hactenus quidem de Thuriorum fatis. De eorum legibus et institutis deo volente proxime. P. P. in alma Georgia Augusta Kal. Jul. cło Io cclxxi.

XIV. h). De Pausania autem duplici modo statui posse video; aut errasse eum in nomine et in locorum situ, et *Λουπλῶν* apposuisse, quae fuit *Καρία*; aut rem illum tradidisse aliis quos habemus auctoribus intactam, *Lupiam* inter Brundisium et Hydruntum sitam aliquando *Sybarin* fuisse dictam. Similis difficultas et obscuritas occurrit in nomine *Thuria* vel *Thuriis*: cum Livius lib. X, 2. *Thurias urbem in Sallentinis* memoret a Cleonymo Spartano direptam. Nam Sybarin in Bruttis sitam vix in Sallentinos Livius transferre potuit, ut adeo necesse sit, etiam in illis locis inter Sallentinos urbem Thuriam fuisse.

## VIII.

ACADEMIAE GEORGIAE AVGVSTAE

PRORECTOR

JO. PHILIPPVS MURRAY

CVM SENATV

ANNIVERSARIA INAVGVRATIONIS  
SACRA XXXIV.

IN A. D. XVII. SEPT. MDCCCLXXI.

RITE INDICIT.

*De Sybaritarum ac Thuriorum rep. et legibus.*

Sectio altera.

Si quis vnquam natalis huic Academiae inter fausta omnia et futurae felicitatis laeta auspicia illuxit, Ciues, hunc, quem nunc indicimus, inter lactissimos et felicissimos esse habendum merito putamus, cum is, recepto nuper et a Britannis ad nos reuerso Curatore et Moderatore rerum nostrarum, BEHRIO, Ill<sup>mo</sup>. Viro, qui tantopere votis nostris expetebatur, celebrandus nobis veniat. Vota igitur nostra, quae superiore anno susceperamus, non omnino irrita cecidisse nec euentu

*Heynii Opusc. acad. Vol. II.*

K

successu-

fucceffuque fuo caruiffe putabimus; quin eo grauiore religione obligati videbimur, quo ex grauiffima illa procella, quae paullo poft vota illa fufcepta perculit nos, feruati et recreati remp. fofpitem et incolumem fecundum curfum tenere et res noftras proſperis fucceſſibus florere, laeti intelligimus.

Votorum igitur noſtrorum damnati, in tam laeta feſtaque luce, quid prius antiquiusque habebimus, quam, vt animis caſtis piisque ad ſummum illum rerum Sospitatore accedamus, gratoque bonorum noſtrorum recenſu, tacito ſenſu, publica voce, facto, laudes eius ritu ſollenni celebremus pacemque et perpetuum noſtrae proſperitatis fructum votis precibusque expoſcamus. Cuius religionis pietatiſque noſtrae vt tanto ſollennior grauiorque fit caerimonia: craſtino die, vbi more ſolito, a Comitibus Illuſtriſſ. et Patribus Academiae pompa in templum Academicum ducta fuerit, Jo. PHIL. MYRRAY, *Magnificus h. t. Proreſſor*, publice vota ſuſcipiet, oratione habita, qua iis, quae academiarum noſtrarum conditionem commendant, cum iis, quae in ea deſiderari poſſint, comparatis, plura eſſe laudanda, quam improbanda, docebit. Quibus ſollennibus vt cum beneuolentia et ſtudio intereſſe velit, Comites Illuſtriſſimi, Generoſiſſimi, Nobiliſſimi, Humaniſſimi Iuuenes, humaniter et peramanter rogamus. Nos autem, Ciues, dum pompa paratur et inſtruitur, tanquam in veſtibulo templi et porticu conſtituti, conſabulatione facta, quod nuper de Sybaritis Thuriisque coeperamus, pertexemus.

Primum



Primum omnium videamus iam, *ad quam formam Sybaritarum ac Thuriorum resp. descripta fuerit.* Pauca sunt rei vestigia, quibus insilens ad certum aliquid statuendum peruenias. In vetere quidem Sybari optimatum in rep. administranda partes videntur fuisse praecipuae, quae sub labentis ciuitatis tempora, Telyis inprimis popularibus studiis, ad populum sunt translatae (v. sup. Comment. p. 135.); et tota belli cum Crotoniatis gesti ratio caecos plebis furores satis arguit. Vrbe vero instaurata Thurios ad popularem statum remp. temperasse, diserte narratum est a Diodoro (XII, 11.), ciuesque in X tribus descriptos. nominibus ab origine et patria impositis; ex quibus intelligitur, ex tota fere Graecia novos colonos fuisse collectos. Contra Aristoteles videri potest seu aristocraticam seu oligarchicam remp. Thuriorum prodere: cuius quoque auctoritate Bentleius vsus Diodorum animose impugnat a); non tam Diodori aut Charondae causa, quam vt aduersarium Boylium exagitet. Enimuero ciuitates hae per Italiam et Siciliam multas plerumque mutationes expertae sunt, vt subinde res ab optimatibus ad popularem statum aut ad oligarchiam inclinaret, aut a democratia in aliam formam abiret. Potest quoque forma aliqua popularem speciem habere, et tamen, si perspicacior aliquis altius in interiora descendat, inter aristocracias referenda videri, quatenus in illa scilicet optimatum opibus, gratia, clientelis aut etiam artibus et consiliis, populi scita et decreta reguntur, coercentur, temperan-

K 2

tur.

a) *Diff. upon Phalaris* p. 367.

tur. Verum inspiciamus ipsum Aristotelem *b*): Agit ille de mutationibus quas subire possunt politiae; est in his quam proprio nomine *πολιτεία* appellat, hoc est *popularem bene descriptam*, nam diversam facit democratiam, si omne ius apud populum habetur *c*). Iam aristocratia, pergit, potest in democratiam, *πολιτεία* in oligarchiam *abire*: Accidit hoc Thuriis. Nam quia magistratus deserebantur ex ampliore et maiore censu, ad pauciores res deducta est, et per plura magistratuum genera *d*). Quia vero porro nobiles totius soli Thuriensis agros praeter legem occupaverant: (facta enim, ut diximus, republica oligarchica, facile iis erat opes maiores consequi) populus in bello exercitatus praefidiis seu locis munitioribus est potitus, donec ii omnes, qui plura possidebant, agris cesserant *e*). Ex his manifestum fit Thuriarum remp. tantum vitio factam esse oligarchiam, non ipsa constitutione, adeoque totam Bentleii subtilitatem concidere. Quomodo illa paucorum potentia inualuerit, narrat idem paullo post factum esse magistratus culpa, qui, cum in reip. institutis ne quid moueretur, prospicere deberet, ut una lex de praetura intra quinque

*b*) de Rep. V, 7. p. 530. A.

*c*) cf. v. c. III, 7. pr. IV, 2. pr. V, 7.

*d*) διὰ μὲν γὰρ τὸ ἀπὸ πλείονος τιμήματος εἶναι τὰς ἀρχάς, εἰς ἑλαττον μετέβη καὶ εἰς ἀρχεῖα πλείω.

*e*) διὰ δὲ τὸ τὴν χώραν ὅλην τοὺς γυναικίους συγκτήσασθαι παρὰ τὸν νόμον· ἢ γὰρ πολιτεία ὀλιγαρχικωτέρα ἦν, ὥστε ἐδύναντο πλεονεκτεῖν· ὁ δὲ δῆμος γυμνασθεὶς ἐν τῷ πολέμῳ τῶν Φρουρῶν ἐγένετο κραίττων, ἕως ἀφείσαν τῆς χώρας ὅσοι πλείω ᾔσχαν ἔχοντες. Videntur autem haec ad illud tempus spectare, quod paullo post Thuriarum conditos incidit: v. sup. Proluf. pr. p. 1139.

quinque annos ab eodem non repetenda tolleretur, annuit, rem se parvam concedere arbitratus; verum eo exemplo aliis post alia mutatis tota reip. ratio et constitutio mox est soluta f). Ceterum in Thuriarum rep. populi ius et partes fuisse ex eo ipso Aristotelis loco intelligitur; nam suffragiis ille suis magistratus creasse, militares etiam leges, vel magistratu renitente, abrogasse narratur. Potuit adeo etiam in Charondae legibus, quatenus illae a Thuriis adoptatae fuerunt, caussarum ad populum rellatarum recte mentio fieri g).

Priscae Sybaris nullae leges memoriae mandatae sunt, nisi paucae, quae luxuriam et mollietiem hominum arguere possunt; neque omnino satis constat, quo legum codice vti sint; nili quod apud Scymnum Chium v. 345 sq. legibus Zaleuci vti narrantur: quibus relictis in luxuriam et proteruiam praecipites se dedere; etsi vel sic assequi haud licet, quomodo a legibus tam seueris ad tam solutos mores procedere potuerint. Quae tamen Sybaritarum leges habentur, sunt fere hae: Scitum ab iis aut potius institutum esse narratur apud Athenaeum (XII p. 521 C. ex Phylarcho Historiar. XXV.) *ut etiam foeminas ad sollennes epulas vocare liceret h)*, ut adirent adeo communia cum viris conuiuia matronae, quae ex Graecorum more sua sacra suasque epulas

K 3

seorsum

f) Ibid. p. 530. D. E. — ἀλλὰ μετέβαλεν ἡ τάξις πᾶσα τῆς πολιτείας εἰς δυναστείαν τῶν ἐπιχειρησάντων νεωτέρῳ.

g) Contra quam Bentleius contendebat p. 367. 8.

h) Γυναῖκας εἰς τὰς ἑορτὰς καλεῖν.

feorsum a viris habere solebant, *utque ii, qui ad sacras epulas essent et sacrificium eas innitaturi, annuo ante spatio sacra indiderent, ut, satis digno pro temporis spatio sacro apparatu vestium reliquique ornatus, ita demum illae ad sacra adessent i*). Epulae factis sacris celebratae pars erant praecipua religionis Graecanicae et praeclari ad remp. instituti. Sybaritae igitur religiones angustiores et publicis opibus digniores facere voluisse videntur, ut ciuitatis opulentiae sacra splendide et magnifice fierent. Qua quidem in re nihil magnopere reprehendendum videas. Sacrarum enim caerimoniarum cultusque religiosi externa species merito ad ciuium ac reip. opes et fortunas attemperatur; nihilque indignius esse videtur et turpius, quam si vrbs locupletum ciuium luxu privataque aedium magnificentia enitescat, templa autem et vasa sacra squalore et fumo sordescant. Sybaritarum magnificentiae publicae in his sacris epulis studium declarant etiam illa, quod aureis coronis donabant eos, qui ceteros apparatu et elegantia superassent (etsi hoc Athenis quoque factum legimus). Lepidum tamen hoc, quod et coquis coronas dabant (Athen. p. 519. D. E.). Subtexuntur apud Athenaeum (l. c. p. 521. D. et p. 518 sq.) alia ad epularum delicias instituta, quae nunc breuitatis studio omittimus. Sed aliud est, quod commemorare

- i) Ita legendus et intelligendus esse videtur locus: καὶ τοὺς εἰς τὰς θυσίας καλοῦντας πρὸ ἐνιχυτοῦ κλήσιν ποιῆσαι. ἵνα ἄλλως ποιούμενοι τοῦ χρόνου τὴν παρασκευὴν τῶν τε ἱματίων καὶ τοῦ λοιποῦ κόσμου, προάγωσιν οὕτως εἰς κλήσιν, et ad mulieres referendus, ut, iam Casaubonus ad e. l. docuit ex Plutarch. Coniuv. VII. Sap. non longe a princ.

rarè iuuat, primos fuisse Sybaritas, qui artes, quae cum strepitu exercentur, vt fabrorum aerariorum et materiariarum, in urbem suam non admitterent, ne omnino quicquam esset, quod somnum turbare posset, quid? quod nec gallum gallinaceum in vrbe alere licebat k).

Haftenus de Sybaritis. De Thuriorum vero institutis, praeter ea, quae paullo ante commemorauimus, ex Aristotele alia discere licet: fuisse apud eos συμβούλους l), item magistratum, qui legum curam haberet m); fuisse porro legem, quae veta-  
ret, ne quis, qui praetor fuisset, intra quinque annos eundem magistratum peteret n), eaque lege abrogata pessimum nouandi omnia in rempublicam exemplum esse illatum; eos enim, qui rebus nouis studerent, erectis ita et confirmatis animis in vltimum audaciae prorupisse; quo factum, vt deinceps totus reip. administrandae ordo immutari coeperit. Narrat rem Aristoteles, vt doceat, quomodo cum aliae respublicae, tum aristocratiae latenter interdum et occulte mutari, ita, vt non sentiat mutatio, tandemque dissolui possint. Gymnasia et sodalitates (συσσίτια) ad seditiones fouendas vim habuisse, ex Platone intelligitur (de LL. I. p. 776. D. Frf. 27. 28. Bip.)

## K 4

## Thuriis

k) Athen. ibid. p. 518. C.

l) Ibid. V, 7. Charondae legibus iis, qui nouercam liberis superinduxerant, poena erat dicta ap. Diod. XII, 12. τὸ μὴ γίνεσθαι συμβούλους τούτους τῇ πατρίδι. ita nec Senatores esse poterant.

m) νομοφύλακας Cic. de LL. III, 20.

n) νόμου γὰρ ὄντος, διὰ πάντε ἐτῶν μὴ στρατηγεῖν.

Thuriis subtilitatem in legibus ferendis, dum omnia nimis accurate constituere et calumniam praecludere voluerunt, tribui videmus ab Ephoro (apud Strabon, VI. p. 399. A.). Habemus eius rei exemplum in LL. *de emtione venditione*. Nam, cum super fundorum alienatione (de hac enim potissimum agi eo in loco videtur) certis sollennibus ac ritibus circumscribenda ac firmanda, alia in aliis essent ciuitatibus constituta o), Thuriis placuit, vt nulli omnino emtionis venditionis essent sollennes ritus, nec in foro, sicut alia negotia, res gereretur, sed vt emtor ac venditor tribus ex proximis vicinis darent communiter numum memoriae testimoniique caussa p). *Ita necesse erat, vt vicini illi tenerentur ipsi, si res emta non esset tradita, aut iam tradita tanquam non tradita peteretur, aut ab eo, cui tradita esset, accepta esse negaretur q).* Thuriis porro lege cauerant, vt arra confestim, pretium vero eodem die

o) v. loc. ex Theophrasto ap. Stobaeum XLII. p. 280. I.

p) Ibi d. p. 281. A. οἱ δὲ Θουριακοὶ (puto vitiose pro Θούριοι) τὰ μὲν τοιαῦτα πάντα ἀφαιροῦσιν, οὐτ' ἐν ἀγορᾷ προστάττουσιν, (l. πράττουσιν, l. suppl. πωλεῖν) ὥσπερ τὰλλα· διδόναι δὲ καλεοῦνσι κοινῇ (h. emtorem ac venditorem) τῶν γειτόνων τῶν ἐγγυτάτω τρισὶ νόμισμά τι βραχὺ μνήμης ἕνεκα καὶ μαρτυρίας.

q) Hunc quidem verborum apud Stobaeum eodem loco sensum esse arbitramur: ἀναγκαῖον δηλονότι, τοῖς μὲν (qui coram magistratu emtionem venditionem ex lege faciunt) τὰς ἀρχὰς ὑπευθύνους ποιεῖν, τοῖς δὲ τοὺς γείτονας (igitur non modo testes, sed quodammodo praedes habebantur hi vicini: qui aderant, vt fideiuberent, contractum fore ratum. Hinc ὑπεύθυνον esse puto, qui ex obligatione in subsidium tenetur) εἰάν μὴ λάβωσιν, ἢ δις παρὰ τοῦ αὐτοῦ λάβωσιν, ἢ ἔχοντες μὴ λέγωσι (sc. ἔχειν τι) τῶν ἀναμμένων (leg. τῶν ἐναμμένων).

die exhiberetur; quod si factum non esset, poena emtori constituta erat r), ut arram amitteret: sin venditorem, arra accepta, poenitebat, ut is tantum persolveret, quanti res vendita venisset s). Videtis in hoc exemplum nimiae ἀκριθείας, et natae ex summo iure iniuriae; quam Thuriis vitio datam diximus. Nam, quod Theophrastus ipse eo loco obseruat t), inaequalis est poena emtoris et venditoris, cum alter solam arram, alter pretium rei venditae perdat, quod arram multoties excedere potest. Verum eadem haec iuris acerbitas ex emendatione legis a Charonda scriptae nata erat;

K 5

id

r) Aequitati igitur propius ius Romanum, quod emtorem poenitentem arram perdere, venditorem autem a pactione recedentem duplum arrae restituere iubet. Nota loca sunt pr. Inst. de Emt. Vend. l. 17. C. de fide instrum. cf. Cuiac. Obs. XI, 17.

s) Ibid. p. extr. ἐν δὲ λαβὼν ἀραβῶνα μὴ δέχεται τὴν τιμὴν, ἢ δοῦς (sc. τὸν ἀραβῶνα) μὴ καταβάλλῃ (sc. τὴν τιμὴν) ἐν τῷ ὀρισμένῳ χρόνῳ [ἴδῃ γὰρ ὀρίσθαι, κατὰ-περ ἐν τοῖς Θουρίων. τὸν μὲν ἀραβῶνα παραχρῆμα, τὴν δὲ τιμὴν αὐθημερόν—] τόγ' ἐπιτίμιον ἑκατέρῳ, πότερον τῷ μὲν στέρησις τοῦ ἀραβῶνος· αὐτὰ γὰρ σχεδὸν οἱτ' ἄλλοι κελεύουσι καὶ οἱ Θουρικοί (leg. Θούριοι)· τῷ δὲ μὴ δεχομένῳ (sc. τὴν τιμὴν) ἐκτις ὅσον ἂν ἀποδώ-ται; καὶ γὰρ τοῦτο ἐν τοῖς Θουρίων. Bentleius Diff. upon Phalar. p. 366. ὅσον legit, sed vulgarem lectionem bene interpretatur Cuiac. l. c.

t) Locus est obscurior, maxime interpunctionis fraude. Τόγ' ἐπιτίμιον ἑκατέρῳ (sc. quaeri potest) πότερον τῷ μὲν — sequuntur quae paullo ante appolita sunt; tum subiiciuntur haec: ἄνισος ζῆμια· πολλαπλασία γὰρ ἡ ζῆμια τοῦ ἀραβῶνος. ἔτι δὲ καὶ βλάπτει τ' ἂν (leg. βλάπτεται) ὁ ἀποδόμενος, ἀφ' οὗ ἑκατέρους (sc. et pretium rei et arram). ἐπειδὴ τις (leg. ἐπεὶ δὲ τις) ἐφ' ἡμέραν μίαν ὀρίσειεν, δεδικασθαι κελεύουσι τῷ μὴ δεχο-μένῳ τὴν τιμὴν.

id quod ex eodem Theophrasti loco colligi potest u). Nam Charondas, quem Plato etiam secutus erat, iusserat, *rem venditam continuo tradi et accipi x*). *Sin quis credidisset, eum actionem non habere. Suo enim illum periculo hoc fecisse putandum y*).

Expedita fatis videntur omnia, vt ad illam quaestionem accedere possimus: exploratumne et ad rerum fidem pronuntiatum sit, id quod et ipsi sequuti adhuc esse videri possumus, *leges illas, quae Charondae nomen praeserunt, Thuriis scriptas esse?* Enimuero disputationem hanc in aliud tempus reiiicere consultius est: nunc vt sollennia crastino die celebranda faustis laetisque ominibus exigantur, ex animo precamur. P. P. XVI. Sept. cIoIo cclxxi.

- u) Paulo iniquior erat Benthleius, qui his ipsis inferebat, Thuriarum leges a Charonda plane scriptas esse nequuisse, quoniam a Charondae legibus recedere narratae sint l. c. p. 366 sq.
- x) Pergit ibid. Theophrastus p. 282. A. *Quaeri porro potest, num venditor, donec rei venditae pretium acceperit, rei venditae dominus esse debeat: πότερον δὲ, ἢς ἂν κομισηται (sc. τὴν τιμὴν ὁ ἀποδόμενος) κύριον εἶναι [δαί] τοῦ κτήματος· οὕτω γὰρ οἱ πολλοὶ νομίζουσι. ἢ ὥσπερ Χαρώνδας καὶ Πλάτων· οὗτοι γὰρ παρὰ χρεῖμα κελεύουσι δίδοναι καὶ λαμβάνειν.*
- y) *ἔάν τις πιστεύσῃ, μὴ εἶναι δίκην. αὐτὸν γὰρ αἴτιον εἶναι τῆς ἀδικίας.*



## IX.

ACADEMIAE GEORGIAE AVGVSTAE

PRORECTOR

GOTTH. TRAVG. ZACHARIAE D.

CVM SENATV

SVCCESOREM SVVM

JO. STEPHANVM PÜTTER

CIVIBVS COMMENDAT

IN A. D. II. JULII MDCCCLXXII.

*De Sybaritarum ac Thuriorum rep. et legibus*

Sectio tertia et vltima:

in qua quaeritur, fuerintne illae a Charonda perscriptae.

**I**n ea scriptione, Ciues, qua superiore anno natalem Academiae diem celebrandum indicebamus, eo adducta erat res, vt, posteaquam leges, quae sub Charondae nomine veniunt, (Proluf. III. IV. V. VI.) appositae illustraueramus, inde Sybaritarum ac Thuriorum rep. instituta et leges (Proluf. VII. VIII.) persequeremur: eratque nunc peruentum ad quaestionem illam virorum doctorum disputationibus celebratam: verumne illud sit, quod  
*leges*

*leges illae, quae Charondae nomen praeferunt, Thuriis scriptae esse feruntur.* Desiderari potest virorum doctorum acumen etiam in hac quaestione tractanda, quod plura capita in idem congesta et permixta sunt. Quæri enim possunt ac debent sigillatim plura: quae omnia praecedere debet illa quaestio, quo tempore Charondas vixerit. Retractabitur a nobis quaestio post virorum doctorum studia a) breuiter, et ut nostro iudicio utamur, simulque videamus, quid rationibus cum Bentleii tum aliorum propositis cum veritate vel opinione coniunctum esse videri possit.

Nobis itaque ab initio statim in hac quaestione duo videbantur esse discernenda, ut altera dubitatio sit, *fuertne Charondas legum Thuriis scriptarum auctor*; altera: *eae leges, quas Diodorus ac Stobaeus seruarunt, sine istarum legum fragmenta habenda.* Quae utraque dubitatio in vnum confusa non parum turbauit omnia; alias turbas fecit non animaduersa scriptorum, quorum fide et testimonio utuntur viri docti, auctoritatis diuersitas. Ea itaque quae de Charonda legum nobilissimarum auctore traduntur, ad has classes narrationum reuocari possunt, ut ab aliis ille dicatur *Thuriis*, ab aliis vero *Chalcidicis ciuitatibus leges scripsisse*; porro ut ab illis *post Olymp. LXXXIV* vixisse credatur, ab his *ad antiquiora tempora referatur.* Redit nunc res ad iudicium historicarum criticum.

Qui

a) v. ap. Fabric. Bibl. Gr. T. I. lib. II. c. 24. Bentleii diff. upon Phalaris p. 334 sqq. Wesseling. ad Diod. XII, 11. Warburt. Div. Legat. of Moses B. II. S. 3.

Qui Charondam suis ciuibus, *Thuriis*, leges scripſiſſe diſertis verbis tradunt *b)*, Diodorus, Plutarchus, Athenaeus, Themistius cum Val. Maximo, ſcriptores ſunt, quorum non omnino hac quidem in re magna eſt auctoritas, certe non tanta, vt grauiorem et maiorem, ſi qua ſe obtulerit, loco cedere iubeat. Nam primo omnes iis aetatibus, quibus Thuriſi florere, vsque ad Ol. XCVII, 3. multo ſerius vixere quam vt teſtium loco haberi poſſint; reditque adeo eorum auctoritas ad auctores, quorum fidem ipſi amplexi ſunt; atqui de iis nihil nunc conſtat; alii ex iis omnino rem tantum obiter et in tranſitu attigerunt, Diodori autem fides et auctoritas tota ex eorum, quos exſcripſit, dignitate et grauitate pendet; de qua ſi dubitandi locus ſit, parum nos iuuat ipſius Diodori nomen, quippe in quo viro non tam ſubtile et ſeuerum deprehendere videmur iudiciũ, vt, niſi aliunde cauſſae firmamentum acceſſerit, in eo acquieſcere poſſimus. Contra manifeſtum ſit, illum in dilectu rerum narrandarum inſeruire certae cauſſae et conſilio, vt prudentia politica et virtutis praeceptis lectorum animos imbuat. Itaque etiam in hac de Charondae legibus narratione ſcriptorem adhibuiſſe videtur, quem non tam, quod veriora, quam quod vtiliora tradiderat,

- b)* Diodorus (lib. XII, 11) ſtatim poſt nouam ciuitatem conditam; qui eum quoque Thurium appellat, quod Valerius quoque Maximus et Themistius faciunt, Athenaeus (XI. p. 508. A) Plutarchus (de Curioſ. p. 519. B. vbi *ὁ Θουπλῶν νομοθέτης* praefcribitur legi ex Charondae farragine excitatae.) Aduerſus hanc quaefſtionis partem, an Thurius fuerit Charondas et Thuriis leges tulerit, praeclare diſputat Bentleius; minus idem ſollers ac ſubtilis in iis quae ipſe de ſuo ponit.

tradiderat, probasse videtur. Tandem satis probabile fit, aut ipsum, aut auctorem, quem in manibus habebat, Zaleuci et Charondae nomina et leges confudisse. Rem cum alia arguunt, tum hoc, quod de diurnitate legum praedicat. Thuriarum enim resp. vix L annos integris rebus perstitit; quod contra de Locrensi rep. rite praedicari potuit c).

At in partibus eorum, qui de Thuriis nihil memorant, Charondam autem patria Catanaeum edunt et legum Chalcidicis ciuitatibus latarum auctorem, sunt scriptores, quorum fidem hac in re tuto sequi possumus, Aristoteles et Heraclides Ponticus, quem vtrumque in rerumpublicarum fata et instituta inquisivisse satis constat. His igitur denuntiemus testimonium, et, quid inde ad causam nostram in alterutram partem diiudicandam sequatur, videamus.

Aristoteles quidem (de Rep. II, 12.) disertè ait *Charondam Catana oriundum suis ciuibus et aliis Chalcidicis per Italiam et Siciliam ciuitatibus leges scripsisse d*). Chalcidicae vrbes fuere per Siciliam Catana, Zancle, Naxos, Leontini, Euboea, Mylae, Himera, Callipolis, et in Italia Rhegium e). Iam cum origine Chalci-

c) Recte haec monuit Bentlej. l. c. (p. 189 sq. ed. Lennep.)

d) Aristot. de Rep. II, 12. καὶ Χαράνδου ὁ Καταναῖος τοῖς αὐτοῦ πολίταις καὶ ταῖς ἄλλαις ταῖς Χαλκιδικαῖς πόλεσι ταῖς περὶ Ἰταλίαν καὶ Σικελίαν. Plato (loco p. 364. a Bentleio laudato) Ἰταλίαν καὶ Σ. tantum dixerat, Cic. de Legg. II, 6. ciuitatibus suis.

e) Ex Scymno v. 282 sqq. 310. cf. Wesseling. ad Diod. XII, 10.

Chalcidica nihil coniunctum ac commune fuit nec Thuriis nec Sybari; sunt quoque omnes illae vrbes antiquioris, quam Thurii, originis. De Catanae conditae tempore ex Thucyd. VI, 3. satis constat; incidit autem ortus eius post Ol. XIII, 1. Non longe haec a Sybaris initiis absunt, longissime a Thuriis conditis. Sed legum scriptarum tempus omnino ex his confici nequit. Ex Heraclide Pontico, nani is alter erat, cuius auctoritatem grauem satis esse dicebamus, etsi enim ille seu leuitatis seu cupiditatis in nonnullis reus factus est, doctrinae tamen et litterarum laude inter omnes floruit, haec discimus, Rheginos aristocratica reipublicae forma, et *Charondae Catanaei legibus vfos f*). Cum eodem mox loco subiiciatur mentio infecutae tyrannidis Anaxilai Messenii, Bentleius (l. l. p. 362 sqq.) Charondae leges saltem ante hunc hominem exstitisse, argumentatione infert. Eius autem obitum constat Ol. LXXVI, 1. contigisse, adeoque XXX annos ante Thuriis conditos. Thuriis itaque leges Charondas nullo modo scribere potuit g). Grauiore tamen argumento antiquior Charondae aetas, et primis Catanae conditae temporibus propior, ex eo asseritur,

f) νόμοις δὲ ἐκπῶντο τοῖς Χαράνδου τοῦ Καταναίου. in fragment. Heraclidis. Catanaeis et Rheginis, cum patria exularet, Charondam leges scripsisse, auctoritate tamen non apposita, tradit Aelianus III, 17. Χαράνδου δὲ τὸ ἐν Κατάνῃ [ἐκτανάριον], καὶ τὸ ἐν Ῥηγίῃ, ὅτε ἐν Κατάνῃ ἐφύγε. Enimuero et hoc falso proditum; nam non nisi post Anaxilai tempora probabile fit Charondae leges fuisse a Rheginis acceptas: cf. inf. Proluf. XIV.

g) cf. Westfeling. p. 485.

afferitur, quod Zaleuco is Locrorum legumlatori plerumque subiungitur, qui circa Ol. XXIX. floruisse non omnino sine fide ab Eusebio Hieronymi traditur. Aristoteles (l. c.) eum inter vetustiores legumlatores secundo a Zaleuco loco recitat; eodem loco alios docere velle ait Onomacritum Locrum apud Cretenses primum legum ferendarum peritia claruisse, eius familiarem fuisse Thaletam Cretensem; ab hoc profecisse Lycurgum et Zaleucum, a Zaleuco Charondam. Addit tamen idem *temporibus parum pensitatis haec ab iis proferri*: certe quod Zaleucum attinet, qui Lycurgi discipulus esse haud potuit; at de Charonda post Zaleucum legum laude nobilitatum nihil voluit refellere, cum ipse antea idem pronuntiasset. Alio loco (IV, 11, p. 503, A.) Charondam *e medio genere civium fuisse* ait, quod optimum sit legumlatorum genus. Hac utique auctoritate acquiescimus; Theodoreti enim esse potest nulla, qui (*de cur. affect. Graec.* lib. IX. p. 608. C.) Charondam *primum Italii et Siculis leges tulisse* ait. Qui factum sit, ut a nonnullis inter Pythagorae, qui tamen multo serius vixit, cum eius mors in Olympiad. LXXX, 2. incidisse videatur, discipulos referretur, alio loco (p. 169) declarabitur.

Per haec, quae adhuc dicta sunt, nisi fallimur, sic satis exploratum vidimus: *multo iam ante Thurijs conditos tempore Charondam fuisse aliquem Catanaeum, qui cum aliis civitatibus Chalcidicis, tum suae, leges scripserit, inter ceteras etiam Rhegio, in extrema Italia, siue ut in eam urbem adfuerit, siue ut a Rheginis eius leges expetita, aut, idque veri simillimum, ab iis, quibus scripserat, translatae et transcriptae*

transcriptae fuerint. Neque tamen vel sic eorum, qui *Thuriis a Charonda leges latas esse tradiderunt*, fides, etsi labefactata, prorsus corruere videri debet; parum accurate forte res exposita, cum *Thurios Charondae legibus usus esse* dicere deberent. Hoc enim et probabile satis est, nec res exemplo caret, ut nouae ciuitates conditae aliarum urbium leges ad suam rempubl. transferrent et accommodarent. Quae res cum per se exemplo non careat, tum in ipsis Charondae legibus Mazacenorum Cappadociae exemplo declarata est, qui iis usi esse memorantur, constituto quoque apud se legum interprete *h*). Inuitare Thurios potuit partim vicinitas Rheginorum, qui iisdem legibus Charondae utebantur, partim vltima stirpis cognatio; nam etsi ex omni Graecia confluxerat colonorum multitudo, Atheniensium tamen superabat numerus; erant autem hi Ionicae originis, ad quam et Chalcidicae urbes referebantur. Mos autem est et usus ita loquendi, ut leges sibi scriptas esse dicat ciuitas legumque sibi auctorem arroget eum, cuius legibus utitur, etsi aliunde adscitis. Constabit itaque Diodoro aliisque fides, si, quod facere par est, ita statuerimus, ut Thurios Charondae prisci leges ad suam ciuitatem admisisse,

*h*) Ap. Strab. XII. p. 813. C. (p. 539.) Χρῶνται δὲ οἱ Μαζακηνοὶ τοῖς Χαράνδου νόμοις, αἰρούμενοι καὶ νόμων, ὅς ἐστιν αὐτοῖς ἐξηγητὴς τῶν νόμων. καθάπερ οἱ παρὰ τοῖς Ῥωαίοις νομικοί. videtur hic legum decantator, νομικός, leges et memoria tenuisse et certis temporibus recitasse; idemque legum sententias interpretatus esse. Non igitur nisi ex parte functus munere Νομοφυλάκων, de quibus v. *Epimetrum de Locris*.

admisſiſſe, atque haecenus Charondae legibus ſe vti profeſſos eſſe exiſtimemus; quae res deinde ab aliis parum ſubtiliter ita fuit tradita, vt Thuriis Charondas leges ſcripſiſſe ferretur. Conſtabit ea fides et rerum veritas etiam tum, ſi Thuriis eas leges ad ſuae ciuitatis ſtatum et inſtituta attemperarunt et partim immutarunt. Diodorus quidem ſcriptorem, qui de Thuriorum rebus ſcripſerat, in manibus habebat, cum leges illas deſcriberet; id quod fatiſ docent ea, a quibus narrationem exorſus erat c. 9. 10. 11. Vix autem aſſequi licet, quomodo aliquis nulli omnino fundo ſuperſtructa illa tradere auſus eſſe queat.

Sed reuocat nos Bentleius, vir acutiſſimus, qui locis ex Athenaeo, Scymno Chio et Strabone allatis, negat i) omnino *Thurios* Charondae legibus uſos eſſe, ſed eos *Zaleuci* leges a priſtinis vrbiſ cultoribus, *Sybaritis*, ait retinuiſſe et ſeruaiſſe. Enimuero ſtudio et cupiditate in *Boylium* vltcrius, quam ipſe vellet, euectus euagatusque videtur vir ſummus. Nam Athenaei (lib. XI. p. 508. A.) nulla eſt auctoritas, cum apud eum inter diſputandum aliquis temere illud ponat, Platonis legibus nullam ciuitatem eſſe uſam, vt *Lycurgi legibus Spartani*, *Solonis Athenienſes*, *Zaleuci Thuriis uſi ſunt*, non ſtudio et diligentia exploratum aliquid afferat. Scymnus autem (v. 345 ſq.) de *Sybaritis* agit non de *Thuriis*, vt eius fide, hoc quidem in loco, ad euertendam opinionem communem, nequaquam vti poſſis. In Strabonis tandem locum (lib. VI.

p. 399.

i) *Diff. on Phalaris* p. 365 ſq.



p. 399. A.) sententiam pro lubricitate infert vir doctus k); nam is *Thurios in legibus suis omnino subtilitatem sectatos esse* memorat. Est ea quidem a Charondae legibus multo minus aliena, quam a Zaleuco. *Charondam enim Aristoteles l)*, non modo priscis, verum etiam iis, qui suo tempore leges scripserant, subtilitate scribendarum legum superiorem esse iudicabat. Hac ipsa Charondae legum subtilitate imbuti Thuriis ulterius etiam, quod ex Ephori apud Strabonem verbis colligas, processisse et singula nimis callide constituere ac definire voluisse, adeoque interdum cum summo iure summam iniuriam intulisse videntur. Eiusmodi est idem illud, quod supra de *emtione venditione* a Thuriis praeter Charondae mentem constitutum vidimus. Non enim id eo valere debet, ut alias Thuriis alias Charondae leges fuisse contendamus, sed ut inde constet, Thuriis nimio subtilitatis studio certis in causis Charondam suam deferuisse.

Aliam plane dubitationem agi diximus, si quaeratur, *sintne ad Charondam auctorem referenda ea legum fragmenta cum legum prooemiis, quae a Diodoro*

I. 2

et

k) Hac in parte iam Fabricius Benteil cupiditatem notavit B. Gr. T. I. p. 535. Quid vero Heraclides sequutus sit, qui teste Laertio IX, 50. *Protagoram Abderitam Thuriis leges scripsisse* narraverat, nemo facile assequatur. Etiam illum circa tempora coloniae Thuriis deductae vixisse constat: cf. Benteil. (ed. Lennep. p. 211.)

l) De Rep. II, 12. p. 449. D. T. III. Duval. τῇ δὲ ἀριβελίᾳ τῶν νόμων ἐστὶ γλαυκυώτερος (k. subtilior, elaboratior: non, quod volunt, politior) καὶ τῶν νῦν νομοθετῶν.

et Stobaeo sub eius nomine in medium prolata sunt. Acute profecto et sagaciter Bentleius cum Charondae tum Zaleuci legum fragmenta subdititium parumque ingenuum serioris alicuius sophistae foetum esse est suspicatus. Videtur tamen etiam in hoc vir summus, partim rei nouitate percussus, partim disputandi calore incensus, paullo ferocius se iactasse; certe prouectus esse ultra metam. Non cedit in hanc operam, argumenta eius singula accurate excutere ac refellere. Sed, ut de Charonda saltem perstringamus potiora; nam de Zaleuco alio loco actum est; inesse monet legibus Charondae tributis verba Attica aut seriora aut ex Pythagorae disciplina *m*); addere debebat: orationem omnino esse comtiorem nec pro vetustatis horrore, quem in Charonda expectabas; quod vero multo grauius est, satis persequutus ille non est, quod nimirum in sententiis permulta sunt, quae Pythagoreum philosophum potius decebant quam legum latorem, imprimis aetate antiquiorem; multo vero magis in prooemio. Quae mox subiicit *n*), Thurios democraticam remp. habuisse, at apud Aristotelem ad oligarchiae inuenta Charondae leges reuocari, etsi verum hoc non est, (v. Prolus. sup. p. 147.) si tamen vel maxime verum esset, vim habere non potest, si leges priscas Charondae adoptarunt Thurii et suae ciuitati accommodauerunt. Laudari porro ab Aristotele nonnulla, quae in Diodoro et Stobaeo non occurrant *o*). Recte utique. Neuter enim totum legum

*m*) τραγωδισθαι (p. 358).

*n*) Ibid. 365. 6. 7.

*o*) Ibid. p. 368.

legum codicem descripsit. Apud eundem Aristotelem Charondam *nihil proprium et praecipuum p)*, praeter unam de falsi testimonii actione legem, habuisse narrari; Diodorum contra multa eum a se inuenta et excogitata adiecisse affirmare, istam tamen ipsam legem, quam Aristoteles vt Charondae peculiarem laudat, omittere. Quae omnia si ita se habeant, etsi quis inuentum aliquid a se proferre potuit, quod idem multis annis post cum multis aliis commune haberet, hoc vnum tamen inde sequi dicas, Aristotelis iudicium plus apud nos valere debere quam Diodori errorem vel ignorantiam. Potuit enim alter, qui in legum et ciuitatum naturis cognoscendis magnam vitae partem consumserat, multa accuratius tenere quam Diodorus. Potuit tamen et hic habere quod sequeretur, cum leges describeret, non quales ab ipso Charonda fuerant scriptae, sed cuiusmodi a Thuriis ad suae ciuitatis statum erant translatae, emendatae et nouis capitibus auctae. Lex autem *Ψευδομαρτυριῶν* actionem instituens, quam vnus Aristoteles Charondae propriam esse ait, et ab eo primo inuentam, haud dubie in Stobaei recensu legum latet sub *συκοφαντιῶν* iudicio q); verum, etiamsi abesset, tamen vel sic, nec omnes leges a Stobaeo et Diodoro adscriptas esse, cogitandum erat. Restat argumentum a sermone, quo leges earumque prooemia exarata sunt, genio petitur, alieno ab antiquiorum temporum simpli-

L 3

citate

p) οὐδὲν ἴδιον de Rep. II, 12. At Diodor XII, 11.

q) v. sup. Sect. I. LL. Charondae sub f.

citare r); etsi ipse Aristoteles pronuntiat Charondae leges minus asperitatis habere s). Quibus addendum merito est hoc, quod idem Charondae legum prooemium apud Stobaeum Dorica dialecto expressum est; cum Thurios, etiam Catanaeos, Attica vfos esse necesse sit t). Quod in Zaleuci prooemio contra factum esseprehenditur; vulgari enim illud et communi sermone descriptum est, cum Locros tamen Dorice loquutos esse constet u).

Scilicet iam alio loco in simili disputatione de Zaleuci legibus significauimus, eos, qui Zaleuci vel Charondae legum ipsa verba seruata esse existiment, parum subtili iudicio vti videri, cum diffimilis prorsus et abhorrens ab eorum aetate sit oratio. Nec tamen iudicio paullo acriore vti dicemus eos, qui hinc statim inferre volunt, esse eas leges omnino commentitias, et sophistae alicuius Attici

r) Nam istud vix in aciem produci potest argumentum, quod, cum Charondae leges olim Athenis in conuuiis decantatae ap. Athen. XIV. p. 619. ex Hermippi lib. VI. *περί νομοθεσιῶν* narrentur, ea quae extant, talia sunt, vt ad cantum facta vix videantur. Nam sententias inde in Scolia redactas cani solitas probabile visum iam ipsi Bentleio et Fabricio B. Gr. T. I. p. 537. etsi non improbabile sit pro *ἡδοντο Ἀθηναῖσι* legendum esse, *ἐν Καραύῃ*, in hac enim vrbe priscae illae Charondae leges, singulis sententiis expressae, facile cani potuerunt.

s) v. sup. not. l).

t) Proprium Charondae vocabulum ex Arist. de Rep. I, 2. notarunt VV. DD. *ὁμοσιπύους*, *communi σιπύῃ*, *παναριο* vtentes, de societate domestica. Epimenides Cretensis *ὁμοκάπνοους* dixerat, *communi foco* vtentes.

u) Ibid. p. 370. 355.

Attici ex feriore aevo fraudem. Nolumus nunc commemorare, eas leges iam ante Diodori aetatem extitisse, nam ipse aliunde repetiit, Ciceroni de LL. II, 6. lectas, ab antiquiore poeta (apud Diodor. XII, 14.) carmine expressas esse; quae omnia multum antecedunt ea tempora, quibus sophistarum fraus grassata est. Sed ipsam argumentationem quis non leuem et inanem esse videat? Quid enim? si verba antiqua priscumque legum carmen inuidit aetas, an sententia et mens legum aliis verbis diserte et clare ac perspicue perscribi et retineri minus potuit? Quam multa ex antiquitate sunt, quibus, quod non suis verbis nobis tradita sunt, fidem nemo facile detrahendam pronuntiet, dum sententias teneat? Sed nolumus nunc persequi eadem argumenta, quae in quaestione de Zaleuci legibus exposuimus, et tota haec rerum ratio multo magis patebit, si, quae fortuna haec legum fragmenta vel vestigia seruauerit, viderimus.

Fuerunt enim inter veteres, qui priscas leges colligerent et illustrarent, partim in libris singularibus, *περὶ νόμων* vel *νομοθετῶν*, vt Hermippus, Heraclides Ponticus, Theophrastus, et alii, partim in libris *περὶ πολιτειῶν*, vt nonnulli ex iisdem ipsis, quos laudauimus, et Aristoteles in libris de rep. quorum suo quisque more ac consilio x) legum verba recitasse credendus est. Quanta vel sic, diuersis hominum studiis, in exponendis legibus, orationis diuersitas esse debuit, multo magis cum eiusdem legumlatoris leges a pluribus ciuitatibus

L 4

receptas

x) v. Proluf. XV.

receptas adoptatas et immutatas sub communi primi auctoris, vt Charondae, nomine commemorarent! Hinc tamen easdem legum tabulas aut singulas leges mox descripserunt passim alii, nonnulli adeo carmine, cuius rei exemplum apud Diodorum (XII, 14.) extat; inprimis autem inter hos memorandi illi, qui populorum et ciuitatum historias conderent; qui quidem earum leges et instituta inde ita repetiisse putandi sunt, vt consiliis suis et scriptionis legibus eadem attemperarent, etiam oratione. Horum scriptorum aliquem, qui de Thuriorum et Locrorum rebus, simulque de legibus, egerat, quas a Charonda et Zaleuco scriptas habuissent, Diodorus, (nam is *Thuriorum leges* se apponere profitetur) alios auctores Stobaeus exscripsisse existimandus est; neque is Thuriorum, sed *Charondae Catanaci*, leges praescriptas habet. Hinc oratio in utroque diuersa et discrepansprehenditur; neutra tamen omnino prisca sermonis generis consentanea y). Fac enim Catanaeos vsos esse Ionica, Thuriot Attica oratione; non tamen illa ad philosophicam illam rationem composita fuit, quae in fragmentis legum occurrit. Apud Stobaeum alia adeo diuersitas. Zaleuci quidem leges communi sermone expressae sunt, quo is scriptor, quem sequebatur, vsus erat; eodem sermone leges Charondae; at vero prooenii priores sententiae dialecto Dorica, cum scriptor, quem in manibus habebat, diuersus ab altero illo, eadem vsus esset. Quem quidem scriptorem philosophum fuisse, et qui-

y) Manifesta res fit, si legem v. c. de calumnia (*ψευδομαρτυρίας*) in utroque compares.

quidem Pythagoricum, non omnino temere suspicamur. Notum est Pythagorae discipulos inprimis ciuitatibus constituendis et rebus ciuilibus tractandis animos adiecisse. Multae ab iis resp. ex ciuilibus procellis ad tranquillitatem restitutae sunt, aut legibus emendatae, inprimis foedere inter Magnae Graeciae ciuitates et communi consilio ac conuentu constituto ad Achaeorum exemplum, post graues turbas, cum sub Pythagorae mortem immanis illa vexatio et odiorum acerbitas in philosophum eiusque familiares saeuisset, vt eorum collegia concremarentur, ipsi viui comburerentur, et principes in quaque ciuitate tollerentur, (v. Polyb. II, 39.). Alii in legibus congerendis commentandis interpretandisque 2) aut in libellis politicis componendis operam collocarunt, Dorica quidem plerumque dialecto vsi (Jamblich. § 241. Porphy. § 53.) quam in fragmentis, quae Pythagoreorum nomen praeferunt, ex Stobaeo collectis adhuc agnoscimus. Non itaque improbabile est, prooemia illa legum, cum paucis legum fragmentis, ex Pythagoreo aliquo philosopho esse exscripta, a quo vestigia nonnulla, satis obscura quidem, Pythagoreae disciplinae in iisdem impressa supersunt. Quae tamen quis eo interpretetur, vt adulterinum falsarii opus hoc ipsum coarquat? Illa ipsa Pythagoreorum philosophorum in legibus antiquis illustrandis studia, nostro quidem iudicio, effecisse videntur, vt inter Pythagorae discipulos Charondas et Zaleucus parum docte referrentur.

L 5

2) Dicti tamen interdum et hi ipsi νομοθέται. quo nomine, Plato quoque venit apud Aristot. de Rep. p. 449.

rentur. Factum tamen hoc non nisi a senioribus a). Non autem hoc nouum et insolens, vt ad Pythagorae disciplinam referretur, quicquid cum eius institutis similitudinem haberet; insigne eius rei exemplum habemus famam de Numa. Vt scilicet paucis rem complectamur, quae confecta esse disputatione nostra arbitramur, sunt haec: fuit Charondas, isque Catanaeus, qui suae ciuitati aliisque Chalcidicis ciuitatibus leges scripsit; harum legum verba non habemus, ne quidem ipsas leges integras, quales a Charonda profectae sunt, saltem non omnes. At habemus multarum legum argumenta et sententias a diuersis scriptoribus diuersae auctoritatis commemoratas. Easdem leges videntur Thurii in suam ciuitatem transtulisse, eidemque attemperasse. Iam fuit aliquis e Pythagoreis, qui Charondae legum codicem condiderat, isque dialecto Dorica vsus: an idem fuerit, qui Zaleuci leges eodem modo et consilio perscripserat, non liquet; etsi nihil vetat ita statuere. Sed fuere alii, qui, vbi de Thuriorum rep. et rebus agerent, leges exposuere in ea ciuitate sancitas: quae cum e Charondae legibus essent transcriptae, sensim ac tacite subrepsit opinio

- a) Primus, quem nouimus, Posidonius ap. Senecam. Diodor. XII, 20. de Zaleuco: *μαθητὴς Πυθαγόρου τοῦ φιλοσόφου*. Seneca Ep. XC. ex Posidonio: *Zaleuci leges Charondaeque narrantur; hi non in foro, nec in consultorum atrio, sed in Pythagorae tacito illo sanctoque recessu didicerunt iura, quae florenti tunc Siciliae et per Italiam Graeciae ponerent. Haestenus Posidonio assentior*. Laert. VIII, 16. Porphy. de Vita Pythag. 21. Jamblichus de V. Pythag. § 33. 104. 130. 172. Hoc est illud in quo refellendo Bentleius tam doctam operam posuit; et praeter illum alii.



nio, ipsum Charondam Thuriis eas leges scripsisse. In hos aut similes scriptores incidisse putandus Diodorus. Haftenus quidem de loco difficili et salebroso, quem si omnino attingere refugissemus, verendum erat, ne ipsarum legum auctoritas infracta iacere videretur.

Exposuimus haec, Ciues, vt aditum nobis muniremus ad id, cuius caussa talem disputationem suscipere mos iubet et institutum academiae. Indicendi sunt crastini diei ritus sollennes, quibus magistratus academici insignia et honores transferentur in Virum Perillustrem, reip. academiae et vestrarum commodorum, Ciues, studiosissimum,

#### IO. STEPHANVM PÛTTER D.

Vos itaque, Comites Illustrissimi, Commilitones natalium, ingeniorum virtutumque laudibus ornatissimi, vt sollennibus his frequentes adesse bonisque ominibus votisque noui magistratus exordia prosequi velitis, amantissime rogamus. P. P. in alma Georgia Augusta Kal. Jul. c1o1o ccLXXII.

## *De Sybaritis ac Tburis*

### *Spicilegium.*

**I**n iis, quae de Sybaritarum luxu passim memorata sunt, repetendis otium consumere nolui. Multa eius generis vno loco narrata apud Athen. XII. p. 518 sqq. Memorabilia in his inprimis haec: quod pueri vsque ad pubertatem purpura erant vestiti et capillos redimitos aureo ornatu habebant (p. 518. E.): quodque pumiliones et catellos Melitenses alebant (ibid. F.) Porro quod epulis publice praebeitis coronis aureis honorati sunt qui ceteros magnificentia apparatus superassent, quid? quod et coqui (p. 519 D.) tum quod apparatus epularum in annum indixerunt (p. 521 C. D. de quo loco v. sup. p. 150. cf. Valken. Oratt. p. 390.); quem fere in morem Syracusis Verres indixerat festum Verrea, et *ut ad eum diem, quae sacris epulisque opus essent, in complures annos locarentur*: Cic. in Verr. II, 21. Vestium Milesiarum, tenuitate et mollitie insignium, inprimis vsum frequentatum supra (p. 130. cf. p. 33. r) vidimus. Tenuium enim vestium studium magnopere commendare debuit solis aestus in his locis vehementior; quem etiam nostra aetate testantur, qui ea loca adiere: hinc tantus amor lanae exquisitioris etiam apud Tarantinos et alios. Accessit mox, ut solet, ad vtilitatem luxus; et texturae exquisitiori etiam colorum et figurarum intextarum artificium adiunctum est. Commendauit veterum admiratio vestem  
summa

summa arte et magnificentia adornatam, qua in Laciniæ Junonis panegyri Alcisthenes Sybarita aliquando se iactavit: qua potitus mox Dionysius senior, cum vendidisset Carthaginensibus, CXX talenta sibi numerata accepit. Fac iam talentum 1100 vel 1200 thaleris nostris aestimari, et collige pretium vestimenti: ap. Aristot. Mirab. Audit. c. 99. et inde Athen. XII. p. 541. A. Miro autem veterum hominum iudicio intextæ erant formæ humanæ et diuinæ: de quibus v. ad e. l. Aristot.; vtrinque in ora extrema hinc *Alcisthenes* inde *Sybaris* expressa erat: muliebri haud dubie specie. Ap. Pausan. VI, 6. in prisca pictura adumbratus erat *Sybaris adolefens* cum fluuio Calabro, fonte Calyce, Junone et Temessa vrbe: scilicet ibi fluuius Sybaris redditus fuisse videtur. Etiam Nossis in Junonis Laciniæ templo *Ῥύσανον ἑῖμα* a se et filia textum dedicauerat epigrammate, quod inter istius poetriæ fragmenta habetur, quodque iam Bentleius protulit ad Phalaridem p. 356. *Thurios Atheniensem coloniam* videri voluisse vidimus, quo ipso causâ in aperto est, cur numi eorum Palladis capite signati sint, mox *Apollinis* coloniam haberi coeptam: Prolus. VII. ext. p. 141. Eo spectare videntur numi Thuriorum ex aere paruo, in quibus caput Apollinis laureatum cum tripode vel cum cithara visitur. Reliqui Thuriorum numi fere taurum cornipetam exhibent, adiecto interdum monogrammate aut siglis magistratus nomen, vt probabile fit, designantibus; at antiquiores Sybaritæ taurum gradientem capite retrouerso; hi quidem antiqua arte, altero typo eminente altero depresso.

*Achæo-*

11. *Achaeorum coloniam Thurios* edit Livius (XXV, 15, 7) et Scymnus Chius (v. 325), aut confusis cum iis veteribus Sybaritis, aut respectu ad eos habito, qui ex iis superstites nouae coloniae interfuerant.

12. Discordiam in noua colonia ortam habuisse fomitem ex sodalitatibus, colligere licet ex loco Platonis *a*). Cum noui coloni ex diuersis Graeciae partibus confluxissent, dubitari non potest, etiam Lacedaemonios in iis fuisse; minus tamen recte Laconica instituta iis tribuit Philostratus *b*); hominem leuis fidei notasse satis est.

*Iunonem* insigniore cultu apud Sybaritas fuisse habitam ex iis colligere licet, quae apud Athen. XII. p. 521. E. F. et alibi leguntur; iratam ipsis ex eo, quod in eius conspectu caesi erant supplices: quo facto simulacrum deae se auertit. Est hoc illud *μνῆμα τῆς Λευκαδίας Ἡρας*, quod non nisi trina urbis euersione expiari potuisse ex Apollinis responso refert Plutarch. de fera num. vind. p. 557. C. vbi v. Vir doctiss. Wyttenbach. in ed. libelli p. 65. habuisse vero euentum fors videri potuit priscis colonis a recenter adscriptis in Thuriam interne-  
cione deletis v. sup. Prolus. VII. extr. At *Iunonem Leucadiam* in his oris quis ferat? Leg. *τῆς Λακινίας Ἡρας*. Lacinia Juno promontorio ac templo vicino in Crotoniatarum agro satis nobilis fuit.

#### Poetas

*a*) Plat. de LL. I. p. 636. (Bip. p. 27.) ἐπεὶ καὶ τὰ γυμνάσια καὶ τὰ ξυσσίτια πολλὰ μὲν ἄλλα νῦν ἀφελᾷ τὰς πόλεις, πρὸς δὲ στήσεις χαλεπὰ. δηλοῦσι δὲ Μιλησίων καὶ Βοιωτῶν καὶ Θουρίων παῖδες.

*b*) Philostr. V. Apollon. III, 15. Thurios refert inter eos qui comas alunt et ὅσοις τὰ Λακωνικὰ ἦν ἐν λόγῳ.

Poetas vel scriptores e Thuriis aut Sybaritis memoratos non meminimus, praeterquam quod inter Pythagoreos Deanax, Diocles, Euaeus, Euanor, Menesthius, Ptolemaeus, Proxenus, Timasius, Tyrfenus, aut potius Tyrfenis, femina, Sybaritae: Hippodamus autem (cuius etiam fragmentum e libro *περὶ εὐδαιμονίας* in Stobaeo extat) et Perilaus Thuriarii recitantur. Apud Theonem in *Progymnasma* c. 3. p. 29. ed. L.B. 1626. memoratur inter veteres *μυθοποιούς Θούριος ὁ Συβαρίτης*. De homine hoc nil constat, at *fabularum Sybariticarum* fit mentio et alibi. v. Fabric. vbi de Aesopo. *Clitonymum* scriptorem rerum Sybariticarum memini ap. Plutarch. *Parall.* p. 310. *Opp. To. II.* Fuere etiam *Metagenis* Comici *Θουριοπέρας* drama, cuius versus aliquot apud Athen. VI. p. 269. F. extant: videntur voce hac *eueriores Thuriiorum* declarari; de argumento tamen nihil constat.

X.

-X.

ACADEMIAE GEORGIAE AVGVSTAE

PRORECTOR

JO. STEPHANVS PÛTTER

CVM SENATV

SVCCESOREM SVVM

JO. PETRVM MILLER D.

CIVIBVS COMMENDAT

IN A. D. II. JULII MDCCCLXXIV.

*De Crotoniatarum rep. et institutis agitur.*

Non eo, quo par est, nomine praescripto, Civ-  
 ves amantissimi, ad sollennia haec, quibus  
 magistratus academici eiusque insignium publice fiet  
 translatio, vos vocamus celebranda. AYRERI nomen  
 in fronte gerere debebat libellus hic: viri de aca-  
 demia nostra, si quis alius, per longum annorum  
 decursum meritissimi, comitate cum gravitate con-  
 iuncta, ingenii amoenitate, vitae elegantia, in pro-  
 vectiore quoque senectute, singulari conspicui.  
 Septimum ille Prorektoratus vicibus susceptis, in  
 ipso muneris decursu, mortalibus curis ereptus est  
 morte

morte matura quidem, bonis tamen omnibus acerba et luctuosa. Abdicauerat ille se magistratu, paullo ante discessum suum, cuius onus inde subiit is, cuius nomen nunc praescriptum huic tabulae videtis, Ciues. Instat tamen nunc illud tempus, quo, ipso ducente ordine, nostris suffragiis, Regia auctoritate accedente, mandatus magistratus academicus transferetur in Virum Summe Reuerendum,

JO. PETRVM MILLER D.

cuius paternum in vos animum, beneuolentiam et caritatem, praedicandam etiam ex hoc loco putarem, Ciues, nisi vos eam iam fatis notari et exploratam habere sciremus. Ducendae autem pompae in templum academicum splendor suus ac frequentia vt adsit, facietis vos, Comites Illustrissimi, generis, ingeniorum morumque ornamentis decoratissimi iuuenes, si coetui nostro interesse dicentesque e pulpito oratores corona veltra cingere non grauati fueritis. Atque hoc erat, quod rogatos vos esse volebamus humanissime. Nunc quandoquidem academico ex more academicis sollennibus docta disputatione proludendum est, ad respublicas et leges reuertemur, quarum commemorationem facere superioribus annis exorſi eramus.

Locros ac Thurios egregie legibus et institutis instructos vidimus. Fuere aliae Magnae Graeciae ciuitates opibus et hominum rerumque copiis florentes: sed inuidit nobis fortuna accurate perscriptas harum ciuitatum historias, multoque adeo magis narrationem de earum statu, institutis ac le-

*Heynii Opusc. acad. Vol. II.*

M

gibus;

gibus; vt paucissima adeo sint, quae ad consilium nostrum spectantia de iis commemorari possint.

Vniuerse tamen illud ab initio tenendum, ciuitates has profectis e Graecia colonis frequentatas haud dubie leges ac mores metropoleon suarum retinuisse: posse adeo, quotiescunque alia monumenta desint, iudicium de iis ferri satis tuto, si, vnde deducta fuerit quaeque colonia, docueris: iisdem enim legibus et institutis instructa ea fuit, quibus auctores vsi erant, vnde originem ducebant: quae ipsa res forte fecit, vt de earum vrbium institutis nihil memoratum sit a scriptoribus.

Quandoquidem itaque semel haec spatia ingressi sumus, recensebimus Magnae Graeciae ciuitates et inquiremus paullo diligentius, vnde vnaeque profecta sit, subiiciemusque si quid memoratu dignum de eius statu et descriptione occurrerit.

*Croton*, quae inter ceteras Magnae Graeciae vrbes eminebat, primordia habuit primis statim temporibus, quibus Italiam et Siciliam coloniis frequentauit Graecia. Nec refert si non in eundem ipsum annum consentiunt scriptores in origine vrbium, quae ad plures annos ex ipsa rei natura referri potest, prout primum accessum, vel descripta moenia ac domos, vel absolutam ac constitutam ciuitatem quis respexerit. Dionysius Halic. II, 59. qui in temporum notatione diligentissimus est, conditam refert Crotonem Ol. XVII, 3. (a. C. 710. V. C. 44). Neque ab hoc recedit Eusebius in Chron. Hieron. Vallars. qui sub Ol. XVII, 4. retulit: Scalliger



liger ad Ol. XIX, 2. retraxit: *Croton et Parium et Sybaris conditae a*). Minus adeo accurate Antiochus Syracusanus, vetus de rebus Italicis scriptor, (apud Strabonem lib. V. p. 402. C. 403. A.) Archiam, cum ad Syracusas condendas contenderet, ad haec loca accessisse narrabat eo ipso tempore, quo Croton conderetur; XXV enim annis maturiora Archiae sunt tempora, qui Ol. XI, 2. Syracusas condidit. Ferendum in tam remotis aetatibus non adeo subtiles esse veteres, quin Myscellum et Archiam aequales et eodem tempore domo profectos edant *b*). Inhabitabant tum illa loca Japyges (Strabo VI. p. 403 A. ex Ephoro). In conditore conueniunt scriptores *Myscello*, vel *Myscelo*; habuit patriam Rhypes Achaiae urbem *c*) [Strab. VIII. p.

593

*a*) cf. Progr. de *Sybar. ac Thurior. rep. et legg.* Sect. I. Ceterum de Crotone multa collegerunt Golzius, Cloverius, Vindingius modo criticam subtilitatem adhibuissent.

*b*) Strabo l. c. p. 402 C. oraculum ex Antiocho Syracusano laudat Myscello datum, ne Sybarin praeferret. Forte ex eodem Antiocho petita est altera narratio apud eundem Strabon. p. 413. f. 414. et Stephan. in *Συρακοῦσαι* et Zenob. III, 42. Suid et al. de optione ab Apolline data, et praelatis ab Archia diuitiis, a Myscello salubritate. Diuersum ab his oraculi caput de promissa coloniae duci sobole v. ex Dicaearcho ap. Jamblich. V. P. 52. Salubritatem caeli Plinius quoque testatur lib. II, 96 f. 98. Alia fabula de imbre per caeli serenitatem facto ap. Suidam in *Μύσκελος*, et Schol. Aristoph. Nub. v. 370. legitur: quam de Phalantho, Tarenti conditore, Strabo et Pausan. tradunt.

*c*) Minus accurate, quippe vt poeta, *Argolicum*, Alemonis f. edit Ovidius Met. XV, 19. vbi etiam de hoc Myscello exponit. Hercem tamen *Crotonem* celebravit

593 C.] et coloni, quos adduxit, fuisse *Achaei*.  
 [Strabo l. c. Herodot. VIII, 47. Scymnus Chius v.  
 322. qui eam vna cum Crotone, Pandosia, Thuriis  
 et

lebrait antiquitas, estque hoc solum, quod ex Heraclidis Politicis servatum habemus: Κρότων ἐξ ἀρχῆς Κρότων ὠκισεν. Κρότων οικιστὰς praeclare vindicatus est in numo ab Ekkel V. C. nuper in Sylloge I. p. 11. Alia fabula est, *Herculem* in haec loca venisse Geryonis boues abigentem. v. Jamblich. V. P. f. 50. Certe is fuit Crotoniatarum ἥρας ἐπιχάρης idemque in eorum numis passim conspicitur, modo puer augues elidens, modo sedens scyphum effundens, modo alio habitu. Sed haec cognoscere licet vel ex Raschii Lexico numismat. voc. Croton. Est in hoc numorum genere apud Magnan. Brut. numism. t. 119. vnus ex aere mediae formae, cum capite Herculis iuuenili, ΚΡΟ et altera parte tripus, adscripto ΣΤ. Sybarin foedere iunctam d' Hancarville recte agnoscit (*Recherches sur les Arts de la Grèce* T. II. p. 458 sq.) verum ad antiquissima tempora numum refert. Sed vir doctus in toto illo loco ac capite tam misere temporum rationes turbat ac miscet, vt nihil omnino ex eius rationibus confici possit. Paulo ante Ol. LV. numum cufum probabile fiet ex iis, quae inf. dicuntur. Alia, quae in Crotoniatarum numis occurrunt, symbola partim Apollinem, cui templum Crotone fuisse patet de Mirab. Audit. 115. partim Jovem eiusque cultum et honorem arguunt; occurrit etiam Iunonis Laciniae caput, cuius templum in vicinia erat. Bellerophontem in numo exhibuit Ekkel N. V. anecd. I. t. III, 24. qui originem Achaicam arguit; Achaeae enim accensa antiquitus Corinthus; cui Bellerophon heros indigena. Nam Archiam Corinthium ad Crotonem nil spectare iam monitum est. Ad eandem originem referre licet, puto, vsum τοῦ ρ Koppa in nomine oqq. Sunt inter antiquiores ex genere eorum numorum, quos *incusos* vocant. Ab eodem V. C. in Sylloge Vol. I. tab. I, 12. numus Crotoniatis proditus est, cuius altera parte tripus cum candelabro et litterae PA antiquo ductu, quas ille ΔΑ legit, et ex Theocriti

versu

et Metaponto inter Achaeorum colonias fuisse do-  
cet] d). Iam autem Achaeos non modo serius  
foedere ac societate plurium ciuitatum facta, verum  
etiam antiquitus populari statu ciuitates suas mode-  
ratos esse satis constat vel ex Polybio (lib. II, 41),  
qui sanioris democratiae exemplum eos proponit  
unicum e). Itaque cum coloniae urbium, vnde  
deductae erant, iura moresque retinerent, mani-  
festum

M 3

festum

versu Id. IV, 32. Zacynthum aduocat. Nec tamen  
nisi casu vrbes in eo versu iunctae occurrunt. Scho-  
lium inepti hominis est. De Pandosia cogitabam,  
cuius cum Crotone nomen iunctum in alio numo ap.  
Magnan. Brutt. t. 87. occurrit.

d) Pausanias tamen Lacedaemone coloniam Crotonem de-  
ductam memorat, vna cum altera, Locros Epizephy-  
riis ducta, circa annum a. C. 723. Polydoro regnante  
lib. III, 3. nec diu posthaec Tarentum conditum.

e) Obscura est omnis antiquior Aethiopiae memoria: itaque  
nec satis accurate definiri posse video, a quo tempore  
Aethiopiae vrbes populari statu vsi sint. Locus Polybii  
laudatus, qui cum Strabone (atqui is ex isto petiisse  
videtur lib. VIII. p. 589. A.) vnicus est hac de re,  
nam in Paus. VII, 1. et 6. nihil, quod huc spectet,  
reperio, is, inquam, inde a Titameno Orestis f. re-  
ges habuisse Achaeos testatur vsque ad regem Gygen,  
cuius filios auersati illi reip. suae formam in popu-  
larem statum mutarunt, quem vsque ad Alexandri  
tempora retinere, quando discordia urbium consilia  
distraxit, donec restitutum est antiquum illud urbium  
foedus, adscitis mox aliis ciuitatibus. Gyges ille  
quo tempore vixerit, expressam memoriam reperimus  
nullam. Polybius c. 42, vbi concludit suam de anti-  
quioribus Achaeorum temporibus narrationem, se do-  
cere voluisse ait διότι μὴ τις αἰεὶ τῶν Ἀχαιῶν αἰρετικὴ  
ὑπερχε, et ea quidem ad libertatem et aequalitatem  
comparata. Tyranni, qui ante restitutam veterem temp.  
per Macedonum artes et fraudes extiterant, non nisi  
ad nouissima tempora spectant.

festum fit, nec Crotonem allo ciuitatis statu quam populari esse vſam legesque ad eum attemperasse. Si vero popularem statum dicimus, democratiam, non ochlocratiam dicimus. Habuit Croton suos Magistratus, habuit suum Senatum, τῶν ἱερωντῶν, quem clō virorum fuisse, e Dicaearcho apud Jamblichum V. P. f. 45. et Porphyrium V. P. f. 18. comperimus. Agi quoque de re grauiore in Senatu et ad populum videmus in iis quae de exulibus a Sybaritis repetitis narrantur ap. Diod. XII, 9. Alia ex iis colligere licet, quae de seditione a Cylone in Pythagoreorum exitium concitata ex Apollonio narrantur (ap. Jamblich. f. 257.) loco praeclaro. Erat enim inter Crotoniatas factio, quae nouas res in rep. moliebatur: *vt promiscue ad magistratus et comitia omnes admitterentur f)*: quo patet, remp. Crotoniatarum ita fuisse descriptam, vt ex census seu ex alia ratione ciuium ordines essent constituti, seu classes, ex quibus infimae ne ad comitia quidem admitterentur, multo minus omnibus promiscue magistratum petere liceret. Porro ab iis postulabatur, vt ii, qui magistratu abirent, apud certos ex omni multitudine sorte lectos viros rationem eorum, quae gessissent, redderent. Circumscribere adeo magistratus opes voluit plebis factio. Fortiter resistere Pythagorei, ita enim solui remp. a maioribus acceptam. Superior tamen fuit altera factio, incensa plebe criminationibus in Pythagoreos iactis. Ex eodem loco (f. 160) intelligitur,

f) Sane hoc ex latina versione et ex contextu constat: in Graecia vero vitiosa est oratio. Saltem ὑπὲρ τοῦ παντός κοινωνεῖν legendum est πάντας.

gitur, in comitia populi (εἰς ἐκκλησίαν) nec pro-  
dire nec quicquam ferre licuisse, nisi Senatui cō-  
virorum antea approbatum esset. Nec recessisse  
eam ab hac reip. administrandae ratione ferioribus  
temporibus, infra videbimus.

Egrogie sita fuit vrbs, muris et arce instructa (v. Liv. XXIV, 3), portu quidem idoneo destituta, vt tamen stationes nonnullas haberet aestiuas nauibus appellendis idoneas, quae portus desiderium tollere poterant (Polyb. lib. X. Exc.). Cuium frequentia prae aliis ciuitatibus claruit g). Floruit inprimis studiis bellicis et gymniciis, et fuere plures Olympicis aliisque certaminibus victores ex hac vrbe (Strabo VI. p. 403. A. B.): inter quos Milo facile celeberrimus fuit, quem Ol. LXII. aliisque stadio vicisse constat. Suscepit ea quoque aliquando sapientiae studia. Eadem enim aetate Pythagoras Crotonem adierat, cuius disciplina tum aliis locis, tum Crotone maxime, morum et institutorum

g) Scymnus Chius 322. ἡ πρὶν αὐτοχρυσάτη εὐαυροτάτη πόλις τὰ γυνομένη, Κρότων. Non dubitamus cum Hoeschelio legendum esse αὐταιχρυσάτη, etsi causam ille non attulit. Felicitatem de ea vrbe nemo praedicauit: fabulam adeo paullo ante attigimus ex Strabone et Stephano Byzant. qua opes et diuitiae Syracusis, Crotoni bona valetudo ab Apolline fuit assignata. Nec aliter putamus accipiendum Dionys. Periegeten O. D. v. 369. Ἰμπερόν πολλαῖσιν εὖσταςάνοισι Κρότωνος: est Croton muris bene cinctus, ut Homerus et alii hac voce vsi. Eustathius tamen de victorisum coronis accepit. Inter aedificia publica esse debuit *Musarum templum*, quod Pythagorae suasu exstructum ferebatur v. Jamblich. f. 45 et 264: e Dicaearcho; item Apollinis. v. Aristot. not. c).

tutorum magnam mutationem fecisse dicitur; de qua paullo post pluribus dicitur. Inter Pythagoreos itaque, quorum nomina habentur, magnus numerus est eorum, quibus patria Croton adscripta legitur.

Celebratissima est *Crotoniatarum clades ad Sagram* fluuium a Locris accepta. de qua copiose tradidit Justinus XX, 2 sq. (Adde Strab. VI. p. 400. B. C. Cic. de N. D. II. 2. Suidam in ἀληθείαι, et hinc inter Adagia Gr. Schotti e Suida, II, 2. add. ibid. Zenob. Cent. II, 17. vbi v. Schott. Plutarch. in Aemil. p. 268 C.) Temporum tamen notationem nemo veterum adscripsit *h*). Si tamen curiosius conquiras et compares ea, quae de hac clade narrantur, dubitari nequit, ad antiquiora tempora eam esse reuocandam, Sybaritarum rebus adhuc florentibus; etiam Pythagoras post illam cladem Crotonem adiisse memoratur Justino, vt adeo Ol. LX antecedere illa debuerit. Adest etiam ad manus alia temporis declarandi ratio, etsi subtilior, ex Pausan. III, 19. (add. Conon. c. 18.) vbi fabulam de Helena ex mente Himeraeorum et Crotoniatarum exponit: Leonymum memorat in praelio cum Locris vulneratum ex Apollinis monito Leucen, Achillis insulam, circa Ithri ostia nauigasse; vnde  
reducem

- h*) Strabo etiam addidit nonnulla (p. 403 B. et 400 C.) quae rem multo magis imbecanter et obscurant. *Eam*, inquit, *cladem cōmissam fuisse aiunt, cur Crotoniatae paullo post dissoluerentur, ob multitudinem eorum qui ceciderant.* Atqui non modo diutissime resp. Crotoniatarum posthaec perfititur: vt infra videbimus: sed et ciuium multitudine opibusque effloruit.

reducem iussum a dea Stelichoro nuntiare, causam amissionum oculorum ei fuisse iram Helenae. Stelichorus autem obiit Ol. LV, 1. vel ut Scaliger edit Ol. LVI, 1. a. C. 556. Multo itaque antiquior, et saltem L annis Sybaris excidio prior est, clades ad Sagram accepta. Causae autem belli, quo haec clades accepta est, hae fuere: Primum Metapontini cum Sybaritis et Crotoniatis Sirim expugnant i) et supplicibus ad Minervae simulacrum trucidatis iram deorum in se concitauerant. Pergit Justinus: *Recuperata sanitate (ex peste) non diu Crotonienses quievere. Itaque indignantes, in oppugnatione Siris auxilium contra se a Locrensibus latum, bellum his intulerunt.* Narrat inde reliqua, et factum ad Sagram praelium, ad quod Crotoniatae CXX millia k)

M 5

arma-

- i) Sirin in Crotoniatarum potestatem cessisse ex numo colligit d' Hancarvill. l. c. qui vna parte Crotonis, altera Siris nomen refert pl. XXX, 9. Admittemus hoc; verum non valde antiqua tempora numum redolere, res ipsa docet, quod non multum ante LV. Ol. omnia ista, quae de Siri expugnata narrantur, euenere. De bello et periculo v. Justin. l. c. XX, 2. cf. Schol. Lycophr. 987. qui rem paullo post tempora Troiana factam narrat; perperam. At referunt alii hoc ἄγος ad Iones. v. inf. Prolus. XIII. de Siri.
- k) Strabo l. c. VI. p. 400. CXXX millia, et Locrorum X m. memorat, sed adfuisse his missa auxilia a Rheginis. Ceterum facta esse pugna fertur eodem mense ac die, quo ludii Olympii facti v. Cic. de N. D. II, 2. Plin. VII, 22. Plut. in Aemilio Paulo p. 268. D. qua tamen Olympiade id contigerit, nusquam adiectum. At Justin. XX, 3. eadem qua pugnatum est die, et Corinthi, et Arhenis et Lacedaemone, nuntiatam esse victoriam. Sed hoc vulgo de multis praeliis fuit narratum. Magno ciuium numero in hac pugna caeso Crotonem minus bene habitatum esse Strabo narrat l. c. sub h). De pugna cf. sup. p. 55.

armatorum, Locri XV millia eduxerint. Hi tamen, desperata salute, Dioscuris opitulantibus, fortiter pugnantes victoriam obtinuerunt.

Pergit Justinus (ibid. c. 4): *Posthaec Crotoniensibus nulla virtutis exercitatio, nulla armorum cura fuit: oderant enim quae infelicioer sumserant: mutassentque vitam luxuria, ni Pythagoras philosophus fuisset.* Turbatur hoc loco rerum ordo egregie ab epitomatore Trogi. Nullam facit mentionem belli cum Sybaritis gesti et Sybaris excisae: quae tamen serior fuit et in Pythagorae tempora incidit: quandoquidem facta est Ol. LXVII, 3. ante C. N. 510. Eam iam supra (p. 136. de Sybar. et Thur. LL. Sect. I.) attigimus. Narratum a Timaeo (apud Athen. XII. p. 522 A.) excisa Sybari et ipsos Crotoniatas luxui se dedisse: idem ad Crotoniatas traduxerat, quod alii Sybaritas fecisse narrant, vt Olympicos ludos dissolvere tentarent. Verum Crotoniatas, in luxuriam lapsos, Pythagorae auctoritate ad frugalitatem reuocatos, copiose persequitur Justinus (l. c. c. 4) consequutumque philosophum ait, *vt matronae auratas vestes ceteraque dignitatis suae ornamenta, velut instrumenta luxuriae, deponerent, eaque omnia delata in Iunonis aedem ipsi deae 1) consecrarent, prae se ferentes, vera ornamenta matronarum pudicitiam, non vestes, esse.* Forte haec cum in modum inter se comparari

- 1) Iuno Lacinia est, cuius templum opulentum in proximo promontorio erat: v. inpr. Liv. XXIV, 3. vnde etiam Iunonem in Crotoniatarum numis conspici paullo ante monuimus. Hoc fuit templum, quod cum pictoris exornare vellent Crotoniatae, Zeuxin condudere v, Cic. de Inuent. II, 1. 2.



comparari et conciliari a dissensu possunt, si statuas: sub accessum Pythagorae Crotoniatis luxuria solutos viri diuini auctoritate ad virtutem esse retractos; incidit inde bellum cum Sybaritis, quo tam praecleara virtutis suae documenta ediderunt Crotoniatae. Facit scilicet difficultatem in his ratio temporum turbata iniis quae de Pythagora traduntur *m*). Stabilitum nunc est assertum illud, a quo reliqua tantum non pendent, circa Ol. LX floruisse Pythagoram, eumque obiisse Ol. LXVIII vel LXIX: probabile porro esse, adiisse Pythagoram Italiam sub Ol. LX. Quae itaque morum, institutorum et vitae Crotoniatarum emendatio per Pythagorae disciplinam ac fodalitium facta esse dicitur *n*), victoriam de Sybaritis antecedere debuit; nam paucis post illam annis turbatum esse in Crotoniatarum reipublicam videbimus. Subnata enim dudum in Pythagoreos odia eo tandem exarsere ut coniuratio in eorum exitium fieret: quo iure quoue iuris praetextu hoc in ciuitate legibus bene constituta fieri potuerit,

*m*) [Retraxit eam quaestionem et diligenter constituit post ista scripta Collega coniunctissimus MEINERS *Geschichte der Wissenschaften in Griechenland u. Rom* I: B. p. 304 sqq.]

*n*) [De hoc fodalitio Pythagorae eiusque fructu ad Magnam Graeciam ne nunc aliquid interponam, facit docta Collega nostri Meiners ea de re disputatio in *Gesch. d. Wiss. in Griech.* qui p. 398 sqq. quo loco admodum disertum cum Pythagorae praeclearum de humanitate bene merendi studium, tum fodalitii bona incredibilia in Magnae Graeciae ciuitates, tam viuidis coloribus descripsit, ut non nisi grauiter affecto animo hinc discedas, si reputes, quam paucorum (vix XXX) annorum spatio illa Pythagorae disciplinae bona perdurauerint.

potuerit, non liquido constat o). Tumultu facto impetum in eos fecit aduersa factio eosque qui conue-  
nerant domo incensa cremauit, ceteros occidit aut in  
fugam coniecit. Incidit haec calamitas in extrema  
vitae Pythagorae; nam ipse fuga elapsus, a Locris et  
Tarentinis exclusus, Metapontum se contulisse paul-  
loque post, Ol. LXVIII, 2. vita migrasse fertur p).  
Nec intra Crotonem se continuit hominum furor;  
sed tanquam contagio per ceteras Magnae Graeciae  
ciuitates est grassatus, collegiis Pythagorae incensis,  
interfectis optimatibus, plebeque seditionibus et  
caedibus omnia miscente q). Achaeorum tum fide  
ac consiliis vgae ciuitates composuere dissensiones  
et calamitates: quod Polyb. II, 39 docet: vt adeo  
Crotoniatae et tum originis suae et necessitudinis  
cum Achaeis, a quibus ortos vidimus, memores  
ceteros

a) De causis odiorum et irarum in familiares Pythago-  
rae inter omnes disertissime egerat Apollonius Tyanen-  
sis, e quo v. excerpta ap. Jamblich. f. 254 sq. Idem  
rerum gestarum ordinem probabiliter exposuit. Ex  
causis, quae traduntur, probabilitatem habet imprimis  
illud, quod, Sybari capta, ex diuisione agrorum inter  
plebem, nata esse odia in Pythagoreos dicuntur, cum  
essent, quorum cupiditas non erat expleta; quodque  
se sperni et excludi a Pythagoreorum consortio, et-  
iam sanguine iunctis, indignabantur multi; iidemque  
se factioni, quae plebem in suas partes traxerat, ad-  
iungebant.

p) [Meiners l. c. p. 368. malit Ol. LXIX. ineunte, vel  
LXVIII exeunte]

q) v. Polyb. II, 39. Justin. XXX, 4. Porphy. e Dicae-  
cho, et Jamblich. 248 sq. ex Aristoxeno, et f. 254 sq.  
ex Apollonio: ex hoc quidem disertissime. Multa  
vero in his in maius aucta esse tum horum hominum  
mos in reliquis arguit, tam comparatio inter plures  
facta. [v. Meiners p. 472 sq. et Tiedemann. p. 334 sq.]

ceteros ad suum consilium et voluntatem traxerint. Rem inde eos publicam satis prospere administrasse credere licet. Fuit ex eorum ciuibus Democedes, qui cum Polycrate Samio ad Oroeten profectus, Satrapam Asiae minoris, anno a. C. 522. Ol. LXIV, 3. mox Susa ad Darium fuit adductus. Herodot. III, 125. 131 sq. vbi simul discimus Crotoniatis medicos ex eo inter ceteros principatum tenuisse, vt altero ab iis loco Cyrenaei medici haberentur *r*). Opulentos Crotoneni ciues habuisse, exemplo Phaylli intelligitur, qui suis sumtibus (non publice missam, vt Eustath. ad Dionys. Perieg. 369 male interpretatur) instruxit nauem, quae praelio ad Salaminem (a. C. 480) interfuit: v. Herodot. VIII, 47. Pausan. X, 9. Aliud exemplum ciuis ex hac vrbe, qui nauem suo sumtu instruxit, Philippi vid. ap. Herodot. V, 47. Simile quid ei, quod paullo ante commemorauimus, *aliquanto post s*) factum Polybius l. c. subiicit: Crotoniatis cum Sybaritis et Cauloniatis ad Achaeorum exemplum foedere facto communes conuentus et concilia ad Jovis Homopoei aedem instituisse et ad eorum morem de communibus rebus communi consilio egisse. Factum hoc suspicamur paullo post Ol. LXXX, 3. Thuriis iam in locum Sybaritarum noua colonia conscriptis, quando cum Crotoniatis amicitia et foedere eos iunctos fuisse narrat Diodor. XII, 11. Renouatum hoc foedus aut simile aliud ictum sub  
a. Ol.

*r*) Pythagorae disciplinae hoc debitum: v. ibid. p. 480.

*s*) μετά τινος χρόνου. Alteram tamen tunc seditionem factam ignoro: quam ap. Tiedemann. p. 338. narrari video.

a. Ol. XCVI, 4. cum de altero Dionysii fenioris in Italiam aduentu metus esset, cui se adiungere velle videbantur Lucani: rem narrat Diod. XIV, 91. Lucanis igitur anno hinc tertio Ol. XCVII, 3. Thuriorum agros incurfantibus statim succurrunt armis socii. Ita enim Graecae per Italiam ciuitates pactae inter se erant, vt vnus ex ipsis agro a Lucanis vexato omnes ad eius defensionem occurrerent, sin vrbs aliqua paratas ad subsidium copias non haberet, eius magistratus, στρατηγοί, capite plecterentur. Haecenus Diod. XIV, 101. Recessisse ab hoc foedere tandem Graecos, narrare pergit Polybius, inuitos et coactos partim a Dionysio Syracusanorum tyranno, partim barbarorum vicina loca tenentium potentia. Quid Crotoniatae calamitatis inter haec acceperint non constat. At ex Dionysii Halicarn. fragm. p. 715. Cliniam Crotoniaten patriam tyrannide oppressisse discimus. Factum necesse est paullo ante Anaxilai Rhegini tempora, qui circa a. Ol. LXXI, 3. a. C. 494. Rheginorum dominationem arripuit.

Inter haec Crotoniatae eodem tempore, quo ad Achaeorum exemplum remp. foederatam ciuitatum constituerant, *mores quoque legesque Achaeorum adsciuisse et suam ciuitatem ad eorum morem et exemplum administrasse* t) memorantur. Quo facto meliorem fortunam experti iterum opibus ac viribus efflouerant. Itaque sub Dionysii maioris expeditionem in

t) Polyb. II, 39. δεύτερον, τοὺς ἐθισμοὺς καὶ νόμους ἐκλαβόντες τοὺς τῶν Ἀχαιῶν, ἐπεβάλλοντο χρῆσθαι καὶ διοικεῖν κατὰ τοὺτους τὴν πολιτείαν.

in Italiam (Olymp. XCVII, 4. a. C. 389. factam) cum Graeci, etsi clade a Lucanis superiore anno accepta attriti, copias contraxissent, quibus tyranno ad Cauloniam occurrerent, imperium detulere Crotoniatis (v. Diodor. XIV, 103 sq. Iustin. XX, 5.). Parum feliciter mox ab iis pugnatum ducente aduersus hostem copias Helori. Dionysius tamen praeter morem clementia vsus foedus ac pacem cum Graecis iniit (v. Diodor. ibid.). Crotonem vero et Rhegium eum expugnasse et iis vrbibus per XII annos dominatum esse, ex Dionysii Halic. fragmento discimus (in Excerpt. p. 715.). Addit idem tyranni metu alias vrbes barbaris (h. e. Lucanis et Bruttiis) se dedidisse, alias ab his afflictas Dionysio se adiunxisse, omninoque misere afflictam fuisse hoc tempore Magnam Graeciam. Arcem Crotonis *per auersas rupes a Dionysio per dolum esse captam* Linius alio loco memorat XXIV, 3. Vt adeo non pactione sed vi ac fraude captam Crotonem necesse sit. Iterum afflictata est Croton ab Agathocle. Primum vrbi a Bruttiis obsidione pressae auxilia miserant Syracusani ducibus Heraclide Sosistrato, qui paullo post rerum summa Syracusis potitus est. Militabat sub iis Agathocles tribunus militum; is deductis ex Italia copiis remansit, et Crotonis occupandae consilia iniit, sed spe deiectus vix cum paucis Tarentum euasit: Diodor. XIX, 3. 4. Referenda haec arbitramur ad annos Olymp. CXIV, 4. CXV, 1. a. C. 321. 320. nam ad horum annorum gesta, quae ex Diodoro lib. XVIII, 43. 44. exciderunt, haec pertinuisse necesse est. Ex iis autem, quae alio loco lib. XIX, 10. Diodorus summa-  
tim

tim attigit, intelligitur, fuisse tum in vrbe duas factiones, quarum altera ad Sofistratum et Heraclidem Syracusanos inclinaret: ea, vrbe eiecta u) nihil omisit, quo sibi reditum pararet. Itaque Crotoniatae pactione cum Bruttiis facta aduersus exules arma conuerterant, protractoque iam in alterum annum bello Paronem et Menedemum copiis praefecerant. At ii profectos a Thuriis (ab his itaque fuerant recepti) exules interneccione deleuere.

Cum aliquo tempore post Agathocles summam rerum Syraculis obtinuisset, consilia de Crotone et ceteris Italiae urbibus occupandis noua iniit. Facile enim est ad assequendum, ei, qui Siciliae regnum seu teneret seu affectaret, ad opes suas firmandas admodum opportunum fuisse, vt Italiae inferioris vires adiunctas sibi haberet. Corcyram ille a Cassandro Macedonum rege obsessam liberauerat, circa annum a. C. 300. V.C. 454. Olymp. CXX, 1. Vnde redux factus nouis copiis naualibus coactis altero, quod probabile fit, anno, a. C. 299. Italiam traiecit, et Crotonem, cum per fraudem a munienda vrbe animos abduxisset, obsedit. Ad urbem defendendam cum imparati essent, Crotoniatae tandem portis recipiunt Agathoclem cum copiis: at illae irruptione facta caedibus ac rapinis saeuiunt. Praesidio in arce relicto Syraculas repetiit tyrannus: Haec Diodor. Eclog. lib. XXI, 4, vbi ducto ad urbem exercitu misisse narratur ad *Menedemum Crotoniatarum tyrannum sibi amicum*

u) ἐκπαττωκότας τῶν πολιτῶν ὑπὸ τῆς δημοκρατίας appellat Diodor. l. c.

cum x); quod propriene sit accipiendum. an ille princeps populi ac demagogus fuerit, dicere non habemus. Traiecit paullo post iterum in Italiani Agathocles, sed ut aduersus Bruttios copias duceret: v. Diodor. l. c. num. 8.

Tandem inciderunt tempora aduentus Pyrrhi in Italiani, quo cum omnino Magnae Graeciae summa vastitas est facta, tum vero Croton, cum antea murum in circuitu XII. m. passuum patentem habuisset, vix dimidia parte habitari coepit: v. Liv. XXIV, 3. Occupata fuerat Croton per insidias a P. Cornelio Rufino Cos. V. C. 477. ante C. N. 277. Mox Romana legio, quae cum Decio Jubellio Rhegium occupauerat, Crotonem proidentibus quibusdam cepit, praesidium Romanum trucidauit, urbem diripuit v. Zonaras VIII. p. 377. Receptam tamen urbem, cum a perfidis legionariis, qui Rhegium tenuerant, poena sumpta esset a Romanis V. C. 482. credere libet.

Iniquiorem adhuc fortunam cum ceteris Magnae Graeciae ciuitatibus experta est Croton bello Punico II. Post pugnam Cannensem (V. C. 538. a. C. 216.) defecerat illa cum aliis ad Poenos (Liv. XXII, extr.). Ceperunt paullo post urbem Bruttii, qui et ipsi in Poenorum partibus erant: Liv. XXIII, 30. *urbem opulentam quondam armis virisque,*  
tum

x) πρὸς Μανόδημον τὸν Κροτωνιάτην τύραννον. Fuit is idem ille, quem modo copiis aduersus exsules eductis cum Parone praefuisse vidimus.

Heynii Opusc. acad. Vol. II.

N

tum iam adeo multis magnisque cladibus afflictam, ut omnis aetatis minus XX millia ciuium superessent: itaque urbe a defensoribus vasta facile potiti sunt hostes: arx tantum retenta. Excessisse mox iterum Bruttios urbe necesse est: nam anno sequente ii denuo eam obsederunt captamque diripuerunt, v. Liv. XXIV, 2. 3. Crotone tum nec consilium unum inter populares, nec voluntas erat. Vnus velut morbus inuaserat omnes Italiae ciuitates, ut plebes ab optimatibus dissentirent: senatus Romanis fauerent, plebs ad Poenos rem traheret. Erat adeo adhuc illa aetate ea recip. Crotonienfis forma, ut magistratus cum senatu essent nec promiscue in eum conscriberentur omnes ciues, verum qui seu censu seu genere aliis praeferant. Eam dissensionem in urbe perfuga nuntiat Brutiis: Aristomachum esse principem plebis tradendaeque auctorem urbis, et in vasta urbe lateque omnibus disiectis moenibus partitas stationes custodiasque senatorum ac plebis esse; quacunque custodiant plebis homines, ea patere aditum. Auctore ac duce perfuga Brutii corona cinxerunt urbem, acceptique a plebe primo impetu locos omnes praeter arcem cepere: arcem optimates tenebant. Quae cum a Brutiis diu obfessa esset, tandem Locrenses legati Crotoniatibus persuadent, ut traduci se Locros paterentur. Ita Crotone excessum est; Locros omnis multitudo abeunt.

Factum adhuc eodem bello Punico secundo vnum et alterum praelium in agro Crotonienfi; vnde facile intelligi potest, vastitatem agrorum eam factam esse, ut in solitudinem illa verteretur. Tandem septimo a finito bello Punico anno, Coss. P.



P. Cornelio Africano II. Ti. Sempronio Longo (V. C. 560. a. C. 194.) deducti inter alias ciuium Romanorum colonias fuere coloniae Tempfam et Crotonem, Liv. XXXV, 45. *Crotonem*, addit Livius, *Graeci habebant*: quos adeo, cladi patriae superstites, Bruttiis digressis, eo rediisse probabile fit. Iterum hinc Crotonem nec mediocriter opibus copiisque effloruisse probabile fit, quandoquidem coloniae huius mores suo tempore deprauatissimos fuisse, noto loco docuit Petron. 116.

Coloniae Crotopiatarum fuere *Terina* (v. Scymnus Chius v. 305. 6.) tum *Caulonia* (ibid. 318. 9.) et *Pandofia*: de quibus alio tempore videbimus: (Proluf. XI.).

Atque haec quidem sunt, quae de florentissima hac virorum rerumque copiis vrbe memorari cum fide aliqua posse videbantur. De legibus eius et institutis nihil est, quod iis, quae supra allata fuere, addi a nobis possit. P. P. Kal. Jul. clō Id ccclxxiv.

## *E p i m e t r u m*

*de Pythagora et Pythagoreis legumlatoribus.*

**P**ythagoram eiusque familiares sapientiae studium in ciuitatibus ad meliorem formam constituendis et in legibus institutisque emendandis posuisse, constans est fama *a*). Si tamen porro quaeras, quae illae ciuitates fuerint, quidue illud inprimis fuerit, quod eorum beneficio in melius mutatum fuerit, rerum fide ac memoria destitutos nos sentimus.

Et ea quidem, quae vniuerse de legibus et monitis per Magnae Graeciae ciuitates a Pythagora acceptis in Jamblichō, Porphyrio et aliis tam magnifice praedicantur *b*), repetere velle, inane studium foret; quandoquidem id modo quaeritur, quod aliqua cum fide traditum est *c*).

Iam Crotone, ex quo Pythagoras illam urbem adiit, magnam eius doctrina et auctoritate morum ac vitae inter ciues esse factam mutationem, tam constanter traditur et a tam grauibz auctoribus, vt in dubitationem vocari nequeat *d*). Fidem facit

- a*) Videmus haec eadem nuper iterum in medium proposita et multa oratione ornata a V. C. Gillies (in *History of Greece* p. 391 sqq.)
- b*) v. c. e Nicomacho Porphy. f. 20. 21. et Jamblich. f. 33 sq. Diogenes Laert. VIII, 3.
- c*) Maiorem auctoritatem habent loca Cic. Tusc. Q. I, 16. V, 4. de Amic. 4. de Or. III, 34.
- d*) Praeclare haec persequutus est Meiners *Gesch. d. Wiss. Griechenlands* p. 398 sqq.

facit ipsa summa viri auctoritas et exemplum familiarium ab eo in sodalitium receptorum. Debuit hoc idem vim habere ad ceteras ciuitates, ad quas illi praeceptis ciuilibus instructi partim redierunt et in iis vixerunt.

Nec in dubitationem vocari potest, praeeptionem et disciplinam Pythagorae magnam vim ad alias ciuitates habuisse haecenus, quod, tyrannorum odio et libertatis amore inflammatis et ad iustitiam et aequitatem informatis discipulorum animis, multa passim per ciuitates melius constitui necesse fuit. Cumque auctoritas eius tanta esse coepisset, quanta fuisse fertur, Pythagoram consiliis ac monitis ciuitatibus aut eorum magistratibus prodesse potuisse quis dubitet? Tandem iis, qui ex eius schola prodierant, reip. admotis, dici poterat aliqua certe ratione, familiares eius rexisse ciuitates per Italiam, vt v. c. de Aristoxeno ap. Porphy. f. 54.

Verum si *de legibus*, quas Pythagoras et discipuli ciuitatibus scripsisse feruntur, quaeritur, difficile est, aliquid reperire, cui satis fidere liceat *e*).

Nam

- e*) Parum certa fides et auctoritas in iis est quae Porphyrius f. 21. et cum eo Jamblichus f. 33. e Nicomacho, item ex Heraclide 129. adscripsere. Contra manifesta sunt studii et cupiditatis, omnia in maius efferendi et magnifice exornandi, vestigia, dum per auditores suos vrbes Italiae et Siciliae in libertatem vindicasse et ciuium dissidia per omnes vrbes sustulisse Pythagoras narratur. Subesse tamen necesse est aliquid, quod illi ornare potuere. Fecit communis hominum persuasio, vt Charondam et Zaleucum ex

Nam nec Crotoniatis ille leges scribere est iussus, nec magistratu est functus; in ciuitatem eum adscriptum esse probabile fit; quando quidem idem dissuasisse fertur Crotoniatis, ne supplices redderent Sybaritis (Diodor. XII, 9.). Nec tamen praefacte, quicquid ea de re traditur, inficiari licet. Nam collegiis Pythagoreorum incensis, amissis principibus, omnes Magnae Graeciae ciuitates seditionibus et discordiis conflagrarunt; (Polyb. II, 39.) ut adeo Pythagoreos remp. administrasse dubitari nullo modo possit; quod si ita se habuit, ab iis, qui magistratus gesserunt, instituta et leges in ciuitatum suarum utilitatem scribi quoque potuere. Etiam ex ceteris Pythagoreis, qui sublato Pythagoreorum collegio vivere, eorumque discipulis fuere, qui rebusp. administrandis se adiungerent, ut Archytas apud Tarentinos, aut sua institutione aliis prodesse, ut bene remp. administrarent: quo nomine Parmenides et Zeno a Strabone memorantur, per quos Elea bonis legibus floruisse videri possit f).

Manet itaque hoc, nec in controuersiam vocari potest, leges tulisse et resp. constituisse Pythagoram tantum dici posse hactenus, quod eius institutione eruditi et informati fuere viri prudentes,

eadem schola prodiisse traderent: Id quod non modo Nicomachus loc. laudat, et ex eo forte ut bene suspicatur Meiners p. 280. Diogenes (ap. Jamblich. 130. 133. 194.) aliusque scriptor ap. eund. Jamblich. s. 172. verum iam Posidonius (Seneca Ep. XC.) et Heraclides l. l. statuerant,

f) Strabo VI. πρ. δεκαὶ δέ μοι καὶ δι' ἐκείνους, καὶ ἐπὶ πρότερον, εὐνομηθῆναι Velia,

tes, qui in ciuitatibus suis reip. administratione et magistratu functi ad leges emendandas animos ad-  
 verterunt. Nihil tamen vel sic detrahitur Pythago-  
 rae laudibus, quem, etsi omni aut superstitione aut  
 fanatico impetu liberare nolim, inter praestantissi-  
 mos tamen mortales referendum arbitror, inprimis-  
 que in eo admirari soleo, quod, cum intellexisset,  
 quid praeclare spectassent ii, qui Spartanorum et  
 Cretensum resp. earumque leges condiderant, per-  
 spexit idem, aliter constituta ciuitate eadem bona  
 obtineri posse, seueritate legum temperata, sine in-  
 iuria naturae humanae. Cum porro virtutis habi-  
 tum induere vellet ciuium animis, si non omni-  
 bus ac singulis, quod fieri nequit, attamen quam  
 plurimis, id autem partim institutione, cui tamen  
 pauci vacare possunt, partim exemplo et vsu vitae  
 fieri necesse est, viam hanc ingressus est, vt disci-  
 pulorum coetum haberet, et quidem magno fatis  
 numero, quos cum ipse non modo doctrina verum  
 etiam vita et facto ad iustitiam et virtutem, eiusque  
 fundum, cui illa innititur, ad frugalitatem, conti-  
 nentiam et patientiam, adduxisset, mox eos aliis  
 se adiungere, et consuetudine vsuque vitae suos  
 quemque amicos et aequales honestatis studio im-  
 buere iussit: quae vnica forte esset ratio, qua per  
 quam plurimos vulgari virtus inter homines et dis-  
 seminari possit.

## XII.

ACADEMIAE GEORGIAE AVGVSTAE

P R O R E C T O R

J O . P E T R . M I L L E R D .

C V M S E N A T V

ANNIVERSARIA INAVGVRATIONIS  
SACRA XXXVII.

IN A. D. XVII. SEPT. MDCCCLXXIV.

RITE INDICIT.

---

*De reliquis, post Sybaritas et Crotonienses, Magnae Graeciae civitatibus. quae Achaicis institutis et iuribus sunt usae: Lao, Elea, Terina, Caulonia, Pandosia, Metaponto.*

---

**I**n tanta hac rerum vetustarum caligine, cui dispellendae monumentorum nulla lux suppetit, opinionum autem et commentorum novae undique tenebrae offusae sunt, pertractantibus nobis, Commilitones, paullo diligentius instituta et leges civitatum Magnae Graeciae et Siciliae cum semel hanc tanquam facem obtulerit subtilior rerum inuestigatio, ut, quandoquidem coloniae suarum urbium, vnde venerant, instituta retinere, earum origines exquirendas easque ad suas stirpes esse reuocandas vide-

videremus: agite pergamus vti hoc inuento gnaui-  
ter, et perfequamur reliqua, quae de iis ciuitati-  
bus, tanquam tabulae e naufragio, sparsim flucti-  
bus disiectae, colligi possunt: vt saltem, quantum  
de iis nesciatur, intelligamus.

Hoc igitur ante omnia teneamus, necesse est:  
ciuitates Graecas per Siciliam et Italiam, paucis  
exceptis, de quibus suo loco videbimus, aut  
*Achaici* aut *Dorici* aut *Chalcidici* fuisse generis; cognat-  
ione autem inter se et necessitudine aliqua iungi  
visas, et fuisse iunctas, ciuitates cuiusque generis;  
legum quoque et institutorum vsas communi iure.  
*Achaica* quidem stirpe oriundae fuerunt eae, qua-  
rum instituta adhuc exposuimus, *Sybaris*, in  
cuius locum succedere *Thurii*, et *Croton*; nam *Lo-  
cri* ad Doricum genus spectauere. Subiicienda nunc  
pauca sunt de harum vrbium coloniis aliisque com-  
munis originis ciuitatibus, vt totum hoc Achaicae  
stirpis genus absoluator. Cum autem praeuidea-  
mus fore vt pleraque, quae de his narrari possint,  
grammaticae potius vel antiquariae subtilitatis sint,  
constitutum nobis est delibare tantum pauca eaque  
potiora, aut si qua ab aliis parum accurate tradita  
sint: De ceteris ad Cluverium, Salmasium ad Solin.  
Vindingium et Golzium ablegamus.

Sybaritarum coloniae fuere, *Laus* ad Lai fluiui  
ostia in interiore Italiae extremae littore collocata,  
et *Scidrus*, obscuri nominis et situs oppidum a).

N 5

De

a) De vtraque meminit Herod. VI, 21. de Lao. v. Strabo  
VI. p. 388. C. et Plin. III, 10.

De *Paesto* postea videbimus *b*). At Thuriorum, qui succedere in Sybaritarum sedes, colonia fertur *Elea*, Eleatica philosophorum schola nobilis, quam nouis saltem colonis frequentasse putandi sunt: fuit enim illa, quod vel ex Herodoto satis constat, antiquissima Phocaeensium colonia *c*), sed priscis incolis novos colonos adscriptos esse nouum non est. A Thuriis et Tarentinis *Siris* condita, cui *Heraclea* successit: de qua alio tempore videbimus.

*Terina* in Bruttiiis sita in interiore Italiae litore, ad finem Lametinum, ab eadem vrbe Terinaeum appellatum. *Crotoniatarum* eam coloniam fuisse, vt alios taceamus, Scymnus testatur *d*). In Bruttiorum eam ditionem cum ceteris huius tractus vrbibus

*b*) v. Proluf. XIV.

*c*) Thurios *Eleam* coloniam inter Herodoti et Scylacis aetatem deduxisse argute coniecit Mazoch. ad tab. Heracl. p. 102. Numi ΤΕΑΗΤΩΝ occurrunt cum Minervae capite, quod Phocaeenses, qui Ionici generis erant, a maioribus Atheniensibus retinuisse videntur. Similem numum. V E h. e. Veliae Haym. in Thef. Brit. v. II. t. 24, 9. alium Pelerinus dedit in *Recueil des Medaill.* T. I. t. 9, 57. Nomen vrbis non diuersae originis, sed diuersae aspirationis habendum, Τέλη, apud Herodot. I, 167. aut vt scribendum esse arbitramur Τέλη: nam aspiratio illa est pro Féλη vel Ουέλη, inde Έλέα, *Velia*, Ουέλια. Multa de hac vrbe coniecit post alios Jos. Antoninus in *Lucania* p. 11. *Discurso IV.*

*d*) Scymnus in Perieg. 305. Τέριναν πρώτην (habet Magna Graecia,) ἣν ἀπώμισαν Κροτωνιάται πρότερον. Addatur Steph. Byz. in h. v. vbi verba male ab epitomatore exscripta sunt: Έκαλεῖτο δὲ καὶ μεγάλη Έλλάς ad Ἰταλίαν vocem spectat; quod multo magis intelligatur comparato Scymno l. c. De reliquis v. Cluver. Ital. ant. hac vrbe.



urbibus Graecis venisse probabile fit: atque etiam *Bruttiorum* illa *urbs* perhibetur a Liuiο, ubi ab Alexandro Epiri rege captam eam narrat *e*): is enim aduersus Bruttios, qui vicinas vrbes incursionibus et populationibus quam maxime premebant, a Tarrentinis in Italiam arcessitus esse videtur. Ab Annibale tandem diruta Terina, cum eam tutari armis aduersus Romanos non posset *f*). Ex numo cum Siciliae signo *g*) licet coniectare, fuisse eam aliquando sub Syracusanorum ditione.

*Caulonia* a Scymno diferte *Crotonis* colonia editur *h*): nec dissentire videri debet Strabo *i*), qui ab Achaeis conditam ait: vere enim ab Achaeis, duce Typhone Aegienfi, deductam e Pausania *k*) constat: adscriptis scilicet Crotoniatis nonnullis in nouam ciuitatem, ut saepe tales dissensus scriptorum componendi sunt. Cum Crotoniatis et Thuriis eos communi foedere facto ad Achaeorum exemplum conuentus ad

*e*) Liv. VIII, 24, 4.

*f*) Strabo VI. p. 393. B.

*g*) Apud Golz, t. XXIII. Reliqui numi ibid. et ap. Magnan, t. 78 sq. Victoriā exhibent, sed certaminum sollennium; lagenae seu crateri illa insidet, petito forte a Crotoniatis, in quorum numis Hercules scyphum tenet.

*h*) Scymnus v. 317 sqq. add. Steph. Byz. in Αὐλών. Mazochii acumen qui in Tab. Heracl. p. 527. a Phoenicibus primum conditam et nomen ex *Kaul*, *Kol*, factum venditat, ut tonitru sit, non moramur.

*i*) Strabo VI. p. 401. A. Ἀχαιῶν κτίσται. Alto loco conditam fuisse colligas ex Aen. III. 553. *Caulonis arces*; in aditu conualliam tamen, unde quoque nomen Αὐλῶνος primo fuit; v. Strab. l. c.

*k*) Pausan, VI, 3. p. 459.

ad Jovis Homonoci templum celebrasse iam alio tempore vidimus *l*). Nec tamen vel sic coniunctis viribus Dionysium Syracusanorum tyrannum sustinere potuere; fociis enim victis fugatisque Caulonia dedita et solo aequata, ciuibz Syracusas traductis Olymp. XCVII, 4. *m*). Ager Locris datus. Nec aduersari narrationi putandus est Strabo *n*), qui a barbaris eieetos incolas in Sicilia nouas sedes quaesitum profectos Cauloniam aliam condidisse narrat: Factum enim hoc alio tempore. Scilicet vrbe paullo post restituta ac nouis colonis frequentata, a Dionysio iuniore, vt ferunt, successere tempora belli Romanorum cum Pyrrho: capta tunc a Campanis Romanorum auxiliaribus vrbs et deleta *o*). Nec ea, tertio restituta, belli enim Punici tempore in Hannibalis partibus memoratur *p*), meliorem fortunam naeta est: nam Strabonis tempore diruta erat et vastata.

*Pandorgia*

- l*) v. Proluf. de Crotoniat. rep. et instit. p. 189. Nescio an hunc Jouem sistant numi Cauloniatarum, in quibus Jupiter imberbis et nudus exhibetur, brachio elevato, cui puerulus insidet: adstante cerua: an fabula de heroe fuit e Jove nato et a cerna nutrito? Sunt ex numis multi ab altera parte incusi. Jupiter nudus, gradions, fulmen vibrans, (sine puerulo) pendente ex altero brachio aegide s. pelle caprae Amaltheae, vetere more, in numo est ap. Eckhel Sylloge t. I, II.

*m*) Diodor. XIV, 106.

*n*) Strabo l. c.

*o*) Ex Pausaniae auctoritate, l. c.

*p*) Liv. XXVII, 12. 15.

*Pandosia* in Lucanis inter *Achaëorum* colonias diserte recitatur a Scymno Chio *q*): et occurrunt in numis symbola *Crotonis*, caput Apollinis ac tripus \*). De situ urbis admodum laborant viri docti, cum a Consentia, cui vicinam fuisse Strabo dixit, eam paullo remotiorem sedem habuisse necesse sit *r*). Venit ea, cum Acheronte amne, in hominum notitiam Alexandri Molossi, oraculo Dodonae accepto decepti, caede in his locis facta *s*). Regiam antiquissimis aetatibus Oenotriorum regum fuisse Strabo acceptum narrat *t*). Aliam Pandosiam inter Acirim Sirimque prope Heracleam obseruauit cum in Plutarcho tum in tabula Heracleensi Mazochius.

X *Metapontum*, soli fertilitate *u*) et Pythagorae hospitio honoreque eius memoriae a ciuibus habito,

*q*) Difficultatem Scylax facit in Periplo p. 4. Πανδοσία, Πλαταιίδες, quod Π. Πλαταιίδων legere iussit Cluverius Ital. ant. p. 152, 55. Sed recte Mazochius, qui omnino de hac urbe videndus in Tab. Heracl. p. 101. monet, potuisse esse urbem in Lucanis Πλαταιίδες soli Scylaci memoratam, vti soli Plinio Thebae Lucanae memoratae sunt.

*o*) v. Magnan. t. 87. in altero altera pars Sybaritarum taurum capite retrouerso adiicit.

*r*) Inter Laum fere et Thorios mediam collocauit urbem Danvillius; at Mazochii operi adiecta tabula non satia conuenit, vt nec vnuerse in Italiae extremae facie et situ.

*s*) v. Liv. VIII, 24. Justin. XII, 2. et al. Factum Ol. CXII, 3. V. C. 424. a. C. 330.

*t*) Strabo VI. p. 303. C.

*u*) Testatur hanc soli praestantiam agrorumque fertilitatem partim quod Strabo lib. VI. p. 406. A. de aurea messe

bito, Pythagoreorum quoque studiis, nobilitatum, inter vrbes ab *Achaeis* e Peloponneso profectis conditas diserte refertur a Scymnō x): id quod ad seriora tempora spectat: vt paullo post videbimus. Est enim inter antiquissimas Magnae Graeciae colonias circa tempora Iliaca deductas habita, et quidem, vt Strabo retulit, quaeque potior est narratio, a *Pyliis*, qui cum Nestore ab Ilio redierant. Originem arguebant inferiarum ritus Neleidis olim quotannis a Metapontinis perfoluti y). Magna tamen narrationis diuersitas apud alios scriptores reperitur: cuius quidem, quandoquidem semel in id

messe Delphos missa (ὥστε θεός χρυσὸν ἐν Δελφοῖς ἀναθεῖναι) narrat, etsi quale id donarium fuerit non satis intelligitur; forte merges seu spica ex auro fuit; partim rem arguunt numi cum Cereris capite ac cum spica hordei: satis frequentes illi: v. post Golzium, Magnan. Lucania t. 33. et alios, inpr. Museum Henter. sunt in iis etiam incusi. In aliis numis Mineruae et Apollinis capita visuntur, quorum numinum cultus apud Metapontinos fuisse videtur praecipuus. Erat apud eos in foro ara Apollinis et signum, vna cum statua Aristeae Proconnessi, cuius iussu illam se posuisse narrabant, adstantibus lauris ex aere: Herodot. IV, 15. addito Athenaeo XII, p. 605. C. In aliis vel Martis caput vel herois barbati cum epigraphe Ἡρακλειδῶν visitur: qui referendi forte ad eos annos, quibus in Alexandri Molossi foedere et amicitia vixere cf. Justin. XII, 2. § 12. Sileni coronati caput ap. Eckhel. t. 3, 17. est. Virum δεινότερον ap. eundem Sylloge l. tab. 1, 8. et alium cum capite taurino apud Magnan. ad fertilitatem soli spectare suspicor. In priore illo legitur voc. Ὄβολος.

x) Scymnus v. 326. 328.

y) σημειῶν δὲ ποιῶνται τῆς κτίσεως τὸ τῶν Νηληϊδῶν ἐνάγισμα. Strabo eod. l.

id incidimus, causas et rationes exponere non pigebit. Primum, quod in principio Vellei Patreculi legitur, ad Pylorum ductorem spectat, cuius nomen excidit *z*). Ab *Epeo*, qui equum Troianum fabricavit, urbem conditam ait Justinus; ubi Metapontinos narrat in templo Minervae (Minervae Ellesiae vel Eileniae illud fuit in vicino loco situm) ferramenta ostentare, quibus Epeus equum Durium fabricasse ferebatur *a*). Appulisse igitur ad haec loca creditus Epeus, Panopei filius, quem tamen ad Pylis a nemine referri vidimus; Copias ex Cycladibus adduxisse narratur a Dictye *b*), etsi de hoc Homerus nihil meminit; et probabilius sit Phocenses eum esse comitatos, quandoquidem eius genus ad Phocum spectavit *c*). Alia in Italia extrema non longe a Thuriis fuit urbs, *Lagania*, quam idem Epeus cum Phocensibus condidisse ferebatur *d*). Tandem ex Strabone (lib. VI. p. 406. C.) intelligitur, fabulam de Metaponto et Melanippe, filiisque Boeoto et Aeolo, quos illa ex Neptuno habuit, ad hanc urbem a nonnullis esse traditam: quos nihil

*z*) Vellej. I, 1. \*\*\* tempestate distractus a duce suo Nestore Metapontum condidit. Nec de Metabo nec de Epeo hic agi liquidum est.

*a*) Justin. XX, 2. pr. (Male locus distinctus et nouo capite a superiore seiunctus est; nam quod sequitur: propter quod omnis illa pars Italiae Maior Graecia appellata est, ad omnia superius dicta referendum est; coll. Athenaeo XII. p. 523. E. non ad Metapontinos et Epeum.) Auctor de mir. audit. p. 882. D. c. 116. (ubi v. Cl. Niclas et Ruhnken. V. C. ad Vellej. I. c.)

*b*) Dictys I, 17.

*c*) Pausan. II, 29. p. 178.

*d*) Strabo VI, p. 404. C.

nihil aliud quam nominis similitudinem in hoc sequutos esse patet. Nam Melanippe, deperdito Euripidis dramate nobilitata, ex Aeoli genere fuit, Metapontus autem Icariae, quae ex Cycladibus insula est, regnavit *e*). Ad eandem fabulam, sed paullulum inflexam, referendum, quod alii Metapontum Sisyphi filium ediderant *f*); nam et is Aeoli filius fuit; Aeolicae autem stirpis fabulae sunt ex eo genere, quod maxima narrationum diversitate variatum est: quandoquidem plurimarum urbium origines ab illa stirpe deduci, a tragicis autem multa inde argumenta repeti solebant. Tandem Antiochus Syracusanus nomen urbis antiquum Metabum ab heroe Metabo, cuius facellum apud Meta-

- e*) v. Hyg. fab. 186. quam ex Euripidis dramate deperdito, cuius fragmenta supersunt, esse petitam probabile sit. Ad hunc fere modum ap. Strabon. l. l. disputauerat Antiochus. Xenophanis f. Syracusanus, antiquus scriptor, qui Timaeum praecesserat, et rerum Sicularum historiam contexuerat. Quae Strabo respicit, ad eius σύγγραμμα περί Ἰταλίας spectasse videntur. Aduersatus autem ille erat narrationi modo expositae, qua Melanippe et Metapontus ad hanc Italiae urbem revocatus erat: eamque ut refelleret, duo videtur commemorasse: primum, quod Metabi, de quo paullo post dicitur, facellum, non autem Metaponti, in ea vrbe fuit, tum quod Alsius vetus poeta, quem γυναικῶν scriptis ex Pausania nouimus lib. IV. 2. non Metaponti sed Dii nomen in illa fabula de Melanippe posuerat. Apposuimus haec, ut locum Strabonis valde impeditum lib. VI. p. 406. C. D. expediremus. Pro Melanippe alii Arnen narrarunt, Metapontum autem in hospitem Metapontinum mutauere. v. Diodor. IV, 67. vbi cf. Wessel.

- f*) Eustath. ad Dionys. Perieg. 363.

Metapontinos efflet, ductum ediderat g): quod nunc auctori suo relinquendum est. Apposuimus haec, omissis tamen recentiorum commentis h), speciminis caussa, vt intelligatur, non adeo difficile esse, si iudicium animi adhibeatur, fabulas veteres in ordinem redigere et veritatis quod infit in aliqua luce constituere; etsi concedendum est, non nisi eorum, quibus antiquae litterae curae sunt, talia interesse posse.

Tantae vetustatis ciuitas a Samnitibus deleta est i): sed inducta postea noua colonia ab Achaeis, quam ab Scymno memorari paullo ante vidimus. Inde etiam Livius Metapontinos cum Thurinis ex Achaia oriundos prodit k). - Quo tempore vrbs hoc

g) Apud Strabon. l. c. Etiam Eustath. ad Dionys. l. c. κληθῆναι δὲ οὕτω λέγεται ἀπὸ Μεταπόντου, εἰοῦ Σισύφου ὃν οἱ βάρβαροι Μέταβον ἔλεγον. Vix tamen intelligi potest, quomodo Metabus in Metapontum mutari potuerit, nisi vetus nomen Μεταβοῦς fuit, vt Πυξοῦς, Ὑδροῦς, Ὀποῦς, ex quo Metapontum et hinc Metapontum fieri potuisse videtur: cf. Salmaf. ad Solin. p. 46 47. Est tamen numus ap. Magnan. Lucan. t. 37. cum METABO. Alius Metabus Privernas est apud Virgil. Aen. XI, 540. vbi cf. Exc. II.

h) Vnum adiiciam, Mazochius etiam Metapontum ex Oriente perere maluit ad tab. Heracl. p. 99. Tum veteres *Alybantem* apud Homerum Odyss. Ω, 303. de Metaponto accepere, vt ex Schol. et Eustath. discimus.

i) Strab. VI. p. 406. A. Nec aliter accipienda Antiochi Syracusani auctoritas: ἐκλειφθέντα τὸν τόπον eod. loco.

k) Liv. XXV, 15, 7. Metapontini ad Hannibalem defecere. Hoc idem Thurini fecerunt. *Mouit eos non Tarentinorum magis defectio Metapontinorumque, quibus, Heynii Opusc. acad. Vol. II. O indidem*

hoc modo restituta sit, difficilis est quaestio, imprimis propter locum impeditum et luxatum Strabonis, qui Antiochi Syracusani, grauissimi auctoris, fidem et narrationem apposuerat 1). Possunt tamen ex eo loco satis liquide constitui nonnulla, quibus conficitur post Olymp. LXXXIII, 2. Metapontum

*indidem ex Achaia oriundi, etiam cognatione iuncti erant.* Ultima haec ad solos Metapontinos spectant; nam Tarentini Dorici erant generis.

- 1) Strabo VI. p. 406. A. B. Quod ibi legitur: Achaeos ex Graecia arcessitos, μεταπεμφθῆναι κατὰ μῖσος τὸ πρὸς Ταραντίνους τῶν Ἀχαιῶν τῶν ἐκπεσόντων ἐκ τῆς Λακωνικῆς. Turbant haec verba: Ἀχαιῶν τῶν ἐκπεσόντων ἐκ τῆς Λακωνικῆς. Quomodo enim ex Laconica Achaei, et qui tandem illi, eiici potuerunt? Tentat locum Mazoch. p. 109. parum tamen efficit. Equidem censeo verba illa ab male sedulo in margine adscripta fuisse, qui Cleandriae aduentum ad Thurios paullo post factum meminerat. Sin aliunde doceri poterit, *Achaeos Laconica pulsos* interuenisse, saltem locus luxatus sic erit restituendus: — ἐποικῆσαι τῶν Ἀχαιῶν τινὰς τῶν ἐκπεσόντων ἐκ τῆς Λακωνικῆς, μεταπεμφθέντας ὑπὸ τῶν ἐν Συβήρι Ἀχαιῶν. μεταπεμφθῆναι δὲ κατὰ μῖσος τὸ πρὸς Ταραντίνους τῶν Ἀχαιῶν, ἵνα μὴ etc. Nunc subiiciemus ea, quae paullo ante de Siritide ex eodem Antiocho memorauerat Strabo p. 106. 6. Φησὶ δὲ Ἀντίοχος τοὺς Ταραντίνους Θουρίοις καὶ Κλεανδρίᾳ τῷ στρατηγῷ Φυγάδι ἐκ Λακωνίας πολυμοῦντας περὶ Σιρήτιδος συμβῆναι καὶ συνοικῆσαι μὲν κοινῇ τὴν δ' ἀποικίαν κριθῆναι Ταραντίνων. Hunc Cleandriam eundem esse cum Cleandrida Spartano a Plutarcho memorato suspicatur Mazochius ad tab. Heracl. p. 75. Nomen Thuriorum (Θουρίοις) quo Antiochus usus est, satis docet, ad ea tempora haec spectare, quibus Thurii iam deducti erant, quibus Cleandrides seu interfuit seu paullo post accessit bellique exorti aduersus Tarentinos dux fuit. Incidit bellum a Diodoro XII, 23. memoratum in Olymp. LXXXIV, 1. quod de Siritide terra gestum esse haud obscurum est, si vtrumque Strabonis locum compares.



tapontum Achaeorum coloniam factam esse. Inter Sybarin et Tarentum, interiacebat Siris et Metapontum vtraque tum solo aequata. Cum, noua Sybari restituta, deliberatum esset de terris illis occupandis, vt Tarentinorum consilia paria anteuertent, Sybaritae misere Achaeos nonnullos ex Peloponneso accitos *m*) ad loca occupanda: cumque hi in terra Siritide confidere vellent, Sybaritae iis persuasere, vt Metapontum, Tarentinis propius situm, occupare mallent, ne hi vacuum ab incolis urbem ipsi occuparent; ita quoque Tarentinos a Siritide terra exclusum iri. Postea autem cum Thurii in Sybaris locum successissent, vindicarunt soli hi terram Siritidem, ortumque hinc bellum cum Tarentinis de terra Siritide, ea conditione compositum, vt communi nomine colonia Siris ab vtrisque deduceretur, haberetur tamen ea Tarentinorum colonia: vt adeo metropolis iura apud Tarentum essent. Postea Metapontini, bello cum Tarentinis et qui supra adiacebant Oenotris conflato, pacem composuere partiti agrum cum hostibus, atque is tum factus Italiae et Iapygiae terminus *n*).

O 2

Meta-

*m*) Strabo ex Ephoro l. c. C. hoc addit: auctorem coloniae fuisse Daulium Crissae (in Phocide) tyrannum, aut secundum alios Leucippum aliquem, qui Tarentinos fraude circumuenisse ferebatur; cum locum in diem et noctem sibi concedendum pactus esset, reposcentes seu interdiu seu noctu in sequentem diem seu noctem distulit. Ceterum cf. ad h. l. Prolus. XIII. et VII. p. 140. et XII. *u*)

*n*) cf. ex eodem Antiocho locum p. 391. A. Ceterum ex superioribus natus forte error Stephani h. v. et Eustathii in Dionys. Perieg. v. 368. quo Siris eadem cum Metaponto fuit habita.

Metapontinorum fata in sequentibus temporibus expedita sunt, ut de iis adeo laborandum nobis parum sit *o*). A Cleonymo Spartano, quem Tarentini (sub Ol. CIX, 2.) aduersus Lucanos et Romanos arcessiuerant, male sunt habiti *p*); cum sub Alexandri Molossi aduentum in Italiam (sub Olymp. XC, 2.) meliore essent fortuna vfi, quandoquidem foedus et amicitiam cum eo fecerant *q*). Attriti inde sunt et confecti cum ceteris Magnae Graeciae ciuitatibus in bellis Romanorum cum Pyrrho et cum Annibale, iterumque bello Spartacico *r*). Pausaniae aetate praeter muros et theatrum nihil ex vrbe supererat (Paus. VI, 19. p. 500.)

Satisfecimus hactenus officio nostro, ut solennibus indicandis, quorum caussa haec a nobis scripta sunt, praeluderemus: etli verendum forte est, cum in argumento subtili versata sit nostra industria, (harum enim ciuitatum aut instituta aut leges aut aliud quid fatis memorabile afferre in  
medium

*o*) v. Golzium et al. supra laud.

*p*) Legendus Diodorus XX, 108.

*q*) Justin. XII, 2, 12.

*r*) cf. des Broffes in *Mem. sur la seconde guerre civile: Mem. de l'Acad. des Inscr.* To. XXXVII. p. 37. (quod vero eo loco narrat de Philolao Metaponti scholam habente, auctoritate caret.) *Achaicarum urbium nullam suo aeuo superesse praeter Tarentum* Strabo ait VI. p. 262: (402. A.) quod non ita accipimus, quasi omnes illae vrbes solo tum fuissent aequatae: nam Thurii adhuc tum supererant; sed Graeca instituta in sola Tarento supererant, quippe quae post Legem Juliam non fundus facta erat LL. Romanarum, vna cum Neapoli et Rhegio, manseratque vrbs foederata cf. VI. p. 389. B.

medium non licet) ne eueniat nobis id, quod ludorum instaurandorum causam Romanis aliquando praeuisse narratum est s), cum Jupiter somno moneret, ludis praefultorem sibi haud placuisse. Enimuero, etsi Graeca et recondita forte ea sunt, quae apposuius, non tamen inauspicata et male ominata nos adscripsisse arbitramur: nec vobis, Commilitones, obsceni portenti locum vocem Graecam auditam habituram esse speramus. Bono itaque cum omine ac propitio numine praeconium imperatum peragimus, vobisque, Ciues, edicimus sollennia anniuersaria Georgiae Augustae in crastinum diem celebranda. Ducetur pompa in templum academicum, quam vt prosequamini, Comites illustrissimi, vtque vos frequentes adsitis, Generosissimi Nobilissimique Commilitones, rogamus humaniter et officiose. Facite audientiam, pro modestia vestra, Viro experientissimo, doctissimo,

ERN. GODOFREDO BALDINGERO D.

Medic. Ordin. Decano spectab. qui, vt sollennibus tanto maior splendor maiorque amplitudo affulgeat, dignitati et honori summo Ordinis sui in duo Candidatos conferendo praefabitur oratione *de piis medicis nostra aetate desideriiis habita*: qua eadem deo O. M. debitas gratias persoluet et noua vota suscipiet. Vos, Commilitones, linguis multoque magis animis fauete. P. P. ex Georgia Augusta d. XVI. Sept. cId Id cclxxiv.

s) Liv. II, 36.

## XII.

ACADEMIAE GEORGIAE AVGVSTAE  
 PRORECTOR  
 CHR. FR. GE. MEISTER D.  
 CVM SENATV

ANNIVERSARIA INAVGVRATIONIS  
 SACRA XXXVIII.

IN A. D. XVIII. SEPT. c1818 CCLXXV.

RITE INDICIT.

---

*Instituta et leges ciuitatum stirpis Doriensium;  
 nunc quidem Tarentinorum.*

---

**F**auſtis iterum auſpiciis ominibuſque, Ciues, ſol-  
 lennia indicimus in a. d. XVIII. Septemb. ce-  
 lebranda, quae vniuerſitas noſtra academica praeci-  
 pua aliqua religione rituque ſacrorum ac pompae  
 ſupplicationiſque caerimoniis merito colit, dum  
 primordia ſua, quae ante hos XXXVIII. annos  
 habuit, reminiſcendo recognoſcit, recordaturque  
 quam tenuia illa et imbecilla eſſent, quamque pa-  
 rum conditionem hanc rerum laetam illa oſtende-  
 rent, ad quam nunc effloruerunt. Etiam ſuperioris  
 anni decurſu adeo multa laeta et ſecunda euenere,

vt

vt ad religionem publicam priuatamque pertinere nemo non putet, vt vota deo O. M. persoluamus liberemurque adeo religione, qua erga tantorum bonorum auctorem obstricti sumus omnes publice ac priuatim singuli. Interpres autem erit pietatis nostrae Vir Experientissimus, ERN. GODOFR. BALDINGER, Medicorum Ordinis h. t. Decanus, qui sollennibus his anniuersariis splendorem inducet nouum ac praeclarum, dum ex sui ordinis decreto Candidatis quatuor dignissimis, *Io. Chr. Ackermanno*, *Varisco*, *Io. Frid. Blumenbach*, *Gothano*, *Fr. Car. Wagner*, *Moeno-Francofurtensi*, et *Io. Henr. Jaeger*, *Gottingensi*, dignitatem medicae artis summam impertiet. Faciet hoc oratione publice habita de quaestione cognitu non iniucunda: *quo sensu affirmari possit, medicinam hoc, quo viuimus, saeculo emendatam nouisque incrementis insigniter esse locupletatam*. Gratias pro benèuola auditione aget oratione latina idem *Io. Fr. Blumenbach*, de cuius ingenio ac doctrina maxima quaeque exspectamus. His itaque vt verba facientibus facere audientiam ac fauere velitis, pro officio vestro, Ciues et Commilitones, proque eo amore, quo matrem hanc vestram, academiam, tanquam doctrinae eius ac disciplinae alumni, amplectimini, diligenter et magnopere rogamus. Vos imprimis, Comites Illustrissimi, florentissimae iuuentutis principes et ornamenta, si qua huic academiae vnquam contigerunt, certissima, vt pompam sollennem ducere, nosque ipsos ne religiosae caerimoniae publicique ritus poeniteat, efficere velitis, ad religionem vestram humanitatisque officium pertinere arbitraminor.

Interea, dum sacra parantur, caerimoniae recognoscuntur, pompa instruitur, quandoquidem vacat et ad confabulandum et discursandum convertimur, agite, fingite vos porticu aliqua inambulare otiosos, et cognoscere obiter ornamenta parietum vel suspensa donaria, interque haec tabellam appensam, cui inscriptum sit aliquid eruditioris argumenti. Opportunum igitur, dum in apparatu hoc sollennium a grauioribus negotiis vacamus, esse videtur, instare telae, quam superioribus annis exorsi eramus, ut leges resque publicas, quibus Magna olim Graecia floruit, recognosceremus: si forte inde erui posset notio aliqua et iudicium, quibus artibus consiliisque Italiae illa loca a barbaris obfessa ad tantum humanitatis cultum expolita fuerint.

Non male studium nostrum leuatum vidimus consilio, quod inieramus, ut reuocaremus ciuitates has ad stirpis genera: absolutoque nunc *Achaico* coloniarum genere *Doricum* succedit, quod ciuitatibus suis temporibusque describendum est: nec tamen alio consilio, quam ut inde, quae earum respublica, quae instituta fuerint, assequamur; omiſſis adeo iis, quae iam aliunde satis nota aut virorum doctorum diligentia expedita sunt. Ne autem aut implicetur aut exspatietur oratio, ad certas familias reuocabimus has ciuitates, primoque loco commemorabimus eas, quae a Lacedaemoniis originem duxerunt, inde Corinthiorum colonias, tandem alias aliunde profectas.



constat, expulsis barbaris, qui ea loca tenebant *b*), quos Iapyges seu Messapios fuisse, Illyrici, quantum assequi licet, generis, ex ipso oraculo intelligitur, quod Phalanthus ante profectionem accepisse fertur *c*). Barbaros hos ut ad vitae humaniorem cultum

fuisse in confesso est. Perperam itaque hactenus tentare videri debent viri docti locum Justin. lib. III, 4, 8. *qui cum ad annos XXX peruenissent — ducem Phalanthum adsumunt.* Sed in Justin diligentiam aliquis requirat in hoc, quod mox eosdem diu et per varios casus iactatos tandem in Italiam delatos memorat: quod si verum est, citius eos Laconica egresfos esse necesse est: si quidem anno tricesimo urbem iam condiderunt. Enimuero omnino in his conditarum urbium numeris subtilitatem morosius persequi non licet. Bellum autem Messeniaceum primum finem habuisse Ol. XIV, 1. a. C. 724. locus classicus est apud Pausan. IV, 13. De Partheniarum infidiis reip. Spartanorum factis, quibus patefactis expulsi sunt, disertissime agit Strabo p. 426. ex Antiocho Syracusano. Attingit rem paucis Aristot. de Rep. V, 7. pr.

- b*) Barbaros appellat Pausan. X, 10. Tarentinos nominat et hos parum docte Justin. III, 4, 11. nisi vox Tarentinorum glossema est. Addit tamen idem: *Sed post annos plurimos dux eorum Phalanthus, per seditionem in exilium proturbatus. Brundisium se contulit, quo expulsi sedibus suis veteres Tarentini: (h. e. barbari, qui antea loca illa et urbem tenuerant, mox ab aduenis cedere coacti.)* Narrat hinc praeclarum amoris in patriam ingratam facinus eiusdem Phalanthi. Inter hos Barbaros erant nonnulli Cretenses, qui cum Minoe aut cum Daedalo in Siciliam traiecerant. Strab. VI. p. 427. B. 432. A. De iis cf. Exc. VIII. lib. VII. Aen. 691. de Messapo.

- c*) Apud Strabon. lib. VI. p. 427. A. Σατύριον τοι δῶνα, Τάραντι τε πλοῦα δῆμον Οἰκῆσαι, καὶ πῆμα ἱππύσσας γυνέσθαι. Ait adeo deus, fortem se Phalantho affigisse Satyrium et regionem Tarentum, cum Iapygum detrimen-



cultum adducerent, non magis curasse videntur, quam aut olim Romani aut nunc Europaei qui Americam adierunt; contra vero inter illos indigenas agris suis expulsos et hos novos colonos aliena loca occupantes perpetuo armis infestis est certatum, donec ita attrita esset barbarorum stirps, ut a victore subiugata tandem cum eo in vnum populum coalesceret. Atque haec fere tantum non perpetua populorum fuit fortuna, qui, cum ipsi barbari ac feri essent, a colonis novis ad meliorem vitae cultum adducti esse vulgo memorantur; nec nisi attrita et exhausta viribus gens cum victore permixta et dispersa veterem vitae morem facile dediticit. De Tarante

detrimento; quos inde expellendos esse significat. De Satyrio campo, qui in Tarentino agro fuit, v. ad Virgil. Ge. II, 197. cf. Mazoch. ad tabb. Heracl. p. 93: etsi ille argutatur in hoc ipso et in ceteris p. 89. Messapios autem, etsi distingui interdum solent inter se, ut apud Polybium II, 24. eosdem esse cum Japygibus, docuimus ad Virg. Aen. VII. Exc. VIII. p. 136. (nov. ed. p. 154.) Pro Cretensibus eos habuere, cum Clearcho apud Athen. XII. p. 522. F. qui audierant Cretenses aliquando inter eos confedisse: quod factum esse iam Minois aetate narratum acceperat Herodot. VII, 170. cf. Strab. VI. p. 427. B. 432. A. ex Antiocho Syracusano. Ephorus (apud Strabon. p. 428. D.) in *Achaeos cum barbaris bellum gerentes incidisse Parthenias iisque se adiunxisse* dixerat; quo nomine nullo modo Cretenses designare voluit; non enim Achaici generis esse potuere illi, qui cum Minoe profecti erant: sed prisca illi Cretae incolae e Phoenicia oriundi, Homero *Ἐρεσπῆρας* dicti Odyss. τ, 176. Achaei autem post Troiana tempora immigrarunt, v. Homer. ibid. et Herodot. VII, 171. Verum Ephorus Achaeos, qui iam Sybarin condiderant, declarare voluit: eos cum barbaris de agro occupando certasse hinc manifestum sit.

Tarante heroe, Neptuni filio, omnia, vel ex numis, vulgata sunt d).

Cum

- d) v. Cluver. Ital. ant. p. 1233. In numis v. c. ap. Golzium (add. Magnan Numism. Miscell. Mus. Hunter. t. 55. 56. p. 304-314.) frequens occurrit Taras delphino insidens, modo galeam, clipeum, Victoriolam, tridentem, clauam, tripodem, modo concham, limacem, sepiam tenens. Neptuni et nymphae indigenae filium diserte edit Pausan. X, 10. Delphinum, cui ille insidere solet, Phalantho quoque adiunctum viderat Delphis Pausan. X, 13. f. Cur *Herculeum* dixerit Tarentum Virgilius Aen. III. 551. disputatum est ad e. l. in Exc. XIV. Simplicissimum est dicere, ad originem ab Heraclida Phalantho, Lacone, poetam respexisse. Est etiam numus ap. Golz. t. 33. 4. Mus. Hunter. tab. 56. n. XI. in quo Hercules leonem elidens occurrit. Alius ap. Eckhel. n. 6. qui ad Heracliam T. coloniam trahit numum: cum paullo ante (n. 5.) numum alium attulisset, qui Tarenti et Heracliae nomina coniunctim exhibet. *Neptuno sacrum custode Tarentum* Horatius ediderat. Nec tamen Neptunum in numis obseruare licuit praeterquam in vno aureo ap. Eckhel. l. c. t. 3. 1. Quod de inferiis in Atridarum aliorumque heroum honorem *Tarenti* factis memorat Auctor de Mir. Audit. c. 114. (882. ed. Genev. C.) ad Siritas colonos pertinere reputandum est. Ex Laconica origine seruarunt heroum cultum et nomina, vt Temeni, qui ex Heraclidis erat, a quo portae Temenides appellatae, vt in Polybio legimus Exc. l. VIII. 23. Erat ante portam sepulcrum Hyacinthi. ibid. Intra urbem insolito more sepulcra ac tumuli Tarentinorum ex vetere oraculo, quod Polybius commemorat. Veteris cognationis et originis memores multa alia e Lacedaemone transtulerant, eodem diserte monente c. 28. inter quae Eurotae nomen fuit Galaefo impositum. Dioscuri in numis: vt ap. Eckhel. l. c. n. 2. Mirationem inter haec facit, quod in numis nonnullis Tarentinorum, Athenarum insigne, noctua, occurrit. Quid? quod nomen AΘΗ Πelerinns obseruare sibi visus est (*Recueil* To. I. pl. 9. n. 51. 2. 3.) adde alios in

Cum Dorica stirpe oriundi et Sparta profecti essent, ciuitatem eos ad aristocraticam formam constituisse probabile fit; idque si ab initio teneamus, in luce constituta hinc videbimus loca aliquot scriptorum, alioquin valde obscura: inprimisque hoc, quod Aristoteles Tarentinos ab Iapygibus bello victos ac plurimis e nobilibus caesis, paullo post Medica, *ex politia ad popularem statum* prolapsos narrat e):  
 subblata

in Museo Pembrok. apud Haymium et Generof. de Schachmann p. 33. n. 3. sed in his litterae exaratae sunt  $\Xi\text{OP}$ ; nec aliter puto in Pelerinio numo esse expressum: designatur forte nomen magistratus, quod  $\text{'Op}$  prioribus litteris erat. Alios numos T. noctua insignitos vulgavit Eckh. t. 3. 8. 9. 10. Noctuam autem a Metapontinis petitam arbitramur, forte ex iis temporibus, cum sibi iuris in Metapontum aliquid arrogabant; nisi Metapontinorum numos esse dicendum est ad Tarentinorum honorem et obsequium excusos. Certe in Metapontinis numis regnat Minervae caput cum noctua; quod non meminerant viri docti. Eodem modo ex Metapontinis translata Cererem videas in aureo numo ap. Eckhel. l. c. t. 3, 1. Fufum, quem passim manu teneri video a deo vel heroe. ad lanæ Tarentinae praestantiam refero. Ceterum argenteorum numorum copia magna; aurei rariores: aerei vix reperiuntur obseruante Eckhel. in Numis vet. anecd. p. 31. Idem in Sylloge t. 1, 5. numum protulit cum capite muliebri pulchello, altera parte cum Pegaso dimidio.

- e) Aristot. cuius Remp. Tarentinorum ad nos non pervenisse dolendum est, in aureo de Rep. libro IV, 3. vbi oriri interdum commutationes rerump. ait, ordine ciuium alio aliis aut nimium crescente aut decrecente: οἷον ἐν Τάραντι ἡττηθέντων καὶ ἀπολομένων πολλῶν γνωρίμων (nobilium) ὑπὸ τῶν Ἰαπύγων, μικρὸν ὕστερον τῶν Μηδικῶν, δημοκρατία ἐγένετο ἐκ πολιτείας. Quid hoc sit: ciuitatem *democratiam fieri ex politia*, ex ipso Aristotele discendum est. Clarissimus locus est lib.

sublata inter ordines ciuitatis aequilibritate, cum egenorum numerus suis incrementis superior factus esset nobilitati ista clade afflictæ et imminutæ. Credendum adeo est, cum summa rerum antea esset apud Magistratum et Senatum, nunc populi comitia de rebus ad remp. spectantibus haberi coepisse. Cum euénisse hoc narretur paullo post Medica (*μικρὸν ὕστερον τῶν Μηδικῶν*), tempus hoc accuratius constituere licet ex Diodoro *f*); contigit enim illa clades memorabilis Tarentinorum cum sociis Rhæginis, a Micytho tutore liberorum Anaxilai missis, quam Herodotus maximam omnium, quas nouerat, exstitisse aiebat, Ol. LXXVI, 3. a. C. 474. anno post

lib. III, 7. ὅταν δὲ τὸ πλῆθος πρὸς τὸ κοινὸν πολιτεύηται συμφέρον, καλεῖται [κατὰ] τὸ κοινὸν ὄνομα πασῶν τῶν πολιτειῶν, πολιτεία. Cf. lib. IV, 1. p. 516. A. Politia autem talis, h. e. respublica ad communem utilitatem a populo administrata, genus ipsi est ciuitatis recte constitutæ, cuius tres ait esse formas: βασιλείαν, ἀριστοκρατίαν et πολιτείαν: ab iis esse degressiones (*παρεμβάσεις*) τυραννίδα, ὀλιγαρχίαν et δημοκρατίαν, hanc adeo politiae oppositam esse necesse est. Iam politia huiusmodi, h. e. popularis administratio legitima vix esse potest nisi magistratibus, conciliis et iudiciis recte descripta, vt eam adeo ad aristocratiam eo ipso propius accedere necesse sit. Aut itaque vetus Tarentinorum aristocratia in politiam cum temporis successu abierat, aut politia ab Aristotele appellari potuit, quæ aliis dicta est aristocratia. Sed prius illud probabilius. Aristophilides *Ταραντινῶν ὁ βασιλεὺς* apud Herod. III, 136. commemoratus de magistratu est accipiendus, vt recte Mazoch. in Tab. Heracl. p. 97. (52).

- f*) Diodor. XI, 52. adde Herodot. VII, 17. Bellum cum Messapiis de Heraclea gestum ad eadem tempora reuocandum esse apud Strabon. VI. p. 430 A. putabit, qui de finitimis agris pugnatum esse ex Diodoro teneat.

post pugnam Salaminiam sexto. Democratia itaque ab eo inde tempore vsi sunt, vt ex Strabone quoque constat g), ad extrema vsque tempora libertatis amissae: nam ipsa illa legatis Romanorum data concio in theatro popularem ciuitatis formam arguit, etsi Magistratum et Senatum habuere; cuius consultum (προβούλευμα) opus erat ad bellum sciendum, vt ex Livio (VIII, 27.) intelligere licet. Nec tamen male legibus et institutis descripta ciuitas esse debuit, quandoquidem ad tantas opes peruenere Tarentini, vt inter ceteras Magnae Graeciae ciuitates per multos annos principatum fere tenere videri possent: nam classem habuere quantum in his oris nemo, et exercitum peditum XXX M. et III M. equitum h). Memoratu dignum est i), quod vulgo in libellis de historiis Romanis, omissum videmus, antiquo eos foedere oblitrixisse Romanos, ne vltra promontorium Lacinium classe eueherent. Commemorat Aristoteles instituta eorum nonnulla ad democratiam temperandam ac bene constituendam praeclara k): vt enim

g) Strabo VI. p. 429. A. Ἰσχυσαν δὲ ποτὶς οἱ Ταραντῖνοι κατ' ὑπερβολὴν, πολιτευόμενοι δημοκρατικῶς. Notatum iam est a viris doctis, sed parum expeditum, Epitomen legere: ἀριστοκρατηθέντες ἐν δημοκρασίᾳ. Sed indocte interpolatam eam esse, dicendum erat, ab eo, qui aliquando aristocratica rep. vsos esse Tarentinos audierat.

h) Strabo l. c. A. post ἑκπένες δὲ τρισχιλίουσ, addit ἑκπάρχους δὲ χιλίους. qui hi sint, non intelligo: turmarum duces mille esse non possunt. An fuit singularis aliqua ac praecipua turma?

i) Appian. fragm. ap. Vrlin. Exc. Legatt. p. 344.

k) Aristot. de Rep. VI, 5.

enim egentibus suppeditarent opportunitatem rei faciendae, possessiones cum iis ad vsum communicabant optimates *l*), adeoque multitudinis sibi beneuolentiam comparabant. Fecere porro magistratum omnium duo genera, vt alii suffragiis populi, alii fortitione obtingerent: fortitione quidem, vt eos plebs quoque obtinere posset, suffragiis autem, vt respublica eo melius administraretur. Nec ab litteris aliena fuit ciuitas; et amplexos esse Tarentinos philosophiam Pythagoricam satis constat. Clarissimus autem inter eos fuit Archytas, qui magistratum quoque inter eos gessit *m*). Rhinthon, poëta tragicus, auctor generis tragici in ludicram rem versi, etsi Syracusis natus, apud Tarentinos floruit. Laudatur quoque Iccus medicus, qui aegris tenuem victum

*l*) Ibid. κοινὰ ποιοῦντες τὰ κτήματα τοῖς ἀπείροις ἐπὶ τὴν χρῆσιν.

*m*) Strabo VI, p. 429. A. ὃς καὶ τῆς πόλεως πρόβστη πολὺν χρόνον. Ex Diogene Laertio et aliis constat, *Strategi* nomen fuisse magistratui, στρατηγῆσαι αὐτὸν, et quidem sexies vel septies. Nomine hoc in multis ciuitatibus summum magistratum fuisse appellatum notum est. At Suidas: τοῦ κοινοῦ, inquit, τῶν Ἰταλιωτῶν πρόβστη, στρατηγὸς αἰρεθεὶς αυτοκράτωρ ὑπὸ τῶν πολιτῶν καὶ τῶν περὶ ἐκείνου τὸν τόπον Ἑλλήνων. Si sciremus, quem auctorem, fatisne grauem illum, sequutus sit in h. l. Suidas, Archytam fuisse dicere-  
mus summum imperatorem, στρατηγὸν, Graecarum ciuitatum foedere inter se iunctarum ad commune bellum gerendum. Coiisse enim eas in societatem, et concilium habuisse Panhellenicum, vidimus p. 190 in disputatione de Crotoniatis; haberique illud sub haec tempora Heracleae solitum, paullo post ex Strabone p. 429. B. videbimus. Viuere autem Archytas desit paullo post Ol. CV. Apud Aelian. V. H. III, 27. inter philosophos nomen eius recitatur, qui remp. administrarunt et suae ciuitati profuerunt.

dictum praescribebat, adeo ut in proverbium abiret *Icci voca n*): Etiam Aristoxeni Musici nomen fuit clarum; et Nicocles omnium citharoedorum erat celeberrimus (Paus. I, 37.)

Habuit et haec Tarentinorum felicitas, quemadmodum opulentia et prospera fortuna aliorum populorum, comitem luxum ac proteruitatem. De luxu quae passim plurima commemorantur *o*), repetere hic nihil attinet. Spectant omnino alia ad opulentiam urbis et splendorem, alia vero ad vitae molliem et luxuriam.

Ludos instruxerunt opipare, pompasque solenni ritu ductas. Equestres pompas imprimis splendido apparatu adornasse videntur *p*): et de his nos quidem interpretamur in numis Tarentinorum equites vario habitu ac positu decurrentes, appposito magistra-

*n*) Stephann. Byz. in *Tάρας*. Eustath. ad Perieg. 376.

*o*) v. Athen. XII. p. 522. D. E. ex Clearcho: erat is Aristotelis discipulus, ut hinc tempora colligere liceat, quibus scripsit. id. lib. IV. p. 166. ex Theopompo. Quaestum imprimis fecere ex piscatione (unde magna Tarenti piscatorum turba fuit: Aristot. de Rep. IV, 4. p. 492. A. du Val.) et ex purpura lanaque.

*p*) Colligas ex interpretatione vocis *ταραντινίζειν* apud Stephanum in *Tάρας*, Eustath. ad Dionys. Perieg. 376, Hesych. in *Ταραντινοί*, Suid. in eod. voc. et in *ἱππική*. add Victor. Var. Lect. IX, 3. Sybaritarum exemplum simile alias vidimus. Vestibus iidem ornati erant pretiosis. De vestibus tenuibus et pellucidis, quibus mares usi sunt, nota res est. cf. p. 172. v. Athen. l. c. D. Etymol. M. in *Ταραντινόν*. Pollux VII, 76. Hesych. in *Ταραντιναί* et *Ταραντινόν*. Suidas in *Ταραντινίδιον*.

magistratus nomine, qui ludos equestres curasse videtur, diuerſi forte et hoſ generis: nam etiam clauis armati equites depugnant; occurrunt quoque *κέλητες* feu coronas manu praetendentes, feu ipſi a Victoria coronati *q*). Quam intemperanter autem ludicro et otio indulſerint, illud maxime docet, quod ne bello quidem grauiffimo impliciti ad ſeria animum adiecere. Pyrrhus itaque theatrum occluſit et conuiuſ eos comeſſationibusque interdixit, praeterea gymnafiis et ambulationibus vacare vetuit *r*); etſi haec eo potius pertinuiſſe videntur ne intempeſtiuis ſermonibus ſerendis ad nouas res animos conuerterent. Ludis quidem ſpectaculisque adeo indulſiſſe ſeruntur, vt ſerías haberent numero plures quam dies profeſtos *s*). Inter praua rei publicae

*q*) Numos videre licet apud Golz. in num. M. Graec. t. XXXI. li. III. de Schachman, *Catalogue des Medailles* p. 33. 34. et locis ſupra laudd. Ipſe Taras coronas interdum fert. Quod idem alia attributa tenet, bene ad feſta et ludos refertur, quod uvam vel diotam, ad Dionyſia, ſi tridentem, Neptunia, ſi clauam, Heraclea, ſi tripodem, Apollinaria: vide V. C. Eckhel, *Numi vet. anecd.* T. I. p. 33. Vocabuli *νοῦμμος* uſum apud Tarentinos teſtatur Pollux ex Ariſtotelis *πολιταίς*. Ceterum inter numos Tarentinorum multi ſunt ſumma arte elaborati.

*r*) Zonar. VIII. p. 370. Plutarch. in Pyrrho p. 392. D. E.

*s*) Ita enim haud dubie conſtituendus locus Strabonis lib. VI. p. 491. A. Spectat eodem locus Athenaei IV. p. 166. F. ex Theopompo. Ludos ſcénicos eo ipſo die ſpectabant, quo Romana claffis ad portum conſpecta eſt. Dionyſia enim tam egiſſe narrantur a Dione in Exc. Legat. ex lib. XXXIV. Dionyſiorum feſto tota ciuitas temulenta, Platone teſte de LL. lib. I. p. 30. ed. Bip.



publicae instituta memorat Strabo hoc, quod externis in bello vñ plerumque sunt ducibus, Quod tamen ipse popularis status suadere debuit, in quo neminem adeo excellere consultum est, vt ei aequo animo pareant caeteri; nec finito bello imperium deponunt aequo animo ii, qui ad vitae priuatae obscuritatem redeundum sibi esse vident; aemulationis quoque et inuidiae obrectationisque studia omnem facile imperatoriae prudentiae fructum inter pares intercipiunt. Nec defuere Tarentinae plebi demagogi sui, vt ex iis intelligitur, quae sub belli cum Romanis initia euenere t).

Attriti autem sunt Tarentini bellis variis, quae cum Messapiis, Lucanis aliisque finitimis populis gessere u); euerſi prorsus fortunis suis, Romanorum

t) v. Plutarch. in Pyrrho p. 390 C. Appiani fragm. in Exc. Legatt. Vrsin. p. 443 sqq.

u) De bello cum Japygibus seu Messapiis sub Ol. LXXVI iam supra vidimus not. f). Cum Thuris de Siritide pugnarunt Ol. LXXXIV. Diodor. XII, 23. Strabo VI. p. 405. C. cf. sup. Proluf. VII extr. XI et XIII. Super eadem terra cum Metapontinis, ibid. p. 406. B. Inter expeditiones Dionysii, Syracus. tyranni, in Italiam factas Ol. XCVI. VII. VIII. ab omni belli calamitate intacta mansisse videtur Tarentus. Cum Dionysio iuniore amicitiam quoque exercuisse videntur. Nam memoratum legimus in Athen. XV. p. 700. D. donarium ab eo in curiam Tarentinorum datum, lychnis CCCLXV candelabrum factum. Cum Lucanis bella gessere, externis ducibus arcessitis, Archidamo Agelilai filio Ol. CX, 3. Alexandro Molosso Ol. CXII, 1-3. Agathocle ante Ol. CXV, 4. (v. Diod. XIX, 4.) Cleonymo Spartano Ol. CXIX, 2. (cf. Mirab. Audit. 79.) tandem Pyrrho Olymp. CXXV. Strab. p. 429. B. Ab

rum armis laceffitis x) et Pyrrho rege arceffito, quem pro focio dominum habuere. Triumphatum est de Tarentinis L. Papirio Curfore II. Sp. Caruilio Maximo II. Coll. V. C. 482. a. C. 272. Accepta ciuitas in fidem, tributum impositum, arma navesque tradere iussi, muri diruti, relicta tamen libertas (*αὐτονομία*), quam quidem et ipsam amifere bello Punico II. y); quod vrbe a Romanis recepta V. C.

Acrotato Lacone vexati sunt Ol. CXVI, 3. v. Diodor. XIX, 70. Addi his possunt antiquiora bella, quae ex Pausania coniectando elicimus: narrat ille lib. X, 10. p. 822. f. se vidisse Delphis donaria Tarentinorum de victis Messapiis, ex aere ab Agelada facta: atqui Ageladas inter Ol. LXV. et LXX. arte clarus fuit. Argumenta rerum proposita sunt in *Deutsch. Societ. Schriften* To. I. p. 248. Arguebant alia Tarentinorum donaria ibid. lib. X, 13. f. victoriam de Peucetiis, rege Iapygum Opi caeso, qui auxilium Peucetiis tulerat: circa Ol. LXXV bellum hoc gestum videtur, nam eo tempore Onatam, qui ea fecerat, vixisse alio loco docuimus. Aliud eorum bellum cum Iapygibus est, quod ex Clearcho narrat Athenaeus XII. p. 522. E. quo Carbinam, oppidum Iapygum, solo aequarunt, in oppidanos autem incredibili flagitiosissimaque crudelitate saeuierunt. Urbem Carbinam alibi memoratam non vidimus.

- x) Nec vero impetum in classem Romanam adeo temere factum putemus, ac vulgo narrari videmus. Nam ex insidiis L. Valerium portui imminere putabant (v. Zonaras VIII. 2 pr.) et ex foedere Romanis non licebat in sinu hoc nauigare, vt supra vidimus. Suspecta autem merito iam dudum habebatur ad ingentes actus euecta Romanorum potentia, Samnitibus et Lucanis domitis. cf. Liv. VIII, 27. IX, 14.
- y) Strab. VI. p. 429. C. cf. Mazoch. ad Tabb. Heracl. p. 98. cum antea ad Poenos descuiissent; Appian, Annib. p. 573 sq. (332).

V. C. 545. a. C. 209. factum esse necesse est. Accepta mox colonia, quiete Tarentinos vivere et melius quam olim, testatur Strabo. Colonia a Romanis deducta est Tarentum a. V. C. 631. quo etiam Scylacium, Mineruium, Neptunia et Carthago coloniae conditae sunt 2). Municipii tamen ius postea eam consequutam esse necesse est; ita quidem, vt, Legis Juliae beneficio, libertatem (*αὐτονομίαν*) suam retinere, quam legum Romanorum fundus fieri mallet: siquidem Strabo a) eam cum Neapoli et Rhegio solam fuisse inter Graecas Italiae ciuitates ait, quae Graecum sermonem Graecaeque instituta retineret: quod in colonia Romana fieri nullo modo potuisset. Si Plinium satis recte assequimur, colonia ea non in veteris Tarenti moenibus, sed in agro constituta fuerat, moxque cum eadem vrbe coaluerat: vbi enim de sinu Tarentino agit, *ab oppido, inquit, Lacònum, in recessu hoc intimo sito, contributa eo maritima colonia, quae ibi fuerat b).*

Vrbem tam opulentam multis praeclarae artis operibus et aedificiis insignem fuisse nemo dubitet.

P 3

Theatrum

2) Vellej. I, 15, 4.

a) Lib. VI. pr.

b) Plin. III, 11, 16. Saepe sic Plinius de coloniis, quae cum aliis vrbibus coaluere, vt *contributàs* dicat, v. c. XIV, 6, f. 8, 2. *Vrbanam coloniam Syllanam nuper Capuae contributam.* Non igitur assentimur Gallico interpreti, Poinfineto de Sivry, qui coloniam *Contributam* hinc effinxit et in sinu Tarentino collocavit nemini auditam; et repugnat verborum ordo et copula *eo*. Veteranorum coloniam deducere iterum tentatum erat sub Nerone. Tacit. XIV, 27.

Theatrum fuit eximium portui imminens ad prospectum maris *c*); porro gymnasium pulcherrimum et forum satis amplum, in quo Jovis colossus positus erat post Rhodium omnium facile maximus *d*). Lysippi ille opus, factusque adeo vix L. annis ante bellum cum Romanis susceptum: nam Lysippi aetatem in Alexandri M. tempora incidere notum est. Reliquerat eum, propter magnitudinem difficultatemque moliendi, Q. Fabius Maximus Verrucosus Cos. vrbe a Poenis recepta (V. C. 545), *quum Herculem, qui est in Capitolio*, ait Plinius *e*), *inde transferret*. Templum Jovis commemoratum legimus, in quo Pyrrhus primo cum Romanis praelio facto titulum adfixerat *f*). Jovis *καταβάτου* statuam ac sollenne sacrum ex Athenaeo novimus (XII. p. 522 F.). Templum *Σωτείας*, an Junonis? apud Polybium

*c*) Flor. I. 18. 8. Theatrum etiam alii scriptores memorant: Florus adde *maius theatrum*, si aut librario aut ipsi Floro modo fidem habere licet.

*d*) Strabo VI. p. 426 B.

*e*) Post Strabon. VI. p. 426. B. Plin. XXXIV. 7. s. 18. Repertum erat saec. XV. in colle Palatino Herculis signum e marmore factum, cum titulo, qui Lysippi opus illud esse significaret. Fraude iam olim, antequam ruina aedium vicinarum ille opprimeretur, inscriptum nomen ipsa res arguebat. A Cosmo Medicis emptum signum nunc Florentiae in Palatio Pitti prostat; estque id, quod Blanchinius in Palatio Caesar. t. XVIII exhibuit.

*f*) Orosius IV. 1. — *adfigens titulum in templo Tarentini Jovis, in quo haec scripsit: Qui ante hac inuisti fuere viri, pater optime Olympi, Hos ego in pugna vici, victusque sum ab ipsis. Metri ratio docere poterat viros doctos, legendum esse: Qui antehac inniisti fuerunt, pater o. O.*

lybium obseruauimus (Exc. VIII, 28). At arx olim donariis ornamentisque refertissima pauca retinuit veteris splendoris uestigia; nam pleraque aut Carthaginienfes, cum urbem capiebant, deleuerant, aut Romani vrbe recepta abduxerant. Fabius quidem argenti vim ingentem facti signatique, auri LXXXIII M. pondo, signa tabulasque, prope vt Syracusarum ornamenta aequarent, in praedam redegerat g); et iam antea bello Tarentino confecto V. C. 479, in triumpho quem Man. Curitis habuit, praelata sunt partim Epirotica partim Tarentina spolia, tabulae pictae ac signa, aliaque luxus Tarentinorum insignia, primoque tum artis Graecae opera Romanis visu cognita sunt h).

Doricam eos dictionem ad magnam elegantiam et suauitatem expoliisse credere licet. Inter ea, quibus petulanter Romanos legatos excepiſſe narrantur, fuit hoc, quod, quoties ab illis aliquid, vt-pote ab hominibus Romanis, parum Graece prolatum eſſet, tota concio ſolueretur in riſum i).

P 4

Atque

g) Liv. XXVII, 16.

h) Flor. I, 18.

i) Appian. in Exc. Legat. Vrfin. p. 344. Dionyf. Halic. in iisdem Excerptt. p. 303 f. ἂν εἰ τι μὴ κατὰ τὸν ἀκριβέστατον τῆς Ἑλληνικῆς διαλέκτου χαρακτῆρα ὑπ' αὐτοῦ λέγοιτο, παρατηροῦντες ἐγέλων καὶ πρὸς τὰς ἀναστάσεις ἐτραχύνοντο, καὶ βάρβαρον ἀπεκάλουν. Leg. πρὸς τὰς ἀναστάσεις, et accipiendum de minis, quibus pronocati ἐτραχύνοντο, exasperati conuiciabantur legatos, barbaros eos appellando, tandemque theatro eiiciebant. Multa ceterum habuisse ſingularia Dialectum Tarentinorum, cum ex glosſis intelligimus, quae paſſim ſuperſunt,

Atque haec quidem eo commemorata a nobis sunt, ut ex ipsis opibus ac copiis, quas ea ciuitas consequuta est, exque litterarum et artium inter Tarentinos studiis intelligeretur, non male legibus institutisque descriptam esse debuisse ciuitatem in ipso populari statu, quem bene temperare ac constituere omnium difficillimum vulgo habetur. Floruerat democratia per CC annos; cum antea per CCXXXIII annos aristocratia usi non minus feliciter res gessissent. P. P. ex Academia Georgia Augusta, d. XVII. Sept. clō lo cclxxv,

perfunct, v. c. in Hesychio, tum multo magis teneremus, si Rhinthonis fabulae ad nos peruenissent cum aliis scriptoribus Tarentinis. Inter glossas referendum *νοῦμος* apud Polluc. IX, 80. nisi forte Romana vox Tarentum immigrauerat, uti et Himerensium *οὐγία* Romanorum vncia esse videtur. Potuit in utroque falli Aristoteles, ut pro domesticis vocabulis ea haberet,

## XIII.

ACADEMIAE GEORGIAE AVGVSTAE

PRORECTOR

CHR. FR. GE. MEISTER D.

CVM SENATV

ANNIVERSARIA INAUGVRATIONIS  
SACRA XXXIX.

IN A. D. XVII. SEPT. MDCCCLXXVI.

RITE INDICIT.

---

*Instituta et leges Heraclensium, quae Tarentinorum  
fuit colonia.*

---

**M**agna nos, Commilitones, pro necessitudine nostra, proque officio et amore nostro, tenet cupido alloquendi vos, eumque, quo vos amplectimur, animi affectum declarandi. Annus enim vertitur, ex quo nihil vobiscum egimus; quandoquidem continuato per alterum hoc semestre magistratu academico, defuit opportunitas publice vobiscum confabulandi, quam commendatio successorum suppeditare solet. Redeunt nunc anniuersaria inauguratae Vniuersitatis nostrae litterariae sacra; quae cum indicenda vobis sint, vosque ad bona

P s

vota

vota precesque sitis exhortandi, vtemur occasione oblata, et, quod facere solent familiares, quibus videndi se et confabulandi facultas per aliquod tempus fuit erepta, agamus nunc de rebus communibus, repetamusque eam disputationem, quam anno superiore eramus exorsi, vt persequamur *instituta et leges ciuitatum Doricarum per Magnam Graeciam et Siciliam*; et nunc quidem de Heraclea agemus, quae disputatio nonnulla complectetur, quae ad antiquam iurisprudentiam spectabunt, quaeque adeo magnae vestrum parti, vtpote seu legum iuriumque, seu antiquitatis doctae studiosis, displicere haud poterunt. Quod si cui tamen iucundius fuerit, de quacunque alia re cum adstante vel adfidente amico sermones ferere, nos quidem tam morosi non sumus, quin illud sine vlla nostri offensione facere liceat.

De Tarentinis superiore prolusione egimus: quorum colonia cum *Heraclea* esset, in eadem Magnae Graeciae ora inter Metapontum et Sybarin, in agro mirae felicitatis, sita, proximum est, vt de ea dicamus *a*). Origines quidem eius vltra Ol. LXXXVI non assurgunt; fuit tamen antea in  
iisdem

- a*) Egit de ea fuse potius quam copiose vir doctiss. Mazoch. in Comment. in tab. Heracleensem. Itaque ea potissimum attingemus, quae ab eo parum accurate prodita aut minus commode digesta visa sunt. Tenebimus autem morem nostrum et in oram libelli reliciemus ea, quae doctioris disputationis videri possint, ne legentis oculos teneant.



iisdem locis b) antiquissima vrbs *Siris* ad amnem Sirin, Troianae vulgo originis habita c); etſi leviſſimo

b) Locorum felicitatem et fertilitatem praedicant Archilochi verſus excitati Athen. XII. p. 523. D. οὐ γὰρ τι πολλὸς χωρὸς οὐδ' ἐφελκόμενος Οὐδ' ἐρατὸς. οἷος ἀμφὶ Σίριος βοάς. inde etiam Siritarum Luxus aliquando fuit celebratus: ib. C. Numi tamen Siritarum ſunt rariffimi: necdum niſi ex ſere minore noti: ap. Pelerin. *Supplem.* III. pl. 3. 8. 9. 10. et Magnan. Lucania numiſmi t. 50. in vno roſtrum navis, adſcripto Σειρις, antiquis litteris: in altero et tertio caput Mercurii, vt ſuſpicor; in aduerſa parte modo vas modo aquila. Adſcriptum Σειρι et Σει. In Winckelmann. Hiſt. art. recens. Vindob. p. 138. laudatur numus argenteus in Muſeo Ducis Caraffa Noia: altera parte prae ſe ferens caput bouinum cum voce Πυξῶν antiquis litteris; altera taurum incuſum cum voc. Σερενον. adiectum ibi eſt, vix ab ipſo Winckelmanno, ſpectare haec ad urbem Syrinon; nec hoc aut. mutatum aut monitum ab Italis in verſ. Immo vero ad Sirin; cuius ciues dicti Σιρίται. In uſu tamen quoque fuit (v. Steph. Byz. in Σιρις) Σιρηνός, et forte etiam Σειρηνός et antiquae Σερενος. Adſcriptum adeo in numo Σερενον pro τῶν Σειρηνῶν. Inter Πυξῶντα autem ſ. Buxentum et Sirin amicitia vigere debuit.

c) Strabo VI. p. 405. A. Σίρις, ἐφ' οὗ πόλις ἦν ὁμώνυμος Τρωϊκῇ. Athen. XII. p. 523. C. Καὶ οἱ τὴν Σίριν κατοικοῦντες, ἦν πρῶτοι κατέσχον οἱ ἀπὸ Τροίας ἐλθόντες. conf. Lycophr. 978 ſqq. vbi quae legitur *Leutarnia* (πολλοὶ δὲ Σίριν ἀμφὶ καὶ Λευταρνίαν Ἀρουραν οἰκίσουσιν); de qua interpretes Lycophronis tacent, dum Cluver. Ital. ant. p. 1273. pro alio Siria vrbis nomine habet, ſentiente Mazochio p. 71. qui multa mira comminiſcitur: illuſtranda erat e Strabone lib. VI. p. 430. C. Fuit Leuternia, vt apud Strabonem ſcribitur, ora extremae Japygiae circa Barin et Leuca ad ipſum promontorium Sallentinum; a Lycophrone igitur nomen latius fuit poſitum pro ipſa Calabria. Haec niſi Strabonis auctoritas in petum ſuſflaminaret, legi poſſet, Λευκανίαν Ἀρουραν. Lucaniae enim fines ad Siritidem pertinere.

vissimo argumento, si quidem grauius aliud fuit nullum quam quod Strabo commemorat, quod Palladium ibi erat, seu Palladis Iliacae simulacrum antiquum oculis in solum defixis, quod Troia ad-  
 vectum vulgo credebatur *d*). Postea accesserunt Iones, qui vrbe vi capta in victos, quamuis sibi supplices factos, nefando more saeuierunt; ipsi urbem a se inhabitatam *Polieum* h. oppidulum appellarunt *e*). Iones illi Lydorum imperium fugerant *f*), vt adeo eos sub Alyattis vel Croesi tempora  
 (puta

*d*) Strabo l. l. qui etiam fabulam, quam ipse explodit, narrat, deam facinore in supplices commisso auertisse oculos et in terram defixisse. Religioso tamen ritu coli solitam Palladem etiam Heracleensibus infra videbimus. Quod ibidem subiicitur: καὶ τὸ Τρωάδων δὲ τόλμημα vsque ad καίπερ δυνάτων ὄν' alieno loco insertum arbitramur, et retrahimus ad p. 402. B. de Troiapis feminis captiuis.

*e*) Ita Steph. Byz. in Σίρις. Strabo l. c. B. vbi τὴν πόλιν αὐτοχθόνων οὔσαν recte MSS. Χώναν habent; *Chones* enim cum *Oenotris* loca circa Siritidem tenebant, iisque ex Troianis exulibus nonnullos adhaesisse existimandum est; quandoquidem paullo ante *vrbs Troiana dista* est. Argutatur Mazoch. p. 79 sqq. dum Chanaanem in nomine Chonum et Choniae quaerit, hoc est Phoeniciam. Nam Χανσαν Lycophr. v. 983. edit. v. ex Antiocho Strab. VI. p. 391. C.

*f*) v. Strabo l. c. A. B. At Lycophronem v. 983 sqq. turbare calculos clamant omnes; nam aiunt eum narrare inuerse, Ionas iam tum loca tenuisse, cum Troiani superuenirent, eosque ab his, qui Achaeos, hoc est, Crotoniatae sibi adiunxerant socios belli, fuisse in ipso deae conspectu caesos; quod rerum et temporum rationibus prorsus repugnat. Scholiastes multo magis ineptit; quem cum parum sapienter sequatur Mazochius, miris commentis omnia contaminauit p. 69 sq. Enim-

(puta circa Ol. L.) ad has oras appulisse necesse sit. Colophone profectos fuisse ex Athenaeo colligere licet g). Iam hi coloni Poliei ex Ionia sceleris sui fructum non adeo magnum nec res admodum florentes habuisse videntur.

### Locus

Enimvero virorum doctorum festinationi imputandum est, quod Lycophroni tribuunt. Nam Calchantis nomen non ad Sirin spectat, sed ad dec'arandum situm Leutarniae, de qua abte diximus. Fuit autem, vt ex Strabone discimus, lib. VI. p. 435. extr. Calchantis facellum in iis locis Calabriae in monte Drio, vt adeo Calchantis in iis locis memoriam fuisse constet. Porro non de Troianis, sed de Achaeis aduenis loqui Lycophron putandus est, qui ad Troiam fuerant. Iam nihil est quod diuersi tradat Lycophron ab Antiocho apud Strabonem, quam quod Achaeis aduenis ad Sirin tribuit, quod ille iis qui serius accessere, Ionibus. Nam *Εουθίδας*, h. Iones, ex praua Aurati correctione legitur; scriptum est vbique *Εουθίδας* sc. *Θεός*, quae Pallas est, et agitur de pristinis incolis, quos paullo post *Ιωνας* appellat veteri nomine, quod docte posuisse videtur pro Chonibus. De Ionibus, quos nos posuimus, etiam locus est accipiendus, et inde illustrandus, in Mirab. Audit. c. 114. *Λέγεται δὲ μετὰ τὸ παραβαλεῖν τοὺς Ταυαντίους, Ἡράκλειον τὸν τόπον καλεῖσθαι, ὃν νῦν κατοικοῦσιν. ἐν δὲ τοῖς ἀνω χρόνοις, τῶν Ἰώνων κατεχόντων, Ἰολίσιον. ἔτι δὲ ἐκείνων ἔμπροσθεν, ὑπὸ τῶν πρῶτον κατασχόντων αὐτὴν Σίριν ὠνομάσθαι.* vti hunc locum iam olim diximus emendandum esse. Ceterum haec narratio de Ionibus prorsus conspirat cum illa de Siri a Metapontinis, Sybaritis et Crotoniatis expugnata ap. Justin. XX, 2. vt adeo communi consilio Italicarum ciuitatum et aduenarum Ionum rem gestam esse necesse sit: cf. sup. Prolus. X. de Crotoniatis p. 185.

- g) Athen. p. 523. C. ex Timaeo et Aristotele. Etiam Rhodios olim ad haec littora appulisse, et Siritidem terram cum Sybari inhabitasse fama fuit: de qua ex Strabone VI. p. 405. C. actum in Prolus. XIV.

Locus est Herodoti in verbis Themistoclis ad Eurybiadem Láconem, in quo ille minatur, nisi pugna ad Salaminem fiat, Athenienses, quippe qui semel iam naues conscenderint, profecturos esse ad Sirim in Italia; eam enim a prisco inde tempore Atheniensium fuisse, et oracula iubere Athenienses eam condere *h*). Spectant haec ad Ol. LXXV, 1. Ergo iam tum loca ad Sirim incolis vacua erant, et colonos, eam qui frequentarent, expectabant. Converterant Polieum inhabitantes Iones, seu Siritae, si ita dicere placet, animos, ut probabile fit, ad Athenienses, utpote eadem stirpe Ionica oriundos; et forte alia intercefferant, quae nunc ignoramus, quaeque efficere potuere, ut Atheniensium ea colonia ab prisco tempore haberetur. Iam dudum autem Athenienses, rei naualis forte studio, Italiam ac Siciliam oculis quasi et consilis defixerant, ut certas sibi in iis sedes, forte portus et naualia, pararent. Exitum res habuit mox in Thuriis condendis, et aliquanto post classe aduersus Syracusanos missa. Verum iam ante haec tempora contigisse necesse est, quod de Samiis narrat ex Hegesandri commentariis Athenaeus *i*): eos aliquando Sybarin nauigasse, et iam Siritidem terram tenuisse, cum perdicum euolantium strepitu perterrefacti iterum nauibus conscensis discesserunt. Post Olymp. LXXXI, 4. autem nouae Sybaris coloni loca illa ad Sirim fl. quibus Tarentini imminebant, occupare voluere.

*h*) Herodot. VIII, 62.

*i*) Athen. lib. XII. p. 656. C. locus iam a Valken. ad Herodot l. c. excitatus. Ex eodem rem petiit Eustath. p. 789. extr.

voluere. Acciti mox ex Graecia Achaei, ad Sirim incofendam miſſi, Metapontum tenere maluere (v. inf. Proluf. XI. vbi de Metaponto) non fine prudenti confilio, vt fic Tarentinos a Siritide terra, vltorius verſus Thurios ſita, ipſi interieſti intercluderent. Mox tamen cum Thurii Ol. LXXXIII, 3. in Sybaritarum locum deducti eſſent, arma ſumſiſſe narrantur Tarentini aduerſus Thurios recens tum conditos Olymp. LXXXIII, 1. vt eos de terra Siritide depellerent (Strabo ex Antiocho Syracuſ. VI. p. 405. Diodor. XII, 23.), vt adeo credendum ſit, Thurios, vix nouarum ſediuum compotes, extemplo Siritidi terrae inhiaſſe, inuitis Tarentinis. Non ſatis conſtat, quod aut horum aut illorum in hanc terram ius fuerit; niſi prudentia Tarentinis id ſuaſiſſe putanda eſt, ne ceruicibus ſuis inſiderent aduenae finibusque ſuis imminerent; videtur tamen ager incolis parum fuiſſe frequentatus, ita vt Thurii eum ſibi vindicare auderent. Eduxerunt illi copias duce Cleandria, exule Spartano (v. ſup. Proluf. VII. de Thuriis p. 140. cf. p. 210). Conuenit mox Ol. LXXXVI, 4. a. C. N. 433. inter eos et Tarentinos, vt coloniam ex vtriſque conſcriptam in agrum deducerent Siritisque adſcriberent, Tarentinorum tamen colonia ea haberetur; hoc eſt, vt iura in eam tanquam coloniam haberent Tarentini; condita tamen vrbs alio loco, quam Siris *k*), haud dubie Tarentinorum confilio, vt, ſi in interioribus

*k*) Diodor. XII, 36. κατὰ δὲ τὴν Ἰταλίαν Ταραντῖνοι τοὺς τὴν Σίριν καλουμένην οἰκοῦντας μετακίσαντες ἐκ τῆς πατρίδος, καὶ ἰδίους προθέαντες οἰκῆτορας, ἔκτισαν πόλιν τὴν Ἡράκλειαν.

rioribus locis illa esset, ditioni suae tanto magis obnoxia esset; et nomen quoque paullo post aliud nacta est, vt *Heraclea* appellaretur *l)*; ducto nomine ab heroe patrio Tarentinorum, quos a Lacedaemoniis originem duxisse alio tempore vidimus. *Siris* autem nauale *Heracleensium* factum est *m)*.

Post haec tempora gestum est bellum, quod Tarentini, regibus Dauniorum et Peucetiorum in belli societatem adscitis, de *Heraclea* cum *Messapiis* suscepisse narrantur *n)*. Floruit inde *Heraclea* per multos annos, cum etiam *Conuentus* *Magnae Graeciae* in ea vrbe haberetur *o)*; nec nisi

*l)* Haec Strabo lib. VI. p. 405. C. ex Antiocho Syracusano, aetate Herodoto suppare. Mazoch. p. 66. et p. 109 sqq. duas vrbes, *Sirim* et *Heracleam* conditas credebatur, et falsa interpunctione adductus multum mire miscet. Paullo pinguius Plin. III, 11. *Heraclea* aliquando *Siris* appellata. Nec magis accurate et per proleptin Livius Servii Tullii tempore *Heracleam* memorat in vltima Italiae ora, lib. I, c. 18. Situs *Heracleae* ad dextram *Aciris* amnis ripam, paullo remotius a mari, satis declaratus est a Strabone: et a Mazoch p. 110 sqq. Si *Parthenio Erotic. c. 7.* et *Phania Eresio* fabulam narranti fidere liceret, tyrannum aliquando ea vrbs habuit ab *Hipparino* occisum, qui tamen ab ouibus inter se colligatis in fuga impeditus periit: quo facto et signum ex aere ei positum, et νόμος ἐγγράφη, μηδένα ἐλαύνειν τοῦ λοιποῦ πρόβχτα συνδεμένα.

*m)* v. Proluf. XI. vbi de *Metaponto* p. 211. et Strabone VI, p. 406. A. B. Turbant magnopere in his viri docti, vt nuper *Pelerinus* in *Supplem. P. III*, p. 90. et me ipsum multum diuque trepidasse haud diffiteor.

*n)* v. Strab. VI, p. 430. A. cf. sup. p. 227. u)

*o)* Strab. VI, p. 429. C. πανήγυρις, σύνοδος. de quo praeclaro instituto alio tempore disputatum est: Proluf. X, p. 189. 190.

nisi finitimarum urbium communi fortuna contacta esse videtur. Primum ab Alexandro Molosso, qui Italiae inhiabat, in ditionem fuit redacta, quod intra annos V.C. 414 et 423 (a.C. 340 et 326) euenisse necesse est *q*). Ante Heracleam captam (nam si urbem iam tum ditione tenuisset, consilium illud alienum et inutile fuisset) conuentum Magnae Graeciae ex ea vrbe in Thuriorum terram, in locum circa Acalandrum fluuium, transferre voluit, Tarentinorum odio; quorum adeo in potestate Heraclea, tanquam colonia, usque ad id temporis fuit *r*). Post haec tempora, etsi de anno non constat *s*), sui iuris facta est ciuitas; exstant enim numi ab ea cusi *t*).

Postea

- q*) v. Liv. VIII, 24. cf. Justin. XII, 4.  
*r*) Strabo l. c. Hoc argumento uti in hunc modum debebat Mazoch. p. 107. pro aliis quae vim nullam habent.  
*s*) Leue est Mazochii p. 131. assertum, per Alexandrum Molossium Heracleam sui iuris factam.  
*t*) Numos aliquot recenset Mazoch. p. 112. 113. et tab. ad p. 138. alios Magnan. num. Lucaniae. Mus. Hunter. Originem coloniae declarat numus n. 3. in quo Tarentinorum typus est seruatus, Taras delphino insidens, subscripta sigla: FHP h. e. Ἡράκλεια. Alium similem, adiecta adeo voce TAP ex Museo Caesareo protulit Eckhel Vir Doctiss. in Num. vet. anecd. tab. III, 5. quem cf. p. 32. et tertium n. 11. in quo TA et FH. Hoc FH etiam alius numus apud Pelerinum exhibet (*Recueil T. I. pl. 7, 12. et Supplem. p. III. pl. 3. 7. et n. 5.*) alius HE. In aliis FHPAKAEIΩN vel FHPAKAHIΩN legi solet, quod perperam Ἡρακλητῶν lectum fuit a Golzio in Sicil. et M. Graec. t. 9. tractum quoque ab eo et Paruta perperam ad Heracleam Siciliae; Etiam FHPAKAHI. in numo apud Eckhel. p. 36. n. 12. qui et alium ad Heracleam refert, in quo HPAKAEΩTAN scriptum insolito more, cum

Postea in bello, quod cum Tarentinis gesserunt Romani, post Pyrrhi in Siciliam discessum V. C. 476. a. C. 278, C. Fabricius Cos. cum Lucanos, Bruttios, Tarentinos Samnitesque cecidisset, ciuitates inter alias Heracleam foedere prope singulari adiunxit \*). Fuit itaque ea inter foederatas ciuitates, quae sui iuris essent, nisi quod ex foedere auxilia et alia, in quae conuenissent, mitterent; neque illa, cum Lege Julia ciuitas esset socii data, (V. C. 664.) legum fundus facta esse videtur, etsi singuli ciues, atque etiam aliquando tota Heracleensium legio, ciuitate Romana essent donati

Baccho tamen, quem cum Pallade, quae et ipsa in numis obuia est, ab Heracleensibus cultum fuisse, infra videbimus. Reperit istam vocis inflexionem in alio numo, quem ad nostram Heracleam spectare paullo certius affirmat, Pelerinus in *Supplem. III.* p. 85. n. 6. Hercules fere stans exhibetur aut leonem elidens, vnus t. 2. sedens in numo a *Dutens* vulgato *Hist. de l'Acad. d. I. T. 40. p. 94.* Alia ne commemoremus, fecit otium Raschii industria in *Lexico numismat.* voc. Heraclea T. II. P. II. p. 115 sqq. Etiam Heraclea et Metapontum eodem numo iuncta occurrunt: vt Hunter. *Mus. tab. 29. 30.* Verum et haec collegit Rasche p. 123.

- \*) Cic. p. Balbo c. 22. *ex ea ciuitate, quacum prope singulare foedus Pyrrhi temporibus, C. Fabricio Cos. idum putatur.* cf. Mazoch. p. 113 sq. qui et foederatam ac sociam, et municipium appellat. Enimuero municipium proprie ita dictum esse non potuit, quandoquidem iure cinitatis R. vti noluit. Foederatae autem vrbes sunt eadem ac sociae, seu Latini seu Italici iuris; etsi hoc potius genus ita dici solet. Dicendum itaque Heracleam fuisse iuris Italici; non autem municipium.



nati x). An igitur municipii locum illa aliquando obtinuerit, fatis liquido non constare putamus y).

## Q 2

## Quae

x) v. Cic. pro Balbo l. c. vnde simul colligi potest, ex foedere Heracleam copias Romanis misisse. Idem c. 8. *ipsa denique Julia, qua lege ciuitas est sociis et Latinis data, qui fundi populi facti non essent, ciuitatem non haberent: in quo magna contentio Heraclien- sum et Neapolitanorum fuit, cum magna pars in iis ciuitatibus foederis sui libertatem ciuitati antefere- ret.* Adde pro Arch. 4. Ceterum bello Italico et ipsam Heraclesm grauiter afflictam fuisse necesse est, quan- doquidem tabularium eorum incensum Cicero eodem loco memorat.

y) Sane quidem Mazochius summis viribus contendit. Heracleam factam esse municipium. Sed ex loco Ci- cer. p. Balbo 8. effici id nequit. Grauius argumen- tum esset aes Heracleense, quod ille post Conradum docto commentario illustrauit, in altera sui parte La- tine scripta, quae legem comprehendit miscellam Ro- mae factam, primo de recensu ciuium agendo, fru- menti populo diuidendi causa, tum de viis in vrbe Roma locisque publicis tuendis, de fruendis vestiga- libus publice conductis; de magistratibus et senatu in municipiis, coloniis, praefecturis, foris, concilia- bulis ciuium Romanorum varia: v. c. vt ne in iis essent honorariae, quas nos supernumerarias appella- mus, dignitates, et sic porro; tandemque de censu in iis agendo. Iam in illa lege cum non de ciuibz modo Romae degentibus agatur, verum etiam ad mu- nicipia, colonias, praefecturas, fora, conciliabula, legem spectare manifestum sit, Mazochius effectum esse ait, vt Heraclea municipium fuerit. Cur tamen, si ista ratio valet, municipium, nec magis colonia, praefectura, forum, conciliabulum? Varias esse po- tuere causas, cur isti aeri Heracleensi altero latere lex illa miscella inscriberetur, vt nec tamen ea ad Heracleenses pertineret. Nec maius firmamentum ex clausula legis peti potest, quod in ea municipia fun- dana memorantur, h. e. quae fundi legis facta essent.

Quod

Quae huius ciuitatis instituta fuerint, ea quidem aetate, qua sui iuris fuit, ex iis, quae narrata sunt, colligi potius potest, quam disertis veterum scriptorum locis doceri. Communia primum cum ceteris Dorici generis ciuitatibus multa eam habuisse per se patet; tum vero Tarentinorum leges et mores eam seruasse probabile fit, cum coloniarum officium ac pietas istud postularet; quumque adeo illi a Lacedaemoniis originem haberent, etiam ad

Quod vero grauissimum est, nec animaduersum a viris doctis, ait Cicero a P. Crasso Heracleensem legionem ciuitate esse donatam. Quod si factum est, illo tempore Heraclea municipium esse nequit, alioquin omnes Heracleenses ius ciuitatis R. habuissent. P. Crassus autem fuit censor cum L. Julio Caesare a. V. C. Varr. 665. Lata ergo iam tum erat Lex Julia de ciuitate cum sociis et Latinis communicanda. Nec adeo Heracleenses eam tum quidem suam fecerant, h. e. fundi legis facti non erant; itaque probabile fit, legionem illam, ciuitate R. donatam, ex parte eorum fuisse, qui ciuitatem praeferrent libertati: cum alii, vt Cicero narrat, libertatem ciuitati praeferrent. Quod si itaque Heraclea ciuitatem R. adscinit, serius utique hoc factum esse necesse est; caditque adeo tota Mazochii disputatio caeteroque perquam docta, inprimis p. 88 sq. Ex loco vero Ciceronis pro Arch. c. 4. ne Cicerone quidem Cos. adeoque V. C. 691. Heracleenses fundos legis seu Juliae seu Plotinae factos esse contendimus: nam Archias eo anno Romanam ciuitatem petit ex lege Plotia, quod adscriptus erat Heracleae tanquam ciuitati foederatae, mirum vero fuisset, ciuitatem Romanam petere Archiam, si Heracleenses ciuitate Romana fruebantur, quibus ille tamen tanquam ciuis erat adscriptus. Quod si itaque eod. l. paullo post Heraclea *integerrimum municipium* appellatur, nomen paullo latius positum manifestum fit pro ciuitate foederata: quemadmodum a Cicerone quoque factum obseruatum est de Neapoli, ad Div. XIII, 30.

ad Heracleenses nonnulla peruenisse credere licet. Iam primum, vt a religionibus ordiamur, Herculem iis inprimis cultum fuisse, cum nomen declarat tum species Herculis in numis expressa, leonem plerumque elidentis z). Dionysio seu Baccho honores habitos, nec non Palladi, cum numi a) tum tabula Heracleensis declarat; ex qua alia quoque collegimus, quae ad statum ciuitatis publicum spectant, quaeque aliunde comperire non licuerat. Scilicet miro aliquo fortunae beneficio peruenit ad nos ex innumeris aeribus deperditis seruata tabula aerea in agro Heracleensi ab aratore, qui per alueum torrentis per aestatem fere exarescere soliti boues agebat, inuenta sub annum huius saeculi XXXII. In frustra illa erat disrupta, quorum duo tantum fuere seu in limo detecta seu seruata; nam primo neglecta illa iacuit, alterumque eius frustum anno abhinc tertio (saeculi XXXV.) per Brianum

Q 3

Fairfax

z) cf. sup. f). Raro caput Herculis protome leonis ornatum, apud Pelerin. Suppl. III. pl. 3, 5. et 6. frequentius Hercules stans cum spoliis manu iniectis, sed, praeter clauam, arcum et sagittas tenens, pharetratus.

a) Dionysus, Apollinis caput, et Palladis pulchellum caput, passim in numis Heracleensium locis laudd. ap. Pelerin. Eckhel. Magnan. occurrunt. Videri potest Pallas ab antiquioribus incolis, Siritis, accepta esse, cum Palladis Iliacae simulacrum antiquum a Troianis apportatum ostentasse eos supra viderimus. Nisi, quae verior forte ratio, a Thuriis, quos vna cum Tarentinis Heracleam deduxisse memorauimus, Palladem repetere placet, qui Atheniensium colonia habiti fuere. Itaque vt Pallas Poliuchos et Polias Athenarum, ita Polias in tabula Heracleensi occurrit. Manifesta Palladis Atticae species visitur in numo apud Mazoch. ad p. 112. num. 2.

Fairfax armigerum in Britanniam migrauerat; alterum ad Carolum Guevara Equ. Hierosolym. perue-  
nerat. Mox cum Maiftarius prius frustum illustra-  
tum commentario vulgasset, intellectum est ab Ita-  
lis, alterum fragmentum apud se exstare, quod  
orationem prioris continuat. Vtrumque nunc in  
Museo Herculanensi seruatur, cum ante aliquot  
annos ex Anglia frustum retractum fuerit. Est au-  
tem tabula ex altera parte graece ex altera latine  
inscripta. In priore quidam illa, quae graeco an-  
tiquiore Dorico sermone exarata est, proponitur  
duplex tabula seu commentarius, seu, quod nos  
appellare solemus documentum publicum, ciuita-  
tis Heracleensis: alterum quidem ad agrum Dio-  
nyso seu Baccho sacrum spectans, cuius dimensio  
quadripartita proponitur, tum quantum sacri agri,  
huius dimensionis ope, Dionyso recuperatum fue-  
rit, cum a priuatis esset possessum, et quanti id  
iisdem locatum, qui priuatim antea possederant;  
hinc agri terminatio peragitur. Adiectum in fine  
instrumentum locati conducti agrorum Dionysi b).  
Alterum documentum, vt hac voce vtamur, ad  
agrum Palladi Poliadi sacrum spectat, cuius dimen-  
sione facta cum intellectum esset, quantum a priuatis  
possideretur, eam portionem recuperarunt totum-  
que agrum item publice locarunt finitores qui ad  
hanc rem publice erant constituti. De lege, quae  
in altera aeris parte, tanquam tergo, scripta est,  
iam supra ad libelli oram actum est. Illustratum  
est vtrumque monumentum docto commentario a  
Mazochio post Maiftarii, Maffei, et Conradi dili-  
gentiam.

b) Συμβόλη Διονύσιου χώρων.

gentiam. In priore itaque duplici tabula quae ad statum Heracleae publicum pertinentia animaduertimus, huiusmodi sunt.

Spartanorum instituto per Tarentinos tradito, magistratum habuere Heracleenses summum eumque annum *Ephorum* nomine, siue vnus siue plurium, quorum tamen vnus seu sorte seu ordine erat eponymus, cuius nomen actis praescriberetur c). Alius fuit, isque et ipse annuus, magistratus *Polianorum* d): quos Dio cum Praefectis vrbi comparat e); tum quoque *Scriba publicus* (Γραμματεὺς) ex more; commemoratur quoque Γαμέτρας, hoc est *geometra*; *finitoribus agrorum* (ὀρίσταῖς) additus; tum Σιταγέται, qui sub Polianomis rem frumentariam curabant, in certos annos, in lustrum scilicet, creati f).

Populum Heracleensem in tribus ac curias diuilitum fuisse manifestum fit; Spartanorum phylas et obas non male comparat Mazochius g). *Curias* certis *epiſemis* seu signis distinctas ac designatas fuisse probabile fit seu in clipeis seu in hermis ac cippis ante curiam positis; certe nominibus illa adiecta videmus, vt tribum Romae, demon Athenis. h)

Q 4

Comitia

c) v. tab. apud Mazoch. p. 145. p. 205.

d) v. p. 205. 219. 224.

e) Dio XLIII, 28. et 48.

f) v. tab. p. 208. 9.

g) Mazoch. p. 149.

h) Ita v. c. ΠΕ Καρύκειον Ἀπολλώνιος Ἡρακλήτω, h. e. Apollonius Heracleti f. ex tribu, cuius nomini initium erat ΠΕ, et ex curia, cuius insigne erat caduceus.

† *Comitia* erant *populi*, κατάκλητος ἀλία dicta i),  
 vt *comitia calata* apud Romanos; in iis agrorum  
 finitores creatos tabula docet.

Locationem conductionem agrorum publicorum fieri videmus in perpetuum, vt eniphyteus genus haberi possit, annua tamen mercedis pensione constituta et datis praedibus in quinquennium, h. e. in lustrum; cuius adeo usus non Romanis solis fuit. Praedes πρώγγυα (h. e. προέγγυοι, ἔγγυοι) τοῦ σώματος dicuntur; in quo habemus vetustum Romanorum morem, vt praes seu vindex, qui pro altero spondebat, et ipse corpus suum obligaret, quandoquidem creditori debitoris non bona modo sed et corpus obnoxium erat et in compedibus ac neruo teneri poterat; hinc illa saevitia creditorum in nexos, cui tandem obuiam itum lege Poetelia Papiria (V. C. 428.) qua omnes, qui bonam copiam iurarent, ne essent nexi, dissoluti, h. e. vt pecuniae creditae bona debitoris, non corpus obnoxium esset. Ita derogatum tabb. XII. legi.

Pensionem mercedis annuam fuisse paullo ante memorauimus. Quantum in singula iugera constitutum fuerit, subscriptum non est, summa tantum cum agrorum eorumque diuersi generis, arationis, vindemiae, pastionis, tum mercedis vniuerse apposita. Ex agris v. c. Dionysio sacris in annum redibant mercedis loco CCCCX medimni cum semisextario k). Soluta merces in frugibus et quidem

i) v. p. 154. et 260.

k)  $\frac{1}{2}$  medimni, κάρδιον appellabant, h. quatuor choenices, v. Mazoch. p. 134.

dem in hordeo, mense Panemo, qui cum Julio conuenire videtur.

Mensuram publicam habuere Heracleenses, vt ex tabula constat. Nec tamen genera ac nomina repetere vacat; copiose de iis egit Mazochius. At pecuniae signatae genera praetermittere non possumus. Praeter minas enim memoratos in tabula videmus νόμους ἀργυρίαι h. νόμους, numos D). Fuisse νόμους, qui Tarentinis quoque, forte et aliis Magnae Graeciae ciuitatibus frequentatus est, quarum tam drachmae partem, satis constat, *unum obolum cum dimidio m*), atqui is exaequat *sestertium numum* Romanorum n): quos adeo hoc numorum genus a Graecis ciuitatibus accepisse patet; intelligiturque inde etiam hoc, quod mirationem facere potest, cur Romani tam inaequali diuisione in duo et dimidium asses vsi sint; accommodanda scilicet erat argenti signandi et numerandi ratio ad morem Graecarum ciuitatum, quarum commerciis vtendum erat.

Multae genus, δίκαι τριακοσταῖαι, aliquoties in tabula memoratur; obscurum tamen est, quale illud fuerit. At illud manifestum est, a Lacedaemoniis accepisse multa Heracleenses etiam in sermone ac verbis singulis, quorum forma omnino est Dorica. Inprimis notatu dignum, quod mensura nomina, quae vulgo pro Macedonicis habentur, Dorica et Laconica fuisse ex hac tabula intel-

Q 5

ligitur

f) v. p. 216.

m)  $1\frac{1}{2}$  oboli.

n)  $2\frac{1}{2}$  assium, mox quatuor assibus aestimatum.

ligitur, in qua Panemus, qui cum Julio, et Apellaeus memoratur, qui cum Decembre comparari solet o).

Iam ex his haftenus disputatis intelligi potest illud quoque: in tenuibus quamuis antiquitatis reliquiis, quandoquidem integra nobis tam pauca servavit fortuna, reperiri posse multa, modo sit qui callide inquirendi artem teneat aut otio abundet.

Enimuero ne sermonem nimium producendo molesti simus, progrediendum nunc est ad id, cuius causa suscepta est tota haec commentatio. Indicenda a nobis sunt publice in diem crastinum sacra academiae nostrae anniuersaria, quandoquidem propitio numine ea nobis contigit felicitas, ut re publica salua et incolumi illa redeant. Praedicanda habemus diuinae indulgentiae munera multa et singularia, quorum interpretem audietis academiae oratorem, rhetorices professorem,

CHR. G. HEYNE,

cui prouincia haec orationis habendae ex more est tradita, in qua pauca praemittet ad nobile illud Ciceronis dictum: *neminem virum magnum sine aliquo afflatu diuino unquam fuisse p*). Inter reliqua quae  
prosperum

- o) Alla omittimus, quae propter Dorismum notatu digna sunt. *Φλυττα* pro anrigationis loco habebat ex loco Pindari et eius Schol. male accepto (Olymp. VI, 37.) Mazochius; sed causam ipse mox deseruit; nam *παρ τὰ Φλυττα* sunt *παρὰ τὰ τοῦ Φλυττου* sc. *χρήματα*. Ita et *τὰ τῷ Ἡρωίδῃ* et *τὰ Ἡρωίδῃ* de agro Herodae alicuius accipienda sunt.

- p) Cic. N. D. II, 66.



---

prosperum rerum et secundum cursum declarare possint, munificentiae regiae genus publice commemorabit, cum Indulgentissimi nostri Regis imaginem ex marmore perquam affabre elaboratam, academiae dono miserit publico loco in bibliotheca Regio - Academica ponendam, Regina SOPHIA CHARLOTTA, dulcissimum ciuibus, et orbi terrarum carissimum nomen; vt adeo munus per se splendidum mirum quantum splendoris ex duplici dote habeat, quod et ab Optima Regina profectum et Optimum Regem ad viuum expressum exhibet. Quae nostra sollennia, cum ipsa pompa, quae ad templum academicum ducetur, vt Comites illustrissimi, vosque genere, et, quae generis splendore potior habenda, indole et ingenio ac morum honestate, ornatissimi Ciues, vestrae frequentiae tanquam luce fulgeat, hac ipsa tabula proposita nostrisque precibus humanissimis efficere volumus. P.P. in Georgia Augusta d. XVI. Sept. c1o1occlxxvi.

---

Commilitones, laudi ac praeconio vestrae virtutis ut cedat aequum est, cum, pro semestri magistratu, quem lex mandare solet, continuati per sesquialterum annum fasces declarent saltem hoc, vestrum obsequium, vestramque observantiam ac modestiam fuisse tam eximiam; rerumque nostrarum statum difficultatibus et molestiis, quae turbidorum ingeniorum et inutilium civium fraude creari plerumque solent, tam parum impeditum ac vexatum, ut nihil esse videretur, cur aut eum, qui magistratum summum academicum gereret, honoris mandati poeniteret, aut summi rerum nostrarum Curatores onus hoc ab his humeris; qui illud sustinebant, amouendum esse censerent. Saltem curae nostrae ac vigiliae tam felices habuere successus, ut res florentes ac validae tradi possint ei, qui nunc in magistratus vices more ac lege est successurus. Transferentur enim die crastino fasces academici in domum Viri Experientissimi omnique humanitatis laude florentissimi,

#### ERNESTI GODOFREDI BALDINGERI.

Cum de studiis vestris, Commilitones, in Virum vestro amore vestraque observantia dignissimum iam satis constare arbitremur: certam et exploratam fouemus spem, fore, ut vos laudem praeclare partam tueri, legumque obsequium ac vitae officiique sanctitatem praestare tanto magis cordi curaeque habere velitis, quo turpior esse solet laudis, quam semel assequuti eramus, amissio, retinendae contra pertinacia honorificentior et gloriosior.

Cum

Cum interea, ut studia vestra acuamus, Ciues, in hac ipsa tabula, in qua, ut crastino die faustis noui magistratus auspiciis frequentes adesse velitis, edicimus, de re aliqua docta et ad communia studia spectante, nonnulla praefaminis loco disputare mos ac lex iubeat: pertexere placet telam, quam aliquoties abruptam iterum conglutinatam retractauimus, de rebus publicis per Magnam Graeciam earumque institutis ac legibus, eamque aut conficere nunc, aut, si res minus ita fert, prorsus seponere constituimus.

Substitit nostra inquirendi et inuestigandi sedulitas in *Dorici generis* coloniis, et quidem in *Tarentinis* eorumque colonis *Heracleensibus*. Superest itaque, ut adiiciamus ea, quae de ceteris Doricae stirpis ciuitatibus erui possunt. Recensebimus autem haec omnia breuiter et strictim, ut ne, dum singula nimis diligenter persequimur, aut rerum summa e manibus elabatur, aut ad legentium tedium protrahatur oratio \*).

A *Lacedaemoniis* ductos vidimus *Tarentinos*: cum profecti essent in ea loca Partheniae iam sub Ol.

XVIII,

\*) In vrbibus Siciliae curiosius et copiosius illustrandis eo minus operam nostram collocamus, quo notiora haec sunt et aliorum opera tractata: inprimis Cluverii, d'Orvillii, praeter scriptores e popularibus. In prolegomenis Principis Castelli ad Inscriptt. Siciliae iterum loca Thucydidis et Scymni Chii exscripta et apposita sunt. Itaque nec numis diligenter enotandis laboramus. Nam propositum erat ea persequi, quae obscura, aut neglecta, aut minus subtili iudicio videbantur esse exacta, ita ut, quid inde confici et intelligi posset, non esset animaduersum.

XVIII, 2. a. C. 707. Tarentinorum colonia fuit *Heraclea* sub Ol. LXXXVI, 4. et a. C. 433 deducta.

Altera coloniarum Doricarum stirps a *Corinthis* fuit oriunda. Corinthus enim, etsi initio ab Aeolibus esset habitata, reditu tamen Heraclidarum in Peloponnesum facto, ab Alete occupata Doricibus cessit (Thucyd. IV, 42. Pausan. II, 4. p. 120) circa 1100 a. C. cumque regibus ab eo ortis aliquamdiu paruisset, in Bacchiadarum potestatem venit a. C. 779. ut regeretur Senatu CC virorum ex ea gente constituto. Successit Cypselidarum dominatio Ol. XXX, 2, a. C. 659. eaque deiecta (a. C. 584. Ol. XLIX, 1. Lacedaemoniis opitulanti- bus, ut ex Plutarcho Opp. To. II. p. 859. D. assequi licet) populare imperium est constitutum a). Iam hoc

- a) Phidonem laudat Corinthium vnum ex antiquissimis legumlatoribus Aristoteles de Rep. lib. II, 6. p. 240 H. ed. Genev. nec tamen temporum notatione adiecta vlla. Potuit adeo alterius ciuitatis esse quam Corinthiorum; potuit etiam commentari tantum de legibus. Phidon Cumae Aeolidis legislator proditur in fragm. Heraclidis (p. 22) Φείδων, ἀνὴρ δόκιμος, πλείους μετέδωκε τῆς πολιτείας νόμον θεὸς ἐπανάγκας ἕκαστον τρέφειν ἵππον. Προμηθεὺς δὲ τις, ἀνὴρ δραστήριος καὶ ἱκανὸς εἰπεῖν, χιλίοις παρέδωκε τὴν πολιτείαν. Nam Phidon Argis ab Aristotele in πολιτείας memoratus ap. Polluc. X, 48. esse vix potuit; is enim fuit idem, qui tyrannidem occupauit: Aristot. de Rep. V, 10. p. 538. C. Etsi et inter hos fuere, qui bonas leges conderent: exemplo est apud ipsos Corinthios Perian- der: cuius leges haud malae recensentur in Heraclidis fragm. p. 16. Summam probabat omnium bonorum aequalitatem, adeoque multo magis agrorum portio- nes sequas, quae libertatis in statu populari fundum facere videntur.

hoc idem reip. administrandae genus in coloniis Corinthiorum seruatum esse ex more probabile fit, aristocraticum quidem in antiquioribus, democraticum autem in serioribus; temperatum tamen et circumscriptum; vt vel ex Plutarcho colligas in Dione p. 981. D. Posuimus autem annos ex vulgari computandi ratione, cuius fundus est Euseb. et Aristot. Rep. V, 12.

Ceterum coloniarum numero felix fuit Corinthus. Praeter Corcyram enim, Epidamnum *b*), Leucadem, Anactorium, Ambraciam, fuere extra Graeciae fines aliae, quarum nobilissimae *Syracusae*, ab Archia ex Heraclidis oriundo deductae, paullo post Naxum a Chalcidensibus conditam, adeoque anno tertio Ol. V. seu, quod melius ad Thucydidis rationes constituas, Ol. XI, 2. *c*) [Thucyd. VI, 3.]; nec facile vno eodemque anno absolui potuerunt urbium condendarum primordia. Dorici generis ac sermonis fuisse Syracusas, inter omnes constat. Assumerat etiam Archias alios Dorienfes, qui ad promontorium Italiae Zephyrium adhaeserant. (Scymnus Chius v. 277 sqq.) *Δωριζάν* autem Syracusanis fuisse domesticum, vel ex nobili Theocriti loco teneri potest (Id. XV, v. 91-93). Varius fuit reipublicae status: aristocraticus quidem ab initio; id quod colligimus ex Herodoto (lib. VII, 155).

*b*) Epidamniurum legem laudat Montesquieu lib. IV, 6. ex perperam accepto Plutarchi loco, quem inuenias To. II. opp. p. 297. E.

*c*) a. C. 735. De his satis copiose actum a viris doctis ad Marm. Arundel. tum a Dodwello et al. cf. Simson. Chronlc. 3272. Causa autem Archiae in coloniam profecti a flagitio ducta erat: v. Diodor. Exc. T. II. ed. Weß. p. 548 extr. et ibi Weßel.

155). Cum plebs aduersus optimates turbas concitasset \*); Gelo rex est constitutus circa Olymp. LXXII, 2. a. C. 491. Succedere fratres Hiero et Thrafybulus; quo eiectione popularis status restitutus (Diodor. XI, 68.) Ol. LXXVIII, 3. (a. C. 466.) varias habuit vicissitudines, cum vix vnquam deessent, qui regnum affectarent: inter quos reginam Philistidem fuisse numi docent. Emendatus ciuilis status mox Diocle leges ferente Ol. XCII, 1. a. C. 412 †); cumque eum magistratus fortito legendos constituiſſe audiamus, ad popularem eum formam procliuiorem fuiſſe probabile fit (v. Diodor. XIII, 34. 35. cf. Aristot. de Rep. V, 4. p. 522 E. qui differte ait, politiam in democratiam eſſe mutatam.) Nec tamen valuit legum vis aduersus malas Dionysii artes, quibus ille paullo poſt tyrannidem eſt conſequutus Ol. XCIII, 3. a. C. 406. (Diod. XIII, 96). Cum Dionysio iuniore eiectione ſeditionibus, inter quarum cauſſas refert Ariſtoteles de Rep. V, 3. quod peregrini et mercenarii milites ciues facti erant, modum ſtatuerere nequirent Syracuſani, ad Corinthios, tanquam ad parentes liberi, conuerſi precibus ſuis impetrarunt, vt Timoleon mitteretur  
Ol:

\*) Forte ea de cauſſa, quam Ariſtoteles refert de Rep. V, 4. pr. vt doceat, verti reſp. interdum paruis de cauſſis.

†) De his legibus haec ex Diodoro conſtant: fuiſſe poenas improbitatis conſtitutas acerbiffimas, definitas tamen curioſe, et ex merito cauſſae. tum eas breuitate orationis et obſcuritate laboraſſe. *ἔστι δὲ κατὰ τὴν λέξιν σύντομος, καὶ πολλὰν τοῖς ἀναγινώσκουσιν ἀπολιπὼν ἀναθεώρησιν.*

Ol. CVIII, 3. a. C. 346. qui popularem reip. formam ad Dioclis maxime legum exemplum restituit: Cephalo vsus Corinthio, viro docto ac prudenti (v. Diodor. XIV, 70 et 82.) „Priuatorum quoque contractuum iura et cetera diligenter ordinans, in hoc maxime operam dedit, vt aequalitatem instauraret.” Haec quidem maxime ad Dioclis exemplum; at quae ad reip. administrationem pertinebant, ea de suo iudicio constituit.” Nouis iterum seditionibus vexata ciuitas Agathoclem regem accepit Ol. CXV, 4. a. C. 317. Recruduerunt turbae post eius mortem, arcessito quoque in Siciliam Pyrrho rege, donec Hieroni summa rerum tradita est Ol. CXXVII, 4. a. C. 269. quo tempore Polydorum aliquem veteres Dioclis leges, propterea *quod prisca lingua conscriptae difficiles intellectu essent*, retractasse constat (v. Diod. XIII, 35). Possunt utique leges nonnullae et instituta Syracusanorum memorari, sed vt plerumque difficile dictu sit, ad quod tempus et ad quem auctorem ea sint reuocanda d). Sufficiant hae tanquam lineae ductae eorum, quae de hac ciuitate singulari libro essent exponenda.

Condide-

- d) v. c. apud Athen. XII. p. 521. B. *ne feminae auro, florido colore et purpura uterentur, nisi quae se scortorum loco esse profiteri vellent* (similem supra in Lorensum legibus vidimus p. 33. 34.) Cum e Phylarchi historiis petitus sit is locus, qui res Syracusanas a Pyrrhi inde discessu erat exorsus; incertum fit, an ex superioribus temporibus res retracta fuerit. Luxu autem et ipsi Syracusani infames fuere: v. c. Athen. XII. p. 527. C. quod tamen ad tyrannorum tempora spectare videtur.

Condiderant autem Syracusani et ipsi colonias in australi insulae parte (Thucydide auctore VI, 5.) *Acras*, LXX annis post Syracusas conditas, adeoque Ol. XXVIII, 4. a. C. 665. et XX annis post, adeoque Ol. XXXIII, 4. a. C. 645 *Casmenas*; tandem anno a Syracusis conditis CXXXV *Camarinani*, Ol. XLV, 1. a. C. 600. Euerſa eſt Camarina, quoniam obſequium detrectauerat, ab iſſis conditoribus annis XXXXVI poſt (hoc eſt Ol. LVI, 3. a. C. 554.), vt e Scymno diſcimus (v. 293, 4. 5.). Iterum eam condidit Hippocrates Gelae tyrannus (paullo ante Ol. LXXII, 3.) ſed et hac a Gelone euerſa, deducta eſt paullo poſt colonia tertia (v. Thucyd. l. l. Herodot. VII, 154-156.) iterum auſta ſub Ol. CX, 2. (Diodor. XVI, 82. extr.). Omittimus in hoc cenſu vrbes ſerius ciuibus frequentatas, vt Timoleontis opera ſub Ol. CX, 2. Agyrinam (Diod. eod. loco).

*Megarenſes*, qui et ipſi inter Dores fuere, *Hyblam* ſeu *Megara* condidiſſe, ſub ea ſtatim tempora, cum Naxus a Chalcidenſibus habitari coepiſſet, adeoque ſub Ol. XI. e Scymno colligimus e). *Hyblaeos Megarenſes* intelligendos eſſe manifeſtum fit; et diſertior eſt in eam rem Thucydidis locus (l. VI, 4.), in quo eos conditos ait eſſe annis CCXXXXV antequam a Gelone Syracuſano moenibus expellerentur, id quod ad Ol. XI. calculos reuocat. Lamiſis, qui Megaris in Atticae finibus coloniam adduxerat, primo Trotilum tenuerat, cumque Leontinos mox conceſſiſſet, inde eiectus, Thapſium

R 2

condi-

e) Scymnus v. 276. Οἱ Χαλκιδεῖς κτίζουσι Νάξον· οἱ Μεγαρεῖς δὲ τὴν Ἰβλάν.



condiderat: qua post eius mortem relicta, digressi erant illi qui Megara inhabitant. Habemus itaque et *Thapsum* inter ciuitates Doricae originis. Syracusanorum ditioni eam mox subiectam fuisse vicinia urbis credere iubet.

*Rhodiorum* coloniae non minus ad Doricum genus sunt referendae: nam Rhodios et Dorica stirpe fuisse ortos et Dorice loquutos nota res est. Fuit ex hoc genere *Gela*, quam annis a Syracusis conditis XXXXV (Ol. XXII, 3. a. C. 690) deduxere Antiphemus Rhodo et Entimus Creta colonis adductis (v. Thucyd. VI, 4. Herod. VII, 153. Scallig. ad Euseb. p. 80.). Dorica instituta, eam tenuisse Thucydides disertè tradit f). *Gela* profecti sunt CVIII annis post, (Ol. XLIX, 3. a. C. 582.) qui *Agrirentum* condiderunt, Aristonous et Pythilus. Impertita iis eadem instituta Dorica g). Ex *Agrirentinorum* rep. vnum hoc habemus, quod Pollux IV, 174 et IX, 80. ex Aristot. tradit, XXX λιτρῶν, quae totidem oboli sunt, multam apud eos fuisse. *Gelae* resp. in Aristotelis πολιτείαις fuit, ut fere plerarumque ceterarum ciuitatum: quae si superessent, melius nobis de causis constaret, cur nulla earum fuit, quae non tyrannos suos aliquando nata esset; etsi facile intelligitur, in omni rep. populari, etiam optime temperata, si opulentia partis alicuius ciuium,

f) Thucyd. VI, 4. νόμιμα δὲ Δωρικὰ ἐπέθην αὐτοῖς. de iis v. ad Pindar. Pyth. I, 118.

g) Thucyd. VI, 4. add. Scymnus 291. Itaque apud Agrirentinos religio Iovis Atabyrii erat a Rhodiis deducta. Polyb. IX, 21. Fertilitatem agri et ex ea diuitias et luxum praedicant Polyb. et Diodor.

ciuium, aut certae classis opes inualuere, necessario ad oligarchiam et tyrannidem res se inclinare. In Italia Rhodiorum colonias memoratas legimus *Parthenopen* et *Salapiam* in Apulia *h*).

Sed

- h*) Hanc Elpias cum Cois condidit: Strab. XIV. p. 967 B. Congessit pleraque quae huc faciunt Meurf in Rhodo I, 18. nec tamen vbique satis subtiliter. Difficultatem haud paruum facit Rhodiorum colonia modo circa Sirin fl. modo circa Sybarin fl. memorata. Loca sunt ap. Strabon. VI. p. 405 C. XIV. p. 967 B. et Mirab. Audit. c. 115. Quae ex his locis colligimus, haec sunt: fuisse qui traderent, Rhodios ad loca circa Sirin accessisse et ibi urbem Sybarin tenuisse, quam alii cum Sybari fl. et vrbe Sybari ad eum sita, adeoque ab altera illa diuersa, permutarunt; repetita narratio ex erroribus Tlepolemi, qui occiso Lycymnio Argis fugerat, et post varios errores, quos poeta aliquis ornasse et amplificasse videtur, Rhodum appulerat: v. Apollod. II, 8, 2. et Not. Adscribemus loca: et primo quidem ex Mirab. Audit. 115. Philocteten sepultum esse ad Sybarin fluuium: βοηθήσαντα Ῥοδίοις τοῖς μετὰ Τηλεπόλεμου τοὺς ἐκεῖ τόπους ἀπονεχθεῖσι, καὶ μάχην συνάψαι πρὸς τοὺς ἠνοικιστὰς ἐκάλουν τὴν χαίρην. Iam Strabo XIV. p. 967 B. vbi de Rhodo: Ἦναι δὲ τῶν Ῥοδίων καὶ περὶ Σύβαριν ᾤκησαν κατὰ τὴν Χανίαν (vt legendum pro Χαονίαν. nam Chones cum Oenotriis loca inhabitauerunt: conf. Prolus. XIII. e). Tertius locus. ap. Strab. VI. p. 405. C. impeditus est: Egerat de antiqua vrbe Siri: Τινὲς δὲ καὶ Ῥοδίων χρίσμα φασι καὶ τὴν Σερίτιν καὶ τὴν ἐπὶ Τεύθραντος Σύβαριν. Quae si sic accipiuntur vt sint: „Quidam et Sirinidem et Sybarin ad Teuthrantem Rhodiorum colonias faciunt,, ab omni rerum fide abhorrent; nec Teuthras fl. notus est in his locis. Sed pro Σερίτιν probabile sit legendum Σερίν l. Σέρην, nam vtrumque vsus fert; cum τὴν ἐπὶ Τεύθραντος Σύβαριν intelligere licet *coloniam auctore ac duce Teuthrante Rhodio conditam*: vt adeo narratum esse necesse sit, „Sybarin et ipsam aliquando a Rhodiis conditam fuisse,, Liceret forte cogitare de altera Sybari inter Hydruntem

Sed et *Messanam* ad Doricum genus spectasse necesse est, ex quo Messenii eam occuparunt: cum antea, Zancle dicta, Chaleidicae stirpis fuisset (v. inf.). Eius colonia fuit *Pyxus*, seu *Buxentum* in Lucanis (Strabo VI. p. 388. A. B.) sub Ol. LXXVII, 2. a Miccytho deducta: Diod. XI, 59 extr. Etiam *Tyndaris* in Sicilia Messenios colonos habuit (Diod. XIV, 78.).

Tandem commemoranda *Lipara* insula, quam colonia a *Cnidiis* deducta infederat (vid. Scymnus 261. 2. Diodor. V, 9. Strabo VI. p. 422. B.).

*Locros*, de quibus suo tempore egimus \*), an inter Dores referre liceat, dubitari potest. Nam Locri, a quibus originem habuere, Aeolicae stirpi annumerandi sunt. Dorico quidem sermone eos vfos esse docuit Bentleius †). Sed Aeolicum genus plerumque in Doricum sermonem et instituta abiisse, etiam alijs exemplis obseruasse nobis videmur; et adhaeserant Locris Epizephyriis aliquando coloni ex Lacedaemoniis, Polydoro regnante, adeoque

tem et Brundisium sita, quam Pausan. II, 19. p. 409. narrat posthaec *Lupiam* dictam. v. sup. Prolus. VII. extr. not. x). Ita coniciat aliquis ἐφ' vel ἐπὶ Τόρουντος Σύβαριν in Strabone fuisse scriptum. Verum hoc est hariolari; nec quicquam hinc efficitur, cui satis firmiter insistas. Paullo ante haec Strabonis verba locus ille καὶ τὸ τῶν Τρωάδων — δυνατόν ὃν male inculcatus est e margine et retrahendus ad p. 402. vbi de mulieribus Troianis, quae naues combussiere, agebatur.

\*) sup. p. 46 sq. et an inter Dores referendi sint p. 48. 49.

†) *Diff. upon Phalaris*. p. 355-58.

adeoque a. C. 724. i). A Locris conditus in ad-  
verso Italiae littore, quod ad occidentem spectat,  
*Hippo*, quem Bruttii, qui occupauerant, ademtum  
Romani *Vibonam Valentiam* nuncuparunt (v. Scymn.  
307. Strab. VI. p. 393 C.). Etiam *Medma* a Locris  
condita (Scymnus ibid. et Strabo p. 394 B.)

Doriensibus annumeranda est, si Solinum *k*)  
audimus, *Posidonia* seu *Paestum*, quod, non tam  
inuentis, quam diligentius inspectis ruinis, a viginti  
inde annis clarum nomen habet. Grauior tamen  
est Scymni Chii auctoritas *l*), tum expressa Strabo-  
nis *m*), qua Sybaritis Paesti primordia tribuuntur,  
vt adeo in Achaica stirpe illa relinquenda sit. Sane  
Dorici sermonis vsum fuisse Paestanis numi docent,  
in quibus ipsum eorum nomen Dorice, etsi mira  
cum varietate, scribitur; potuit tamen sermo Do-  
ricus serius adscisci, potuit esse communis Achaeis,  
quorum sermonem aliunde parum cognitum habemus,  
etsi eum Dorico propiorem fuisse, multa  
persuadent vt credamus; tum vero iis, qui Sybarin  
condiderant, adiuncti fuere Troezenii: iam autem

R 4

Troezen

i) Pausan. III, 3.

k) Solin. c. 2. *Paestum a Doriensibus, sc. constitutum.*

l) v. 245. ex certissima Salmasii emendatione: ἤν φασί  
Συβαρίτας ἀποικίσαι πρὸς, cum Συμβαρίτην vel Συμ-  
βαρίτας ante legeretur.

m) Strabo V. p. 384. cuius verba male a Mazochio Tab.  
Heracl. p. 409. post alios vexata sic accipi debent ex  
sermonis vsu et lege: „Sybaritas ad mare ab initio  
locum munisse, inde colonos mox ad interiorum lo-  
cum se contulisse, scilicet eundem, quem Posidonia  
condita occupabat. Postea Lucanos urbem in potesta-  
tem suam redegit, iisque eam ademtam esse a Ro-  
manis.,,

Troezen in Dorum potestatem sub Heraclidarum reditum venerat. Retinuere iidem Sybaritae a Troezeniis Neptuni religionem, quam Paestani quoque in numis seruare, Neptuno fere tridentem in iis iaculante expresso. Quo tempore Sybaritae Posidoniam antea a barbaris habitatam munierint, non constat; citra Ol. LXVII, 2. 3. a. C. 510 tamen primordia urbis retrahi nequeunt \*). Artibus eam et opibus floruisse declarant ipsae ruinae et numi. Reliqua de ea ciuitate paucis persequi non pigebit n). Non constat quo tempore Posidoniam sub Lucanorum ditionem cesserit; etsi celsisse satis constat: Strabo VI. p. 390. 1. Nondum *Lucani* haec loca infederant tum, cum Graeci oram Tarentini sinus occuparent: id. p. 388 C. Verum Samnites, cum nimis laetis sobolis incrementis florent, misere qui ab orientali Silari fl. parte agros insiderent (ibid. p. 389 A.) Oenotris seu Chonibus expulsis; adeoque nec Graeci tum in interiora terrae versus occidentale Italiae inferioris littus processerunt.

Circa

\*) Ante L. Olympladem conditam esse, contendit d'Hancarville ex formis in numis p. 194 5. 6. T. IV. *Vasi Etruschi* et in *Recherches* l. c. p. 463 sq. argumento nimis incerto et lubrico.

n) Il, qui fecisse otium videri debebant, errorum et commentorum plurimorum profligandorum taedium reliquerunt, auctores, inquam, qui de ruinis Paestanis egere, inprimis *Th. Maior*, et is, quem sequutus est, *Mazochius* in tabb. Heracl. Collectan. I. p. 507 sqq. tum *Gosse* Paest. Orig. et, qui omnes multis parafangis antecedere videri voluit, *Paulus Antonius Paoli* in Dissertationibus Paestanis. Actum est de hisce scriptis diligenter in *Recensibus litterariis Göttingenf.*

Circa Ol. LXXXV, 3. ante C. N. 438. V. C. 316. Samnites Campaniae fines adorti Etruscos colonos expulere; forte inde latius progressi finitima obsederunt. Cum Romanis nihil ipsis fuit ante V. C. 428. ante C. 326 \*) Liv. VIII, 25. Enimuero Graecas ciuitates Lucani iam sub Ol. XCVI, 4. ante C. N. 393. coepere vexare, inde hae communi adversus eos foedere iungi: Diod. XIV, 91. dum Dionysius, earum libertati imminens cum Lucanis foedus faceret Ol. XCVII, 3. ibid. c. 100. hinc Lucani in Thuriorum fines excurrere, et eodem anno praelio facto magna clade Graecorum copias afficere (c. 101. 2.). Ab his itaque temporibus magnum fuit *Lucanorum* nomen \*\*); et tum factum probabile fit, vt Posidoniam cum aliis Graecis ciuitatibus, vt Velia, occuparent. Nec tamen Graecae litterae et artes statim videntur esse abolitae; nisi forte inter bellorum tempestates †). Lucani enim finitima armis aggressi vltra Crimisam et Metapontum excurrerunt. Interea Lucanorum fugitivi *Bruttii* latrociniiis audi in populum coaluerant: Diod. XIV, 15. Ol. CVI, 1. a. C. 356. Vt Lucanorum viribus

R 5

resistere-

\*) Pessime Lucanorum cum Romanis foedus retrahunt ad V. C. 396. e loco Polybii II, 24. qui ad V. C. 529. spectat.

\*\*) Lucani, *Λευκάνοι*, populari rep. vfi; magistratibus constitutis, a quibus, si bellum esset, Imperator prodi solebat Strab. VI, p. 391. A. cf. Liv. X, 18. Regem Lamiscum narrat Heraclides in fragm.

†) Pythagorae tamen aetate omnia haec posteriora sunt; nec Ocellus Lucanus esse potuit, si eius aequalis fuit; siquidem Pythagoras diem obiit Olymp. LXVIII vel LXIX. Anteuertit quoque Lucanorum tempora Parmenidis et Zenonis aetas.

resisteretur, accitus fuit in Italiam Alexander Molossus Ol. CXII, 1. ante C. 332. cui escensionem facienti in littore Paestano obuii facti Lucani cum Samnitibus victi sunt: Liv. VIII, 17. add. c. 24. v. Froelich. reg. vet. num. p. 32. Vt ne ea, quae Pyrrhus cum Lucanis gessit, aut arma cum Romanis collata, attingam, illud vnum memorabo, Romanos bello Samnitico ac Tarentino simul de Lucanis ac Brutiis triumphasse, victores in captam Posidoniam coloniam deduxisse V. C. 481. C. Fabio Dorfone et C. Claudio II. Coss. Liv. Epit. 14. Vellej. I, 14. Inde sub Romanorum ditione omnia sic coaluere, vt nec Graecos, nec Lucanos, Bruttios, Samnitesque, his in locis discernere liceret: Strab. VI. p. 389. C. Posidoniam iam circa a. ante C. N. 300. Ol. CXX. *ἰσθαυροῦσαι*, et sermonem cum institutis Graecis exuisse, Aristoxeni philosophi Tarentini querela constat apud Athenaeum XIV, 7. D. De Lucania spissius est liber *Iosephi Antonini de S. Biae*.

Numerosa est coloniarum familia *Chalcidici generis*, Chalcide Euboeae oriunda. Ab hac enim coloniae fuere deductae plurimae, cum aliis in locis, imprimis in Macedoniae parte, quae olim Thraciae accensebatur o), tum in Sicilia, Theocle quidem duce, ea, quam omnium, quas recitat, vetustissimam appellat Thucydides (lib. VI. c. 3.), *Naxus*,  
anno

o) Ex his maxime insignis erat Chalcis, cuius legumlatorem Androdamantem Rheginum laudat Aristoteles de Rep. II, 12. (10) extr.

anno ante Syracusas conditas *p*) proximo (Thucyd. I. I. Scymnus 271. etsi Eusebii Chronicon tres annos interponit). Iidem Chalcidenses, Theocle duce, quinto a Syracusis conditis anno, *Leontinos* (Thucyd. VI, 3. Scymnus 282.) et postea *Catanam* condiderunt (Thucyd. ibid. Scymnus 285).

Antecesserunt tamen hanc ipsam Naxum *Cumae* in Italia, quarum origines ipsam Ionicarum et Aeolicarum coloniarum in Asiam deductionem exuperant; Strabo quidem (lib. V. p. 372. B.) omnium Sicularum et Italicarum coloniarum vetustissimam appellat. Conditores erant alter Hippocles Cumis Euboeae, alter Megasthenes Chalcide oriundus *q*). Ex Eusebianis calculis profectio assignatur anno a. C. 1050. supputo subtiliore facile reuocanda ad a. C. 1031. Accessisse tamen Aeolenses ex Scymno. discimus v. 238. Magnas illa ciuitas adepta opes, maritimas imprimis, Etruscos quoque nauali praelio vicit Ol. LXXVI, 3. ante C. N. 474. luxu mox et ipsa infamis v. Athen. XII. p. 528. E. Rempublicam inter optimates et populum aequa libertate

*p*) Adeoque Ol. XI, 1. quo ducit Scymnus egregie a Cluverio in Sicil. p. 95. restitutus. Nam XV γενεαι XXX annorum singulae, conficiunt 450 annos. adeoque ducunt ab a. 1184 ad annum a. C. 734. Eodemque reuocanda est Strabonis lectio lib. VI. p. 410. A. qui ex Ephoro sua petiit.

*q*) Non necesse nunc est cetera persequi imprimis post Scaligeri ad Euseb. Cluverii, Simsoni, Martorelli diligentiam: cf. ad Virgil. Aen. VI. pr. Apud Aristot. Mirab. Audit. c. 97. Cumae a Lucanis (Λευκανῶν corruptum in Λευκαδίων) occupatae dicuntur. Sed est ea lacinia ab alia manu adfuta.



tate temperatam fuisse satis constat: vel ex iis quae de tyrannis, qui illam sustulerant, memorantur: v. Dionys. Halic. VII, 3. 5. et al. Capta vrbs a Campanis V. C. 334. ante C. N. 420. Cum quibus illa per deditionem in Romanorum fidem venit V. C. 409. ante C. N. 345. Data Cumanis ciuitas, primo tamen sine suffragio: V. C. 416. ante C. 338. Liv. VIII, 13. facti mox municipes V. C. 539. ante C. 215. Liv. XXIII, 31. Memorabile est quod ad an. V. C. 574. a. C. 180. memoratum ap. Liv. XL, 42. *Cumanis eo anno petentibus permissum, ut publice Latine loquerentur et praeconibus Latine vendendi ius esset.* Lucem mutuam dat et accipit Vellej. I, 4. *Cumanos Ofsa mutauit vicinia* scilicet iam antea sermonem Graecum cum barbaro commutauerat; nunc in Romanum abiit. Tandem ab Augusto colonia deducta.

Cumarum colonia nobilissima *Neapolis*: adscripti mox alii Chalcidenses (Strabo V. p. 377. A. adde Scymnum v. 251.). Diuersa autem vrbs habuit et diuersis temporibus repetita primordia, diuersa quoque nomina *Parthenopes* et *Palaepoleos*. Itaque mirum non est, si Phocaeensibus et Massiliensibus origines vindicat Scymnus (v. 246.) et Rhodiis Stephanus Byzant. Nam Parthenopen Rhodii condidisse ferebantur *qq*). *Palaepolis* stolidae sollicitatis Romanis bello petita in eorum ditionem venit V. C. 428. ante C. 326. Liv. VIII, 22. *Neapolis* autem, in qua Campani recepti cum Graecis

*qq*) v. Strabo XIV. p. 967. A. Hinc arbitramur rationem reddi posse, cur in antiquo apud Eckhel. V. C. Sylloge I. tab. I. numo *Neapoleos* inscriptum sit *Dorice Neopolιτας*.

cis coaluerant, (Strabo VI. p. 377. A.) ciuitas facta Romanorum foederata: v. Liv. ibid. et XXXV, i 6 quae inter omnes ciuitates Italiae plurimum Graeci instituti retinuit: Strabo l. c. Vellej. I, 4. (vbi *illis* legendum esse facile patet). Municipium Romanorum aliquando esse coepit, e lege Julia: Cic. ad Div. XIII, 30. Agrar. II, 31. pro Corn. Balbo 24. et 8. tandemque colonia Augusta facta, nec tamen citius quam sub Antoninis. Haec forte tenere malis quam somnia Martorellii persequi (in *gli Euboici Secondi Abitatori della Città di Napoli* T. II.) Permixta bona et mala dedit Mazochius in Calendar. Neapol. meliora Ignarra de Palaestra Neapolit.

Nauale Cumaeorum *Dicaearchio*, Romanis Puteoli, a Samiis conditum narrabatur, Ionicae adeo originis, circa Ol. LXIII. Facta est Romanorum colonia sub tempora belli Hannibalici, Strabo VI. p. 376. A.

Ab his ipsis Cumis *Zancle* ducta, adeoque et ipsa Chalcidicae originis ciuitas. Nam ex Cumaeis nonnulli, qui maritimas praedationes egerant, escensione facta ibi confederant; accesserant mox Chalcidenses et alii Euboeenses (Thucyd. VI, 4.). Eos expulere Samii alique Iones, qui Medos fugerant (adeoque post Ol. LXX, 3. a. C. 492.) iis eiectis submissi ab Anaxilao Rhegino conuenae: nomen vrbs nacta est Messanae a Messeniis r), et nunc

r) Haec Thucyd. VI, 4. De Samiis add. Herod. VI, 22. 23. VII, 164. Aristot. de Rep. V, 3. p. 520 C. Quae hic ex temporum rationibus difficultatem faciunt, molestiora sunt, quam vt hic repeti et expediri possint: vt Pausaniae

nunc Doricis ciuitatibus annumerata (v. sup. p. 262) Ol. LXXI, 4.

Zancles colonia fuit *Himera* (Thucyd. VI, 5), etsi in eam adscripti erant Syracusani exules: vnde et lingua ex Dorica et Chalcidica mixta; obtinuerant tamen instituta Chalcidica (ibid.). Nec aduersatur, quod Mylarum colonos Himerenfes prodit Strabo (VI. p. 418. C. adstipulante Scymno 285-8). Fuere enim *Mylae* a Zancleis et ipsae deductae; *Eubota* vero a Leontinis: (Strabo VI. p. 419. A.). Vtraque certe Chalcidica, vna cum *Callipoli*, quae a Naxiis fuit deducta (v. ibid.). *Tauromenium* quoque iuxta ipsam Naxum excisam conditum inter Chalcidicas ciuitates numeratur a Scymno (v. 288. add. Diod. XIV, 59. XVI, 7. cf. Cluv. Sicil. ant. lib. I. c. 7).

In Italiae extrema parte, qua Siculi tum et Morgetes habitabant (Antiochus Syrac. ap. Strabon. VI. p. 395. extr.), *Rhegium* fuit seu *Regium* \*),  
mature

saniae IV. 23. errorem taceam: nam in Anaxilai temporibus constituendis mirum in modum lapsi sunt veteres. Posuimus veriora nude et sine controuersia. A Naxiis conditam Zanclem ait Strabo VI. p. 411. A. et Scymnus 282-85. qui et Samios iis successisse addit v. 292. Scilicet Naxii inter Chalcidenses et Euboeenses fuere, quos Thucydides accessisse aiebat. d' Hancarville *Recherches* T. II. p. 443. Zanclem iam Ogygis tempore conditam ex Eusebii Chronico prodit; eique rei multa mirum in modum commentitia superstruit. Vnde hoc arripuerit, non apparet. Idem errorem aliorum amplectitur, et Messanam ad Ol. XXX reuocat; his erroribus subnixus Himeram duobus saeculis antiquiorem pronuntiat, omninoque omnem antiquitatem ita miscet ac turbat, vt si ille nancisceretur qui ei obtemperarent, actum foret de omni prisca historia.

- \*) Vt in antiquis iam numis occurrit ap. Magnan. Brutt. t. 22. 24. Eckhel. Sylloge I. t. II, 1.

mature satis et statim post Eiram Messeniorum a Lacedaemoniis captam (Olympiad. XXVIII, 1. a. C. 668) conditum a Chalcidensibus, Messeniis adiunctis (v. Scymn. 310, 1. Strabo VI, p. 395 B. Heraclid. Polit. p. 26.) De his post alios egit Morifanus in Inscriptt. Regin. Nos ad nostras rationes breuiter rerum summam constituemus. Vsi sunt Rhegini statim ab condita ciuitate rep. aristocratica; electis, ex censu quidem, mille qui eam administrarent (Heraclid. l. c.). Fuere tamen ii semper ex genere Messeniorum delecti (Strabo VI, p. 395 E.). Vertit illa resp., vt fere solet, in oligarchiam, et haec in tyrannidem (Aristot. de Rep. V, 12 p. 551 B.). Anaxilaus tyrannidem occupauit Rhegii et mox Zancles, eamque tenuit per XVIII annos; cumque vita is decesserit Ol. LXXVI, 1. ante C. 476. initia regni in a. 494. Ol. LXXI, 3. incidisse in promptu est <sup>s)</sup> (Diod. XI, 48). Decedens ille liberorum et imperii curam reliquit liberto Micytho, qui cum fide illud liberis, vbi adoleuerant, reddidit Ol. LXXVII, 2 (Diod. XI, 66. Herod. VII, 171. Paus. V, 26. p. 442. Justin. IV, 2. Macrobi. I, 11. p. 259 Lips.). At iuuenes, partiti inter se regnum, altero Messanam occupante, mox libidinose ac licenter agere; tum ciuibus in eos conspirantibus vrbibus expulsi exulatum abiire (Diodor. XI, 76 sub

<sup>s)</sup> Antiquiora sunt et in Ol. LXVIII vel LXIX reicienda, quae de Pythagoreis Rhegium confugientibus, et de rep. Rheginorum per eos ordinata narrantur (Jamblich. V. P. 130. 251.) Multas vrbes illam in vicinia ditione habuisse, multasque colonias eduxisse Strabo affirmat (VI, p. 396 A. 397 A.)

sub Ol. LXXIX, 4). Agitata inde ciuitas seditio-  
nibus, aduocatisque ab altera factione veteranis ex  
Himera, caedes aduersae factionis ab his facta est  
crudelissima: Justin. IV, 3. Restituta posthaec, in-  
certum quo anno, quo auctore, antiqua respubl.  
Occurrunt in marmoribus Prytanes et Archontes:  
expeditum tamen non est sacrorum hi ministri an  
et magistratus fuerint. Charondae Catanaei legibus  
quod vsi narrantur Rhegini (v. Heraclid. fragm. p. 26),  
non nisi ad haec tempora spectare potest. Quo ipso  
manifestum fit, non ipsum Charondam, quippe  
multo antiquiorem, Rhegium adire potuisse; adsci-  
vere Rhegini leges Charondae vndecunque tandem  
petitas: (cf. sup. Prolus. VIII. extr.) Contra An-  
drodamas Rheginus legumlator factus Chalciden-  
sibus Thraciae: Aristot. de Rep. II, 12 f. Posthaec  
Rhegini bello petiti a Dionysio et ab eo obsessi ad  
extrema redacti dedidere se Ol. XCVII, 2 (Diodor.  
XIV, 100. 107. 111). Nec nisi Ol. CVII, 2 prae-  
sidio Dionysii eiecto, in libertatem se vindicant  
(ibid. XVI, 45.). Vulgata est in libris historicis  
calamitas, quam experti sunt, cum ad Pyrrhi ad-  
uentum perculsi metu a Romanis auxilium petissent;  
missa enim in praesidium legio Romana cum prae-  
fecto Decio Iubellio occisis Rheginis urbem occu-  
parat. Liberata illa decimo hinc anno a Romanis  
V. C. 482. inter foederatas Romanorum fuit ciuita-  
tes, vt sui esset iuris, etsi foedere non aequo. Ex  
lege Julia V. C. 664. municipium Romanum facta;  
Augustus vero victo Sext. Pompeio coloniam ec-  
deduxit, vnde Regium Iulium appellari coepit.

Quaestio

Quaestio nunc suboritur, ad quodnam genus ac stirpem Graecorum reuocandae sint hae Chalcidicae ciuitates. Si in Euboeae origines inquirimus, Abantes primos eam infedis accipimus, qui Thraeces fuere (ex Aristotele Strabo X. p. 686 B.) Aeolenses inter antiquiores colonos fuisse e Plutarcho (Qu. Gr. Opp. To. II. p. 296 D.) discere licet: adhaeserant scilicet nonnulli Aeoles ex iis, quos Penthilus in Asiam deduxerat (adeoque post b. Troj. a. LX). Infederant aliis in locis alii, vt Curetes, Leleges (Scymn. 571), Dryopes, ad quos Carysti, Perrhaebi, ad quos Histiaeae originem refert Scymnus (v. 576. 7). Quid? quod et Arabes Cadmi comites in Euboea subsisterant (Strabo X. p. 685. 686). Omnino tamen Euboeenses *Ionici* generis fuere habiti, partim inde ab iis, qui cum Cotho et Aeolo, Xuthi filiis, in Euboeam venerant *t*) [Plutarch. l. c.], partim ab iis, qui cum Cecrope, Erechthei filio, in insulam traiecerant (Pausan. I, 5. p. 13). Chalcidem vero Pandorus, Erechthei filius, Eretriam Aeclus, Athenienses, condidisse ferebantur, (Scymnus 592 et 4. Strabo X, p. 685 B. add. Vellej. I, 4, 1.)

Iam quae Chalcidicarum ciuitatum instituta fuerint, eruere haud erit difficile. Chalcis enim optimates habuit, qui remp. gererent, Hippobotas dictos, de quibus videndi Herodotus (lib. V, 77.)  
et

*t*) Ad Cothum etiam Cerinthis origo referebatur v. Scymn. 575. Fratrem iis accensebant Ellopem, a quo vetustis poetis Euboea dicta Ellopia Strabo X, p. 683. A.

et Strabo (lib. X. p. 685. 6.) et reuocarunt eundem ciuitatis administrandae morem tyrannis eiectis, quibus aliquando paruerunt Chalcidenses u). v. Aristot. de Rep. V, 4. p. 522 E. Idem aliis locis eam πολιτείαν appellat, remp. bene temperatam ex aristocratia et democratia: v. V, 4. p. 522 E. V, 5. cf. sup. Proluf. XII. e).

Nec diuerſa omnino *Ioniarum* ciuitatum facies fuit: quippe quae magistratus fere ſuos ex optimatibus habuere. Ita de Mileto teſtatum facias ex Herodoto, et vel ex Athen. XII. p. 524 A. Ibidem ex nimia potentia magistratus prytaniae in tyrannidem abierat: Aristot. de Rep. V, 5. p. 524 E. conf. Diodor. XIII, 104. vbi ὀλιγαρχία et δῆμος opponuntur. Plura ex marmorum et numorum titulis peti poſſunt. Etiam *Maffilia* a Phocaeenſibus condita, cuius inſtituta commemorat Strabo (lib. IV. p. 271 B.). Phocaeenſes, antequam Galliae littora adierunt, *Eleam*, ſeu Veliam, condiderant (Strabo VI. pr. Herodot. I, 167.): cui adſcripti poſtea ſunt coloni e Sybaritis: vt ſupra Proluf. XII. p. 202.)  
declara-

- n) Fuit harum ciuitatum fortuna communis, vt in oligarchiam, et ex hac in tyrannides inciderent, cum in reliqua Graecia, tum in Sicilia. Ariſtoteles hoc ipſe monet pluribus locis de Rep. IV, 3. pr. cum equos alere non poſſe dixiſſet praeterquam diuites, διόπερ ἐπὶ τῶν ἀρχαίων χρόνων ὅσαι πόλεις ἂν ταῖς ἵπποις ἢ δύναιμις ἦν, ὀλιγαρχίαι παρὰ τούτοις ἦσαν. cf. idem IV, 13. p. 506. D. Habuit Chalcis ipſa non aliam fortunam: v. Ariſtot. de Rep. V, 4. p. 522. E. et c. 12 p. 551. A. Eretrienſem oligarchiam equitum ſuſtulerat Diagoras aliquis V. 6. p. 527. E. Multo plura exempla ſunt in Sicilia. Sic Leontini Panaetium tyrannum acceperunt: ibid. p. 551. B.

declaratum dedimus. Fertur autem Velienfibus leges fcripfiſſe Parmenides ciuis: Diog. Laert. IX, 23. Tandem huic generi addendum *Scylletium*, feu *Scylacium*, infra Cauloniam, vetuſtiſſima Athenienſium colonia habita (Strabo VI. p. 401 A. cf. ad Aen. III, 553.); accenſendi quoque *Thurii*, de quibus ſupra accurate eſt diſputatum. Dicaſ forte, Chalcidenſes et Iones adeo non minus ariſtocratiam coluiſſe quam Dores. Enimuero inſigne interceſſit diſcrimen in hoc, quod in Dorici inſtituti ciuitatibus generis nobilitas, at apud Chalcidenſes et Iones cenſus, optimatum iura et nomen conſtituebat.

Praeter has colonias, in ſua genera non inani, vt nobis quidem videtur, ſtudio diſpertitas, paucae aliorum ſunt coloniae: et *Cretenſium* quidem antiquiſſimae inter Iapygas *Brundiſium*, (Strabo VI. p. 432. A. Juſtin. III, 4, 12) *Hyria* et *Salentia*. In Siculis *Heraclea Minoa*, LL. Creticis impoſitis. Heraclid. p. 28. A mixta autem ſtirpe proſectos Cretas vel ex Homero facile memineris (Odyſſ. T, 176 ſqq.).

*Iapyges*, qui primi extrema Italiae loca inſederant, barbari fuere, Illyricae, vt probabile fit, originis; et ducunt eo Antonin. Met. 31 et 37. e. Nicandro, Feſtus in Daunia. Fuere ex iis Meſſapii, Daunii: ſucceſſere Graecorum coloniae. Fecere nomina locum commentis Graecorum variis: vt Meſſapii, qui Meſſapyges erant (v. Dio Caſſ. fragm. p. 5. Reim.) a Meſſapo, Neptuni f. (cf. ad Aen. VII. Exc. VIII. p. 154 (136.), Daunii a Dauno heroe Graeco ducerentur (ibid. cf. ad Aen. VII. Exc. VII.);



Lycaonis filios fecit ex Arcadia in Italiam profectos Nicander Iapygem, Daunum et Peucetium: v. Anton. Met. 31. Venisse in ea loca Diomedem Troia reducem, celebratissima inter Graecos fuit fama (v. ad Aen. XI. Exc. I.); gerentibus tum Dauniis bellum cum Messapiis, auxiliatus hospitibus, agros ab illis accepit, quos Doriensibus diuidit; quos adeo adduxisse putari debet cum Achiuis; nam hi tum Argos infidebant, et eos Diomedes ad Troiam duxerat. Infederant Cretenses, ex Creta seu cum Minoe, seu cum Daedalo profecti, seu Glaucum quaerere iussi (v. ad Virgil. Aeneid. VII. Exc. VIII. p. 154. (p. 136. pr. ed.). Multa Iapygum bella fuere cum Graecis, inprimis cum Tarentinis: cf. sup. Prol. XII p. 227. Iapygas aliquando luxurie corruptos esse narrat Athenaeus lib. XII. p. 522 F. 523. Est Ant. Galatei libellus de Iapygiae limitibus insertus quoque Thes. Ital. To. IX. P. V. Antecedunt ibid. et sequuntur alii, vt Gabr. Barrii de antiquitate et situ Calabriae. Nemini tamen auctor sim, vt bonae horulae spatium his scriptoribus impendat: acumine critico et iudicio historico omnino sunt destituti.

E *Theffalia* discesserant ii, qui *Petiliam* Lucaniae, cum *Crimisa* in iisdem locis, et *Egestam* Siciliae (Strabo VI. p. 390. A. B.), ex *Aetolis* autem, qui cum Thoante venerant, ii, qui *Temesam* condiderant: (Strabo VI. p. 392. C.), tandem *Phocenses*, Epei comites, *Lagariam* non longe a *Thuriis* tenuisse ferebantur: (Strabo VI. p. 404. C.) *Herculanum* et *Pompeii* inter vrbes antiquitas a Graecis conditas referuntur: sed obscura est omnis de earum originibus fama. *Herculanum* ad *Herculem*

culem retrahitur ap. Dionys. Halic. I, 44. quod ad Pompeios transfert Solin. 8. Nimis credulus esset, qui tali auctoritati aliquid tribuere vellet.

Veteres *Pelasgos* et *Arcades*, qui Italiani adiere, licet quidem inter eos referre, qui primi, aut cum barbaris permixti, illa loca incoluere: inter colonias autem numerari nequeunt; neque illi civitates iuribus et institutis descriptas condiderunt. *Arcades* quidem et ipsi legumlatores habuere; sed multo serioribus aetatibus, ex quo in magnas civitates confluerant: *Tegeatae* quidem *Antiplanem*, *Croesum*, *Tyronidam*, *Pyriam* ap. Pausan. VIII, 48 et *Prytanim* *Megalopolitani* apud Polyb. V, 93. Prorsus autem abiiciendae sunt commentitiae origines *Italicarum*, inque his *Latinarum*, urbium a Graecis indocta fraude Graecorum et Romanorum scriptorum repetitae: de quibus v. ad Virgil. Aen. VII. Exc. IV. VII. VIII. Nec verius dictum, quod ap. Justinum est XX, 1. *Iam Falisci, Nofani, Abellani, nonne Chalcidensium coloni sunt!*

Toto hoc itaque disputationis genere et argumento, ut dimitti illud a nobis possit, summam descripto, ad eas preces redimus, quas iam in principio fecimus, ut Comites Illustrissimos, Commilitonesque genere et ingeniis ornatissimos, rogatos esse velimus, ut sollennibus his, quae indicimus, pompa in templum academicum ducenda, frequentiam concilient, et iis, qui publice dicturi sunt, faveant. P. P. Kal. Jan. clō lō cclxxvii.

## XV.

ACADEMIAE GEORGIAE AVGVSTAE  
 PRORECTOR  
 GOTTFR. LESS D.  
 CVM SENATV  
 ANNIVERSARIA INAVGVRATIONIS  
 SACRA XXXIX.

IN A. D. XVII. SEPT. 1796 CCLXXXVI.

RITE INDICIT.

*Subjicitur Observationum ad leges et instituta rerum-  
 publicarum Magnae Graeciae et Siciliae  
 complementum et spicilegium.*

**S**ollenne anniuersarium, Ciues, quod nunc rite indicimus, iam ipso annorum numero praescripto, cum *undequingagesimum* sit, animos vestros aduertere potest; vnus enim adhuc deficit annus, quin semisaeculare spatium, per quod academia nostra adoleuit, expletum sit. Putate itaque vos, tanquam epoptas, paruis initiis nunc ad maiora illa imbui et initiari; saltem, veluti in sacris facere mos est, vt festa sollennia antecedit cura apparatus sacri, si non castu et peruigilio, vt olim religiosus mos ferebat,

ferebat, caerimonia tamen hac religiosa, quam nunc indicimus, tanquam *parasceue*, praeludamus sollennibus futuri anni, et rite operando sacris mature componamus animos ad religiosum habitum, quo magnum illud semisaeculare sollenne, quotquot nostrum supererimus, sumus celebraturi. Religioso ritu sacrum huius anni tanto magis continebitur, quo in diem dominicum illud incidit; adeoque pro oratione sollenni ex more recitanda habebitur a Viro plurimum Reuerendo, Theologiae Professore, HENR. PHIL. SEXTON, ad coetum religiose coactum e suggestu templi sermo, quo erigantur animi ad piam recordationem beneficiorum, quae in hanc reip. litterariam per huius anni decursum deriuata fuere. Est in his praecipuum illud, quod Iuuentutis principes, clementissimi nostri Regis tres filios, nostrae curae traditos, in medio nostrum videmus ad praeclaram spem adolefcere. Nec defuere reliqua bona, quibus academiæ felicitas aut continetur aut censetur: in his frequentia ciuium, disciplina academica integra, docentium et discipulorum studium, contentio et ardor. E nostro Professorio ordine nemo per hunc annum numerum imminuit. Ad vota itaque numini O. M. pia et grata mente persoluenda, Ciues, templum academicum hora solita caste pieque adite, et, quae pietatis vestrae seu excitandae seu alendae et fouendae causa dicentur, ita audite, ut ad animos vestros ea vim habuisse intelligi possit.

Nos interea agamus id, quod mos et institutum reip. nostrae academicae nobis imponit, ut

proludamus sollenni castino disputatione aliqua e communibus studiis deprompta aut facile ad illa revocanda. Cumque meminerimus, ad ea, quae ante hos XX fere annos *de rerum publicarum Magnae Graeciae ac Siciliae descriptione, legibus et institutis*, commentari inceperamus a), superesse nonnulla monitu seu necessaria seu vtilia: ne quid a nobis ad priorem hanc saeculi academici partem spectans inchoatum relinquatur, aut in alterum semisaecularem decursum differatur, subiiciemus hic nonnulla, quae partim *ex iis*, quae suis temporibus disputata sunt, *in unum cogi et colligi*, aut *novae annotationi* locum facere possunt. Praemitemus his *litterariam* partem; fuere enim *scriptores*, qui partim *respublicas*, partim *leges et instituta* describere.

Quantum quidem reperimus, primus in hoc genere verum vidit *Aristoteles*: cuius de republica (πολιτικῶν) libros VIII servatos nobis esse etsi gratulamur, periit tamen alterum eius opus longe utilissimum, quod tanquam fundum ei substruxerat, omnem multorum temporum memoriam variosque Graecarum rerump. conatus, experimenta et commenta, quibus ad certa huius disciplinae legumlatoriae

a) Commentationes erant XIV. Scilicet de LL. Locris scriptis a Zaleuco 1. II. 1767. LL. Charondae 1-IV 1769. 69. 70. Instituta et LL. Sybaritarum et Thuriorum 1-III. 1771. 72. Crotoniatarum 1774. reliquarum Achaici iuris civitatum 1774. Doriensium, et in his Tarentinorum 175. Heracliensium 1776. coloniarumque a Corinthiis, Rhodiis, Messeniis deductarum; tandem Chalcidici generis reliquarumque stirpium coloniarum 1777.

rae principia constituenda perueniretur, Πολιτείας inquam, seu Respublicae descriptae, CLVIII secundum Laert. V, 27. seu CCL vt alii tradunt, admixtis forte aliis aliorum b). Quantum ex Laertio colligas, opus diremtum fuit in ciuitates democraticas, oligorchicas, aristocraticas et tyrannicas. Quo consilio Aristoteles ad hoc opus descenderit, patet extremis verbis librorum de Moribus (lib. X. extr.). Adhuc Sophistae et Rhetores de legibus et ciuitate praeceperant, ipsi nullo reip. administrandae vsu instructi c). Vt igitur recte de rep. instituenda disputari posset, vsum rerum hactenus consuluit, vt exempla colligeret, fata, causas, vitia et euentus, notaret, atque inde tandem de rerum summa praecepta eliceret, secundum ea, quibus institutis vnaeque resp. quibusque legibus ac moribus temperata melius an deterius rebus suis consuluerat. Videntur adeo Πολιτείας Ethica ad Nicomachium excepisse; et secundum istas demum libri de Rep. esse scripti d); nisi et his Oeconomica praecessere, id quod

S 5

ex

- b) Nam hoc euenisse, suspicamur ex eo. quod genuinae eius resp. laudantur: v. ap. Fabric. B. Gr. To. II. p. 196. Extant ex illis fragmenta, sed parui pretii nec nisi in grammaticis occupata.
- c) Fuit in his Phaleas Chalcedonius ap. Aristot. de Rep. II, 7: memoratus, nec bene inter Legumlatores relatus a viris doctis, vt a Fabric. p. 548. To. I. B. Gr. Bona ille aequalia esse voluerat. Alter Hippodamus Malesius (ibid. c. 8.) „qui primus inter eos, qui rempublicam non administrarent, conatus est de optima reip. administrandae forma dicere., Videtur Aristoteles in eundem censum Platonis temp. retulisse.
- d) Vulgo verba illa libri X. extrema de Morib. de libris de Rep. accipi solent, inuito philosopho, vt arbitramur.

ex eorum principio colligimus. Deduxere mox Respublicae enumeratae philosophum ad *leges non scriptas*, hoc est ad instituta et mores barbarorum, *Νόμιμα βαρβαρικά*, passim laudata, etiam Ciceroni. Fuerunt praeter haec *Δικαιώματα πόλεων*, *contro-versiae ciuitatum*, fere quas nostri homines *pretensiones* vocant. Etiam *Νόμων* libros IV. scripserat: ut tamen non satis constet, Platonemne ille in his aemulatus legumlationem ipse instituerit, an ciuitatum variarum leges enarrauerit. Alterum hoc probabile fit, si Gellius II, 12. ubi lex Athenienfium excitatur, ad eum respexit.

Altero ab hoc loco *Theophrastus* fuit, cuius praeter libros *de Rep.* (*Πολιτικῶν*) etiam *περὶ Νομοθετῶν* libri tres, tum *Νόμων κατὰ στοιχείων* (alphabetico ordine, ciuitatum ac populorum, credere licet) libri XXIV. et *Νόμων ἐπιτομῆς* libri X. editi fuere (Laert. V, 44). In his non modo Graeciae, sed et barbararum gentium leges consignatas fuisse, ex Cicerone intelligitur (de Fin. V, 4).

Tandem *Dicaearchus*, Aristotelis auditor, variarum Graeciae urbium constitutiones (*Πολιτείας*) collegerat, laudatas eximie a Cicerone (ad Att. II, 2) ex his Spartatarum resp. fertur Spartaе quotannis publice lecta esse (Suid. h. v.). Notior est eiusdem *βίος Ἑλλάδος*, hoc est de victu et quaestu totaque vitae ratione inter Graecos, sermone pedestri exaratus, e quo pauca fragmenta ad nos peruenere; qui enim intermixti sunt versus Jambici, ex alio opere (*ἀναγραφὴ Ἑλλάδος*) a descriptore aliquo seruati sunt.

Sequitur

Sequitur hos est magnus numerus eorum, qui vel Πολιτείας, vel Νόμους, et Νόμιμα colligerent, vel Νομοθεσίας describerent. Et Πολιτείας quidem *Heraclidis* Pontici ex fragmentis ad calcem codicum Var. Hist. Aeliani olim indocte a nescio quo excerptis, quae supersunt, nouimus; nam Laertius eas commemorare superfedit. *Critias* passim laudatur antiquis (v. ad Aelian. V. H. X, 13). Alii singularem urbium πολιτείας scripserant. Ita *Proxenus* ἐν δευτέρῳ Λακωνικῆς πολιτείας ap. Athen. VI. p. 267. D. Porro *Molpis*, *Saeus*, *Dioscorides*, *Aristocles*, IV. p. 140 B. et *Sphaerus* p. 141 C. et sic ex vno Athenaeo nomina obscura multorum aliorum, qui de rebus publicis scripsere, conquiri possent. Νόμιμα autem βαρβαρικὰ collegerant *Posidonius* Stoicus, *Cleanthes*, *Nymphodorus* Amphipolites, *Theodectes* Phaselites Rhetor e). Inferuere ea alii suis historiis; quo fit, vt etiam ex his similia laudentur; inter hos imprimis *Theopompus*; tum *Nicolaus Damascenus*, e quo supersunt excerpta apud Joannem Stobaeum. Debuere eius generis occurrere nonnulla in Κτίσεισι. Omnino autem scriptores historiarum, qui de rebus aut singularum ciuitatum ac rerump. aut de rebus certarum aetatum ac temporum egerant, ipsas rerumpubl. formas, mores ac leges descripserant. Etiam *Clearchus* περὶ βίων non singulorum modo hominum,

e) Apud Wower, de Polymath. c. 9. Idem *Hermodorum* inter eos memorat, quem expunxit Ionsius de Script. hist. philos. I, 20. 2. et in eius locum retulit *Harmodium* Lepresten περὶ τῶν κατὰ Φιγαλίαν (Arcadiae) νομίμων. *Hellanicum* ex Etymol. M. in Ζαυολῆς addit Maussacus ad Harpocrat. p. 388. Sed in texta tantum historiis eius fuisse nonnulla, suspicari malumus.



hominum, verum etiam ciuitatum et populorum mores perfequutus erat, vt patet v. c. ex Athen. XII. p. 518 C. et ex iis quae collecta sunt a Jonsio (I, 18, 1). Νομοθεσίας singularium vrbium scripserant alii: ita Telephus Pergamenus περὶ τῶν Ἀθηνῆσι νόμων καὶ ἐθῶν (ap. Suid. h. v.) inprimisque περὶ τῆς Ἀθηνῆσι νομοθεσίας inclarauerat Demetrii Phalerei liber. Iam περὶ νομοθετῶν Apollodorus, non constat quis, scripserat, cuius lib. II. laudatur ap. Laert. I, 58. et Hermippus περὶ νομοθετῶν, forte Smyrnaeus, Peripateticus f). Leges tandem col-  
legisse

- f) cf. Jons. II, 9, 4. Catalogum veterum LLlatorum dedit Fabric. B. Gr. p. 546. 7. To. I. insertis nonnullis, qui in censum non venire debebant. Sunt recentiorum scriptorum libri nonnulli, in quibus de antiquarum rerum publicarum et legum natura et conditione docte disputata expectes. Verum nimis exili opera scripti sequentes libri: *Les Paraphrases sur les Loix des Republiques anciennes* par Germ. Forget Paris 1577. 8. Ad Romanas tantum leges spectant: Io. Vlrici Zafii *Catalogus legum antiquarum* Argentor. 1551. 8. et cum annotatt. Lud. Charondae Lutet. 1555 12. Ceterum voc. νομοθέτου impertitum memineris etiam iis, qui vnā legem, aut legum genus tulerant: v. c. ap. Aristot. de Rep. II, 12. p. 449. D. tandem etiam iis, qui leges scriptis suis proposuerant; vti Platonem νομοθέτην appellat Aristot. de Rep. II, 12. p. 449. A. Quam diuersa haec notio ab illa, si quis aut remp. legibus descripsit et constituit, aut coloniae deductae auctor et dux nouam ciuitatem ordinavit? Ex hoc genere fuere, qui heroum more colerentur; vt Macareus inter Lesbios ap. Diodor. V, 82. et si iidem etiam Pittacum habuere legumlatorem, quantum colligere licet ex Diodori Exc. p. 552. To. II. Weff. Occurrunt quoque exempla seruati praecipui honoris posteris eorum, qui primi urbem condiderant et habitatione locum occuparant; in insula Thera,

legisse videntur auctores Νόμων (non περὶ Νόμων) e quo genere olim fuit liber *Heraclidis* Pontici ap. Laert. V, 87). Laudatus quoque ἐν τῷ πρώτῳ τῶν νόμων *Diogenes Babylonius* (ap. Athen. XII. p. 526. D.) et *Callimachus* ἐν τῷ τρίτῳ πίνακι τῶν νόμων (ap. eund. XIII. p. 585). Ex hoc genere debuit esse auctor, Pythagorea disciplina imbutus, qui Zaleuci et Charondae forte et aliorum leges ita collegerat, vt in iis ipsis legum optimarum exemplum proponeret; qua de re sup. in Proluf. II. (add. Epimetrum) et Proluf. VIII. IX. plura sunt disputata.

Quae si quis perscripta a veteribus in vno hoc genere apud animum reputet, annon misereatur fortis humanae, quod nobis praestantiora et vtiliora ingeniorum et studiorum antiquitatis monumenta fortuna inuidit, reliquit alia, quibus aequo animo careremus! eos eripuit, qui *facta* docuerant, servauit eos, qui *opinionum commenta* chartis illeuerant! atque etiam ex his periire Archytae ceterique Pythagorei, periire fortissimi Stoici, contra peruenere ad nostram aetatem integri Jamblichi, Porphyrii,  
et

Thera, et Apolloniae ad Ionium mare, ap. Aristot. de Rep. IV. 4. p. 489. C. Sunt viri docti qui sibi in voce theocratiae placent, quoties in priscis ciuitatibus ac populis ad vatum et deorum monita ac responsa attemperata vident fuisse consilia. Parum commodum illi quidem et fere lubricum ac fallax nomen videntur sectari; non enim in ipsa reip. natura ac descriptione illud constitutum erat, vt vates consulerentur; sed ex opinione et superstitione istarum aetatum eo adducta est interdum res a magistratu, seu a senatu ac populo inter se dissidentibus, vt de re seu controuersa seu dubia et obscura deum consulerent.

et huius furfuris alii; vt ne inferius descendamus! frequentium enim aetatum et ex ipsa barbarie plaustris scriptorum sexcentis vnum facile Theopompum vel Ephorum, vitae humanae ex rerum memoria magistrum, redimeremus! Et nos, in tanta praestantissimorum ingeniorum obliteratorum strage, seruatis inter haec calorum et lixarum operis, aut nominis immortalitati aliquid tribuere, aut ex paucis, quae seruata sunt, superciliosè de veterum doctrina et sapientia vniuersa pronuntiare audebimus! Ad retundendum hominum doctorum fastum et tumorem, quo minus aut de praeteritis aetatibus asseveranter ac fidenter pronuntient aut per futuras aetates suis opinionibus et praeceptis sempiternam auctoritatem fore somnient, vix aliud nouimus exemplum potentius, quam hanc ipsam scriptorum fortunam in vtramque partem tam miram, iniquam ac temerariam. Itaque de suis quisque aequalibus, de sua aetate, in his rebus, in quibus versamur, bene merebimur; nimis fluxa et incerta est humanarum rerum conditio, quam vt a posteritate bene meritorum praemia expectare tutum sit.

Ab his vt nunc ad ea progrediamur, quae vniuersae de hoc genere legum et institutorum antiquae Graeciae statui possunt, in confesso est, hanc multarum rerum publicarum expositionem, cum causis et euentis, multarum rerum intelligentiam philosophis suppeditare debuisse, quo de ipsa ciuitate, partium descriptione, institutione et disciplina, veriora traderent; inprimis adeo Aristotelis libros de Republica quasi pro summa eorum, quae tot rerump. contemplatio

*templatio subtili eius iudicio subiecerat, habebimus.* Verum ipsa instituta fuerintne praeclara et salubria si quaeramus: ea, quae de illarum ciuitatum fortuna ac prosperitate in historiis memorata sunt, dubitationem facile eximunt; est tamen non minus de soli caelique natura et indole, tum de agriculturae studiis, quae noui coloni attulerant, tum de adscitis in amicitiam, societatem, interdum et ciuitatem, barbaris cogitandum.

Vt tamen recte de illa veterum opera iudicemus, reputandum est, primum, *tempora illa antiquiora tanquam pro incunabulis politices* omnino esse habenda, a quibus adoleuit illa, nutrita post viro-  
rum doctorum cura ac studio: ita tamen vt ab rerum veritate, non a mera ingenii subtilitate per hypotheses ludentis, ea proficiscerentur. Vti autem omnino exigui coetus et societates parum numerosae industria acriore res suas curant: ita eorum, quae salubria in rep. an noxia essent, obseruationi diligenti multo magis accommodatae erant *paruae respublicae*, quam magna imperia, quibus nunc Europa intercepta est: in quibus multa casu ac temere, alia vnus vel paucorum arbitrio ac libidine, pauca ad certam rationem, pleraque more et exemplo fiunt ac geruntur; cumque regna illa inter barbarorum victorum insolentiam ac ferociam, vt forserebat, coaluerint et concreuerint, nunc fluminis more, qua illud alueum sibi fecit ac cursum conuertit, omnia feruntur impetu; ipsa rerum curandarum et administrandarum multitudo, perplexus nexus, operarum et studiorum concursus plerumque inter-

intercedit, quo minus antiqua mutari, meliora, etiam bene perspecta et multis virorum prudentium scriptis declarata, inferri possint. Solent quoque in magnis imperiis, quae principatum Europae affectant, eorum, qui rebus administrandis praesunt, ingenia et studia ad rerum externarum splendorem, auctoritatem ac vim ad fortunam reliquorum Europae regnorum inclinandam, ad rem militarem et ad tributa ac vectigalia, magis se conuertere quam ad ciuium virtutem ac felicitatem. Contra respublicae illae antiquarum aetatum, partim erant hominum, qui ex feritate et vita siluestri, aut ex *nomadico* vitae genere ad agros colendos primum progrediebantur, vt forte ii, quibus Moses leges scribebat; partim colonorum, qui, ex ciuitatibus iam ad certam rationem constitutis cum essent progressi, ipsa descriptione nonnulla melius constituere, cumque et fines et ciues essent exigui modi et numeri, facilius multa perspicere ac consulere poterant. Melius itaque legumlatoriae scientiae pericula facta sunt in his paruis ciuitatibus, quam si in magnis regnis et imperiis hoc idem tentatum esset. Satis quoque hoc docuit imperiorum veterum per Asiam historia; quam parum enim illa ad bonam legum descriptionem profecerint, ipsa res declarauit. Contra in illis paruis ciuitatibus experimenta facta sunt, qua via ac ratione respublicae condi et constitui possint sic, vt finis eiusmodi societatis humanae, *felicitas* non vnus, nec paucorum, *sed omnium*, si non aequalis ac par, nullo tamen alio gradu discrepans et inaequalis, quam quem naturae disparitas et inaequalitas facit, obtineri

tineri possit. Videmus itaque antiquas respublicas fere esse populares, ex iisque antiquiores fere ab *aequalitate agrorum et fortunarum*, quam adeo Moses sequutus esse agnoscitur, processisse. Ipso rerum usu cum intellectum esset, laborare hoc genus nimis multis malis: emendatiores facta est reip. forma, et tentata res per omne genus et democratiae et aristocratiae. Inter haec, principium et fundamentum omnis societatis civilis esse animaduersum est *libertatem*, sine qua nulla esse potest tuta possessio ac fructus bonorum g); hanc vero muniendam esse domi bonis legibus ac moribus, foris virtute et corporum robore; in pace frugalitate, continentia, labore, in bello corporum animorumque viribus reique militaris prudentia summam rerum contineri. Itaque frugalitatis et laborum tolerantiae quanta bona sint, melius perspexere veteres; et recte illi maluere rerum molestarum sensum iniucundum obtundere, quam rerum iucundarum sensum acuire.

Aliud periculum factum est in eo, cum paruae respublicae vim externam et hostilem haud bene depellere, magnae vim civilem et iniuriam paucorum potentium facile ex se gignere soleant, annon resp. etiam in modicis finibus et viribus ita insti-

tui

g) Ephorus ap. Strabon. X. p. 735. D. de Cretensium rep. δοκεῖ δὲ ὁ νομοθέτης μέγιστον ὑποθέσθαι ταῖς πόλεσιν ἀγαθὸν τὴν ἐλευθερίαν· μόνην γὰρ ταύτην ἶδαι πρᾶξιν τῶν κτησαμένων τ' ἀγαθῶν. (vides liberty and property) τὰ δὲ ἐν δουλείᾳ τῶν ἀρχόντων, ἀλλ' οὐχὶ τῶν ἀρχομένων εἶναι.

tui possit, ut hostilem impetum minus extimescat; Quod maxime propositum fuit Cretensibus et Spartanis: Cumque virorum fortium et armis exercitatorum exiguus numerus par sit magnae multitudini hominum imbellium, consentaneum erat, ut armis et laboribus tolerandis a pueris assuefierent ciues. Ducebant haec ad illam prudentiae politicae arcem, ut omnem ciuium institutionem a puerili aetate repeterent, eamque non in dictis ac praeceptis, sed in factis exemplisque positam esse intelligerent: id quod etsi prudentiores nullo tempore latuit, novissimis tamen temporibus demum inter nostrates sagacioribus persuasum esse coepit; tum ut non parentibus ac cognatis liberum relinqueretur, quo institutionis quisque genere uti vellet, verum ut institutionis et disciplinae procuratio perspicue legibus consignaretur (v. Aristot. de Morib. X. p. 187. D. sq.) Nullum facile est reipubl. liberae genus, quod non experti sint Graeci; multo magis si de compositis et arte multiplici variatis generibus quaeritur. Quanta cum sagacitate et subtilitate temperata fuit Atheniensium democratia! Qua tandem intellectum est, hoc genus ciuitatum omnino nisi in summa simplicitate, paupertate et ciuium paucitate, suis rebus superesse non posse. Inter haec eo tandem peruentum est, idque primi Graeci perspexere, mox Romani maiore cura et sollicitudine definiuere, temperandam omnino esse remp. quamcunque eum in modum, ut potestas exequendi decreta in vnus aut paucorum sit manu, legum ferendarum toti populo seruetur, deliberandi autem Senatui relinquatur; aut si regnum constitutum fuerat, ut sit inter regem

regem et populum medius aliquis ciuium nobiliorum ordo.

Inter haec infitiandum non est, *plurima* in illis rebus publicis fuisse *a nostris temporibus aliena*. Nam primum ad ipsa incunabula, vt diximus, et primordia politices, earum aetas assurgit. Sunt adeo nonnulla instituta e barbarie seruata, multae leges nimiae simplicitatis; interdum et horridam asperitatem ac feritatem prae se ferentes *h*). Nec vero illi legum auctores disputandi et cogitandi subtilitate philosophi fuere, sed vitae prudentia et sapientia ex rerum vſu et obseruatione nata *i*). Porro in magna veterum legum parte *morum disciplina ad easdem reuocata est*, ita vt morum praecepta iis essent aut inserta, aut prooemiis praemissis inculcata: quae tamen res facilius ferri poterat in illa

## T. 2

## legum

*h*) Aristot. de Rep. II. p. 436. C. τοὺς γὰρ ἀρχαίους νόμους λίαν ἀπλοῦς εἶναι καὶ βραβερικοὺς· ἐδιδραμοῦντο γὰρ οἱ Ἕλληνες, καὶ τὰς γυναῖκας ἐωνοῦντο παρ' ἀλλήλων· ὅσα τε λοιπὰ τῶν ἀρχαίων ἐστὶ πον νομίμων, εὐήθη πάντων ἐστίν. Memorabile id genus exemplum constitunt leges Cretensium et Spartanorum. Sunt tamen in his nonnulla idoneis rationibus haud destituta: v. c. opificiorum contertus, inter homines scilicet, qui naturae humanae praestantiam non minus in corpore quam in animo vindicabant; qui adeo corpora frangi nollent arte sellularia et fordida.

*i*) Seneca Ep. XC. *Sed postquam, surrepentibus vitiis, in tyrannidem regna versa sunt: opus esse coepit legibus, quas et ipsas inter initia tulere sapientes. Solon — Lycurgum — Zaleuci leges Charondaeque laudantur: hi non in foro nec int consultorum atrio, sed in Pythagorae tacito illo sanctoque secessu, (vltimum hoc falso pronuntiatur) dedicerunt iura, quae florenti tunc Siciliae et per Italiam Graeciae ponerent.*



legum simplicitate et paucitate *k*). Contra nostris aetatibus morum emendandorum viae et rationes non tam a legibus et institutis, quam ex rerum cognitione et doctrina expectantur; cum veterum hominum religiones intra ritus et caerimonias subsisterent, nostra religio doctrinam ethicam sibi vindicauit; ab hac igitur institutio cum puerilis tum prouectae aetatis petitur. Praeclare utique, modo praeceptio et institutio non ad opiniones et subtilitates, aut adeo ad refellendas aliorum opiniones deducitur: quae utique res ad animos ac mores fingent-

- k*) cf. Proluf. I. p. 14 sq. Aristot. de Mor. X, 10 p. 187. ubi docuerat, nisi natura, doctrina et usus ac consuetudo conuenerit, vix bona fieri posse, moresque adeo fingi disciplina et institutione, atque ideo educationem et studia legibus descripta esse debere: (διὸ νόμοις δεῖ τεταχθαι τὴν τροφὴν καὶ τὰ ἐπιτηδεύματα) itaque, pergit, existimant nonnulli ab iis qui leges ferunt, honesti causa ad virtutem homines esse cohortandos atque excitandos. διόπερ οἶονταί τινες τοὺς νομοθετοῦντας δεῖν μὲν παρακαλεῖν ἐπὶ τὴν ἀρετὴν, καὶ προτρέπεσθαι τοῦ καλοῦ χάριν, ὥς ὑπακουσομένων τῶν ἐπιεικῶν τοῖς ἡδέσι. Ipse Mōses suarum legum fundum non modo virtutem, verum etiam pietatem in deum fecerat; cumque alii, inquit Joseph. in Apion. II, 16. εὐσεβείαν partem virtutis constituent, ipse eam fundum ac totum, singulas autem virtutes partes εὐσεβείας esse voluerat, ita ut καρτερία, σωφροσύνη, δικαιοσύνη, essent partes seu genera. Solent hoc iam antiquiores scriptores inter veterum legum proprium morem referre, ut a diis, eorum prouidentia, et a poenis praemiisque post hanc vitam expectandis aut metuendis, initium faciant. Copiose hoc declarare annisua est Warburtonus. De Pythagoreia id forte probabiliter affirmari potest. At antiquiores non legum verbia, sed institutis ac ritibus sacris metum deorum inculcabant, quo ipsa sacrificia, auguria, Instrationes, iurairanda, pertinebant. Nec aliud quid effatur Plutarch. adv. Coloten. p. 1125. D.

figendos nullam vim habere potest. At prioribus aetatibus vitae praecepta ipsis legibus proponebantur; aut moribus et institutis, etiam nulla verborum praeceptione adhibita, instillabantur; ita officiis peragendis ipso usu homines assuefiebant <sup>1)</sup>. Naturae humanae et indolis ingenuae, nulla avaritia et luxurie corruptae, inter haec magna vis esse debuit, exemplorum autem vitae auctoritas summa. Ipsis recte factis iuuentus erudiebatur et informabatur, ne verbis quidem monita, saltem nulla quaestiuncularum et disputationum subtilitate. Mox etiam commemorari facta et in exemplum proponi debuerunt; tandem etiam ficta et ex vera vita adumbrata. Cum his porro nonnulla symbolice praecipere coepere, adscitis institutis symbolicis. Sed symbolis his euenit id quod aliis fere omnibus symbolis, ut, sensu oblitterato ac vi sublata, maneret externa agendi ratio. Sic lustrationum et purgationum mansit ritus, ignorari coepit consilium et ratio. Etiam illud inprimis animo tenendum, quod facile in oculos incurrit, priscis temporibus *nondum factam legum diuisionem in iuris publici ac privati et sacri codicem, nec politiam et iudiciales leges, et, quod appellant, ius criminale seorsum fuisse in sua capita redactum ac distributum*; contra vero veteres istae leges promiscue ac permixtim capita omnis generis complectebantur. Etiam quando in LL. Solonis et in XII. tabulis diremta fuere iura in plura genera ac sectiones, multum adhuc res aberat a iusta aliqua

T 3

partium

1) ἀσκήσαι τῶν ἐθῶν, ut ap. Joseph. in Apion. II, 16.  
Exemplo sint Cretenfes et Lacedaemonii.

partium descriptione. Nec legibus comprehensae sunt ab initio causae et iura cuncta quae in ciuitate desiderari possint; verum scriptum est de vna et altera causa aut crimine, quod illo tempore inter illos homines cum maxime reprimendum esse videbatur. Ita succedere aliis alia, modo consilio ac prudenter, modo temere, ac casu. Plerumque enim rerumpublicarum leges figillatim pro temporum ratione in codicem excrescere solent, non alio modo quam muri Thebarum lapidibus sparsim conuolantibus et locum suum occupantibus.

Nec hoc dimittendum est animo, etiamsi integras legum tabulas ciuitatum haberemus, non tamen in illis totum ciuitatis ius perscriptum nos esse cognituros, sed *tantum nonnulla, quae a more et instituto maiorum recederent*; non enim dubitare licet, etiam post Charondae et Zaleuci leges multo plura usu et consuetudine, more et instituto, quam lege scripta, fuisse administrata. Multa quoque relicta iudicis arbitrio, inprimis in causis similibus ad leges applicandis: cuius rei exempla vel Romae tempora antiquiora suppeditant. Vix autem vllum fuit ante ius Romanum, quod tam late ad singula negotia et causas descenderet, nihilque aut vsui et consuetudini aut iudicis arbitrio et iudicio relinqueret. Tum *discrimen* ingens inter mores veteris Graeciae et nostros constituit non modo popularis imperii forma, et ius ciuitatis, quo et iudicatus et magistratus gerendi ius continebatur, verum ipsa domesticae vitae ratio et conditio; seruorum operae, inprimis in agro colendo, etsi passim fuere libera

libera capita, quae operam locarent, etiam essent, qui glebae erant adscripti *m*); porro muliebris sexus conditio, cum per omnes aetatis gradus in manu virorum, seu patris, seu fratris et agnati, seu mariti, esset femina; iudicium de artibus sordidis et illiberalibus tam diuersum a sensu nostro. Multa etiam mutata sunt scripturae vsu, cum olim voce et oratione omnia negotia publica et priuata essent expedienda; quorsum etiam testium et iurisiurandi vsus multo frequentior, quam nostra aetate, etsi etiamnum nimium forte frequentatus in foro, est referendus.

Bene tamen vel sic nobiscum actum esset, modo seruasset nobis fortuna *libros illos et leges integras vna cum iis, quae de earum vi ad respublicas erant narrata*. Nunc nudas leges, plerumque *truncatas*, habemus, *deficientibus causis* legum, et rationibus, quae potuere esse plurimae, quas ignoramus, eaeque variae, modo a gentis origine, sedibus, solo, caelo, modo ab opinionibus, religionibus repetitae, seu physicae et ethicae, vt nunc loqui amamus. Licet quidem in his, Montesquieu aliorumque, etiam antiquiorum, exemplo *n*) multa

T 4

inge-

*m*) Tales fere *Helotae*. *Peneftae* in Theffalia et *Perioeci* in Creta: cf. Aristot. de Rep. II, 9. 10. inpr. Athen. VI. p. 263. 264. qui locus de seruorum conditione inter Graecos classicus est.

*n*) Exemplo sint haec: Numam ex imputata vite diis libare vetuisse, vt *putare vites cogere*ntur. Plin. XIV, 12. f. 14. mola salia vti coeptum, vt a *glandibus reuocarentur homines*. Apud Aegyptios alinos Typhoni consecratos, ne iis vterentur homines, sed equos alerent

ingenioſe comminiſci; enimuero in hifloriis veri-  
tatem quaerimus non commenti ſagacitatem. Raro  
itaque ipſam legum indolem et conſilium tene-  
mus; raro cauſſas aſſequimur: quas tamen niſi te-  
neas, ſaepe legum vim fruſtra putabis te tenere;  
non magis quam ii, qui leges Romanas ex Digefſto  
et Codice laudant nec reip. Romanae ſtatum et  
conditionem eo tempore, quo lex lata eſt, per-  
ſpectam habent. Vt exemplo rem declaremus: In  
Graecis ciuitatibus tantam legum ſeueritatem in  
diſcernendis legitimis a ſpuriis, (γυναικῶν et πόλεως)  
contra apud Aegyptios fuiſſe nullam, bene intel-  
ligimus, quandoquidem apud iſtos ciuitatis iura et  
munera non poterant niſi in certa capita definito  
numero conferri; contra Aegyptii liberorum nu-  
merum et frequentiam in votis habebant, victus  
facilitate inuitante ad ſuſcipiendos liberos, et cum  
opinio vulgaris in generandis liberis nihil matri  
relinqueret, patrem vnicum auctorem haberet (v.  
Diodor. I, 80.). At qua de cauſſa a Lyciis domi-  
natus feminarum receptus, aut ab Aethiopibus regni  
ſucceſſio non defuncti regis liberis, ſed ſororum  
filiis

rent. Haec et his ſimilia inter ingenioſa commenta  
referenda eſſe in promptu eſt. Ita etiam facile aliquid  
ponere ac ſtatueri licet, quod acute dictum ac ſaga-  
citer inuentum videatur, vbi de cauſſis legum, morum  
et religionum vniuerſe diſputatur; at ea omnia ſaepe  
concidunt ſi ad ſingula exempla deſcenderis. Moham-  
medicos ritus, Arabiae ſaltem Orienti vnice accommo-  
datos, quis tandem credere potuiſſet tam late recipi  
ac ſeruari per regiones ac terras ſoli caelique prorsus  
diuerſi? abſtinentiam a vino ſeruari in terris vi-  
tium feraciſſimis, lotiones religioſas in terris ſiccis  
aut gelidis?

filiis credita fuerit, et innumera eiusmodi alia, ignoramus. Quid quod illae *leges*, quae ad nos peruenere, ne quidem ab *institutis* sedulo sunt distinctae, venitque *legis* nomine, quod *institutum* erat, (*νόμιμον* non *νόμος*); erant quoque multae *leges* haud dubie ab *institutis* profectae, hoc est, ut nostrates dicunt, *lex* non scripta abiit in scriptam; multa sunt *similia* nostrarum ciuitatum *Statutis*, alia *Consuetudinibus* et *Iuri* recepto.

Tandem et illud manifestum fit, in illis libris, qui periере, *πολιτείας* et *leges* non *semper* totius *reipubl. descriptionem* aut *legum codicem* continuisse, sed complexas esse tantum ea, quae cuiusque ciuitatis aut *reip. essent singularia*, instituta peculiaria ac ritus et mores insolitos. Accidit igitur etiam in hoc genere, quod in historiis ubique factum meminimus, ut non notata ac memoriae tradita sint nisi ea, quae a sollenni rerum more ac statu recederent; quae enim perpetua ac consueta sunt, quia popularibus obuia sunt et trita, scripto consignata vulgo omnes fastidimus, gratissima illa cognitu et vtilissima futura posteris, qui post aliquot saecula mores nostros, vitas, et instituta, discere uolent. Hinc plura audaciae per scelera ruentis vastique animi immoderata appetentis exempla quam honestatis ac virtutis moderatae, inprimis vitae priuatae, ad posteritatis memoriam prodita sunt per omnium temporum annales. Vulgus nonnisi ad noua et insolita rerum miracula obstupescit, ad multo maius naturae sibi perpetuo rerum ac certo cursu constantis miraculum hebet;

T 5

ita

---

ita nec in litteris ingenia, nec in rebus gerendis consilia admiratur, nisi nouum àliquid et insolens illa produxerint; vtrum vero illud recte nec né procuratum, an a caussis probabilibus et honestis profectum sit, et an vtilitatem aliquam veram attulerit, vulgus haud facile laborat, ne tum quidem, cum malorum ex eodem praeclaro facinore natorum sensu ad veriora duci poterat. P. P. in Georgia Augusta d. XVI. Septemb. clō Io cclxxxvi.

---

---

ACADEMIAE GEORGIAE AVGVSTAE

PRORECTOR

JO. STEPHANVS PÛTTER

CVM SENATV

ANNIVERSARIA INAVGVRATIONIS

SACRA XXXV.

IN A. D. XVII. SEPT. cIoIoCCLXXII.

RITE INDICIT.

---

*Litterarum artiumque inter antiquiores Graecos  
conditio ex Musarum aliorumque deorum  
nominibus muniisque declarata.*

---

Cum a nostris hominibus, Ciues, quoties litterarum nostrarum disciplinarumque orbem symbolica aliqua ratione declarare volunt, Musas et Apollinem, maxime in carmine, memoratos legimus: subit interdum animum illa cogitatio, an satis consentanea cum nostrarum litterarum conditione et indole illa sint nomina. Quam enim ex Musis appellabimus, in cuius tutela Struvius parvus, quem vocant, sit! aut cui ius criminale, processum imperii, vel theologiam pastorem sacram sanctamque esse dicemus! Contra eae artes, quae  
inter



inter ceteras Musis propriae et consecratae habentur, poetice et musice, ex academicarum disciplinarum orbe tantum non exulare videri possint; vt adeo Musae non modo ex siluarum recessibus fontiumque frigoribus in oppida et auditoria, ex solitudine et silentio inter clamores strepitusque cathedrarum traductae, verum etiam ex sacro vatum choro, ex mediis Charitum amplexibus abreptae, in contubernium, ne quis ergastulum dicat, earum disciplinarum ac scientiarum detrusae sint, inter quas citharae tibiaeque cantus non minus alienus esse videatur, quam iis in locis, vnde *exaudiri gemitus* \*). Nec minus tamen fatendum est aliena esse Musarum nomina et attributa ab omnibus illis aetatibus, quibus Graecia Italiaque litteris artibusque floruit; nec Musis consecrata fuit philosophia, eloquentia, medicina aut alia disciplina. Quo ipso intelligitur, neque illis aetatibus Musarum nomen esse inunctum; quod si enim tum demum philosophiam litteras artesque liberales symbolice exprimere voluissent homines, alias ii haud dubie Musas induxissent aliterque earum nomina et attributa constituissent, quam vt a cantu, carmine et saltatione, ea peterent.

Inter haec animus delabitur ad illam cogitationem, paullo grauiorem, quam diuersa et a nostris aetatibus aliena scientiae et doctrinae ratio et aestimatio inter eos homines esse debuerit, qui primi litteras suas Apollinis et Musarum nominibus consecrare voluerunt. Quae res cum paucis forte animad-

\*) Aen. VI, 557.

animaduersa nec ingrata tamen sit ad cognoscendum, nunc in ea cogitatione et commentatione iuuat animum paullatim defigere, vt diuinando assequamur: *quae litterarum artiumque omnino ratio et conditio esse debuerit ea aetate et inter eos homines, qui primi Musarum reliquaue nomina symbolica excogitarunt, quibus litteras artesque et disciplinas designare solemus.*

Et primum quidem, quod ex omnibus illis litterarum personis et nominibus symbolicis intelligitur, illud est, *nullam illo tempore tradendi praecipiendaue rationem fuisse*, praeterquam quae fit *cantu et carmine*: quae res ipsa artium incunabula et exordia arguit, cum necdum scribendi artificium esset inuentum aut vulgatum. A carmine autem inter omnes populos, qui non ab alio populo victore vel victo cultum humanitatis acceperunt, litterarum primordia profecta esse, et proficisci debere, satis constat \*). Quod igitur *Apollo et Mercurius* artibus et litteris praeesse dicti sunt, id non male designatum est alterius inuento et attributo proprio cithara, alterius lyra. *Mercurii* quidem notio haud dubie in Graeciam peregre inuecta, ex Aegypto maxime, vt probabile sit, cum ab initio *λογου*, h. e. mentis et rationis, tum sermonis, tandem etiam scripturae esset symbolica declaratio, mox eam induere coepit personam, ad cuius auctoritatem referrentur omnia ea, quibus *hominum recentum cultus formare* ille dictus est, aut quibus prisca Graecia ad humaniorem cultum deducta esse credebatur; inter quae primo loco habitam esse videmus musicam cum  
humano

\*) cf. sup. Comment. de vet. poëtar. doctrina p.167 sqq.

humano eloquio, ad eloquentiam deinceps expolito, tum palaeſtram et certamina gymnica, quibus nec dubie Graecia multas virtutis bellicaeque diſciplinæ cauſſas debere viſa eſt, qua belluina illa veterum heroum ferocia fracta, homineſque ingentium corporum vires temperare et certo cōſilio moderari regereque didicerunt.

Antiquior, et, quod nobis videtur, Pelasgicae originis, *Apollinis* eſt religio, quandoquidem illa in antiquiſſimis, Etruriae quoque, monumentis occurrit, et Romanis patrius deus fuit Apollo. Religionis vetuſtatem citharae etiam ratio docet, quam priorem fuiſſe lyra neceſſe eſt, quippe cui fundus acceſſit, teſtudinis cauum, quod ſonum corroboraret: cum cithara fides tantum haberet iugo iunctas inter duo cornua. Quod autem Apollini muſica inprimisque cithara, tanquam proprium inventum; tributa eſt, ex eo, niſi fallimur, repetendum eſſe videtur, quod antiquiſſima Delphis fuit religio, quae carmina et choreas cum cantu, citharae maxime, deſideraret. Et fuere Pythici ludī eius generis vetuſtiſſimi, (ἀγὼν μουσικὸς) in quibus cantus primum cum cithara et chorus vixit, nec niſi fero, Pythiis inſtauratis, (Olymp. 48, 3.) acceſſit tibia, altera autem Pythiade equorum quadrigarumque curſus, oſtaua qui aſſis fidibus canerent, hinc alia certaminum genera ſunt récepta. Artium itaque tutela et praefidium Apollini non alia de cauſſa delatum eſſe videtur, quam quod primum in eius ſacris antiquiſſimo et patrio Graeciae ritu citharae chorique uſus fuit. Pari more Bacchus  
inter

inter deos ingeniorum fautores est adscriptus, quod Athenis in eius sacris dramatica poesis prima incrementa et laudem habuit. Neque mirum videri debet, si poetae ad deum, tanquam auctorem, retulerunt ea, quae in eius sacris ludisque fierent. Pani quoque syringis, tanquam proprii inuenti, laus forte non aliunde venit, quam quod Arcades eius festum choreis fistulaeque cantu antiquo more celebrabant. Ceterum in Apollinem successu temporis artis quoque medicae inuentum et honos fuit collatus: cuius opinionis causam et originem non nisi coniectando assequimur. Notum est primo tempore medicinam inter homines fuisse vix ullam, praeterquam vulnerum, quibus herbas, herbarumque succos vel radices tritas inspergebant; morborum autem *cohors* partim in illa vitae simplicitate *terris* nondum *incubuerat*, acuti vero morbi a deorum, Phoebi maxime et Dianae, ira repetebantur. Ad solis, aestu suo aerisque intemperie corpora tentantis, vim in eo allusum esse, non fit improbabile. Cum tamen semel morborum causas ad deos referre coepisset vetus Graecia, mos inde invaluit, ut de morborum auxiliis consulerentur fere vates, deorumque oracula adirentur; inter quae post Dodonaeum antiquitate et auctoritate eminere Delphi. Vates autem inter priscos homines, apud quos omnia, quae quis diceret, moneret, suaderet, etiam quae narraret, carmine, adeoque inflammato animi spiritu, magnoque ore proferebantur, pariter omnis doctrinae et sapientiae auctores a),  
et

a) ἐνέπνευσαν δέ μοι αὐδὴν (Μοῦσαι) Θείην, ὥς τε κλύοιμι  
τὰ τ' ἰσσύμενα πρό τ' ἰόντα. Hesiod. Theog. 31, 31. et paullo

et futurarum rerum prouidi, religionum ac rituum consulti, ideoque et occultarum caussarum, remediumque, quibus morbis medela fit, intelligentes peritique habiti sunt.

Artes metalla tractandi et ex iis opera conficiendi, fingendi vel sculpendi, in promptu fuit veteri Graeciae ad *Vulcanum* referre, quippe quem ignis symbolum acceperat, etiam eius, qui per vniuersum hoc cum aere et aethere fertur, et qui per subterranea loca diffusus interdum per hiantem terram incluso spiritu erumpente montium Lemni Siciliaeque incendia facere visus erat. In hoc vero illud obseruandum, quod, artium adhuc paruo et obscuro discrimine, idem Vulcanus arma, thoracem et clypeos, simulque affabre factos tripodes cum signis puellarum aureis, idemque fibulas, armillas aliaque ornamenta procudit et fabricatur (v. ll. Σ.

*Minervam* nondum memorauimus; eam quidem ab initio virtutem bellicam, quae cum consilio, arte et scientia coniuncta est, delignasse, ex Homero satis obuium est, qui Martem fere apponere solet, temerarii impetus caecique pugnandi ardoris, quem vasti corporis vires faciunt, interpretamentum. Ad *Minervam* mature Graecia mansuetas retulit artes pacis, imprimis femineas texendi, nendi, tingendi acutaeque pingendi; nullae autem artes aliae, quam feminarum, heroum tempore vigeabant,

paullo post v. 37. 38. Μυσαι, Εἰρεῦσαι τὰ τ' ἔδοντα τὰ τ' ἐσόμενα πρὸ τ' ἔδοντα. An aliter de Calchante Homerus Iliad. α, 70? Sed de his egregie iam Strabo monuit.

vigebant, virorum studiis ad armorum tractationem conuerfis. Tandem in eam congetta sunt alia attributa et munia ex Aegyptiorum Neith, quam Graeci Athenen interpretati sunt: cf. Cic. N. D. III, 23. Plat. Timaeo p. 22.

*Herculis Musagetae* notio in Italia primum nata esse videtur, cum M. Fulvius Nobilior nouem Musarum signa Ambracia Romam translata in Herculis templo dedicasset (Plin. XXXV. l. 36, 4.) quod aliquanto post Marcius Philippus restituit (Sueton. Aug. 29. Ovid. Fast. VI. extr.). Herculis in ea communis cum Musis ara fuit, quam perpetram ad Euandrum referre volebat Plutarchus (Qu. Rom. p. 278. D. Frf.), errore inde nato, quod in foro boario alia Herculis ara fuit Maxima dicta, cum signo, quod *ab Euandro sacratum, ut produnt.* (Plin. XXXIV. l. 16.) An vero Herculem Musageten Fulvius in Graecia cum esset imperator acceperit, ut Eumenius tradit, in Or. pro rest. Sch. c. 7. admodum dubitamus, cum nondum vlla eius rei in vetere Graecia auctoritas occurrerit; sin is recte id adfirmavit, Herculis Musagetae nomen vix aliunde ortum videtur, quam ab artificis opere aliquo insigni, qui Herculem cum Musis exhibuerat, eo forte consilio, ut praeclara facta Musarum praeconiis decorari significaret. Serioris artis frequens argumentum est Hercules lyram intendens vel pulsans. Quicquid est, recentius certe Herculis cum Musis est contubernium, neque ad litterarum incunabula, de quibus nunc agimus, reuocandum b).

Iam-

b) [v. nunc Comm. de Hercule Musag. Vol. III. p. xxiii.]  
*Heynii Opusc. acad. Vol. II.* V

Nos ea tantum notabimus, quae de litterarum artiumque incunabilis iudicium nobis facere videbuntur.

Ab initio Aloidae, viribus opibusque potentes homines, quorum nomen ab Orchomeniis, prima veteris Graeciae ciuitate, quae opibus insignibus floruit, profectum videtur, tres Musas ediderant *Meleten*, *Mnemen* et *Aoiden* g). Illo itaque adhuc tempore omnis sapientia carmine continebatur, cuius naturam illi a *meditatione*, *memoria* et *cantu* repetebant. Antequam enim prisca aetas scribendi artificium aut intulerat aut satis excoluerat, deficiente inprimis opportuna habilique materia, cui inscribi litterae possent; qua ex re, tenui per se et exigua, quanto opere omnem vitae humanae ingeniorumque cultum pependisse putatis! ei, qui nouum carmen, nam carmine omnis tum oratio erat inclusa, conderet, mente et memoria versus, quos elaborauerat, retinere necesse erat; idem facere debuit, quicumque cognoscere nouum ingenii fetum volebat, vt memoriae versus mandaret poetae ore exceptos. Auditione enim omnis tum institutio et doctrina in animos descendebat, eoque altius, quo voce, ore, sono, gestu, actione pene mimica, illa animari solebat. Neque aliter quicumquam in vulgus edi vel ad posteritatem prodi potuit, quam si memoriae esset mandatum. Memoriae itaque beneficium eo tempore fuit summum,

V. 2

inprimis

g) Pausan. IX, 29. cf. Cic. N. D. III, 21. ibique Dauid. Mulrum argutati sunt in huius numeri ternarii causis Plutarchus, Censorinus, alii.

inprimis in retinendis superiorum vatum carminibus. Quare a nonnullis *Mnemosyne* Musarum mater edita fuit, quae ex Jove eas peperit. Nam ii, qui *Vrañi* et *Terrae* filias eas perhibuerant *h)*, aliud quid sequuti videntur, forte hoc, ut carminis antiquitatem ea re declararent: aut, quae simplicissima ratio, quod, ea, quae abstracta, proprietates, virtutes, in personas mutarant, cum inter numina retulissent, modo ad Jovem, modo ad Coelum et Terram, tanquam nata ex iis et partu edita, referre solebant. Quod vero *Euphemen*, quasi *bene eloquentem* diceres, Musarum nutricem, cuius in *Heliconis* luco ex saxo signum fuit, commenti erant, id ad carminis suavitatem spectare quis non videat? Carminis autem, uti postea eloquii, multo maior esse debuit vis ad hominum ferorum et barbarorum animos, maiorque adeo auctoritas, quam nunc a nobis facile intelligi potest, ex quo philosophandi subtilitas orationem ad hanc exilitatem attenuavit, qua a sensuum impulsibus viuidoque animi vigore et robore ad iudicii acumen et cogitandi subtilitatem (bono nostro an malo factum dicemus?) omnis reuocata est doctrina et scientia. Quid? quod ipsa scriptura et lectionis inuenta facilitas, dum taciti apud animos ea, quae leguntur, cognoscimus, ut orationem ab aurium iudicio, a numeris et modulationis suauitate reuocavit, ita animum ab iis omnibus, quibus sensus grauissime impelluntur, numerosae inquam orationis grauitate et venustate, actionis

*h)* Res nota ex Diodor. IV, 7. Pausan. IX, 29. Schol. Apoll. III, 3. qui *Alcmanem* et *Mimnermum* auctores eius fabulae memorant.



nis gestusque et motus vi ad afficiendam mouendamque mentem, abduxit et alienauit.

Obtinuit tandem, vt reliquam in numero varietatem omittam (de qua Cicero N. D. III, 21. videndus), *numerus Musarum nouenarius*: qui et ipse, cum primum condi coepit vna cum nominibus, nullam adhuc inter Graecos eo tempore philosophiam, nullas artes liberales fuisse, manifestum facit. Quotquot enim vel nomina indita, vel attributa et munia sunt assignata, si singula excutimus, ad poësin, cantum et saltationem seu chorum spectant; nisi quod historiae iam tum scribi coeperant, quandoquidem Clio rerum gestarum memoriae praeesse dicta; etsi et hoc ad carmen epicum spectauit, quo priscorum heroum res et facta ex antiqua memoria repetuntur \*). Vraniam forte excipiendam aliquis dixerit, quippe quae ad astronomiam referatur. Dubitare tamen licet de eo quoque, an ab initio simpliciter ad diuinam originem Musarumque in Olympo choros respexerit is, quisquis primus Vraniam dixit. Munia enim, quae singulis Musis attribui solent, non sine memorabili opinionum varietate et dissensu tum scriptorum tum artificum, ferioris aevi videntur esse inuentum, quando iam

V 3

tragoedia

\*) Itaque Homerus, res veteris memoriae expositurus maiorum narratione ac fama acceptas, multo verius Musas inuocat, quam alii poetae. Recte ille copias Achiuorum enarraturus: Ἐσπερς, αἰτ, νῦν μοι, Μοῦσαι Ὀλύμπια δώματ' ἔχουσαι, Ὑμαῖς γάρ θεαί εἰστε, πάρεστε τε, ἴστε τε πάντα. Ἡμεῖς δὲ κλέος οἶον ἀκούμεν, οὐδέ τι ἴδμεν.

tragoedia et comoedia inuentae fuere, quibus Euterpe et Thalia praecessent, quod ante Ol. LIV et LXI factum non est. De Astronomia autem carmen Hesiodi nomine insignitum veteribus in laude habitum est: quod tametsi inter ea referendum fuisse videtur, quae temere sub Hesiodi nomine ferebantur, occurrunt tamen in ipsis Hesiodi Operibus et Diebus siderum occasus et ortus inter rustici operis et nauigationis praecepta notati.

Nouenarium Musarum numerum etiam in Homeri Hesiodique carminibus constitutum esse, iam a Diodoro (lib. IV, 7.) est obseruatum, ut saltem hoc liqueat, illo iam tempore Musarum chorum ad eum numerum excurrisse. Enimuero in dubitationem ea res adduci posse videtur. Nam apud Homerum numerus nouenarius vno in loco occurrit, extremo Odysseae libro ( $\Omega$ , 60), qui an Homerum auctorem habeat, recte dubitatur. Ab Hesiodo autem an Theogoniae particula illa, in qua v. 57 sq. occurrunt Musarum nomina, profecta sit, parum liquet. Quin Boeoti circa Heliconem indigenae, Pausania teste, negabant non modo praeter Opera et Dies vllum genuinum Hesiodi habendum esse fetum, sed in iis quoque priores versus, in quibus Musae inuocantur, ab aliena manu esse assutos (Paus. IX, 31.).

De symbolicis mythis, qui passim occurrunt, quoties de Musarum singularum parentibus, liberis, amoribus, rebus, narrant poetae, hic agendi locus non est; memorabimus adhuc breuiter ea, quae, de  
Musis

Musis narrata, *veteris vitae et moris vestigia* produnt. Munus earum praecipuum est, hymnos in laudem Jouis patris canere: erat enim hoc inter antiquissima carminum argumenta. Cantant eadem et choreas exercent; (vt in Helicone Theogon. 4. 7 sq.) vetere more et hoc. Saltandi enim, hoc est choros ducendi, vt canendi lyramque vel citharam pulsandi, studium et festiuitas plerumque iungi solebat. Ex prisca vita ductum item hoc, quod Apollo nonnunquam (non enim hoc perpetuum) praecentor chori adhibetur, vt Il. A, 603. et in Cypseli arca apud Pausan. V, 18. Tribuuntur tandem Musis alia, quae a vatuni inter reges antiquae Graeciae fortuna et honore ducta sunt. Vti enim aedi accinebant regum epulis, sic Musae Jouis deorumque epulis adhibentur, vt canant prisca deorum facta et origines (v. Homer. l. c. Hesiod. Theog. 36 sq.).

A Musarum nomine appellata *μουσική*, cuius vis et significatus vni tandem arti adhaesit, cum ab initio cantum et poetice omnino declararet, postea vero omnia ea, quae carmine prodi solebant, ipsamque adeo philosophiam omninoque litteras, imprimis quae ad humanitatem animos emolliunt. Sequiores autem Musarum nomine, numero et munere, varie vsi sunt, cum magna interdum allegoriae licentia, multa quoque argutiarum leuitate, quam oratione prosequi et piget et a consilio alienum est i). Ita ternarium Musarum numerum

V 4

philoso-

i) Adeat, qui cognoscere vult, vulgares libros, vel Plutarch. Sympot. VIII, 14. Varron. ap. Augustin. C. D. II, 17.

philosophiam, rhetoricen et mathematicen designare aiunt; quae res Plutarchi tempore eam scientiarum descriptionem obtinuisse declarat; a priscae autem vitae rudiore indole aliena est. Aevi itaque ferioris quoque habendus est hymnus inter Orphicos is *k*), in quo Musae omnis doctrinae parentes, animi nutrices, rationis rectrices, mentis moderatrices appellantur. Inter alia egregium est illud veterum quoque poetarum commentum, quo Musas et Charites consortio et contubernio iungunt. Itaque illae communes instituunt choreas; interdum in Veneris quoque et Erotis contubernium Musae adducuntur. Multa alia artifices in gemmis suauiter effinxisseprehenduntur. Non nostri ingenii est, exemplorum farraginem cumulare. quotiescunque ea opera satis odiosa superfedere possumus.

Ceterum hoc Musarum cum Gratiis, Venere et Amore consortium veremur, Ciues, ne nostris aetatibus tantum non dissolutum videri debeat. Scilicet deducto carmine cantuque ad pedestrem orationem, et philosophiae seueritate sententiis grauibus verbisque subtilibus exultantes animi spiritus compefcente, perterrefactae Gratiae cum ipsis Musis fuga dilapsae sunt. Neque Platonis suauissima oratione retineri potuerunt; quippe cuius exemplo satis intelligi potuit, aut Philosophiam aut Musas cum Gratiis esse deferendas; philosophandi enim subtilitatem

*k*) Orphic. Hymn. LXXV, 4. 5 πάσης παιδείας ἀρετὴν γενναῖαν ἀνεμπτον. Θρέπτειται ψυχῆς, διανοίας ὀρθοδόξου, (h. αἱ διδοῦσαι διάνοιαν ὀρθήν, alio nomine ὀρθώτειται.) Καὶ τοῦ ἐνδυνάτοιο καθηγῆται ἀνάστα.

tatem esse posse nullam nisi cum verborum subtilitate et exilitate coniunctam: id quod Aristoteles mirifice perspectum habuit. Eaque res multo magis patuit, cum diuina veritas ad philosophicantem subtilitatem attemperata et legum iuriumque interpretatio in scientiam esset conuersa. Si itaque Musarum nomina passim adhuc versiculis in numerorum complementum otiose insidere videmus, *re amissa non en retinuisse* dicendi sumus. Successere in earum locum seueriores deae, *quatuor Facultates*, quae quibus parentibus natae, qua mortalium an immortalium cura nutritae adoleuerint, quibus nominibus, muniis, attributis superbiant: alio tempore dispiciemus.

Et haec quidem haecenus luisse iuuat, ac verius proluisse diei festi faustique sollennibus, quae crastino die habebuntur. Quod enim felix faustumque sit, agenda instant sacra anniuersaria Academiae nostrae, quae bono cum deo cras illucescent XXXV. Ducetur ex more pompa sollennis in templum academicum, et inter ceteros ritus sacros festosque oratio habebitur ab Academiae Oratore, Professore eloquentiae, CHR. G. HEYNE. Proludet ille precibus votisque publicis rite persoluendis suscipiendisque praefatione super noto illo philosophi dicto, quo *seuera res esse gaudium* pronuntiatur. Inter ea, de quibus Deo O. M. gratiae publice agenda sunt, primo loco memorabitur illud, quod, nostrarum rerum tutelam Sanctiore Sacratissimae Regiae Maiestatis Consilio sustinente, Viri Illustrissimi eidem Consilio Sanctiori adscripti,

---

ALB. FRID. DE LENTHE, Praefes Collegii Fisco Reg. curando, et LVD. EBERH. L. B. DE GEMMINGEN, Magnus per Ducatum Cellensem Advocatus, CVRATORES ACADEMIAE NOSTRAE renuntiati, praecipua cura et vigilia pro salute nostra excubare non dedignantur.

Vt his follennibus beneuole interesse faustisque ominibus votisque, in natali hoc Georgiae Augustae faciendis, linguis animisque fauere velitis, tabula hac proposita, Ciues, vos rogare, ad officium nostrum et ad beneuolentiam, qua vos prosequimur, pertinere duximus. Vos itaque, Comites Illustrissimi, Barones Nobilesque Illustres Generosissimi, Ciues natalium multoque magis ingeniorum morumque claritate et laude commendatissimi, humanissime precamur obtestamurque, vt follennibus frequentes adesse velitis. P. P. d. XVI. Sept. cld Id cclxxii.

---

ACADEMIAE GEORGIAE AVGVSTAE

PRORECTOR

JO. STEPHANVS PÛTTER D.

CVM SENATV

ANNIVERSARIA INAVGVRATIONIS  
SACRA XXXVI.

RITE INDICIT.

SIMVLQVE

SVCCESOREM SVVM  
GE. HENRICVM AYRER D.  
CIVIBVS COMMENDAT

IN A. D. XVII. SEPT. cld lccclxxiii.

---

*Subiicitur notatio Corporis Iuris glossati MSti  
Bibliothecae Georgiae Augustae.*

---

**D**uplex libelli huius dos est, Ciues, duplexque  
eius publice proponendi-caussa, vtraque me-  
lioris notae faustique auspicii. Ad annorum enim,  
quibus incolumis stetit Academia nostra et laeta  
incrementa habuit, summam accedit hodie iterum  
vnus annus expletus, isque inter res florentes et  
prosperas, bonorumque omnium, quae paterna  
numinis

numinis O. M. indulgentia concessit, fructum constantem certumque exactus. Nam secundum publicam vniuersae reipublicae incolumitatem, laetorem agrorum prouentum, aeris temperiem salubrem, pacem non dubiam, quis non Regis Optimi, Parentis Indulgentissimi, Pacis Statoris inuictissimi, incolumitatem? quis non domus Augustae fausta incrementa? non laetum terrarum Brunsvicensium statum? inprimis si cum tot vicinarum terrarum difficultatibus comparetur? quis non haec omnia et alia plurima, grata mente reputet, deoque immortali, tantorum bonorum auctori, accepta referat et ad pietatis sensum in animo hilaritate diffuso et commoto excitandum adhibeat? Nostra quidem academica resp, etsi mortibus aliquot Collegarum, qui suis tamen annis obierunt, hoc quoque annuo spatio fuit afflicta, reliqua tamen bona et decora salua habet et intacta. Senatus Sanctioris, inprimisque Curatorum Ill<sup>morum</sup>, prouidentiam curamque et nostri nostrarumque rerum studium experti sumus tantum, quantum votis etiam inuidiosis parumque modicis satisfaceret. Contigit etiam ea felicitas, vt Viros Illustrissimos summosque, primum L. B. DE WENKSTERN, Regi M. Brit. a Confil. sanctior. et aliquanto post L. B. DE LENTHE, Collegii Fisco Regio curando Praesidem, Academiae Curatorem, coram intueri, eorumque virtutes mirabiles, comitatem et beneuolentiam incredibilem, deuenerari licuerit. Locupletata est Bibliotheca academica copiis amplissimis, interque eas codicibus aliquot MSS. et magno typographi-  
corum monumentorum numero. Cumque adhuc  
ea



ea supellectilis litterariae pars Academiae abesset, quae naturae copias in sua genera et classes distributas speciminibus et exemplaribus illustrat: ea autem si careremus, librorum tantum apparatu contenti, altero oculo acute cernere, altero si non caecutire saltem caligare et lippire videremur: quae enim disciplina naturae cognitione subtiliore vacare potest, et tamen doctrinae accuratae nomine digna videri? Aug<sup>mi</sup> Regis munificentia summa, et Collegae nostri, Exc<sup>mi</sup> BÜTTNERI, Viri multiplici variaque doctrina ornati, liberalitate et generoso Academiae publicaeque utilitatis studio, apparatus Academiae huic obtigit, qui non modo naturalium rerum copias complectitur, verum etiam numerorum priscorum et recentiorum diuite penu, et gemmarum gaza locuplete instruxit nos: isque apparatus ita ad certum rerum ordinem ac systema collectus est et digestus, ut omnium generum exempla adsint luculenta. His igitur novis iisque splendidis incrementis in Academiam nostram cumulatis anniversarium hoc solenne merito inter supplicationes et gratulationes exigere decretum est. Publice quidem illae habebuntur in templo academico inter sollennium genus aliud, quod in hunc diem differre placuit. Transferentur enim magistratus academici insignia, quae per annum et quod excurrit in una eademque domo fuerunt, hoc ipso die extra ordinem in Virum annis, meritis, doctrinae copiis ingeniique et morum urbanitate venerabilem, Collegam honoratissimum, coniunctissimum,

GE. HENRICVM AYRER D.

cuius vigilantia, prudentia et constantia, spem facit  
certam

certam fore, vt disciplinam publicam, egregie per hunc annum firmatam et munitam, omni feueritatis perfeuerantia continuatam et stabilitam habeamus. Prosequimur interea bonis vôtis omnibusque auspicia magistratus, cui crastinus dies aditialis constitutus est, isque adeo auspiciatissimus, cum is academiae natales fausto fidere ortos referat.

Cum autem muneris ratio nobis iniunxerit hoc, vt festis sollennibus proludamus scriptione aliqua publice ad vos edenda, Ciues, et proponenda; si forte sint, qui ad ea legenda animum conuertant, vnde nihil in penum ac cellam sperari, sed ingenii tantum ornamentum doctrinaeque auctus exspectari potest; nihil putauimus cum consilio nostro esse coniunctius, quam vt ex iis ipsis copiis litterariis, quibus per hos ipsos dies Augusta munificentia nos instruxit, deligeremus cimelium aliquod insigne, cuius argumento exposito et interpretato vtilitas aliqua ad vos et scientiae incrementum redire posset.

Esto autem cimelium illud ex aliis, quae nunc commemorare non vacat, codex membranaceus maximae formae, qui vniuersum Ius ciuile vna cum Feudorum libris complectitur; fuit is olim Viri Cl. Chr. Gottlieb Schwarzii, Professoris in Acad. Altorfina meritissimi, nuperque, ab eius heredibus redemptus, nostris copiis librariis accessit. Descriptio quidem eius qualiscunque vulgata est, magnam partem ex viri beate defuncti schedis a), quae vñibus illis,

a) In Catalogo biblioth. Schwarzianae P. II, n. 1.

illis, quibus erat destinata, satisfacere potuit; studiosis tamen Iurium, quorum studia in hac Academia, si qua alia, feruere videntur, rem non ingratam nos facturos esse putauimus, si notationem eius codicis daremus paullo exactiore et curatiora opera; inprimis cum Iuris Iustiniani notitia vulgaris, qualem ex editis, quas nunc versare solent docti viri, haurire in promptu est, aditum ad eum codicem euoluendum non satis muniat.

Primum quidem omnium tenendum est, *Corpus Iuris glossatum* quinque Voluminibus comprehensum esse; de sexto quod seorsum habendum est, singulatim dicemus. Iam Corpora Iuris glossata non ab Institutis, sed a Digestis initium faciunt; adeoque digerenda erant Volumina hunc in modum: ut Digestum priores tres tomos conficeret, quartum Codex repetitae praelectionis, quintum Institutiones cum tribus posterioribus libris Codicis, Authenticis et duobus Feudorum libris. Hoc etiam ordine Accursius Corpus Iuris glossa instruxit *b*). Digestum autem tribus voluminibus solito more comprehensum, diuisum scilicet in *vetus*, *infortiatum* et *nouum Digestum*, h. e. in prius, medium et posterius volumen. Scilicet barbare ea aetas, quod *primum* erat, *vetus*; cumque auctum illud *primum* Volumen et quasi corroboratum alterius accessione vellet dicere, *infortiatum*, quodque *postremum*

*b*) De Gazalupis Hist. Intpp. et Glossator. Minus accurate Pancirollus de claris LL. Intpp. p. 119. Accursium ab Institutionibus auspiciatum dicit.

*mum* est, *notum* dixit *c*): quam quidem disper-  
tendi rationem seu glossa in nimis magnam molem  
subnata, quam ut eam vnum volumen caperet, seu,  
quod etiam probabilius, inde ortam suspicamur,  
quod, cum ab initio in scholis ICTorum priores tan-  
tum XXX. libri Digesti enarrati essent *d*), quan-  
tam quidem eius partem vnius anni spatio interpre-  
tatio e cathedra emetiri et absolueri poterat, mox  
successerunt, qui vespertinis horis alteram quoque  
partem ingeminatis et auctis corroboratisque quasi  
et *infortiatis* studiis, tandem etiam tertiam inter-  
preta-

*c*) *Infortiare* communi vsu pro *munire* dixit illa aetas;  
sed et augmenti notio inhaerere debuit. Erat enim  
*fortis* frequentatum pro multis; *fortiores* Psalmi,  
h. e. longiores in Regu's S. Benedicti occurrunt apud  
Dufresnium h. v. Sic *fortiter* pro multum; vnde ad-  
huc Gallofranci *fort* eodem significatu. *Inforzare*  
etiam Itali retinuerunt, et Galli *renforcer* et *renfort* eo-  
dem significatu accessionis alicuius lactae. In tot  
tamque diuersis virorum doctorum commentis super  
vocis origine (v. post Alciatum, Contium et alios,  
quos vulgo excitatos videri licet, Ferendus Aduens.  
Explicatt. lib. I, 13. Bern. Walther Miscellan. Iur.  
II, 5.) loquendi vsu eius aevi non esse consultum  
primo loco, mirari licet. *Infortiatum* pro *infarto* illa  
aetas dixisse nusquam deprehenditur.

*d*) Sic Innerium vetus tantum Digestum enarrasse con-  
stat: hoc enim principio solum cum Codice interpre-  
tabantur in scholis suis doctores publice: successiere  
priuatae lectiones in ceteras Iuris ciuili's partes *extra-*  
*ordinariae* dictae: donec Compendia Iuris ederent, seu  
*Summas*, primus Rogerius, tum Placentinus, et Jo-  
annes Boffianus, tandemque Azo, illustris ICTus.  
Etiam glossa in *Infortiarum* ferius contexi coepit, nec  
nisi primo Rogerio auctore.

pretarentur e): vt *noui* et *veteris* Digesti nomen non absurde nunc vulgo vsurpatum increbresceret.

Vt vero ad nostrum codicem redeamus, dabimus primum descriptionem aliquam formae et partium, tum de aetate eius, tandemque de vsu, cui inferuire potest, iudicium nostrum quaecunque subiiciemus.

A pluribus diuersisque librariis perscripta esse haec volumina, inspicienti manifestum fit: omnes tamen aetate aut aequales aut sibi suppare fuisse, arguit scriptionis character in ipsa diuersitate mirifice conspirans. Elegantiore tamen character et nitidiore membrana exarata sunt *duo volumina*, quae *Digestum infortiatum et Institutiones cum Authenticis et lib. X-XII. Cod.* continent: in hoc altero volumine accedunt litterarum, quae libros singulos ordiuntur, picturae, quales prior aetas fert, coloribus nitidis et viuidis f); in Codice minus quidem scite, sed ingeniosa varietate, appicta sunt pro librorum ac titulorum discrimine capita animantium monstro-

e) Absoluebant tum doctores Digesti veteris interpretationem annuo spatio, alius eodem spatio Codicis, alii-que mox reliquas Iuris partes pariter anno. Primum Bartolum binis per diem horis docendo totum Digestum binis annis absoluisse accepimus.

f) Sunt in iis nonnulla, quae priscos fori ritus ex eo saeculo referunt, et, si quis otiosior inspiciat, vsum habere possunt ad mores hominum declarandos. Alia risum mouent. Ita ad Collat. III. pr. de Lenonibus: superiore loco ritus nuptiales, inferiore lupanar exhibitum, vnde leno et lena expelluntur: et ante Collat. IV. puerperium feminae depictum,

monstroforum, pleraque ridicula. *Digestum nouum* varias habet insertas lacinias, ad refarciendam iniuriam exemplari huic factam. Ita suppleta sunt ab alia manu, eaque seriore, tria folia in principio (a lib. XXXIX. Digesti noui, et infortiati a tit. 3. XXIV. libri initium fieri memineris) vsque ad l. 9. primi tituli: alia duo folia ad glossam supplendam inserta sunt a recente manu ante tit. quintum, qui est de donationibus. Expletur etiam glossa, a vterque manu adscripta, quae ad lib. 5. tit. de verb. signif. deficit, ab alia manu vsque ad l. 98. Lacunam habet contextus aliquot foliorum inde a l. 139. de verbor. signific. vsque ad l. 132. de regg. Iur. Ex vltima tamen pagina, quae integra subiicitur, (conuertimus enim animum ad indaganda haec, quae primaria in genere eo critices esse solent) intelligi potest, eandem scriptionem fuisse in hoc codice, quam perturbatus duorum foliorum in Pandectis Florentinis ordo in tit. de regg. Iur. vbique inuexerat, antequam error is a Taurello obseruatus et ab Antonio Augustino notatus fuit g). Expleta est lacuna ab alia manu vna cum glossa inde a l. 108. de verbor. signif. vsque ad finem libri: eodem quoque tituli regg. Iur. et legum ordine. Inquisiuimus etiam in cetera loca, ex quibus Pandectae ex Codice Florentino ducti argumenta peti solent: et vidimus etiam in hoc, vt in aliis codd. tit. 8 et 9. lib. XXXVII. esse permutatos; rubricam seu indicem tit. *pro soluto*, qui exemplaribus recentioribus exulat, ante l. 46. tit. de vsurpatt. et

g) Notissimus est locus Ant. Augustin. Emendatt. lib. I, c. 1.

et vſucapp. appiſtum; transpoſitas quoque leges ſeu capita 31. ad 35. in tit. de manumillis teſtam.

*Codex repet. praeſt.* a manu minus ſcita exaratus eſt: ſuſpicamur tamen extitiſſe olim hunc eundem librum ab eadem manu perſcriptum, cui intortiatum debemus: Ad huius enim calcem folium inde attextum eſt, quod particulam a l. 13. tit. 18. libri I. Cod. vſque ad l. 5. tit. 23. exhibet. Laudamus numeros ex noſtris exemplaribus: eos enim e priſcis exulare nemo neſcit. Nouem autem tantum libri hoc codicis volumine comprehenduntur, vt fere in ceteris, quantum conſtat, exemplaribus veteribus ſcriptis et prelo expreſſis: cuiusmodi exemplar habemus in manibus ſplendidum Norimberg. 1475. quocum codicem omnino fatiſ conuenire intelleximus.

Sed *quintum* volumen, quod *Inſtitutiones, Codicis libros X. XI. XII. Authenticas et Feudorum libros* complectitur, inprimis dignum videtur, quod accuratius inſpiciatur. Compacta haec omnia in idem volumen ſunt, more illius ſaeculi, quem in codd. et edd. priſcis obſeruare obuium eſt, ſeu quod ita commodum erat, duobus voluminibus haec complecti, altero Codicis libros nouem priores, altero reliqua, ſeu quod trium poſtremorum Codicis librorum vna cum Nouellis et Inſtitutis, quorum ſerier in docendo vſus factus fuiſſe videtur, honor et reſpectus aliquo tempore fuit praeſcipuus, inter Clericos inprimis, quorum commoda pleraque in iis libris exponuntur. Nouellarum

faltem auctoritatem inter Clericos ab omni inde tem-  
 pore viguisse, earumque vna cum Codice et Insti-  
 tutis notitiam qualemcunque, Digestorum adhuc  
 obscurata memoria, passim ingeniis affulxisse, ex  
 iis colligere in promptu est, quae Guido Grandi in  
 Epistola de Pandectis Florent. disputat *gg*). No-  
 vellas autem in Corpore iuris glossato nemo facile,  
 qui his litteris imbutus est, alias expectet, quam  
 Authenticas nouem Collationibus comprehensas,  
 h. e. versionem latinam veterem, ad verbum fa-  
 ctam, interdum satis barbare, in foro tamen rece-  
 ptam. Complectitur illa XCVIII. Nouellas glossa in-  
 structas diuerso prorsus ab eo, quem nunc seruamus,  
 ordine dispositas: quae res virum doctiss., Schwar-  
 zium, quoque fefellit, vt codicem in Nov. CXXV.  
 deficere putaret. Enimuero in superioribus No-  
 vella: *vt nulli iudicum liceat*, quae CXXXIV. est,  
*de raptis mulieribus*, quae nunc CXLIII. est, et aliae  
 praecesserant. Scilicet deficit codex, vt ceteri vul-  
 gati, in authentica *de sanctiss. episcopis et deo amabil.*  
 (Nov. CXXIII.) quae vltima est nonae collationis:  
 sed subiicitur in codice nostro authentica *Vt iudi-  
 ces non expectent* (Nov. CXXV.) quae supra suo loco  
 exciderat. Adiiciuntur et aliae tres fugituae; pri-  
 mo loco *Nouimus ex denuntiatione*, (quae Nov. CX.  
 est de *nauticis usuris*, qua Nov. CVI. abrogatur).  
 Sed dignum omnino videtur hoc Nouellarum vo-  
 lumen, quod accuratius euoluatur, quam nunc  
 a nobis fieri potest. Ordinem quidem et nume-  
 rum Authenticarum videmus esse diuersum a vul-  
 gato



gato h). Ita in Collatione nona suo loco non deprehendimus authenticam *de priuilegio Archiepisc. primae Justin. sedis: de praetor. consul. Cpol. de Armeniis: de operis nouis nuntiatione maritimi prospectus*. Enimvero in his otium, quod conteramus, non suppetit.

*Feuda* finem habent, vt in vulgaribus libris, cum tit. § 1. lib. II. Adiecta est Constitutio FridERICI Imp. *In die qua*. Glossa huius particulae est, auctorior vulgata, vt adeo eam, quae Jacobi Columbiani curis locupletata fuit, esse probabile sit; frequentius etiam Accursii nomen adscriptum occurrit.

Peruentum est ad *glossam* totius operis, quam *Accursianam* esse cum per se diserte constat, tum ex apposis passim in fine notarum siglis *a. ac. acc. accurs.* ad intelligendum in promptu est i). A diuersis ea manibus, aliis quidem earum similibus, a quibus ipse contextus exaratus est, fatisque antiquis, aliis recentioribus, profecta est. Statim tamen in ipso contextu, binis vbique columnis, exarando, librarium de glossa, quae accessura erat, cogitasse, spatiumque,

X 3

tiumque,

- h) Etiam in praecleara editione vetere, maioris formae, Basileensi ap. Mich. Wenzler: monumento rei typographicae insigni. Comprehendit ea Authenticas glossatas, libros Feudorum et tres nouissimos Codicis libros.
- i) Videtur siglam non animaduertisse Schwarzius, qui in Schol. ad Prooem. Instit. p. 10. nomen Accursii nusquam adscriptum esse affirmabat. Inserta est etiam Institutis satis nitide picta arbor consanguinitatis et arbor actionum, quam a Joanne Bassiano inuentam, a Rosredo Butienli vero locupletatam esse constat. Fuit is Accursio aetate suppar.

tiumque, quod eam capere posset, reliquisse, nobis quidem liquere videtur. Nec vero glossa ab ea, quae in veteribus editis vulgata est, variat aut recedit, vt comparatione instituta didicimus, nisi, quod in omnium inter se exemplarium comparatione occurrere solet, vt addita alia sint, alia subtracta et omissa, alia sedibus et locis mutata. Quam rem mirari non debemus. Habent enim Instituta cum Codicis tribus libris et Infortiatum mera signa multiplici modo variata, admodum tamen obscura, reliqui libri verba interpretanda cum signis praefixa; vt saepius istorum hominum oculos, quos aciei firmitate et intentione incredibili valuisset, necesse est, mirati simus.

Diuerfus prorsus et seiungendus a superioribus voluminibus est codex pro *sexto* volumine in numeros relatus, ab alia eaque minus scita manu minusque nitida in membrana perscriptus, *Digesti XV. priores libros* cum glossa Accursiana complexus; quae ad lib. XV. tit. 3. deficit, contextu tamen vsque ad l. 17. tit. I. libri XVI. producto. A mala manu librum olim fuisse truncatum, antequam ea, quae seruata fuerunt, compingerentur in volumen hoc, dubitare non licet. Praefixa sunt ab alia sed vetere manu, et luculento charactere, duo folia, quae constitutionem Imper. Justiniani *Omniem* ad Antecessores, vnā ex tribus, quibus Pandectas sanxit Imperator, continent: digna ea, quae a studiosis harum lautitiarum cum editis comparentur, cum ex antiquiore descripta sint, in qua verba passim atramenti pallore exoleuerant: vnde  
lacunae

lacunae relictae sunt, etiam sub finem, vbi Graeca ex Homero, quem *patrem omnis virtutis* honorifice fatis appellat Imperator, vt in aliis, defunt k).

Videndum nunc est de *aetate*: ad quam in multis iam a nobis prolusum est. In Catalogo Bibl. Schwarzianae haec erant adscripta: "Scripta sunt „haec volumina sine dubio saeculo XIII. id quod „vel e litterarum forma, vel inde colligitur, quoniam Accursius saeculum XIII. insigni iuris peritia „collustrauit etc." Enimuero alterum hoc tantum id probat, vltra Accursii aetatem codicem non assurgere. Litterarum formam et characterem l) saeculi Accursiani esse, facilius est pronuntiare quam probare. Quin illae potius ad saeculum XIV spectant; saltem Accursii aetate codicem seriore esse ex hoc manifestum fit, quod in Cerotianas glossas incidimus, h. e. a filio Accursii Ceroto additas, v. c. ad l. 15. D. de reb. credit. In hoc igitur manebimus, donec meliora quis docuerit, per saeculi XIV. decursum codicem nostrum esse exaratum m).

## X 4

Restat

k) Quod in fine subscriptum est: *Data Constantinopuli, domino Iustiniano perpetuo Augusto iter Consule* animum aduertere potest: vt *iter* pro *iterum* pictum sit, multo magis ad communem scribendi normam, quam vt *ter* pro *tertium* perscriptum sit. *Tertium* tamen Imp. Consulatum in promulgando Pandecta alia firman: et in *iter* prima littera obelis iugulata videri potest.

l) Nullum apud Benedictinos rei diplomaticae auctores specimen occurrit, quod satis commode comparari cum codice nostro possit; nisi aliquo modo To. III. t. 56. II. Genus. cf. p. 599.

m) Possessorem quendam annum 1462. aliquo loco adscripsisse vidimus. Nec tamen is fuisse videtur, qui  
com-

Restat vt de *auctoritate* et *usu* codicis paucis disputemus. De quo primum nihil vniuerse, sed de singulis partibus, pronuntiandum est. Omnino, quoties de codicum dignitate et loco, quo habendi sint, agitur, in libris iuris distinguendos putamus codices glossis instructos ab iis, qui glossis vacant, modo ne de exemplaribus glossis oneratis descripti sint. Nec vanam rem putet aliquis, duas in hunc modum classes eorum constituere. Eos enim, qui glossam adscriptam habent, contextum quoque ad glossam accommodatum, adeoque vulgarem, habere necesse est. Ex iis contra, qui glossa carent, etsi et ii plerumque ex glossatis codicibus ducti sunt, possunt esse nonnulli antiquiores et ea aetate, qua glossa enata est, h. e. saeculo XII et XIII. priores, aut ex antiquiore descripti. Hi soli usum habere possunt criticum, saltem in Digestis, quorum codicem habemus principem Florentinum. Haecenus itaque in his nolimus quenquam operam nimis sedulam codici nostro excutiendo impendere n).

Enim-

compingendum librum ab opifice curauit: esse enim ferioris aevi videtur vestitus libri. Vnde b. Schwarzii parauerit sibi librum non constat. In *Ge. And. Wille V. Cl. Biblioth. Norica Williana P. V. p. 231. 2.* narratum legimus, post excessum b. Schwarzii Nordlingam, Lib. Imp. Civ., litem vindicando codici mouisse, mox tamen nec diiudicatam deseruisse; adeoque non esse ad liquidum perductum, vnde MS. venerit.

- n) In Schwarzianae quidem biblioth. Catalogo To. II. p. I. adscripta sunt haec: *Variis in locis puriores in MS. reperiuntur lectiones* etc. Enim vero haec pro hedera apposita sunt vino tamen vendibili. Librarius fuit imperitus, si quis alius, adeoque perpetua occurrit emendatio ab iis adscripta, qui codice vsi sunt.

Enimuero libros critica subtilitate constitutos nec desiderat forum, quippe quod vulgatam lectionem sequitur; hanc autem ubique ab editoribus, imprimis in Godofrediana editione, qua vulgo utimur in foro, esse interpolatam fatis constat. De eius igitur sinceritate ac veritate quoties quaestio incidit, ad antiquiores editiones et codices recurrendum est. Commode igitur contigit, ut, dum lectio ad Florentinum exemplar Brenemannii et Gebaueri curis emendata et ad criticam subtilitatem constituta in vrbe hac prelo excuditur, ad bibliothecae nostrae opes vulgatae quoque lectionis exemplum praeclarum perueniret; imprimis cum praeterea editi veteres adsint libri, qui comparari possint, numero plures, interque hos splendidum Jensonianum tribus Voluminibus maximae formae<sup>o)</sup>.

In Institutionibus, quae tot virorum doctorum curis totque libris comparatis emaculatae sunt<sup>p)</sup>, ut ex tali codice multum frugis bonae expectari possit, nos quidem dubitamus. Vulgavit iam varietatem lectionis ex hoc codice Schwarzius ad prooemium Institutt. sed in tanta farragine non una occurrit, quae sententiam pravam restituat, obscuram illustret. Omnino illa opera varietatem ex

X 5

vulgari

<sup>o)</sup> E biblioth. Schwarz. redemptum, et descriptum in Biblioth. Schwarz. P. II. p. 33.

<sup>p)</sup> Inspiciat aliquis saltem recensum edd. ap. Schwarzium in Scholiis philologicis ad prooem. Institt. recuf. LB. 1739.

vulgari quoque codice, qui in manus incidit, cumulandi, molestiae plus quam fructus habere videtur.

In Corpore Iuris glossato nemo facile subscriptiones et inscriptiones additas expectet, vt nec numeros et titulos librorum, e quibus Pandectarum laciniae confarcinatae sunt. Haftenus adeo nec in Codice, nec in Nouellis, criticus vsus codicis esse potest satis magnus. Cum tamen in his multa sint, quae adhuc studium et operam virorum doctorum desiderent, erunt forte aliquando, quos iuuet codicem hunc consuluisse q).

Feudalibus Consuetudinibus comparandis otium iam factum videtur ipsius b. Schwarzii opera: quandoquidem eum ad Gebauerum nostrum variantes lectiones ex pluribus Feudorum codicibus excerptas misisse constat r): inter quas etiam ex hac penu, quam domi habebat, symbolam fuisse depromptam dubitare vix licet.

Atque haec quidem de codice Iuris Ciuilis, cuius addiscendi vobis, o Iuuenes florentissimi, quam expedita, plana et compendiosa via nunc in hac nostra disciplinae ciuilis tradendae ratione ducta  
et

q) Enotauimus ipsi variarum lectionum numerum ex Nouellis aliquot, vnde apparet, operae poenitendum non fore.

r) cf. Gebaueri Narrat. de Brenckmanno p. 175.

et munita est! quot enim quantisque difficultatibus  
 luctandum, quantae molestiae deuorandae fuere  
 iuris studiosis superioribus saeculis, cum ex tam  
 spisso ac vasto opere, tradita per singulas sparsasque  
 sine ordine annotationes iura discenda erant! --  
 Verum vocat nos pompa sollennis, quae ad tem-  
 plum academicum orationibus audiendis ceterisque  
 ritibus peragendis ducitur. Dicta est sollennibus  
 hora X. diei crastini. Vos, Comites Illustrissimi,  
 Liberi Barones, Generosissimi ac Nobilissimi Ciues,  
 vt frequentes adesse velitis, humanissime rogamus.  
 P. P. d. XVI. Sept. clolccclxxiii.

---

ACADEMIAE GEORGIAE AVGVSTAE  
 PRORECTOR  
**JO. PETR. MILLER D.**  
 CVM SENATV  
 SVCCESOREM SVVM  
**CHR. FRID. GE. MEISTER D.**  
 CIVIBVS COMMENDAT  
 IN A. D. III. JULII MDCCCLXXV.

---

*De Arcadibus luna antiquioribus disputatur.*

---

**R**ecreati his ipsis diebus et exhilarati mirifice alterius ex Duumviris Curatoribus nostrae Vniuersitatis, L. B. de GEMMINGEN, Viri Illustrissimi, praesentia, eiusque incredibili inspiciendi et cognoscendi res nostras eaque ipsa ornamenta, quae Regia liberalitate nobis contingere, recensendi studio: indicimus nunc sollennia haec academica tanto maiore cum alacritate et laetitia, quo maior ceterarum nostrarum rerum felicibus successibus cumulus accessit hoc ipso viri summi desideratissimo aduentu. Indicuntur autem sollennia haec in a. d. III. Julii transferendis Magistratus academici insignibus in Virum Illustrem et Consultissimum

CHR.



## CHR. FRID. GE. MEISTER D.

qui inter solitas caerimonias oratione publice habita, faustis cum ominibus; vobisque, Ciues, fauentibus, Prorektoris munia suscipiet: quod vt et ipsi et reipublicae felix faustumque sit, et nos precamur, et vos nobiscum, Ciues, precamini. Vt vero vota fiant publice, vtque rite pieque gerantur omnia, adeste, Ciues, sollennibus frequentes. Vos autem, Comites Illustrissimi, primo loco rogamus humanissime, vt pompam ducere in templum academicum et sacris nostris interesse pro insigni beneuolentia vestra ne dedignemini.

Quandoquidem autem academiae mos et officii ratio postulat, vt hac ipsa pagella, qua sollennia indicuntur, prolusionis causa de re aliqua erudita, ex medio tamen petita, nec adeo recondita, differantur non nulla: retractare placet rem non iniucundam cognitu, quam nuper in animum reuocauit doctissimus Gallus, disputatione de Cometis instituta *a*). Vbi enim in ea quaestione versatur, an Luna aliquando Cometes fuerit, qui cum propius, quam salubre esset, accessisset ad terram, ecce, repente ab ea correptus, motu suo circa eam ferri coepit et in satellitis locum cessit: cui rei fidem facere visum est nonnullis hoc, quod, facie Lunae per telescopium explorata, exesarum quasi rupium vestigia

*a) Essai sur les Cometes en general et particulièrement sur celles, qui peuvent approcher de l'orbite de la terre, par Mr. Dionis du Séjour, de l'Academie Royale des sciences de Paris et Conseiller du Parlement. Paris 1775.*

vestigia, gurgites profundi, sed omni humore exhausti, prominentiumque montium iuga arida apparere putantur; ut credere liceat, nimium propinqui solis aestu eam aliquando torridam exaruisse: eo, inquam, in loco opinionem hanc firmari arbitratur narratione inter Arcades vulgata, qua ii maiores suos terram inhabitasse crediderint, antequam ea satellitem suum, Lunam, nata sit. Narrationem hanc a Luciano ad posteritatem esse transmissam: etsi Ovidii locus satis luculentus ad eam rem sit in Fastis (lib. I, 469)

*Orta prior Luna, de se si creditur ipsi,  
A magno tellus Arcade nomen habet. b)*

In hac disputatione plura a viro sagacissimo parum explorata fide posita esse videtis. Primum multum abest, ut Arcades tam acute cogitarint aut coniecerint, ut maiores suos terram inhabitasse crederent, antequam ea Lunam satellitem sibi comparasset. Quod de Arcadibus narratur, hoc est: antiquiores eos Luna aut creditos esse, aut credi voluisse, aut quacunque tandem ratione dictos esse. Nec aliter Ovidius et in illo et in aliis locis c), Quod porro ex Luciano

b) l. c. p. 184. C'étoit une opinion généralement reçue parmi les Arcadiens, que leurs Ancêtres avoient habité la Terre, avant que cet Astre eût un Satellite. Cette opinion nous a été transmise par Lucien. D'ailleurs rien n'est plus formel, que le passage d'Ovide à ce sujet etc.

c) In loco laudato: Orta prior luna tellus h. e. gens, ut saepe poëta γένος. γένος pro populo et l. II. Fast. 289. ante Jovem genitum terras habuisse feruntur Arcades, et Luna gens prior illa fuit: nec aliter Fast. V, 90. accipiendum: Luna credita terra prior, h. gens.

Luciano auctore d) ea de opinione constare putabat, viro doctissimo condonandum est, a quo postulari non poterat, vt, leuissimae auctoritatis esse libellum de astrologia, perspectum haberet; nam, etsi is inter Lucianeae habetur, Lucianum tamen auctorem nullo modo habere potest, si modo non plane sui dissimilis fuit Lucianus. Multo vero minus suspectus ille libellus erat laudandus, quando quidem tot alii multo grauiore auctores laudari poterant, et vero etiam ad rem tanti momenti firmandam, quaerendi et inuestigandi erant ii, qui primi eam tradiderant, vt intelligi posset, qua auctoritate, qua fide rem maxime mirabilem ad memoriam hominum prodidissent. Vix assequi licet, quomodo vir doctus seueritati probationum geometricarum assuescens in historico argumento tanta cum credulitate versari, aut tantae leuitatis esse possit ad amplectendam fidem rei narratae, non ab graui et antiquo aliquo historico, sed a poeta et ab obscuro homine, qui repetierat ea, quae iam ante D annos in scriptis passim prodita prostabant. Omnino etiam hoc exemplo patet, mutuo inuicem auxilio indigere disciplinas, et astronomicam doctrinam non minus posse mutuare aliquid ex historia ac critica, quam adiuuatur veterum scriptorum lectio astronomicis rationibus. Quisquis enim veterum aetatum indo-

lem

- d) de Astrologia c. 26. vbi leuissimus auctor, cum exposuisset superstitionem Lacedaemoniorum, qui ante plenam lunam non inirent pugnam, solos, subiicit, Arcades astrologiam non coluisse: ἀνολή δὲ καὶ ἀσοφίᾳ λέγουσι καὶ τῆς σαληνναίης ἔμμεναι προγενέστεροι. atqui hoc frustra sumitur, ex stultitia et insipientia Arcades se luna antiquiores credidisse.

lem et rationem tenuerit, vix vnquam eo deuenire poterit, vt sibi probabili ratione aliqua constare putet: aut Arcades ex toto humano genere solos rem ante omnem hominum memoriam factam, a maioribus traditam accipere, aut eos rationes astronomicas ista omnium rerum rudi aetate satis subtiliter instituere potuisse, vt Lunam non semper in Terrae satellitio fuisse suspicarentur.

Interea tamen quaeri potest, cum interpretationem illam ninium subtilem non admittamus, quamnam aliam rationem sensumque esse statuamus narrationis istius de Arcadibus: sitne exploratum satis, tam stulte de se existimasse illum populum, vt originem suam Lunam antecessisse putaret, an alia probabilis ratio afferri possit, qua dictum illud expediatur. Ad quod, si quis ita quaerat, primo sic respondebimus, vt moneamus, non tam id agi vt fabula illa explicetur; potest enim, vt tot aliarum rerum ex antiquitate, vera ratio ac verus sensus iam dudum ita oblitteratus esse, vt frustra nunc in eum inquiratur; quaeri tantum hoc, vt doceatur, inanem esse istam interpretationem, quam viri docti fundum nouae rei faciunt, cum tamen illa omni antiquitatis naturae et genio repugnet omni-que fide ac probabilitate destituta sit. Potest tamen praeterea doceri, primo fabulam de Arcadibus ante lunam natis tam parum diserte et explicite traditam ad nos peruenisse, vt nihil tuto de ea pronuntiari possit; etsi, quod sana interpretatio facere iubet, ad veterum hominum sensum et sermonem exigas; tum vero tam diuersis modis iam veteres, qui istis aetatibus

aetatibus propiores fuere, mythum priscum interpretatione tentasse, vt de certa aliqua interpretatione vel ex auctoritate petenda prorsus sit desperandum. Faciamus itaque periculum expediendae huius fabulae tam diuersis modis et traditae et interpretatae. Qua in re tenebimus institutum, quod vtinam sequantur omnes, qui similem disputationem suscipiunt, vt primo loco dispiciamus, quidnam dictum sit, a quo et quibus verbis, antequam ad nostrum sensum de verborum sententiis et causis iudicemus et argumentemur.

Qui primus Arcades προσελήνους appellauerat, fuisse traditur *Hippys Rheginus* f). Scriptorem hunc non ignobilem Darii et Xerxis tempore vixisse satis constat; praeter rerum Sicularum libros, et vrbium origines, etiam astrologica condiderat g). Verum cum memoratum non sit, quo sensu, qua de causa Arcades eo nomine impertierit, nec factum aliquod adiectum sit, quod iudicium nostrum regere possit: intelligitur iam ab initio, fluctuare illud nec certo facile gradu firmari posse. Aliorum auctorum veterum hac de re nomina seruauerunt  
Gramma-

f) Steph. Byz. in 'Αρκάς. "Ιππυς δὲ ὁ Ῥηγίνος λέγεται πρῶτος καλέσαι προσελήνους τοὺς Ἀρκάδας. Ergo Stephanus, e quo idem repetit Eustath. ad II. β, p. 200. ipse Hippyn non inspexerat, sed traditum sic ab aliis acceperat. Idem Hippys Aegyptios esse vetustissimos hominum narrauerat, vt ex schol. Apolloniū discimus lib. IV, 262.

g) v. Voss. de Hist. Gr. IV, 3.

Heynii Opusc. acad. Vol. II.

Grammatici ad Apollonium Rhodium *h*): sunt ii *Eudoxus*, qui Platonis auditor fuit, astronomus insignis, ἐν τῇ περιόδῳ: fuit enim eius doctum opus γῆς περίοδος, multis interspersis, quae gentium historias, opiniones et instituta illustrarent: cuiusmodi tamen hoc fuerit, quod de Arcadibus dixerat, non constat; etsi ex scriptoris studiis et rationibus libellique argumento probabile fit, eum traduxisse fabulosam rem ad astronomiae prima rudimenta. Porro *Theodorus lunam comparuisse paullo ante pugnam Herculis cum Gigantibus factam* narrauerat *i*). Obscura haec, quoniam veteres Arcadum mythos ignoramus. Videtur tamen hoc ad antiquissimum illum Herculem spectare, cuius in cosmogoniis mentio fit,

*h*) Schol. Apollon. Rh. IV, 264. quod scholium repetitum a Grammaticis ad Aristoph. Nub. 397. vnde etiam apparet vetustissimum illud esse et a Lucillo Tarrhaeo, Sophocleo et Theone profectum. Comparauit iam utrumque locum Rutgerf. Var. Lect. IV, 18.

*i*) Apud Schol. Apollon. l.c. Θεόδωρος δὲ ἐν εἰκοστῷ ἐννάτῳ, ὀλίγω πρότερον Φησὶ τοῦ πρὸς τοὺς Γίγαντας πολέμου Ἑρacles τὴν Σελήνην Φανῆναι. Num sub lunae ortum pugnam factam, an tum primum natam lunam dixerit, ex excerpto hoc non constat. Nec magis constat, quis e tot aliis hoc nomine insignibus Theodorus ille fuerit, cuius opus ad XXIX libros excreuerat; Samothracem eum fuisse, ex Hephaest. Ptolem. lib. VII. (ap. Phot. eod. 190.) colligunt viri docti. Ceterum scholion hoc Apollonii satis memorabile paullo accuratius constituere licet e cod. Reg. Par. MSt. 2727. vnde descriptum illud in manibus habemus: τὸ δὲ τοὺς Ἀρκάδας ἀρχαίους εἶναι δηλοῦνται μάλιστα ἐκ τοῦ προσελήνους αὐτοὺς λέγεσθαι. Εὐδοξὸς τε ἐν περιόδῳ οὕτω Φησὶ. καὶ Θεόδωρος ἐν κβ', (sic et in Schol. Aristoph.) λέγων ὀλίγω πρότερον πρὸ τοῦ τὸν Ἑρacles πολεῦσθαι τοῖς Γίγαντι τὴν σελήνην. Φα. νῆναι.

fit, cuiusque partes in pugna deorum cum Gigantibus fuisse praedicantur praecipuae (Apollodor. I, 6, 1 sqq.); siue ad motus tumultusque subterraneos terraeque vicissitudines pugna illa cum Gigantibus, siue ad elementorum inter se in ipso terrae ortu pugnam referenda est. Quidquid est, pugnam illam in Arcadia factam videtur tradidisse scriptor hic, adeoque hinc illustrari potest, quod Arcadium etiam Gigantidem appellatam narrat Stephanus, Eadem porro cum Theodoro tradiderat *Aristo Chius* *k*) et *Dionysius Chalcidensis* *l*), qui etiam populum Arcadiae *Selenitas* ediderat: id quod ad tentatam a scriptore hoc interpretationem veteris fabulae referendum est. His additur *Mnafeas*, Pa-

Y 2

trensis

*k*) *Ariston Chius*, Zenonis Citienfis discipulus: quem adeo inter scriptores fuisse, qui de urbium situ tradiderant, hinc constat: *Ἀριστων ὁ Χῖος ἐν ταῖς Θέσεσι*. Perperam enim ἐν ταῖς κτίσεσι hoc mutat Rutherford. l. c. quem sequuntur Menag. ad Diog. VIII. 163 et Jons. de Hist. philos. script. I, 12. p. 66. Et si plures fuere auctores, qui κτίσεις scripserunt. Verum nec minus Θέσις, situs ac positus urbium, ad geographicas rationes spectat. Non dicemus, an ἀποικία Ἀθηναίων, quae inter Aristonis scripta fuit, pro particula istius operis habenda sit apud Plutarch. de Is. et Osir. p. 365. E. Opp. Apud Schol. Aristoph. l. c. est *Ἀριστας ὁ Χῖος*.

*l*) *Dionysius Chalcidensis*, incertum quando vixerit, inter antiquiores tamen habendus, quandoquidem Dionysius Halic. eius auctoritate utitur in loco de urbis Romae originibus lib. I. c. 72. De Arcadibus egerat ἐν πρώτῃ κτίσει. Ita appellari potest opus quod condiderat, κτίσεις, libris V. de urbium originibus, de quo cf. Voss. de Hist. Gr. lib. III. p. 171. In Schol. Apollon. ἐν αἰ κτίσεων legere praestat, quod etiam MS. Regius exhibet.

trensis ille, Ptolemaeo Physconi aequalis, cuius praeter alia fuere *Εὐρωπιακά*, siue τὰ περὶ Εὐρώπης, quae si ex innumeris illis, iisque praestantissimis, scriptoribus veteris Graeciae adhuc superessent vna cum eius libro de Asia, multa sine dubio in vetere historia nunc accuratius constitui possent. Narrauerat ille *inter reges Arcadum Proselenum fuisse*: quae noua ratio est fabulae interpretandae *m*). Praeter illos *Aristoteles* in iis libellis, quibus rerum publicarum descriptiones exposuerat, et quidem in capite de republica Tegeatarum, narrauerat, *barbaros ab initio Arcadium tenuisse, eosque eiectos esse ab Arcadibus antequam Luna oriretur; itaque eos appellatos esse proselenos n*). Etiam hoc ita ab Aristotele narratum, vt rationem nominis reddere voluerit: quasi a pugna aliqua ante Lunae ortum facta illud iis impositum sit.

Vidimus

- m*) Schol. Apollon. l. c. *Μνασέας δὲ Φησι πρὸ σελήνης Ἀρκάδας βασιλεύσαι* quae corrupta esse facile intelligitur. (Monuit quoque Valk. ad Ammon. p. 168.) Apud schol. Aristoph. l. c. haec sunt verba: *Μνασέας δὲ Φησι Προσέληνον Ἀρκάδων βασιλεύσαι*. et sic haud dubie legere praestat, quam cum Cod. Regio: *Μνασέας δὲ προσεληνούς αὐτοὺς καλεῖσθαι*. Quod autem locum illum de Arcadibus ad opus de Europa referendum censemus, inde ductum est, quod Fulgentius Mythol. lib. II, 19. (quem locum repetitum videas in Germanici Caesaris Scholiaste ad Prognost. p. 143.) postquam de Endymione narrauerat, subiicit; *sicut Mnaseas in primo libro de Europa scribens tradidit*. In eodem libro locoque de Pleiadibus et Hyadibus egerat Mnaseas, teste Hygino in Astron. II, 21. vt adeo Musaei nomen ab eo loco alienum esse recte statuunt Intpp. et cum iis Burmann. Sec. ad Valef. emendat. V, 17.

- n*) Schol. Apollon. l. c. et ad Aristoph. Nub. l. c.



Vidimus adhuc auctores potiores, qui ea de re tradiderant, (nam feriorum scriptorum vel poetarum loca, qui ornarunt fabulam, in censum hic non veniunt) plerique cum interpretatione aliqua adiecta. Cum primos illos antiquiores auctores non habeamus, nec quid illi tradiderint, satis accurate teneamus: de vero fabulae sensu vix unquam satis tuto aliquid pronuntiari posse manifestum fit. Si tamen iudicium ex indole veterum mythorum similique aliarum fabularum ortu ferendum est, tota haec de origine Arcadum ante Lunam narratio ducta est a nomine *Profelenorum*, quod in vetere aliquo carmine vel scriptore occurrebat, et cuius adeo vis et ratio ex eo solo constituenda erat. Nunc cum auctoritatem illam non habeamus neque adeo veritatem ipsam tenere queamus, ad coniectationes descendere licet; videndum modo est, ut antiquitatis genio illae satis consentaneae sint. Iam autem et olim multae diuinationes in medium allatae sunt, et nunc aliae afferri possunt: de quibus videamus sigillatim quid statuendum sit.

Omnino autem *Profelenorum* nomen impositum Arcadibus videri potest aut, quod ante Lunae cultum, remue aliquam de Luna mythice traditam, Arcadum gentem exitisse norant homines, aut quod Lunae descriptionem et observationem ferioribus demum aetatibus inter eos receptam viguisse constabat. Habet utraque opinio quo se tueatur, posterior etiam exemplum et auctoritatem veterum scriptorum.

Fuisse *Lunae* cum *Pane* inter *Arcades cultum praecipuum*, consensu plurium scriptorum traditur. Antiquitatem religionis hinc colligas, quod in antro sacra iis facta o) sunt; et symbolicae rationis aliquid inesse, non inficiabitur, qui Panem rerum naturam referre cogitet, vnde et Panem adamasse Lunam fabulati sunt p). Potuit ea Lunae religio recipi ab Arcadibus, cum iam per aetates aliquot vixissent homines in Arcadia; qui προσέληνοι appellari poterant, cultu ac religione Lunae nondum recepta. Potuit etiam fabula de Endymione a Luna adamato, cum ea de curru descendisset et cum adolescente vixisset, opportunitatem dare poetis, ut tempora antiquiora ex eo definirent, ut ea Lunae in Arcadia degentis aetatem antecessisse dicerent. Eiusmodi quid obseruare sibi videbitur aliquis in Hesychio q).

Sed ut ad obseruationem *Lunae institutam ab Arcadibus* referre istud nomen placeat, plura mouere possunt: primo quidem loco, quod antiquitus rei astronomicae rudimenta inter eos viguisse aliqua constat, ut vel vrsa maior ab iis constituta declarare

o) Porphyr. A. N. f. 20. Egregius ac disertus de hoc Antro locus est in Quinto Calabro lib. X, 126 sqq. cf. Schol. Apollonii IV, 56.

p) Virg. Ge. III, 392. Philosophema aliquod physicum sub hac fabula latere forte potuit, etsi incertum, quale illud fuerit. Nolim enim praestare commenta Baconis de Augm. Scient. lib. II, c. 13.

q) Hesych. προσεληνίδες, αἱ Ἀρκαδικαὶ Νύμφαι. cf. infr. dicenda; inpr. e Fulgentio.

rare potest, tum quod veteri fermoni vsuique ea forma loquendi accommodata; tandem nec defunt veterum scriptorum loca, qui eandem interpretationem fabulae prodidere. Molestiam tamen in his facit hoc, quod difficile est peruenire ad aliquid, in quo tuto acquiescere possis.

Omnino Arcades gentis vetustate celebratos esse vulgata res est, neque ea a vero aliena *r*), quandoquidem illi Pelasgicae stirpis erant, diuque ante Deucalionem loca illa insedere *s*), eaque ferius quoque tenuere, cum iam a multo inde tempore Hellenes ceteras Graeciae partes insedissent. In hac illi vetustate acceperant a maioribus, fuisse vitae cultum victumque mitiorem ferius receptum, magnamque priorum aetatum partem ferio<sup>o</sup> more fuisse exactam, et vesci solitos primos Arcades glandibus specubusque habitasse *t*). Cum mitio-

Y 4

ris

*r*) Δοκεῖ δὲ παλαιότατα εἶναι τὰ Ἀρκαδικὰ, τῶν Ἑλλήνων etc. Strabo VIII. p. 595. A.

*s*) Οὕτε Πελασγίς χθὼν τότε κυβαλμοισιν ἀνάσσειτο Δευκαλίθῃσιν Apollon. IV, 264. 5. *Pelasgiam* quoque appellatam olim (h. e. eo epitheto seu nomine a poetis designatam.) obseruat Stephanus Byz. in Ἀρκας, ex Nicolao, Damasceno puta. Plin IV. c. 10. *Arcadia initio Drymodes, mox Pelasgis appellata.* Male hoc more, passim etiam in aliis, poetarum epitheta pro nominibus antiquioribus venditari solent.

*t*) Loca veterum in re nota adscribere opus non est; nihil notius βαλάνηΦαγία veteris Graeciae, imprimisque Arcadum. Praeclari Ovidii versus Fast. II, 291 sqq. *Vita feracae similis, nullos agitata per usus. Artis adhuc expertus et rude vulgus erat. Pro domibus frondes norant etc.* Hinc Arcades quercubus natos vetus sermo prodebat: quod ornarunt poetae, v. c. Statius Theb. IV. 175 sqq. *Arcades — veteres aspris Ianaque priores — nemorum vos stirpe rigenti Fama satos etc.*

ris vitae initiis, vti apud alios populos, sic inter Arcades siderum caelique aliquam notionem, sine qua nec arari nec feri poterat, a melioris vitae auctoribus monstratam esse, ex iis intelligitur, quae modo commemoraturi sumus. Iam originum suarum veterisque historiae memoriam, annalibus quoque comprehensam, habuere Arcades u); habuere iidem carmina sua; neque adeo mirum est fabulas ex vetere aevo Arcadum plures ad ceteros quoque Graecos exiisse et hinc in communem poetarum sermonem abiisse. Cum igitur in annalibus his tempora fecernerentur humanitatis vitae a feritate: siderum scientiae respectu declarari illud tempus potuit per vocabulum, quo ante Lunae

- u) Rerum Arcadicarum scriptores fuere cum alii, tum Ariaethus vel Ariethus a Dionys. Halic commemoratus lib. I, c. 49. et ap. Hygyn. Astron. lib. II, 1. f. et 6. Inter Arcades poetas Agathyllus fuit, cuius elegos aliquot Dionys. recitat. l. c. Cum scriptoribus his, annales suae gentis condituris, ex prisca mythis eruere origines Arcadiae necesse esset: fabulae iis veteres de Callisto, et Lycaone patre, de Pane, Mercurio, Endymione repetendae fuere. Translatae hinc eadem et cum Arcadum historia transcriptae ab iis, qui totius Graeciae historias conderent, seu veterum mythorum complexum vno volumine meditarentur. Breviter hinc potiora capita excerptisse videri debet Pausan. Arcadic. pr. capp. Inferuerat Arcadum origines historiis suis Ephorus, etsi opus illud ab Heraclidarum reditu orsus erat. Commemorat ex eo Plinius VII, 49. *Arcadam reges CCC annis vixisse*, quod ita accipiendum: in regum veteris Arcadiae recensu reges adscriptos fuisse, quorum vita ad CCC annos producta diceretur; quod Censorinus paullo differtius de Die Natali c. 17. — *ut Ephorus, qui tradit, Arcadas dicere, apud se reges antiquos aliquot ad trecentos vixisse annos.*

nae contemplationem, et, vt in maius res miraculum augeretur, ante Lunam ea gens fuisse pronuntiaretur; vt forte poëta aliquis primus ausus sit Arcades, cum summam vetustatem gentis declarare vellet, προσελήνους dicere: quod vocabulum, propter felicem ingenii audaciam, arripuere mox alii, eoque omnino vsi sunt, quoties Arcadum x) origines vetustissimas designare vellent. Abiit tandem illud in communem vsum, ita quidem, vt etiam narrarentur Arcades hoc ita de se credidisse, se ante Lunam fuisse natos xx); alii interpretationem fabulae circumspexere, quam variis modis tentatam iam supra vidimus y). Nec defuere tamen qui et  
 Y 5 ipfi

x) Inprimis Apollon. IV. 261. vbi de sacerdotibus Thebarum Aegypti antiquissimis, ea aetate, qua nondum omnia fidera in conspectum prodierant (h. e. ex hac hypothesi, notatione sapientum comprehensa erant), nondum Danaï erant, soli Arcades, Ἀρκάδες, οἱ καὶ πρόσθε σεληναιχς ὑδρόντοιν Ζώειν Φηγὸν ἔδοντες ἐν οὐρασίην. Male aemulatus est locum Nonnus Dionys. XII, p. 1056. in Beroës laudibus.

xx) Versa adeo res in ludibrium, vt qui Arcades stuporis incusare vellent, hoc ipso vterentur nomine, vt eos tanquam senio confectos, delirare vulgo dicerent. Etiam contumeliosum hinc nomen natum βεκκασέληνος apud Aristoph. Nub. 397. vbi v. Schol. quem excipit Svidas. De βέκκος constat ex Herod. II, 2.

y) Aliorum, inprimis seriorum Grammaticorum, argutias recoquere nihil attinet. Vna tamen est omnium lepidissima apud Schol. Aeschyli Prometh. 435. ad vexatissimum locum: ὁρῶν ἑμαυτὸν ὥς προτελούμενον, in quo adeo laborant viri docti emendando, cum simplicissimum erat dicere, προσελεῖν (ductum ab εἰλέω, ἔλλω) esse vetus vocabulum, quod notionem τοῦ προηλακίζεω, ὑβρίζεω habet, et apud Aristoph. Ran. 742. occurrit,

ipsi in hoc inciderent, vt a Lunae contemplatione fabulae caussas repeterent, et inter hos quidem primo loco Mnaseam supra laudatum referendum esse suspicamur z).

Habuisse autem siderum scientiam aliquid, quod Arcadibus illa deberet, ex certorum inprimis siderum nominibus apparet, quae a domesticis Arcadum fabulis ducta sunt. Fuit enim hoc sollenne, vt ferioribus astronomis, ita prisca sapient-

occurrit, nec aliter explicatur ab Hesychio. Scholiastes igitur Aeschyli: ὅθεν καὶ, inquit, οἱ Ἀρκάδες προσελοὶ ἢ προσεληνοὶ. Quasi vox aliqua rite sic formari posset, et cur Arcades ὑβριστὰν dicti? Repetit haec nec plura expedit Etymol. M. et Tzetzia in Chiliad. IV, 813 ἄλλοι δ' ὡς ὄντας ὑβριστὰς, καλοῦσι προσεληνοὺς; idemque in Schol. Lycophr. ad v. 482. vbi et alia interpretatio adiecta, ante lunae cum sole congressum solitos Arcades glandibus vesci. De religioso ritu ille loqui voluit? ἀτρέφοντο γὰρ πρὸ συνόδου τῆς σελήνης περὶ ὀκτῶντις τοὺς βαλάνους. cf. alter loc. in Chiliad. Acutius coniecit Scaliger de Emend. temp. Proleg. ideo dictos Arcades προσεληνοὺς, quod ante novam et plenam lunam res suas exequerentur. Ad multo absurdus commentum detorsit fabulam de Endymione Malalas Chronograph. p. 73.

- z) Schol. Apollonii l. c. vt quidem locus ille ex Codice Regio Paris., collato Scholiasta Aristoph. l. c. restituendus est: ἔνιοι δὲ φασὶν Ἐνδυμῖωνα εὐσεβεῖν τὰς περιόδους καὶ τοὺς αἰσθμούς τῆς σελήνης. διὰ δὲ τὸ Ἀρκάδα εἶναι, προσαγορευθῆναι ὑπ' (f. ἀπ') αὐτοῦ προσεληνοὺς τοὺς Ἀρκάδας. οἱ δὲ ὑπὸ Τυφῶνος φασὶν εὐσεβεῖν. (hoc alibi lectum non memini) Ξεναγόρας δὲ (vetus scriptor, iam Dionysio Halic. laudatus, cuius nobile opus fuit, χρόναι, seu Chronica inscriptum) ὑπὸ Ἀτλαντος. Διῦρις δὲ ἐν πέμπτῳ καὶ δεκάτῳ τῶν Μακεδονικῶν Ἀρκάδα φησὶν, ἥφ' οὗ ἡ Ἀρκάδα καλεῖται, Ὁρχομενοῦ υἱόν, διὸ καὶ Ὁρχομενὸν εἶναι πόλιν (ap. Schol. Aristoph. ποταμόν) ἐν Ἀρκადίᾳ.

piensibus, ut nomina ac formas siderum, quae primi obseruarant aut ab aliis obseruata didicerant, ex priscis suae gentis fabulis impertirent. Itaque sidus omnium, quae vetustas narrat, nobilissimum, Vrsae maior a Lycaonis filia, Callisto, notationem accepit cum filio, qui Arctophylax est dictus. Cessitque tandem in haec nomina omnis Graecia, cum antea idem Vrsae sidus Plaustri nomine veniret bubus iuncti, Boöte appposito. Cynosura quoque in minorem Vrsam abiit.

Observationem siderum per Lunae amorem in Endymione declaratam esse vetere sermone †), non adeo absolum est, siue ut inter cetera sidera eius motus vicesque inprimis essent obseruatae, siue ut ad noctis silentia ea res spectaret, inter quae caelo contemplando vacant ii, qui *Vicinam ex alto mundi cognoscere molem Intendunt, totumque animo comprehendere coelum.* Inuentus autem et descriptus Lunae cursus, constitutique menses et duodenis mensibus anni, res videri debuit satis memorabilis; etsi de auctore rei fama fuit incerta: cum alii ad Endymionem, alii ad Atlantem illud referrent. Constat autem Arcades ab initio nec anni nec mensium descriptionem habuisse, sed ex vicissitudine anni et tempe-

†) Fabula hac de Endymione, quam alii ad venandi studium traxerunt, nihil vulgatus. Plin. II, 9. *quae singula in ea (Luna)prehendit hominum primus Endymion; et ob id amore eius captus fama traditur.* cf. Schol. Apollonii IV, 57. 58. Fuere memorati a priscis poetis montes *aseleni*, ab aliis ad Trachinem, ab aliis ad Aetoliam retracti: quorum nomen ad Endymionis congressum cum Luna reuocauerat Nicander: v. Etymol. M. in ἀσέληνα.

tempestatum tempora metiri consueuisse: itaque annos trimeſtres vel quadri-meſtres habuiſſe dicti ſunt, donec accuratius ipsis ad lunares rationes conſtitutus eſt annus. *Nam annum*, Plinius ait lib. VII, §. 49. *alii aeſtate unum determinabant, et alterum hieme, alii quadripartitis temporibus, ſicut Arcades, quorum anni trimeſtres fuere.* Alios, qui idem memorarunt, excitat Lindenbrog. ad Cenſorin. de Die Natali c. 19. qui locus hac in re eſt clariſſimus: *Item in Achaia Arcades trimeſtrem annum primo habuiſſe dicuntur, et ob id προέλννοι appellati, non ut quidam putant, quod ante ſint nati, quam Lunae aſtrum coelo eſſet: ſed quod prius habuerint annum quam is in Graecia ad Lunae curſum conſtitueretur.* Opinionem hanc recoquit et ſuo more exornat Tzetzes Chil. IV, 811 ſqq. et Chil. II, 876 ſqq. Vt autem ei veterem Mnaseae auctoritatem fuiſſe arbitreris, mouere poteſt Fulgentii locus Mythol. II, 19. *Endymionem vero paſtorem amaiſſe dicitur (Luna) duplo ſcilicet modo: ſeu quod primus hominum Endymion curſum inuenerit: unde et XXX annos dormiſſe dicitur, qui nihil aliud in vita ſua, niſi huic repertioni ſtudit; ſicut Mnaseas in primo libro de Europa ſcribens tradidit.* Quem totum locum exſcripſit aut exſcribendum praebuit, non enim vacat nunc in eam rem inquirere, Schol. Germanici p. 143. a)

Nec vero illud alienum eſſe a veteris ſermonis indole putandum, quod tempora ante Lunae vices et rationes repertas elapſa eo modo declararunt, vt  
ante

a) De hoc Scholiaſte cf. Saxium V. C. in Onomaſt. litt. Vol. I. p. 204. De ceteris v. not. 2)



ante Lunam illa fuisse dicerent. Multa alia passim notari possunt eius formae similia: ita Aegyptiorum summam antiquitatem Apollonius, vetustiorum haud dubie poetarum exemplo, ita designat verbis, ut eos *ante vixisse* dicat, *quam sidera omnia in conspectum prodirent*; respectu forte simul ad id habito, quod siderum notationes eos primos inuenisse putarunt nonnulli *b*). Quod si itaque vel maxime nomen hoc Arcadum, quo ante Lunam nati dicuntur, ad obseruatum eius cursum constitutamque hinc temporis rationem aliquam interpretatione referre velimus: simpliciora multo inuenta iis assignanda occurrunt, quam aliquid tam exquisitae, nec nisi e recentiore disciplina petitae, doctrinae, quod sagacissimus vir volebat, ut Arcades cognitum habuisse diceret hoc: fuisse tempus, quo Luna nondum in satellitium Terrae adducta esset; seriusque hoc euenisse, ut Luna in Terrae ministerium et famulitium adigeretur: in quod rudes et indoctos Arcades incidisse, omni prodigio prodigiosius habendum esset. Atque haec quidem haecenus. Vos autem, Ciues amantissimi, hac tanquam promulsae ac gustatione inuitati

*b*) Apollon. IV, 261. *Ὅσῳ τέσσα πάντα, τὰ τ' οὐρανῷ εἰλίσσονται* etc. Vbi Schol. *γεγονέναι δὲ αὐτοὺς φησὶν ὁ Ἀπολλώνιος πρὸ τοῦ πάντα τὰ ἄστρα φανῆναι, καὶ τὴν τε φύσιν κατανοῆσαι αὐτῶν δοκοῦσι καὶ τὰ ὀνόματα θεῖναι* etc. Etiam ante Jovem Arcadas vixisse dixit Ovid. Fast. II, 289. Qua de re comparandus Callimach. in Jov. 10 sqq. Nonnus lib. XLI. vbi Beroen (Syriae vrbs erat) antiquitatem inani orationis tumore celebrat, non ante Lunam, et Arcadium, sed ante Solem fuisse habitam.

inuitati ad ipsas epulas accedite frequentes, quarum causa illa apposita est.

P.P. II. Jul. c10 Io cclxxv.

\* \* \*

Fateor ingenue me mihi nunc displicere in tota huius mythi Arcadum tractatione. Debebam enim disertius et accuratius singulas veterum et recentiorum interpretationes annumerare, breui cuique iudicio adscripto aut subiecto; tum sub finem iudicium meum quaecunque apponere; in quo id sequi debebam, quod cum antiquorum mythorum natura et indole erat coniunctissimum. Nunc autem rem ita exposui, ut circumspicerem statim ab initio quotquot essent rationes interpretandi mythi probabiles, subiiceremque unicuique expositae auctoritatem antiquam, si qua occurrebat. Atqui simplicior ratio ac via erat, ut non, quid possit fieri, sed quid factum sit, deinceps enarrarem: fuisse adeo qui mythum ad antiquitatem religionis, qua Luna apud Arcades celebrata est, referrent; alios qui ad observationem Lunae, eiusque cursus, et rationis temporum inde constituendae, antiquitus inter Arcades factam haec referrent, adeoque tempora antiquiora ita describerent, ut ante Lunam ea decurrisse dicerent.

Non bene proclivis fui in eam opinionem, ut Arcades *προσελήνους* dici potuisse putarem ex eo, quod ab iis aliquando Lunae cursus erat observatus et ad certam rationem descriptus. Probabilius enim

enim est, hoc esse serioris commenti. Memor esse debebam, mythum omnino redolere tantam vetustatem, ut in eius causam et originem prorsus non conueniat tam subtilis interpretatio; si Arcades aut dicti sunt aut ipsi dixere se ante Lunam fuisse, hoc idem fuit ac si dicerent, se tanta antiquitate fuisse, ut ante Lunam iam Arcadia a suis maioribus habitaretur; siue ut Lunam deam apud se natam dicerent, siue ut Lunam in caelo post Solem demum aut alia sidera successisse in locum suum crederent.

Quod si porro redeundum est ad vetustiores scriptores, etsi non constet quo sensu Hippys Rhēginus, qui primus id prodidisse traditur, Arcades *πρωτελινους* ediderit: tamen id ipsum, quod ille Aegyptiis maiorem vetustatem tribuerat, probabile fit, simili modo de Arcadibus eum pronuntiasse. Atque etiam ceteri, quos laudauimus e Schol. Apollonii, ad antiquitatem Arcadium summam hoc retulere. Fuisse ergo necesse est antiquum aliquem rudium hominum mythum, qui Arcades extitisse ferret, cum nondum luna esset; quemadmodum iidem dici potuere fuisse ante sidera, vrfam saltem, in quam Callisto fuit mutata, et ante Arctophylacem. Forte eodem modo mythum tradiderant, quo luna narrabatur serius caelum tenuisse. Videri posset hoc ad pugnam Herculis cum Gigantibus spectasse, sub quod tempus a Theodoro traditum, *lunam comparuisse*; habuisseque adeo locum in aliqua Heraclea, in qua tribuebant Herculi Thebano ea, quae ad antiquiorem Herculem spectabant, qui in Cosmogonia

gonia erat celebratus, cum etiam in pugna cum Gigantibus inter deos pugnaret. Forte tamen haec in Scholiis illis e Theodoro narrata fabula obiter tantum interposita est, neque ad Arcades spectat. Lucem aliquam affert, quod in Apollodoro est, de Gigantum pugna: cum Hercules ad pugnam a diis arcessitus esset, quia fatale erat, ut non nisi a mortali excinderentur Gigantes, Terram matrem quaesivisse herbam, qua a morte illi tuti et immunes essent; eam vero Jupiter ipse resecurit inducenda mundo nocte, *vetans Auroram, Solem et Lunam, lucere* \*). Recte adeo narratum videri potest, lunam paullo ante pugnam iterum emeruisse.

Vel sic tamen rudem ac pinguem mythum subtiliorem hanc interpretationem non admittere, colligo quoque ex Apollonii loco IV, 261 sqq. ubi ait Aegyptum fuisse habitata ante omnes alias terras; quae ita effert: *Nondum omnia astra in caelo voluebantur, necdum Danaï erant, nec Deucalionis stirps; soli Arcades erant, Arcades, inquit, qui narrantur ante lunam vixisse in montibus glandium visui* \*\*), cum iam clarum nomen esset Aegypti. Eodem nos ducit Lycophron, qui cum Apollonio veterum fabularum fuit doctissimus; namque et is *Arcades* appellat ante lunam quernas glandes sub cinere per hiemem

\*) Lib. I, 6, 1. Ζεύς δὲ ἀπειπὼν φαίνειν Ἡοῖ τε καὶ Σελήνῃ καὶ Ἡλίῳ, τὸ μὲν φάρμακον αὐτοῖς ἔταμε φθίσας.

\*\*) οὕτω τρεῖς πάντα τὰτ' οὐρανῷ εἰσίσσονται (malim εἰσίσσοντο, ne cum seqq. iungatur.) Οἱ δ' ἦσαν Ἀρκάδες Ἀπιδανῆες. Ἀρκάδες, οἱ καὶ πρόσθε σεληναίης ὑδέονταιζῶειν φηγὸν ἔδοντες ἐν οὐρεσιν.

*mem. torrentes* \*), vt antiquitatem gentis eo modo declararet; ad quam adeo grammaticos doctissimos fabulam retulisse, dubitari nequit.

Manet itaque hoc, tam rudem et indoctum mythum inter Arcades obtinuisse, vt haberent memoriam rerum, quae narratae essent contigisse apud se, antequam Luna in caelo luxisset; multumque adeo rem abesse ab ea subtilitate, quam viri docti cum olim intulere, tum multo magis nostra aetate, cum voluere adeo Arcadibus asserere inuenta astronomiae nostrae, adeoque infantibus tribuere prudentiam adultae aetatis. Adeo virorum doctorum acumen et iudicium obtudisse videri debent cum optimi viri *Anton. Court de Gebelin* fomina, tum ingeniosi viri, *Io. Silv. Bailly*, de notationibus et doctrinis generis humani ex antiquiore aliquo genere humano superstitionibus commenta.

\*) *Lycophr. 482. 3. τῶν πρόσθε μηνῆς Φηγύων κύρων ὄχλῳ Σποδῶ κατ' ἄκρον χεῖμα θαλάσσαντων πυρός.*

---

ACADEMIAE GEORGIAE AVGVSTAE  
 PRORECTOR  
 ERN. GODOFR. BALDINGER D.  
 CVM SENATV  
 ANNIVERSARIA INAVGVRATIONIS  
 SACRA XXXX.  
 IN A. D. XVIII. SEPT. MDCCCLXXVII.  
 RITE INDICIT.

---

*Recensentur Numi Familiarum Romanarum, qui in  
 Museo academico seruantur.*

Commentatio prior.

---

**D**ulciore vix vnquam laetitiae sensu perfundimur,  
 Commilitones, quam quoties anniuersaria  
 sacra Vniuersitatis nostrae litterariae vobis indicimus:  
 multo magis, quoties in rebus prosperis et secundis,  
 incolumitate nostrorum bonorum, faustisque cura-  
 rum ac studiorum successibus, hoc idem facere con-  
 tingit. Ecce nos iterum in ipso sollennium appa-  
 ratu et tanquam peruigilio constitutos, cum crastino  
 die celebranda sint sacra natalitia huius reipublicae,  
 et recolenda animis primordia eius tam bono omine  
 ante XXXX hos annos iacta, vt ad hunc vsque  
 diem

diem laetis ea incrementis effloruerit. Pompa in templum academicum ducta, Deo O. M. gratias aget, earumque causas, recensu eorum, quae per hunc annum euenerunt, facto, enumerabit, habita de *seuerioris diaetae noxis* oratione, Vir Experientissimus AVGVSTVS G. RICHTER. Recepit enim has in se partes publice verba faciendi ac sensus nostros interpretandi, quandoquidem ille in quatuor Candidatos dignissimos, *Iustum Christ. Loder, Car. Wilh. Chr. Müller, Wilh. Io. Conr. Hennemann, et Io. Chph. Otto Ostermann*, viros doctrinae et ingeniorum laude commendatissimos, summos Ordinis Medicorum honores est collaturus. Fidem facere possunt hi ipsi viri doctissimi professioni nostrae, curas nostras, vt vestra, Commilitones, ingenia ac studia bonis litteris imbuantur, laetis successibus non carere. Atque hoc est illud, in quo enitendum nobis est, vt respondeamus voluntati, prouidentiae et munificentiae Regis nostri Augustissimi, Musarum fecta inter lauros victrices intertexta non aspernantis, tum tutelae et indulgentiae summorum et illustrissimorum viro-um, quibus, cum Electoratus huius terris regendis, nostrae reip. litterariae sub Auspiciis Regiis moderandae cura est iniuncta. Habemus autem hoc quoque in anno, quae praedicare possumus, studia et consilia tuendae et amplificandae academicae rei, cum alia, tum ea, quibus incrementa et ornamenta bibliothecae nostrae, et Musei, Exc. *Büttneri* nostri olim cura et impensa adornati, nunc Academici, plurima prouisa sunt. Curatum est hoc anno, vt loculamenta et armaria parata sint copiis naturae variorum generum recipiendis, spe-

ciosa et ampla. Locupletatae sunt eae copiae insigni accessione apparatus metallorum Schluteriani, largitione Regis nostri munificentissima in Museum hoc academicum illati. Instruxit illud, bono cum omine, opibus nonnullis aliorum quoque liberalitas, ut nuper Celsissimae Principis, Henricae Christianae de Waldeck, exquisitissimas ingenii animique dotes cum naturae et litterarum amore ac studio copulantis. Alia dono misit Vir clarissimus de Luc, Geneuensis, frater sollertissimi arcanorum naturae indagatoris; et iam superiore anno L. B. de Hüpfch, Vir Illustr.

Iam cum multorum votis hoc expetitum audiuerimus, resque illud ipsa monere, consiliumque adornandi eiusmodi Musei postulare videatur, ut copiarum congestarum ac seruatarum notitia aliqua publice proposita exstet: (atque utinam simili instituto bibliothecae nostrae opes describere et publicis vñibus exponere liceret!) ecce subnatum nobis est consilium, potiorum rerum, quae in Museo hoc academico continentur, recensum in aliquot commentatiunculis, quas hoc publice praefandi munus certis temporibus exigit, deinceps facere. Et primo quidem loco *numos Romanos* recensere iuuat, initio a *numis familiarum*, quas vocant, facto, hoc est ab iis numis, quos per liberae reip. tempora inde ab V. C. 484, quo primum argentum signari coepit, usque ad excessum Augusti, in vrbe quidem quaestores urbani et III viri AAA. FFF. seu monetales a),  
in

a) Raro extra ordinem, nec nisi ex SCto, Aediles curules ac pl. Porro pro IIIviris instituit IVviros Caesar sub



in prouinciis autem quaestores prouinciales, flandos ac procudendos curarunt, et in quibus partim solennia quaedam symbola reip. Romanae, vel magistratus sui notam, partim res illius anni memorabiles, aut maiorum suorum nomina, ortum, honores, res ab iis gestas vel curatas, memoriae hominum consecrare consueuerunt. Quaestores prouinciales, etiam ii, qui in bellis ciuilibus apud exercitus erant, vt stipendiis soluendis pecuniam signarent, praeter superiora illa, etiam Procoff. ac Legatorum aut Imperatorum suorum victorias, res gestas ac decora in numis signarunt. Esse eos denarios ex argento monere vix necesse est, paucis admixtis quinariis, qui loco suo a nobis notabuntur. Certas annorum, quibus signati dicendi sint, notas vix edi posse putamus, ne in iis quidem numis, quos ad certos magistratus aut triumphum annos referre licet; possunt enim iidem a nepote aut alio, qui ab eo genus ducebat, signati esse. Reuocauimus eos, qui in hac penu nostra seruantur, ad suas gentes, et, quantum pro nostro rei numismaticae studio et pro otii nostri modo facere licuit, in suos loculos digessimus. Cum tamen similes denariorum horum recensensus iam facti sint ab aliis, ne actum ageremus, in eorum interpretatione copiosi esse nolimus. Vt vero ii, qui vberiore explicationem sitiunt, ha-

Z 3

beant

sub extremum vitae annum; ab Augusto tamen Illviri restituti. Idem Caesar ad bellum Hispaniense profecturus Praefectis vrbis Romae sub Lepido constitutis ius signandae monetae dederat. Augustus Illviros Caesaris, et alios Illviros Senatus constituit, relicto Senatui iure aeris signandi, auro et argento sibi ser-  
vato.

beant quem inspiciant, vnum saltem, eumque idoneum ac classicum, auctorem excitabimus, Sigeb. Hauercampum in Thesauro Morelliano; nam Vailantii, et eorum qui ante ipsum idem curriculum emensi sunt, Golzii, Ant. Augustini, Vrsini, Patini, opera, iam ipsi illi viro doctissimo ante oculos fuit posita et in auxilium vocata *b*).

ABVRIA. I. Caput Romae galeatum, Ad mentum nota denarii X, a ceruice GEMinus, = *c*) Sol, capite radiato, in quadrigis, dextra flagrum, laeua habenas tenens. Subter equorum pedibus; M. ABVRIus (tribunus pl. V.C. 561. Praetor 577). Infra appositum: ROMA. *Morell. 1. d*)

II. Caput Romae galeatum, X, GEMinus. = Mars in quadrigis, dextra tropaeum, laeua hastam cum clipeo tenens. C. ABVRIus (Trib. pl. 568.) ROMA. *Morell. 4.*

ACCOLEIA. I. Caput muliebre (forte Clymenes, matris Phaëthontis: respectu originis a Padi ripis). P. ACCOLEIVS LARISCOLVS. = tres Phaëthontis sorores in larices mutatae: ad dextram vltima arcum, a laeua citima lilii florem manu tenere videtur. *Morell. 1.*

ACILIA. I. Caput deae Salutis laureatum, SALVTIS. = Hygiea laeua columellae innixa, dextra serpentem

*b*) [Ab illo inde tempore Eckhel, V.C. in Catalogo Musei Caesarei Vindob. Numor. Vef. To. II. alium recensum edidit] Dupli qui adsunt numi, in hoc recensu non commemorantur.

*c*) Auerfam numi partem hoc signo declaramus,

*d*) Tab. Thes. Morell. *Familia Aburia*, et sic porro.

serpentem tenens. MANIUS. ACILIVS III. VIR. VALETIVS. (aedium Valetudinis et Salutis tuendarum seu reficiendarum Triumvir) Morell. III.

II. Idem fere, diuersae tamen fabricae.

AELIA. I. Caput Romae galeatum. X. = Dioscuri pileati cum stellis et hastati in equis concitatis. P. PAETVS (Col. 552.) ROMA. Morell. 5.

II. Caput muliebre, forte Dianae seu Junonis Monetae. BALA. (f. *Balatro*, cognomen Aeliorum.) sub mento C. (nota monetarii.) = Diana in bigis ceruorum, vtraque manu faces praefereus. Subter ceruorum pedibus cicada, signum officinae monetalis. C. ALLI (*Aelius*) Morell. VII, 26. *et si paullo diuersus.*

AEMILIA. I. Caput deae Concordiae velatum. PAVLLVS LEPIDVS CONCORDIA. = Aemilius Paullus tropaeum statuens, adstante Perseo manibus in tergum reuinctis, cum binis eius filiis. supra TER, (f. tertium triumphauit) et infra PAVLLVS. Morell. T. I, 6.

II. Caput Veneris victricis laureatum. X. ROMA. = Statua equestris (forte Anci Marci regis) in ponte. MANIUS AEMILIUS, et inter fornices LEPIDUS, qui quaestor V. C. 675. pontem sublicium ex ligneo lapideum fecit. Morell. T. I, 2.

III. Caput Lepidi nudum. LEPIDUS, PONT. MAX. III. VIR. R. P. C. (*reip. constituendae*). = Caput Caesaris Octauiani nudum. CAESAR. IMP. III. VIR. R. P. C. Morell. T. II, 1.

IV. v. in *Plautia* 2. (Morell. I.)

ANTONIA. I. *Nauis praetoria*. ANTONIUS. AVGUR. III. VIR. R. P. C. = *Aquila legionaria inter signa cohortium*. LEG. II. *Morell. T. VII.*

II. *Similis*. LEG. IV. III. Item. LEG. VII. IIII. Item. LEG. X. V. Item. LEG. XI. VI. Item. LEG. XII. VII. Item. LEG. XV. VIII. Item. LEG. XIX. IX. Item. LEG. XX.

X. *Quinarius*. Caput Victoriae cum humeris alatis. III. VIR. R. P. C. = *Leo gradieus*. ANTONIUS. *Aerae* XL. IMP. (Intellig. *aera Lugdunensis inde ab V. C. 633, cum Gallia Cisalpina provincia Romana, Lugdunum autem municipium factum est cura M. Antonii Cretici, qui Triumviri pater erat*) *Morell. T. V, 4. 5.*

XI. Caput Jovis laureatum. S. C. (*Senatus Consulto*) N. (Sigla monetalis) = *Victoria in quadrigis citis (adeoque quadrigatus, ut vulgo appellabant hos numos denarios) altera palmam cum habenis, altera coronam tenens*. Q. ANTONIUS BALBUS PRAETOR (Praetor Sardiniae 570.) *Morell. T. X, 13.*

AQVILIA. Caput Virtutis galeatum. III VIR. ab altera parte virtus. = *Vir scutatus mulierem prostratam releuans*. MANIUS AQVILIUS MANII NEPOS. Infra: SICILIA. (M'Aquilius, III. vir monetalis Augusti aetate, vnus ex maioribus, M'Aquilii, memoriam recoluit, qui V. C. 652. seruis fugitiuis profligatis Siciliam restituerat.) *Morell. I.*

ATILIA. Caput Romae galeatum. X. = *Victoria in citis bigis, infra C. ATILIUS (per compendium scripturae exaratum) ROMA*. *Morell. n. 4.*

AVRELIA.

**AVRELIA.** Caput Vulcani, pileo laureato, pone forceps cum stella. (Declarat Cottam aliquem Vulcani aedem refecisse) C. nota monetaria. = Aquila fulmini insistens. L. COTta. *Morell. n. 3.*

**BAEBIA.** Caput Romae galeatum. X. TAM-  
PILVS. = Apollo cum arcu et sagittis (nisi Jupi-  
ter est cum fulmine) in quadrigis. ROMA. infra  
M. BAEBIus Q. F. (fuit Cos. 583.) *Morell. I.*

**CAECILIA.** I. Caput Romae galeatum. X.  
ROMA. = Elephanti protome in umbone clipei  
Macedonici laurea inclusi. M. METELLVS. Q. F.  
(Fuit is Quaestor a. 623. expressit memoriam Q.  
Caecilii Metelli Macedonici) *Morell. T. I, 2.*

II. Caput Romae galeatum. X. Q. METEL-  
lus (Macedonicus, idem qui de Pseudophilippo  
triumphauit) = Jupiter in quadrigis, dextra lau-  
rum, laeva fulmen gestans. ROMA. *Morell. t. I, 6.*

III. Caput iuuenile imberbe laureatum, forte  
Apollinis, infra stella. L. METEL. A. ALBinus  
Spurii F. = Roma sedens super armis: cui a tergo  
adstans Victoria coronam imponit. C. MALleolus.  
ROMA. (Sunt nomina III virorum monetarium.)  
*Morell. T. II, 2.*

IV. Caput barba cincinnata, laureatum, Ne-  
ptuni esse putant; nisi Jovis est. Q. METEL. PIVS.  
= Elephas gradiens. SCIPIO IMP. (Pompéii Ma-  
gni gener. Cos. 702.) *ibid. 6.*

V. Caput Pietatis, apposita ciconia. = Prae-  
fericulum cum lituo: auguratus insignia: intra lau-  
ream. Infra IMPERator. Referendus numus ad  
eundem Scipionem. *ibid. n. 7.*

VI. Caput Africae; apposita spica et stiva aratri. Q. METEL. SCIPIO IMP. = Hercules clavae innixus. EPIIVS LEGatus F. C. (*fieri curavit*). Fuit adeo is inter Legatos eiusdem Scipionis in Africa exercitum aduersus Caesarem ducentis. *ibid.* n. 8.

CAESIA. I. Protome Veious, dextra iaculum in fulminis speciem vibrantis; cum Monogrammate, seu APollo. (quo nomine interpretati esse videntur Romani Veiouem, v. Gell. V, 12.) seu RA, ut monogramma Romae sit. = Lares duo sedentes, adstante cane. Supra Vulcani protome cum forcipe. LARES per litterarum compendia. L. CAESIUS. *Morell. I.*

CALPVRNIA. I. Caput Apollinis cinctum, laureatum, CV. (numerus forte matricis) = Eques defultor laeua habenas, dextra palmam tenens. Supra: CXXIII. Infra L. PISO FRVGI. Subter; ROMA per monogramma (in memoriam ludorum Apollinarium a L. Pisone Praetore V. C. 641. editorum cusus a L. Pisone Quaestore) *Morell. T. V.*

CARISIA. I. Caput Sibyllae = Sphinx alata sedens. T. CARISIVS III. VIR. (Spectat ad a. V. C. 741. quo de libris Sibyllinis quaestio habita ab Augusto. v. Sueton. c. 31.) *Morell. T. I, 5. B.*

CASSIA. I. Caput Vestae velatum, a ceruice simpulum. L. figla monetalis: = Togatus ante arulam seu cistam stans, tenens tabellam, cui V. inscripta (h. *Vti rogas*) LONGINVS III. V. (Q. Cassius Longinus Triumvir monetalis, in memoriam L.

L. Cassii Longini Trib. pl. V. C. 616. qui legem tabellariam tulit.) *Morell. I. 3.*

II. Caput Apollinis, a ceruice sceptrum. = Aquila fulmini insistent, inter lituum et praefericulum (Auguratus symbola) Q. CASSIVS. (Ludos Apollinares respicere putatur numus) *ibid. 6.*

III. Caput Bacchi vittatum hedera redimitum; thyrsus a ceruice. = Caput Liberae pampino coronatum. L. CASSIVS Q. F. In memoriam Ludorum Liberalibus a L. Cassio aedili factorum V. C. 639. *ibid. n. 7.*

IV. Caput deae Libertatis. LEIBERTAS. C. CASSIVS IMP. = Praefericulum et lituus, auguratus insignia. LENTVLVS SPINTHER. *ibid. t. II, 5.*

CIPIA. I. Caput Romae galeatum. M. CIPIVS M. T. (Quaestor V. C. 631.) = Victoria in bigis palmam altera, altera habenas tenens. Infra nauis temo (numo forte in usum rei naualis cuso) ROMA. *Morell. I.*

CLAVDIA. I. Caput Romae galeatum. = Victoria in trigis. APIVS CLAVDIUS. Q. MARCIUS *Morell. t. I. 5.* ubi interponitur tertius ex Triumviris monetalibus, T. Manlius.

II. Caput Dianae cum arcu et pharetra in humero. S. C. = in bigis, tenens coronam et palmam cum habenis. CXXXIII. (nota monetalis forte matricis) TIB. CLAVDIUS TI. F. AP. N. (Quaestor Siciliae V. C. 504. quo anno P. Claudius Pulcher Cos. aduersus Poenos classe infelicitèr pugnavit) *ibid. n. 6.* sed cum diuersis numeris.

III.

III. Caput Apollinis reuinctum laureatum: a ceruice testudo. = Diana stans, vtraque faciem solo innixam tenens. P. CLODIVS M. F. Spectat ad ludos Apollinares a. 708. *Morell. II, 1.*

CLOVLIA f. Cloelia. I. Caput Romae galeatum; ad ceruicem corolla. ROMA. = Victoria in bigis. Subter pedes spica duplex (quae Siciliam duplici messe feracem respicere creditur.) T. CLOVLIVS. (Quaestor vrbanus V. C. 506.) *Morell. I.*

COELIA. I. Caput Romae galeatum. = Victoria in bigis. CALDVS. (Coelius Caldus, Quaestor a. 625.) Infra: L. figla monetaria. *Morell. 4.*

CONSIDIA. I. Caput Libertatis, ambiente arcem laurea. = Sella curulis laurea ornata. P. CONSIDIVS PAETVS, idem ille, qui Pompeio victo in Africa legionibus binis praefuit. *Morell. I, 13.* sed ibi CONSIDI PAETI.)

CORDIA. I. Capita Dioscurorum iugata. RVFVS III. VIR. = Juno Moneta cum bilance et sceptro, noctua, seu, quod alii volunt, Amore, humero infidente. MANIVS CORDIVS (M. Cordius Rufus III. vir monetalis.) *Morell. I.*

II. Caput Veneris diademate reuinctum. RVFVS S. C. = Amor delphino frenato infidens. MAN. CORDIVS (in gratiam Caesaris cufus putatur) *ibid. 2.*

CORNELIA. I. Caput viri, aliis Martis, galeatum; supra verticem stella. CN. BLASIO CN. F. A vertice tripus, vt mihi videtur, nota monetaria. = Jupiter, seu Liber pater, inter Junonem et Mineruam, a qua coronatur, nudus stans, dextra



tra hastam, laeua amictu inuoluta fulmen (quod manifestum fit, vt adeo Jovem credere malim,) gestans; appositus frutex. ROMA. *Morell. I, 1.*

II. Caput Martis galeatum, exstante ad laeuum humerum hasta. = Victoria in citis bigis, dextra corollam gestans. CN. LENTVLus. (qui 557 Procos. ex Hispania citeriore ouans urbem ingressus est.) *ibid. 5.*

III. Quinarius. Caput Jovis laureatum. = Victoria stans ante tropaeum, laeua palmam tenens, dextra corollam eleuans. CN. LENTulus. *ibid. t. I, 6.*

IV. Caput Genii Populi Romani diademate redimitum; a ceruice sceptrum. G. P. R. (*Genius Populi Romani*) = Sceptrum corona laurea reuinctum, globus et gubernaculum. EX. S. C. (*ex Scto*) CN. LENTulus. *Quaestor urbanus 694. ibid. t. II, 1.*

V. Caput Q. Pompeii Rufi Cos. nudum. Q. POMPEIus RVFI (*filius*) RVFVS COS. = Caput L. Cornelii Sullae: SVLLA COS. *Morell. t. IV, 1.*

VI. Sella curulis inter sagittam et lauream: RVFVS COS. et supra: Q. POMPEI. Q. F. = Alia sella curulis inter lituum et coronam, superne: SVLLA COS. infra: Q. POMPEI. RVF. *Morell. t. IV, 2. et in Pompeia t. III, 4.* Memoriam duorum Coss. auorum suorum, Q. Pompeii Rufi et L. Cornelii Sullae, celebrat Triumvir monetalis Q. Pompeius Rufus.

VII. Caput Jovis Capitolini, cum sigla Q. = Jupiter in citis quadrigis, tenens fulmen et sceptrum cum habenis: L. SCIPio ASIAGenes. *Morell. t. V, 5 seq.*

CREPVSA.

**CREPVSA.** I. Jovis Anxuris seu Veiovis caput laureatum cum sceptro, ad mentum signum monetale. = Eques iaculum proiecans. P. CREPVSI<sup>us</sup>. Referri solet ad originem gentis Campanam. *Morell. i seq.*

**CVPIENNIA.** I. Caput Romae galeatum, a tergo cornu Copiae. X. = Dioscuri in equis decurrentes. L. CVPIENNI<sup>us</sup>. ROMA. *Morell. 2.*

**CVRTIA.** I. Caput Romae galeatum. Q. CVRTI<sup>us</sup>. X. = Jupiter in citis quadrigis, sceptrum cum habenis tenens, et dextra fulmen emissurus. M. SILAN<sup>us</sup>. ROMA. Sunt nomina duorum ex III. viris monetalibus. *Morell. 1.*

**DIDIA.** Caput Romae galeatum, cum monogrammate Romae. = Duo, alter sagulo militari indutus, gladio et clipeo armatus, scutica alata prosternit alterum, nudum gladium in humero et clipeum manu tenentem. T. DEIDI<sup>us</sup>. (Cum nulla ullius Didii opera in b. servili fuerit: placet esse numum cuspum post T. Didii Praetoris victoriam de Scordiscis aliisque Thracibus V. C. 639. et respici ortum eorum a Scythis, qui servos bellum moventes scutica castigarunt. Nota res ex Justino II; 5.) *Morell. 1.*

**DOMITIA.** I. Caput Romae galeatum. L. POMPONI<sup>us</sup> CN. F. X. = Mars in citis bigis, hastam vibrans, laeva parmam tenens cum habenis: prominet lituus militaris. L. LICINI<sup>us</sup>. CN. DOMITIVS. (L. Pomponius, vnus e III. viris monetalibus; nomina duorum Cenforum, L. Licinii Crassi, Cn. Domitii Ahenobarbi, V. C. 661.) *Morell. t. I, 4.*

II. Caput Romae galeatum: a ceruice spica, = Victoria in citis bigis. Subter Venator leonem excipiens. CN. DOMITIUS. ROMA. (Respicit Cn. Domitii aedilitatem 585. in qua venatio populo data est. Spica ad annonae curam spectat.) *Morell. t. I, 6.*

III. Caput Romae galeatum. ROMA. X. = Jupiter in quadrigis, laeua fulmen et habenas, dextra lauream gestans. CN. DOMITIUS. Videtur ad eum Cn. Domitium Ahenobarbum spectare, qui de Auernis triumphauit V.C. 633. *Morell. t. II, 1.*

EGNATVLEIA. I. Quinarius, Caput Apollinis laureatum. C. EGNATVLEIUS C. F. infra Q. = Tropaeum, subiecto lituo militari, adstante Victoria, quae clipeum inscribit. Q. ROMA. (Littera Q. pro K. originem Corinthiacam Syracusanorum declarat. Cusi quinarii in Sicilia a C. Egnatuleio, Octauiani quaestore, cum Sext. Pompeius Sicilia esset pulsus. *Morell. I.*

FABIA. I. Caput Romae galeatum. ROMA. X. LABEO. Jupiter in citis quadrigis, sinistra sceptrum cum habenis, recta fulmen tenens. Subter prora nauis. Q. FABIUS. (Q. Fabius Labeo Praetor 564. classi praefuit aduersus Antiochum missae.) *Morell. I, 1.*

II. Caput Junonis Monetae; apposita sub mento libra, et a ceruice caduceus. C. ANNIUS T. F. T. N. PROCOS. EX. S. C. = Victoria in citis quadrigis, palmam dextra tenens. Supra eam Q (figla Syracusanorum) infra: L. FABIUS L. F. HISPANIENSIS. Quaestor (T. Annii aduersus Sertorium in Hispanias missus sub 671.) *Morell. t. I, 8.*

III.

III. *Deauratur*. Caput muliebre turritum et velatum (Deae Caelestis Afris cultae) ad ceruicem nota monetalis B. = Victoria in citis bigis. Subter struthiocamelus, symbolum Africae. C. FABIVS C. F. Habitus vulgo pro antiquissimo denario C. Fabii Pictoris Cof. 484. Sed ad Cinnae et Carbonis tempora eum retraxit Hauercampus. *Morell. t. I, 6. seqq.*

FANNIA. I. Caput Cereris spicis coronatum. AED. PL. = Duo aediles in sellis sedentes, adstante arista. A tergo P. A. (*publico argento*) Infra: M. FANNIVS. L. CRITONIVS. Aediles pl. hi V. C. 709. *Morell. 2.*

FARSVLEIA. I. Caput Junonis Monetae: a tergo modius inuersus. MENSOR. = Dea Roma in bigis stans manu prehendit togatum adscendentem. L. FARSVLEIVS. Subter equis XC. (L. Farsuleius Mensor e III. viris monetalibus fuit; et ciuitatem Italici Socii Lege Iulia 664. datam designare voluit.) *Morell. I.*

FLAMINIA. I. Caput deae Romae galeatum. X. ROMA. = Victoria in citis bigis, corollam dextra tenens: L. FLAMINIUS CILO. *Morell. I.*

FLAVIA. I. Caput Romae galeatum. X. = Diana in bigis. coronam praeferens. FLAVS. (f. V. pro VIV. Vix ad gentem Flauiam spectare putatur.) *Morell. I.*

FORTEIA. I. Janus seu caput biceps imberbe laureatum. N. = Triremis remigibus instructa, in puppi aplustre, (Hauercampo pro diademate regali

regali habitum) stante in puppi gubernatore. C. FONTEIUS. Infra; ROMA. (C. Fonteius Quaestor V.C. 641. Gens ea plebeia originem ducere videri volebat a Frontone Jani f.) *Morell. I.*

II. Caput Veiovis laureatum; subtus fulmen. MAN. FONTEIUS C. F. = Amor capellae insidens. Supra duo pilei Dioscurorum vel Larium, infra thyrsus. Ambit aream laurea. Ad Sullae tempora refertur numus, interpretatione varia, sed incerta. *Morell. 3.*

III. Caput Martis iuvenile galeatum: a ceruice tropaeum. P. FONTEIVS P. F. CAEPIO III. VIR = Eques galeatus decurrens hasta duo barbaros prostratos defixurus. MANIUS FONTEIUS TRIB. MIL. cuius nobile aliquod facinus, forte in bello cum Celtiberis, T. Didii ductu, insigniuit hoc numo P. Fonteius Capito, Triumvir monetalis, V.C. 661.

Sed satis haec dicta videntur in apparatu sollemni, quae instant. Neque enim a nobis quicquam amplius requiri poterat, quam ut proluderetur paucis ei, quod summam consilii constituit, ut precibus nostris a vobis, Commilitones, consequamur hoc, ut caerimoniis et sollennibus huius sacri anniuersarii frequentes adesse, perorantes audire, bonaque vota concipientibus fauere velitis. Fortuna secunda, qua adhuc usi sumus, facit nos audaces in vota.

---

Prouidentia propitii numinis, quae per quadragenos hos annos rem nostram academicam ultra vota in ipsis primordiis concepta euexit, bene sperare nos iubet de futuro, si modo Fortunae Georgiae Augustae nos ipsi non defuerimus.

P. P. d. xvii. Sept. cld Id cclxxvii.

---

ACADEMIAE GEORGIAE AVGVSTAE

PRORECTOR

ERN. GODOFR. BALDINGER D.

CVM SENATV

SVCCESOREM SVVM

LVDERVM KVLENKAMP

CIVIBVS COMMENDAT

IN A. D. II. JANVARII CLOCCCLXXVIII.

---

*Recensentur Numi Familiarum Romanarum, qui in  
Museo Academico seruantur.*

Commentatio altera.

---

**I**lluxit iterum follellne illud tempus, Ciues, in quo, inter vota publica et supplicationes, quae in ipsis noui anni auspiciis maiorum more fieri solent, Magistratus academici summi honores et insignia in aliam domum transferri solent; acceduntque adeo ad ea, quae pro summa republica fiunt, vota aliae cum congratulationes de iis, quae in re academica ex animo euenerunt, tum nouae votorum conceptiones et precationes, vt bona nostra perennent, aspera vero et seu metu seu ipsa re molesta auertantur. In quibus ne nunc copiosius versetur,

Aa 2

Ciues,

Ciues, otium nobis faciunt ea ipsa sollennia, quae in crastinum diem publice indicimus, in quibus Vir Excellentissimus, admodum reuerendus, Collega coniunctissimus,

#### LVDERVS KVLENKAMP

fausta inter omnia et inter laetas gratulantium voces auspicabitur Magistratum curae fideique suae mandatum, sibi que ab antecessore in manus traditum. Diuident autem inter se duumviri hi spectatissimi supplicandi nouaque vota publice suscipiendi partes; alter quidem, Magistratu se abdicans, oratione simul sua complectetur b. Halleri, qui sub anni superioris exitum vita decessit, laudes eiusque in rem litterariam vniuersam, Academiam Gottingensem, et studium medicum enarrabit merita.

Hac itaque officii parte leuati, Ciues, quandoquidem sollennibus in hac tabula indicendis praefandum est, tanto liberior data est facultas exspatiandi et detexendi telam, quam nuper exorsi eramus, vt Numorum, quos Romanarum Familiarum vocant, in nostro Museo academico seruatorum recensum persequamur. Vt igitur ad illud vestigium, in quo tum substitimus, reuertamur, commemoranda nunc venit

Gens FVRIA. I. Caput deae Romae galeatum. X. = Diana in bigis citis, eleuato flagro, crescente luna in fronte insignita. Supra murex, s. concha Tyria. Infra PVRpureo: (prima littera ad veterem ductum efficta). Subter: ROMA. Spectare videtur numus ad L. Furium Purpureonem, qui bello



bello Punico II. Praetor de Poenis et Gallis V. C. 554, et Consul 558. de Gallis Boiis triumphavit. *Morell. 1.*

II. Janus biceps barbatus. M. FOVRI. (M. Furii) L. F. = Roma galeata et stolata, stans cum hasta, coronam imponit tropaeo: cui subiacent duo clipei et litui. Ad latus: ROMA. Infra: PHILI (PH per siglam) M. Furium quaestura functum esse probabile fit. Commendavit is memoriam P. Furii Philii, qui e maioribus fuit. Triumphauerat ille Cos. a. 531. cum C. Flaminio Nepote, altero Cos. de Gallis Insubribus. *Morell. 3.*

III. Caput Cereris spicis coronatum, inter spicam et granum tritici. III. VIRI BROCCHI. = Sella curulis inter fasces geminos cum securibus. L. FVRI. CN. F. *Morell. 4.* Cusus ab aliquo e Brocchorum familia III. viro monetali; is L. Furii Cn. f. quem inter maiores habuit, praeturam celebrat, in qua ei frugum emendarum cura extra ordinem mandata erat. Eo enim ducunt symbola in numo expressa.

HERENNIA. I. Caput deae Pietatis. PIETAS. = Iuuenis nudus senem amictum humero impositum asportans. M. HERENNIVS. Apposita nota monetalis K. Ad fratres Catanenses numum spectare manifesta res. v. vel Cluv. Sic. ant. p. 121. M. Herennium Siciliam Praetorem rexisse credere licet. *Morell. III, 3.*

HOSIDIA. I. Caput Dianae cincinnatum et diademate reuinctum: cum pharetra et arcu ex humeris.

meris. GETA. III. VIR. = Aper vero transfixus, allatrante cane. C. HOSIDIUS. C. F.

II. Similis subaeratus. Vterque par fere, nec tamen idem cum *Morell.* 1 et 2. Fuit hic Hosidius forte vnus e III. viris, qui venationes celebrarunt in natalibus Augusti a. 635. vt Vaillantius suspicatur.

HOSTILIA. Caput dei Palloris: a ceruice lituus = Diana singulari ritu vestita; capite radiato; pedibus iunctis; seu vt in arboris truncum, taxi Hauercampus putabat, definant, seu quod credere malis, vt adducta stola plicis in gradum structis assurgat. Talis enim Dianae habitus in nonnullarum vrbiū religionibus, Ephesiae interdum, item Laphriae; hoc loco Leptitana exprimi putatur. Altera ceruum cornu prehendit. L. HOSTILIUS. SASERNA. Fuit is alter e binis fratribus, qui Caesarem in Africam sequuti erant. v. Hirtius de b. Afric. 10. Lepti cum legione praeerat et in ea vrbe numum signasse videri debet. Ducebant autem Hostilii genus a rege Tullo Hostilio, quem in re trepida Pauori et Pallori aedem vouisse nota res est vel ex Liv. I, 7. *Morell.* 2.

IVLIA. I. Caput Romae galeatum. CAESAR. et appicta sigla  $\Gamma$  = Venus bigis Amorum volantium vecta; sub iis lyra concordiae symbolum. Subscriptum: L. IVLIUS L. F. Numum L. Iulii Caesaris, viri consularis, legati Caesaris in Gallia, iussu a proquaestore aliquo cūsum probabile fit. *Morell.* I, 4 D.

II. Caput Veneris, Genetricem credere licet, diademate reuinctum = Aeneas nudus humero Anchisen velatum sustinens, dextra Palladium praefers.

ferens. CAESAR. Julii Caesaris iussu cusi numi cum sint, magnam eorum copiam exstare mirum non est. Adfunt trini, omnes integri et intacti. *Morell. I, 5.*

III. Caput Cereris spicis coronatum. DICTator ITERum COS. TERTium = Capeduncula inter lituum et aspergillum vna cum praefericulo: Pontificatus Maximi insignia. Apposita nota D. tum: AVGVR. infra: PONT. MAX. Spectat numus ad a. 708. et Caesaris liberalitatem, dato in populum extra ordinem frumento, Cereris capite designat. *Morell. III, 5.*

IV. Caput Veneris (Genetricis). A ceruice prominet Amor = Tropaeum cum clipeis et lituis militaribus. Adfident hinc vir reuinctis manibus in spolia respiciens, illinc femina lugens pallis capillis. Infra: CAESAR. Galliam et Germaniam designari, et Caesaris de Gallis et Germanis victorias innui vix dubites. *Morell. IV, 1.*

V. Caput Veneris eximie ornatum: corona floribus ex auro et gemmis facta, lapides in aure, monile ex vnionibus in collo: a tergo IIT (mone-talis nota, matricis forte) = Tropaeum cum scuto et lituo militari, adstante securi, Pontificatus insigni. Subtus: CAESAR. *Morell. IV, 4.*

VI. Elephas draconem calcans. CAESAR. = Capeduncula, aspergillum, securis, apex. Numus hic valde obuius ad victam Africam refertur: eius enim symbola elephas cum dracone. Pontificatum Caesaris referunt instrumenta sacra. *Morell. IV, 7.* Habemus tria exempla, cum quarto subaerato, nec

tamen ab eodem, sed simili typo profecta: ut plures ac diuersas matrices ad eandem formam ac descriptionem factas esse appareat.

VII. Caput Apollinis laureatum = Colonus agens boues iunctos. IMP. CAESAR. Caesar Octavianus sub a. 725 Carthaginem Coloniam a Julio Caesare deductam nouis colonis firmauerat. *Morell. IV, 8. k.*

VIII. Caput dei Triumphi cincinnatum, laureatum, alatum. A ceruice tridens: qui victoriam naualem designare videtur. Afficta nota monetalis, quam incudem esse arbitramur = Victoria in quadrigis, laeua habenas, dextra corollam tenens. Apposita officinae monetariae nota NE. Inferius: L. IVLIVS BVRSIO. *Morell. t. IX, 10.* qui Carthagine diruta ad triumphi Africani usum hos numos cufos esse suspicatur.

IVNIA. I. Caput Seruili Ahalae. AHALA. = Caput L. Junii Bruti. BRVTVS. *Morell. I, 1.* Vtrumque caput barbatum. Signatus numus, satis frequens, a M. Junio Bruto, Julii Caesaris percussore, qui paternum genus ad Brutum libertatis Romanae auctorem referebat, per matrem vero Seruiliam Seruilium Ahalam inter maiores numerabat.

II. Caput deae Libertatis. LIBERTAS. = Consul inter duo lictores cum fascibus et securi incedens, praecunte accenso. BRVTVS. Eiusdem Bruti, qui primum Consul fuit, memoriam recoluit M. Junius Brutus. *ibid. 2.*

III.

III. Caput Romae galeatum. X. = Diſcursuſ  
haſtati in equis concitatis. C. IVNIUS C. F. Infra:  
ROMA. Fuiſſe hunc hominem aliquando inter III  
viros monetales neceſſe eſt. *ibid.* n. 4.

IV. Caput Romae galeatum. X. = Victoria  
in bigis, vtraque manu habenas premens. D. SI-  
LANVS. L. F. ROMA. Supra bigas numerus in  
aliis alijs; in vno noſtro IIII. in altero XXVIII. in  
tertio III. nota officinae monetalis. Etiam in hoc  
tertio a ceruice deae Romae litt. F. *Morell.* II, 1. et  
*t. V*, i ſq. Bigatum hunc ad D. Junium Silanum  
quaefctorem vrbani a. 612, *Varr.* referre ſolent.

V. *Subaeratus*. Caput Bruti. BRVT. IMP. L.  
PLAETORIVS CESTIANVS = Pileus inter duo pugio-  
nes. EIDVS MARTIAE. Numus a legato Bruti, Plae-  
torio, cuſus. Narrat de eo Dio XLVIII. c. 25.  
*Morell.* II, 4.

VI. Caput deae Libertatis. PIETAS = Duae  
dextrae iunctae, caduceum alatum amplexae. AL-  
BINVS. BRVTI. F. *ibid.* III, 7. Eſt is D. Junius  
Brutus, adoptatus ab A. Poſtunio Albino; a M.  
Antonio Mutinae obſeſſus, et ab Hirtio et Panſa  
Coſſ. liberatus. Concordiam exercituum, qui ſe  
coniunxerant, declarat numus.

LICINIA. I. Caput Romae galeatum. L.  
POMPONIVS CN. F. = Mars nudus, lituum cum  
clipeo laeua tenens, in bigis citis, haſtam laeua  
protendens. L. LICINIUS. CN. DOMITIUS. Fuere  
hi cenſores a. 661. L. Pomponius e IIIviris mone-  
talibus eſſe videtur: reliquorum duorum, C. Mal-  
leoli, et L. Porcii Liciniani, nomina in alijs dena-

riis occurrunt ap. *Morell. I, 5. 6.* quibus tertius noster addi potest.

II. Protome deae Romae galeatae, hastam dextro, sinistro humero clipeum inscripto equo sustinentis. Ante mentum stella, verius quam denarii nota. Luna crescens in fronte non apparet. ROMA = Cancelli seu septa Comitii; alter togatus, suffragium latus, tabellam in cistam iniicit, alter tabellam a diribitore accipit. Supra P. NERVA. cum nota obscura monetali equi. Notabilis numus ad gentem Liciniam vulgo refertur, melius ad Siliam, plebeiam, ex qua aliquis Trib. pl. legem tulisse videtur, quae ad comitiorum iura spectabat. Eam memoriae mandavit P. Nerva, nepos, inter Illviros monetales allectus. *Morell. I, 8.*

III. Protome Veionis telum triplex seu fulmen trifidum vibrantis = Pallas in citis quadrigis, dextra hastam vibrans, laeva habenas cum clipeo comprehendens: C. LICINIVS. L. F. MACER. Est is qui praetorius repetundarum accusatus et damnatus est Cicerone Praetore: idem Quaestor a. Varr. 677. *Morell. III, 4.*

LVCILIA. I. Caput Romae galeatum intra lauream. (*Argentum*) PVblici: = Victoria in bigis citis. M. LVCILIUS RVFVS. *Morell. 1.*

LVCRETIA. I. Caput Romae galeatum. TRIO X = Dioscuri in equis concitatis. CN. LVCRETIVS. (Quaestor vrb. incerti anni) ROMA. *Morell. 1.*

II. Caput Apollinis radiatum = Luna crescens cum septem stellis. In medio Lunae TRIO. Infra: L. LV.

L. LVCRETIUS. Familia Trionum plebeia; quam nomen a septem trionibus petiisse manifestum fit. Ignotus et hic L. Lucretius Trio; non male tamen creditur ad Julii Caesaris tempora pertinere. v. *Morell. 2.*

LVTATIA. I. Caput Romae galeatum. X. CERCO. ROMA. = Intra coronam querneam trimis praetoria: in puppi aplustre (non acrostolium, quod prorae est) in prora caput Romae victricis, pro parasemo. (Male Hauercampus tutelam interpretatur) Q. LVTATIUS *Quaestor. Morell. I.* Q. Lutatium Cerconem Quaestorem urbanum fuisse bello Punico II. a. 500. probabile fit, ut adeo inter vetustiores sit denarius hic.

MAIANIA. I. Caput Romae galeatum. X. = Victoria in bigis. C. MAIAN. ROMA. *Morell. I.* Ignota prorsus gens, quae in hoc Victoriato occurrit, quam in *Maeniam* vulgo mutare voluere; Perizonius adeo in *Minatiam*. Hauercampus peruiuaciter tuetur *Maeniani* nomen. In numo tamen nostro tam manifeste expressa est Maiania gens, ut nihil de ea dubitari possit. Sunt litterarum compendia quidem, sed satis diferta: C. MAIAN. ita ut MA vno ductu et interposita I. mox AN iterum vno ductu effingantur. Nec tamen hoc inauditum, in numis hominum atque etiam regum nomina seruata esse, quae in historiarum monumentis, seu eorum potius fragmentis, non occurrunt. Si historiae litterariae aliquis est fructus, eorum quoque, quae interiere, notitiam arbitramur esse longe fructuosissimam, ut definant tandem viri docti spernere aut damnare

damnare ea seu nomina seu facta, quae diu ignota tandem in lucem producuntur. Sunt enim innumera, quae perire, et pro sexcentenis aut sexmillenis amissis vix vnum est, quod fortuna seruauit: ita ut stomachum moueant, qui manu se sua, tanquam spicarum mergitem, vniuersa, quae vsquam libris tradita fuere, comprehendere putant, aut qui quotquot v. c. de Aegyptiis, Graecis, Orientis populis, et sic porro, in Herodoto, Diodoro et aliis narrata supersunt, omnino eadem esse credere videntur, quae vsquam de iis olim tradita fuere aut Graecis innotuere.

**MAMILIA.** I. Caput Mercurii petasatum; a tergo caduceus. = Vlysses redux, a cane agnitus. **C. MAMILIUS LIMETANUS.**

II. Idem numus: ad caduceum *M.* sigla monetalis. *Morell. I.* Gens Mamilia plebeia, Tibure oriunda, genus referebat ad Telegonum Vlyssis et Circes filium, Tiburis conditorem. Ea enim multarum familiarum vana fuit persuasio, ut Graecam originem habere vellent *a*).

**MARCIA.** I. Caput Regis Anci Marci, a quo ea gens originem duxit, diademate reuinctum, a cer-

*a*) Qua de re v. ad Virgil. Aeneid. VII. Exc. IV. et VII. Aliae gentes Romanae a Troianis originem repetere malebant, non minus vana professione. v. Aen. V. 115 sqq. et ibi not. et 563 sqq. Plura hoc de rerum genere teneremus, si, amissis tot Annalium et historiarum libris, Catonis saltem Origines, aut Varronis librum de familiis Troianis, cum Attici familiis Romanis, aut Iulii Hygini libros haberemus.



a ceruice lituus. ANCVS. = Aquaeductus, inscriptis litteris: AQVA MARCIA, cui imposita statua equestris manum eleuans. Subter equum frutex. PHILIPPVS. Videtur is esse notus ille L. Marcius Philippus, orator, Cos. a. 663. siue ut is Quaestor a. 645, seu, quod elegantia operis credere suadet, eius filius in Quaestura numum percusserit. Equitis signum ad nominis originem reuocant, ut qui primus illud adsciuit, rei equestris studio inclaruerit. Enim vero statuam equestrem, nescitur cui ex ea gente, positam <sup>b)</sup> adumbrari, docet inprimis frutex ille sub equo: qui tam male habuit interpretes, ut varia comminiscerentur, ne rationem eius et causam ignorare viderentur. Scilicet ille frutex pro veruto est seu statumine ac pedamento, cui innixa sit signi moles. Obuia res est in signis ex aere; inprimis videnda signa Herculanensia Alexandri et Amazonis. *Morell. I, 1.*

II. Caput Romae galeatum, cum stella, nisi denarii nota est. A tergo incus vel arula, signate in binis nostris expressa, ab aliis non memorata. = Victoria in bigis citis. Subter binae tritici aristae: M. MARCIUS. ROMA. *Morell. I, 2.* Ad M. Marcium Rallam refertur, a. 542. (apud Pigh. 541.) Quaestorem urbanum: quo Syracusae a M. Marcello captae

<sup>b)</sup> Si coniecturae locus est, potest is esse Q. ille Marcius Tremulus, qui Cos Anagnia capta de Hernicis triumphauit, V. C. 448. Liv IX, 43. cui inde statua equestris togata posita est, quod populum stipendio (vixus forte aut aliquot annorum) liberauerat. Plin. XXXIV, 5. s. II. Iam autem in numo signum equestre togatum est: in altero numo apud Morellium tenet laurum.

captae sunt. Binae autem illae spicae, passim in Siculis numis obviae, ad duplicem messem felicemque frumenti prouentum in agris Siciliae declarandum valent.

III. Caput Romae galeatum. X. = Eques, citato equo infidens, quem Philippum Macedoniae regem, Persei patrem, edunt. A tergo equi fruticis genus ignotum: in nostro numo arista est aculeata, quaternis foliis munita. Vèpris genus esse coniectat Hauercampus, quo designentur saltus inuii, per quos Q. Marcius Philippus Cos. V. C. 585 exercitum aduersus Perseum duxit. (Nimis argute, quam ut fidem facere possit. Tum Perseum potius exhiberi putes. Nisi omnino eques Macedonicus effectus est: frutex autem obscurum Macedonici alicuius tractus seu loci symbolum habendus.) Q. PILIPVS. (antiqua scriptura) ROMA. *Morell. I, 6.*

IV. Caput Apollinis laureatum. = Silenus stans manu eleuata, saltantem diceret; caudatus, subligaculo cinctus, utrem humero impositum laeua tenens. A tergo columella cum signo; Victoriolam alii agnoscunt. L. CENSORINUS. Videtur is esse L. Marcius Censorinus, qui a. 605 Consul fuit, et quem circa Liberalia aliquid nouasse aut forte ludos scenicos edidisse suspicari malumus, quam argutias Vaillantii et Hauercampii admittere. *Morell. I, 7.*

V. Anci Marcii et Numae Regum capita iugata, utrumque (in nostro numo) diademate reuinctum, illud tamen barbatum, alterum hoc, quod mireris, imberbe c) = Defultor eques binos equos concita-

c) Nec tamen de interpretatione vultus dubitare licet, cum alii aerei existent ipsis nominibus adiectis.

concitatos scutica instigat, alteri ipse insidens. Sub equis nota I. infra: C. CENSORinus. Hic C. Marcius Censorinus quis ex pluribus eiusdem nominis fuerit, non constat; quaesturam gessisse probabile fit numo hoc signato. Respexisse autem videtur ludos, ab aliquo forte e maioribus opipare instructos. Nam Hauercampi coniectura paullo longius petita est, a Marcianis carminibus et Apollinarium ludorum institutione, *Morell. II. 3 sq.*

VI. Caput Romae galeatum. LIBO. X. = Dioscouri hastati in equis. Q. MARCIus. ROMA. In nostro MA, quod per compendium scriptum esse debebat, vitiose exaratum est, nec ut extritum dixeris: MRC. Q. Marcii Libonis nomen etiam in aereis numis exstat; est tamen illius, et omnino Libonum familiae, obscura memoria.

VII. Caput Romae galeatum, a ceruice corolla videtur efficta esse. = Victoria in quadrigis. Infra litterae, quas antea sic legebamus: T. MARCIus Libo Quaestor. Videbamus tamen in Marcii nomine compendii quid inesse. Nunc sine haesitatione legimus: T. MA. (per compendium, *Marcus*) AP. pius CL. audius Quaestores: urbani sine dubio; ignoti antea, nec in alio, quod meminimus, numo obuii. Haud multum, nominibus tamen, dissimilis est alius ap, *Morell. III. 1.*

MARIA. I. Caput Cereris spicis redimitum. C. MARIus C. F. CAPITO. XXVII. = Colonus iunctis bubus arans. S. C. et superne XXVI: sed numerus vterque attritus et obscuratus; v. *Morell. I, 1.* officinam ille monetalem designare creditur.

Copia

Copia ingens horum numorum est, qui a C. Mario Capitone, C. Marii nepote, cui putantur, cum quaestura sub C. Julio Caesare in Gallia Cisalpina gereret. Designavit autem Eporediam<sup>d)</sup> coloniam in agro Gallico, a C. Mario sextum Col. a. 654 deductam.

MEMMIA. I. Caput Cereris spicis redimitum. C. MEMMIUS C. F. = Tropaeum, religato subtus captivo geniculato. C. MEMMIUS. IMPERATOR. Prior ille C. Memmius quaestor numum signavit, filius alterius C. Memmii, qui victoriam de hoste reportavit; C. Memmius Gemellus creditur is esse, qui praetor Bithyniam et Pontum sortitus est, a. 697. eoque Catullum secum abduxit. Cereris autem caput eo pertinet, quod, ut ex aliis numis constat, Cereales ludos aliquis Memmius Aedilis primus fecit. *Morell.* 2.

II. Caput iuvenile laureatum; Honoris, censente Hauercampo, verius Apollinis<sup>e)</sup>. = Dioscuri adstantes cum equis. L. MEMMIUS. Ad L. Mem-

<sup>d)</sup> Nunc Iurea Pedemontii.

<sup>e)</sup> Nam Honoris caput, quod in numo Fusiae et Muciae gentis, quem paullo post videbimus, una cum capite Virtutis occurrit, diversam speciem magisque iuvenilem praefert. In numis Egnatiae gentis Virtus et Honos stantes exhiberi videntur, sed hic feminae specie stolatae, galeaeque et thorace nec non hasta armatae, ad quam Cupido aduolat. Ex iisdem numis etiam hoc discimus, variasse quoque Romanos symboliarum figurarum speciem: nam in senioribus numis emendatior est et elegantior utriusque dei species, quam in antiquioribus.

Memmium, qui Tribunus pl. fuit a. 552, paullo ante Quaestura functum, refertur hic numus. *Morell.* 4.

III. Caput Saturni laureatum: subiecta falce ROMA. Sigla E vel S apposita, nam paullo obscurior ea in nostro numo est. = Juno Moneta in bigis, aduolante Victoria cum corolla. L. MEMMIUS GAL. *Morell.* 5. In Saturni aede erat aerarium: ei itaque et Junoni Monetae merito locus est in denariis. L. Memmium Galli cognomen habuisse necesse est, etsi illud alibi non occurrit. Nam Galbius, quem Hauercampus substituit, a loco alienus est.

MINVCIA. I. Caput deae Romae galeatum. X. = Columna tanquam e modiis sibi mutuo impositis exstructa super basi quadrata, inter duas aristas, superstante signo viri togati; adstant hinc vir togatus, duo modios tenens, altero quoque pede modio insistere visus, illinc alius cum lituo augurali. TI. MINVCIVS T. F. AVGVRRINVS. ROMA. Ad L. Minucium Praefectum annonae merito refertur numi typus. Is Sp. Melio, plebem frumenti largitionibus demulcente, oppresso (v. Liv. IV, 13 sq.) columnam cum statua meruit a populo positam. Plin. XXXIV, 5. f. 11. et XVIII, 3. f. 4. Creditur is ipse exhibitus esse per togatum adstantem cum modiis: alter autem cum lituo esse e Minuciis ille, qui primus Augurini nomen tulit. Tiberium illum, qui numum signavit, quaestorem vel III. virum monetalem, ignoramus. *Morell.* 1. et A.

II. Caput Romae galeatum. X. RVFus. =  
Dioscuri in equis. Q. MINVcius. ROMA. *Morell.* 4.

III. Caput Romae cum galea lauro insignita,  
= Duo viri, alter Romano habitu, alter peregrino,  
dimicantes super tertio prostrato. Q. THERMius  
M. F. Caesarem prima stipendia in Asia fecisse in  
M. Thermi contubernio, et ab eo in expugnatione  
Mitylenarum corona ciuica donatum esse, ex Sue-  
tonio nouimus. In Caesaris itaque, rerum summa  
potiti, honorem hunc numum signatum esse, du-  
dum docuerunt viri docti. *Morell.* 7.

MVCIA. I. Honoris et Virtutis capita iugata  
HONor. VIRTus. infra KALENI = Stant manibus  
inuicem iunctis Italia stolata cum cornu copiae,  
et pone eam caduceus; ex aduerso Roma sagata,  
diademate vineta, sceptrum tenens et globo insistsens.  
ITALia. ROMA. infra: CORDI. Eiusdem typi numi  
in gente Fusia occurrunt, vt adeo eiusdem anni  
III. viros monetales fuisse necesse sit Mucium Cordum  
et Fusium Calenum; addit de coniectura Hauercam-  
pus tertium, L. Farfuleium Mensorem. Mucius  
autem vnum ex maioribus celebrare voluit, archi-  
tectum aedis Honoris et Virtutis Mario septimum  
Cof. dedicatae, C. Mucium. Altera numi area Ita-  
liae pacem redditam bello Sociali composito red-  
hibet.

MVSSIDIA. I. Caput Concordiae deae vela-  
tum: apposita stella. CONCORDIA = Comitium  
cum septis, gradibus, cancellis, et binis togatis,  
altero, vt putamus, diribitore, altero suffragia fe-  
rente. L. MVSSIDIVS. LONGVS. Infra: CLOA-  
CINA.

CINa. Veneris cluacinae signum in Comitio stabat a Tatio rege dedicatum, restituta inter Romanos et Sabinos concordia, et lustratione facta; *cluere* autem *veteres purgare dicebant*, Plinio monente f). Quod ad Comitium attinet, comparare iuuabit denarios Hostiliae et alterum Licinae gentis, cum P. Nervae nomine, quem supra descripsimus. Percussi autem hi numi, quorum magna copia exstat, a L. Mussidio Longo, ad largitiones a Julio Caesare a. 708. factas, et per Concordiam et Comitium ad comitia inter populum et Caesarem diuisa allusum videtur. *Morell.* 2 sq.

II. Caput Solis aduersum radiatum = Auerfa pars similis superiori numo. Ceterum Solis astrum merito ad fastos a Caesare emendatos et annum constitutum refertur.

NAEVIA. I. Caput Veneris. S. C. = Victoria in trigis, habenas vtraque manu colligens. C. *NAEVIUS*. BALBUS. In superiore ora: XXII. nota monetalis: in aliis alia, vsque ad CCXIII. Ignoratur, ad quem annum spectent hi numi. Ad Sullae tempora e coniectura refert Hauercampus.

Alius c. numero CXVII.

NASIDIA. I. Caput Cn. Pompeii Magni, tridente apposito. NEPTVNI. (vt eius tanquam cognomen sit, cum Sext. Pompeius Neptuni filius haberi voluisse narretur; quod tamen ad inuidiam

Bb 2

ei

f) Plin. XV, 29. f. 36. Putidum est, quod a cluacis nomen repetunt Christiani scriptores. *cluere* est idem quod *luere*, *abluere*.

ei faciendam arbitramur deflexum; nam videntur potius hominis vani et arrogantis patrem amici, assentandi studio, tanquam alterum Neptunum extulisse. Nisi forte *NeptunI* a Neptunius, ea vox legenda) = Triremis praetoria, appposito astro. Q. NASIDIVS. Fuit is Sexti Pompeii classi praefectus.

NONIA. I. Caput Ditis patris cum vincto (hasta, in harpae, quam Perseus gestare solet, speciem deflexa. Conspicitur quoque illud in numo Nerii Quaeitoris Urbani, et ad opes aerarii spectare creditur) SVFENAS = Dea Roma infidens spoliis coronatur a Victoria. SEX. NONIVS PR. L. V. P. F. (*Praetor ludos votiuos publicos fecit.*) Sextum Nonium Suffenatem adfuisse pro quaestore M. Aemilio Scauro, Legato Pompeii Magni in Syria, et in hoc numo memoriam commendasse patris Sext. Nonii, qui praetor ludos votiuos fecit publicos, docte docuit Hauerc. *Morell. I. add. 3.*

NORBANA. I. Caput Veneris. C. NORBANVS. XXXX. nisi alia numeri nota extrita est. = Fasces cum securi equino capite ornata, inter spicam tritici et caduceum.

II. Alius cum nota CXXXXV. *Morell. A.* Cusi hi numi, ingenti numero, eo anno, quo Caesar in Hispanias proficiscens, V. C. 708. sub Lepido sex siue octo Praefectos urbis constituit, inter quos fuit C. Norbanus. Venus in Caesaris honorem expressa. *Morell. A.*

OPIMIA. I. Caput Romae galeatum. Pone tripus, nota monetalis. = Apollo in bigis, arcum tendens. M. OPEIMIVS. ROMA. *Morell. 3.* Obscurus



scurus homo, obscura typi causa, nisi quod ad pestilentiam a. 574 refert, et M. Opimium Quaestorem eius anni fuisse coniicit Hauercampus; quod tamen non magis locum habere videtur, quam si Jovem quadrigis inuectum et fulmen tenentem contendas exhiberi iratum. Dicanius potius Apollinem reddi ut solem, sagittas pro radiis emittentem.

Sed fatis iam numorum annumeratum. Subsistamus, vel boni ominis causa, in M. Opimio, et in Apolline. Quidni enim vel verbis ludamus? Etiam hoc boni ominis causa. Enimvero omen erit longe certius et iucundius prosperitatis, pacisque ac tranquillitatis publicae; simulque vestrae modestiae, Cives, amorisque vestri, quo nostrum omnium amorem mutuum prouocabitis, pignus dabit is haud poenitendum; si crastino die pompa in templum academicum ducta, sacris sollennibus frequentes adesse, et dicturis ac reliqua ex more peracturis audientiam facere fauoremque praestare volueritis. Agite vero, nostri, lubentes volentesque votis nostris respondete, *Auspicio hoc felix totus ut annus eat.* P. P. Kal. Jan. c l o l o cclxxviii.

---

ACADEMIAE GEORGIAE AVGVSTAE  
 PRORECTOR  
**LVDERS KVLENKAMP**  
 CVM SENATV  
 ANNIVERSARIA INAVGVRATIONIS  
 SACRA XXXXI.  
 IN A. D. XVII. SEPT. cIo Io CCLXXVIII.  
 RITE INDICIT.

---

*Recensentur Numi Familiarum Romanarum, qui in  
 Museo academico seruantur.*

Commentatio tertia et nouissima.

---

**E**t si nullo non tempore beneficiorum diuinorum sensu perfusum habere animum conuenit, et ita se quenique comparare consentaneum est, vt non malorum magis, quam bonorum, quibus fruitur, rationem ineat, et, quae siue naturae siue fortunae munere, publice priuatimque, grata et iucunda accidunt, cogitatione et oculis circumspiciat: habent tamen, Commilitones carissimi, tempora follennia miram aliquam vim ad excitandos animos et mentes conuertendas ad contemplationem acriorem felicitatis publicae priuataeque, hoc est, omnium

omnium earum rerum, quarum sensus ad animum est iucundus grataque reputatio. Sunt in his innumera, quorum vix cogitationem aliquam vulgo homines admittere solent: inque iis plerumque grauissima: quod hoc Rege ac Principe, Optimo illo et Indulgentissimo, hoc Senatu Sanctiore, hac rei publicae formula, his institutis, legibus, hac libertate, hac securitate vtimur, publice priuatimque ab iniuria tuti quod viuimus, et iure aequo vtimur quisque; quod in tanta rerum sacrarum et sapientiae seu reuelatae ac diuinae seu humanae luce versamur; quod tot ac tanta habemus subsidia et adiumenta cognoscendae naturae, acuendi et omni doctrinae et cognitionis genere locupletandi ingenii, fingendorumque animorum ad omne virtutis et officii genus. Quae summa diuini numinis beneficia, quantum vix in vlla alia terrarum parte, inprimis in Academia hac Georgia Augusta vobis contingunt, Commilitones, eaque ipsa in almam hanc litterarum Parentem, blandam ingeniorum Nutricem, amores vobis instillare debent nullo tempore extinguendos. Nam illud indulgentiae diuinae specimen vix quisquam nostrum est, quin saepius iam animo agitauerit et grata pietate reputauerit, quod, cum bellorum procellae vndique cooriuntur, *et toto saeuit Mars impius orbe*, nos interea hac tranquillitate, hac rerum incolumitate vtimur, nec adhuc bellicis terroribus turbantur hae terrae, fruunturque adeo Musae hac securitate, hoc otio, quo sublato omnes earum concentus conticescunt. Quae nostra bona vt gratis ac piis mentibus recolamus, vtque vota ac preces ad deum immortalem pro in-

columitate reip. constante ac perpetua fuscipiamus, indicuntur hac ipsa tabula Anniuersaria sollennia crastino die in templo academico, pompa sollenni ducta, habenda. Praeibit verba is, cui munus hoc publice impositum est, Eloquentiae Professor et Collega noster,

CHR. G. HEYNE,

cui ut vos, Commilitōnes et quotquot Hospites his sollennibus interesse volueritis, fauentes adesse velitis, qua par est, humanitate rogamus. Praefabatur ille ex more perorandi academico, quo de docto aliquo argumento praemittenda nonnulla sunt, et *diuersos bellorum, modo ad barbariem inferendam, modo ad humanitatis cultum propagandum, effectus* in medium afferet.

Eidem academico mori ut, qua fas est, obtemperemus, praefabimur et ipsis his sollennibus, quae indicimus, pauca, et absoluemus argumentum superioribus temporibus inchoatum, perducemusque ad finem recensum numerorum, quos Familiarum Romanarum appellant, quotquot quidem ex iis seruat Museum nostrum academicum, cuius hac aestate absoluta quoque est rerum et opum naturalium dispositio, doctissimi viri, BLUMENBACHII, Collegae dignissimi, summo studio et opera.

Substiteramus autem in gente Opimia. Proxima gens, cuius numi in nostro academico Museo exstant, est

PAPIA. I. Caput Junonis Lanuinae, caprina pelle indutum. Appositum a ceruice signum Loti.  
= Gry-

= Gryphus profiliens: subiecto signo obscuro floris. L. PAPI<sup>us</sup>. Numus ferratus: vt omnes huius Papii III. viri monetalis, cuius denarii hoc typo expressi magno numero supersunt, notae tamen appositae varietate mira. Ei, quam laudauimus, similem notam memorari non vidimus. *Morell. t. I, 3. t. II, 1 sq. III sq.* Videtur Gryphus, fabulosus ille auri custos, ad aerarii et monetae curam spectare.

PETILLIA. I. Frons templi Jovis Capitolini hexastylös; in intercolumniis in pariete tria vericula apparent; pilarumne genus, an ornamentum aliquod? fastigium variis signis instructum; in summa quidem parte, signum bigas ducentis haud dubie Jovis, a latere deae hastatae, Juno scilicet et Minerva; prominent in extremis partibus vtrique duo equi profilientes; in media fastigii area, (tympanum Vitruvius appellat, si verum assequimur) sculptum est signum obscuri operis, quod Gigantis forte est; agnoscere enim nobis videmur pedes anguinos; vt is a Jove, in summo, vt diximus, fastigio stante, fulmine prostratus videri debeat. Simile argumentum in fastigio aedis Jovis Tonantis expressum arbitramur respici a Claudiano in loco parum bene accepto, XXVIII, 44. *Iuuat intra tella (h. in caelatura) Tonantis Cernere Tarpeia pendentes rupe Gigantes.* Ex Rycquio de Capit. c. 15. nihil admodum proficias. = Aquila expansis alis fulmini insistent: PETILLIVS CAPITOLINVS. Familia Petilliorum Capitolinorum ex Horatio I. Sat. 4, 94 nota est. *Morell. 2.*

**PLAETORIA.** I. Caput deae variarum dearum insignibus ornatum, vnde id *pantheon* appellare solent. **CESTIANVS** S. C. = Aquila expansis alis fulmini insistent. **M. PLAETORIVS AEDilis CVR.** *Morell. 1, 3. D.*

II. Caput deae Cybeles turritum: ante collum globus, qui terram designare videri potest; a tergo ramusculus, vt Hauercampus docet. **CESTIANVS.** = Sella curulis: cui variae notae monetales appositae occurrere solent, in nostro est arista. **M. PLAETORIVS AEDilis CVRulis EX S. C.** Cusos hos et alios numos a M. et L. Plaetoriis, Bruti quaestoribus in bello civili, et M. Plaetorium aedilem curulem a. 685. respici, non male coniicit Hauercampus. *Morell. ibid. V.*

**PLANCIA.** I. Caput Macedoniae pileatum. **CN. PLANCIVS AED. CVR. S. C.** = Capra silvestris; a tergo pharetra cum arcu, Macedoniae symbola. Cn. Plancium respici, qui quaestor Macedoniae Ciceronem exulem excepit, manifestum fit. Sed cusus numus videtur a Cn. Plancio, eius filio, Bruti forte Quaestore, vt Hauercampus quoque suspicatus est. *Morell. 1.*

**PLAVTIA.** I. Caput Solis aduersum. **L. PLAVTIVS.** = Aurora Solis equos frenis deducens. **PLANCVS.** Videtur a L. Plotii, qui fratris L. Munatii Planci opera inter proscriptos a Triumuiris fuit relatus, (v. Plin. XIII, 3. f. 5.) filio, Cassii et Bruti Quaestore, esse signatus. *Morell. 1.*

II. Mulier flexo genu, laeua camelum adstantem capistro retinens, dextra oleam vittatam supplex porri-

porrigens. Inferius: Rex ARETAS. Ad latus EX S. C. et supra: M. SCAVRus AEDilis CVR. = Jupiter in citis quadrigis, laeua habenas, dextra fulmen tenens; sub equis scorpio. In superiore area: P. HYPsAEus COS. PREIVERnum CAPTVm. Est typus Aemiliae genti communis. *Morell. Aemilia I, 1. Plautia 2.* Cui videntur numi: binis Quaestoribus Bruti vel Cassii, altero ex Aemilia, altero ex Plautia gente oriundo: exhibentur vtriusque gentis decora: Aemiliae, Aretas Anbum rex supplex factus M. Scauro, qui Pompeio pro Quaestore fuit, V. C. 692. Plautiae, Priuernum Latii oppidum a P. Plautio Hypsaeco Cos. 412. aptum. Gefferant autem ex vtraque gente eodem anno 695 aedilitatem M. Scaurus et P. Hypsaeus.

III. Caput Romae galeatum. X. = Dioscuri in citis equis. C. PLVTIVs; infra: ROMA. Referatur ad C. Plautium Hypsaicum, Quaestorem urbani 594.

POBLICIA. I. Caput Romae, galea, incuruo cono et vtrinque palma ornata tectum. ROMA. Appicta littera C. vel G. = Hercules leonem Nemeum suffocans. Ad pede claua, tum arcus cum pharetra. C. POBLICIVs *Quinti F.* Nota C vel G. *Morell. IV. C.*

II. Caput Romae galeatum. M. POBLICIVs LEGatus PRO Praetore. = Ians in puppi Romanus palmam accipit a figuramuliebri porrectam, quae clipeum cum binis spiculis gestat; est ea Hispania. CN. MAGNVS. IMI *Morell. 5.* M. Pobllicium Pompeio, res in Hispaniis cum proconsulari

lari potestae gerenti, Legatum pro Praetore fuisse, ex hoc nuno intelligitur.

POMPEIA. I. Deae Romae caput galeatum. X. a ceruice tota monetalis: vrceus. = Lupa Romulum ac Remum gemellos lactans, adstante Faustulo pastore. Apposita ficus, cui picus insidet. SEXtus Pompeius FOSTLVS. ROMA. Non constat, quis hic Sex. Pompeius Faustus fuerit.

PORCIA. I. Caput Romae galeatum. X. ROMA. = Liberas quadrigis vecta, laeua hastam et habenas, dextri pileum tenens: coronat eam aduolans a fronte Victoria. M. PORCIus. Infra: ROMA. Morell. 3. Respicit typus, cui similis alius est in numis gentis Cassiae, legem Porciam de provocatione.

II. Caput deae Libertatis. M. CATO PRO Praetore. ROMA. = Victoria sedens dextra pateram porrigit, laeua palmam tenet. VICTRIX. Scilicet iungenda sunt. *Roma victrix*. Signati esse videntur hi numi Vitae vel Adrumeti, cum Cato reip. causam aduersus Caelarem armis tueretur. Morell. 4.

III. Quinarius. Caput Liberi Patris hedera et baccis coronatum. A ceruice: M. CATO. Nota monetalis, folium. = Victoria sedens, pateram praebens, laeua hastam tenens. VICTRIX. Morell. *ibid.* 5.

IV. Alius quinarius simili typo. Videtur tamen caput viri potius esse quam dei.

POSTVMIA. I. Caput Dianae Venatricis, coma religata, cum arcu et pharetra ad humeros.  
= Canis



= Canis venaticus currens: venabulum subter pedes protensum. C. POSTVMIus; cum monog. AT forte monetarii. *Morell.* 6.

II. Idem, etsi paullo diuersae fabricae. Signati numi ab aliquo ex posteris C. Postumi Albinii, qui Xvir sacris faciundis ludos saeculares curauerat.

III. Caput Dianae venatricis, coma in nodum comta: ex humero arcus cum pharetra, a vertice caput ceruinum, forte monetarii nota. = In monticulo victima bos ante aram ardentem: adstat vir manu extensa molam falsam inter cornua spargens. A. POSTumius Auli Filius. Spurius Nepos. ALBINus. Numus ferratus. *Morell.* 7. Iterum memoria ludorum saecularium recolitur, qui in Apollinis et Dianae honorem habebantur: montem Auentinum Dianae sacrum, expressum esse puta. Videntur autem ludi saeculares quartum habiti V. C. 605. respici.

IV. Caput Hispaniae velatum. HISPANIA. = Vir togatus stans manu eleuata ante aquilam legionariam, tanquam sacramentum dicturus; a tergo falces in terram defixi, qui imperium proconsulare denotant. A. POSTumius A. F. S. N. ALBINus. Videntur res a L. Postumio in Hispania feliciter gestae innui; triumphauit is ex Lusitanis a. 575. *Morell. ibid. n. 8.*

PROCILIA. I. Caput Jovis laureatum. S. C. = Juno Sospita Lanuina gradiens, dextra hastam vibrans, laeua scutum oblongum tenens. Ante pedes erigitur serpens: nota monetalis. L. PROCILius

CILI<sup>us</sup> F. (Flaminem Junonis Lanuinae declarari suspicatur Hauercampus) *Morell. I.* Ortum autem ducebat gens Procilia a Lanuunis.

II. Caput Junonis Lanuinae pelle caprina tectum. S. C. = Juno Lanuina in bigis, tenens scutulum et hastam. Subter serpens assurgens. L. PROCILI<sup>us</sup> F. Numus ferratus. *Morell. 2.*

ROSCIA. I. Caput Junonis Lanuinae pelle caprina tectum. A ceruice signum obscurum. L. ROSCI<sup>i</sup>. = Puella Lanuina serpentem pascens. FABATI. *Morell. I., 1.* Gentis Rosciae originem Lanuinanam illustravit L. Roscius Fabatus, C. Julii Caesaris Quaestor in Galliis. Junoni autem Lanuinae facer serpens potus vel ex Propert. IV, 8.

RVBRIA. I. *Quinarius*. Caput Neptuni laureatum cum tridente. DOSSEN<sup>us</sup>. = Victoria longam palmam gestans, ante aram serpente implicitam. L. RVBRI<sup>us</sup>. Eum Hauercampus vnum ex octo praefectis vrbis a Caesare constitutis fuisse, acute suspicatur. *Morell. I.*

II. Caput Jovis laureatum cum sceptro. DOSSEN<sup>us</sup>. = Thensa quatuor equis iuncta, Jovis fulmine insignita. Superuolat Victoria. L. RVBRI<sup>us</sup>. Spectat numus ad ludos Circenses habitos. *Morell. 2.*

III. Idem typus: sed in altera parte verba adiecta: L. RVBRI<sup>us</sup> IMP. CAES. TRAIAN<sup>us</sup> AVG. GERMANICUS DAC. P. P. *Morell. ibid. A.* est ex numis a Traiano restitutis: qui rariores sunt.

IV.

IV. Caput Junonis velatum cum scepro. *DOSsenus*. = Ducitur similis thensa aquila insignita, ut Jovis eam esse constet. L. *RVBRIus*. *Morell*. 3.

*RVSTIA*. I. Duae figurae muliebres, medio corpore supra aram, arietinis capitibus in extrema sui parte ornatam, eminentes. Sunt autem *Fortunae Antiates*, altera *felix*, altera *fortis* casside ornata. Q. *RVSTIVS*. *FORTVNAE ANTIATES*. Ara inscripta *FORTunae REDuci*. Infra: *EX S. C.* in ora: *CAESARI AVGVSTO*. Consecrata illa ara sub reditum Augusti ex Asia a. 735. Dio XLIV c. 10.

*RVTILIA*. I. Caput Romae galeatum. *FLACCus* = Victoria in citis bigis, dextra corollam tenens, laeva equorum habenas. L. *RVTILIus*. Fuit is Praetor provincialis a. 600.

*SCRIBONIA*. I. Caput Boni Euentus. *BO-Nus EVENTus*. *LIBO*. = Ara, appensa corolla cum duabus lyris. Infra, malleolus. *PVTEAL SCRIBONII*. *Morell*. 3. Notissimus numus, cui alius similis gentis Aemiliae est: signati illi a III. viris monetilibus L. Scribonio Libone, L. Aemilio Paulo et Manio Aemilio Lepido, et quidem, ut praeclare coniecit Hauercampus, sub tempus pacis Brundisinae a. 714. Scribonianum autem puteal arae formam habuisse, vel ex hoc numo apparet; exstructum illud in loco sacro, seu quod is caelo tactus, seu quod facellum ibi fuerat. Memoriam rei hoc numo servare voluere III. viri, quos modo nominavimus.

*SENTIA*.

SENTIA. I. Caput Romae galeatum. AR-  
*Gentum PVBlicum.* = Jupiter in citis quadrigis,  
 dextra sceptrum, laeua fulmen tenens cum habenis.  
 L. SENTIus Caii F. apposita nota E. *Morell. I.*

SERGIA. I. Caput Romae galeatum. X.  
 EX S. C. = Eques concitato cursu fertur, laeua  
 gladium et caput abscissum ferens; dextra nulla  
 apparet: M. SERGIus SILVS *Quaestor.* Manife-  
 stum fit, virum fortissimum, M. Sergium Silum ab  
 aliquo ex ea gente oriundo, seu Quaestore seu III  
 Viro monetali, celebrari in hoc numo. Vixerat is  
 bello Punico II. et dextra perdita, sinistra quater  
 fortissime pugnavit. Locus de eo classicus Plin.  
 VII. 28. *Morell. 1.*

SERVILIA. I. Caput Romae galeatum; a  
 ceruice nota  $\Phi$  = Duo equites, alter Romanus,  
 alter externo habitu, dimissis equis inter se pugnant.  
 M. SERVEILIus Caii F. infra est littera D. *Morell.*  
 1, II. D. In altero galeam hircinis cornibus in-  
 signem agnoscunt viri docti, qui ornatus Macedo-  
 nibus frequentatus esse videtur; itaque ad M. Ser-  
 vilium Pulicem Geminum referunt, qui vicies et  
 ter cum hoste per prouocationem pugnavit, et in  
 Macedonia sub Aemilio Paulo militans forte Macedo-  
 nem aliquem illustri cum virtute prostravit.

II. Caput Romae galeatum. X. a ceruice co-  
 rolla. = Dioscuri, in equis subsultantibus auersis,  
 ipsi vultibus aduersis. Alludunt illi ad Geminorum  
 nomen et familiam gentis Serviliae. C. SER-  
 VEILIus Marci F. *Morell. 3.*

III. Caput deae Libertatis laureatum, a tergo lituus. ROMA. X. = Duo equites pugnantes; alter, parmam gestans sigla M super fulmine insignem, hasta transadigit alterum, qui gladio elato fugere videtur, equo cespitante. C. SERVILIVS. Siglam M ad eundem M. Geminum referunt, de quo ad n. I. diximus, ut eius alia ex prouocatione pugna exhibeatur. Potior tamen est Hauercampi suspicio, referendum esse numum ad aliquem C. Servilium Augurem Manlianum, qui ex Manliis Torquatis adoptione in Seruiliam gentem transiit. *Morell. 4.*

IV. Caput Minervae galeatum cum aegide ad pectus. RVLLI. = Victoria in bigis dextra habens, sinistra palmam tenens. P. SERVILIi Marci Filii. Sigla P. Videtur hic Rullus Quaestor provincialis sub Sulla Praetore belli Mithridatici tempore numos hos signasse a. 661. *Cat. v. Hauerc. Morell. I, 7.*

SPVRIA. I. Caput Romae galeatum. X. = Diana in citis bigis. A. SPVRIus. *Morellius* Spuriam gentem edidit. M. Spurius fuit inter percussores Caesaris. v. Appian. B. Civ. II. p. 813 (499).

SVLPICIA. I. Caput Virginis Vestalis velatum. S. C. = Culter, simpulum et fecespita: Pontificatus insignia. P. GALBa AEDilis CVR. *Morell. 2.* Si numus ab eodem P. Sulpicio Galba Aedili Curuli signatus est, extra ordinem iussu Senatus factum necesse est, quod alias ad III. viros monetales, et ad Quaestores muneris ratione spectabat. *Morell. I, 2.*

*Heynii Opusc. acad. Vol. II.*

Cc THORIA.

THORIA. I. Caput Junonis Lanuinae pelle caprina tectum: ad originem gentis Thoriae Lanuinam declarandam. I. S. M. R. (*Iuno Sospita Magna Regina*) = Taurus proterue profiliens. Subter: L. THORIVS BALBVS. Superque sigla G. Thorius hic Quaestor forte inter XX illos Lege Cornelia creatos V. C. 673. *Cat.* qui vita iucundissime exacta Ciceroni de fin. II, 20. celebratur, patris Sp. Thorii Balbi Tribuni pl. 646. Legem agrariam, et de pecore agros alienos depascente, typo tauri in memoriam reuocauit. *Morell. I.*

TITIA. I. Caput Bacchi barbati diademate alato reuinctum. = Pegasus ad volatum se erigens. Q. TITIVS. *Morell. 1.* Quaestor aliquis ex gente Titia memoriam C. Titii Equitis, tragoediarum auctoris, quem L. Afranius imitari studuit, vt Cic. in Brut. 45. ait, recoluit. In Bacchi tutela tragoedia: alae capiti appositae videntur symbolicam vim, siue ad ingenii siue ad orationis tragicae naturam declarandam, habere.

II. Caput deae Liberae hedera et pampino reuinctum. = Iterum Pegasus. Q. TITIVS n. 2.

III. *Quinarius.* Caput Victoriae, humero alato. = Item Pegasus. Q. TITIVS. n. 3.

TITVRIA. I. Caput regis Tatii Sabini. SABINVS. ante mentum palma. = Virgo Tarpeia scutis obruta inter duos Sabinos. L. TITVRIVS. *Morell. I. A.* Originem gentis e Sabinis declarat nomen a L. Titurio Quaestore signatus. cf. Hauerc.

II. Idem prorsus typus: sed stella cum luna supra Virginem Tarpeiam apposita, forte ad noctem, qua

qua proditio Capitolii facta, declarandam. *Morell. ibid. B.*

III. Caput regis Tatii Sabini.  $\overline{A}$  (*Tatius*) SABINUS. = Raptus Sabinarum: duo Romani Sabinas sublatas auferunt. L. TITVRIVS. *Morell. 3.*

IV. Caput regis Tatii Sabini. SABINUS. = Victoria in citis bigis, laeua habenas tenens, dextra corollam praeferens. L. TITVRIVS. infra obscura figla. *Morell. ibid. F.*

TVLLIA. I. Caput Romae galeatum. ROMA. = Victoria stans in quadrigis citis, dextra parazonium, laeua longam palmam cum habenis tenens. Superne corolla, infra X. subter: M. TVLLIVS. Signatus numus a M. Tullio Decula, patre an filio, Quaestore vrbano seu III. viro monetalis. *Morell. 1.*

VALERIA. I. Caput Apollinis radiatum et diademate reuinctum; a ceruice acisculus, seu parua alcia, - quae Acisculorum familiae e gente Valeria nomen dedit. ACISCVLVS. = Diana in citis bigis, dextra flagellum, laeua habenas tenens. L. VALERIVS. Videtur is e III. viris monetalibus Augusti aetate fuisse. *Morell. I, 5.*

II. Victoriae caput cum humeris alatis, coma in nodum comta: post illud tripus; nota monetalis. = Aquila legionaria inter duo signa militaria inscripta litteris H. et P. (*Hastatos* et *Principes* denotant) C. VALERIUS FLACCUS IMPERATOR. Ex S. C. *Morell. I, 7.* Magna horum denariorum vis diuersis cum notis exstat, vt a Quaestore C. Valerii Flacci, Imperatoris ex victoria dicti, incertum cuius, ex manubiis eos esse signatos colligi possit.

III. Caput Victoriae pectore tenus; humeris alatis, coma ad verticem reuincta. X. = Mars tropaeophorus stans; laeua tropaeum, dextra hastam transuersam tenens: a laeua spica frumenti, a dextra apex flaminii. *Morell. II. 2.* Cum duo L. Valerii Flacci Flamines memorentur, alter *Cof. 622. v. Cic. Phil. XI, 8.* alter Praetor Asiae 691. pro quo Cicero causam dixit, v. *Cic. de Div. I, 46.* alii numum ad priorem referunt, Hauercampus ad posteriorem, ut ab eius filio signatus sit, quem inter octo praefectos a Caesare in Hispaniam profecturo constitutos fuisse coniicit.

VARGVNTTEIA. I. Caput Romae galeatum. X. M. VARGunteius. = Jupiter in quadrigis triumphalibus, dextra palmam, laeua fulmen cum equorum habenis tenens. ROMA. *Morell. I.*

VIBIA. I. Caput Apollinis laureatum. PANSA. = Minerva tropaeuchos in quadrigis concitatis. C. VIBIVS C. F. Magna horum numorum copia exstat: qui ob victoriam de M. Antonio ab M. Hirto et C. Pansa Cofl. reportatam cusi videntur. Apollinis caput respicere putatur praeturam Pansae urbanae, in qua ludos Apollinares curauerat. *Morell. t. I, 8.*

II. Sileni persona scenica. PANSA. = Jupiter Anxur, capite radiato, corpore seminudo, sedens, laeua hastam, dextra pateram tenens. C. VIBIVS. Caii F. C. N. IOVIS ANXVRIS. Origo Vibiae gentis e Campania declaratur per Jovem Anxurem praecipua religione Terracinae coli solitum. v. ad *Virg. Aen. VII, 797.* Sileni autem persona Liberalia



ralia innuit, olim ab Aedili curuli C. Panfa, nunc Consule, celebrata. *Morell. II, 2.*

III. Idem fere typus: post Sileni personam tibia cernitur. *Morell. II, A.*

IV. Caput deae Liberae hedera et pampino coronatum. PANSÆ = Ceres spicis redimita, vtraque manu fâces accensas gerens: ante pedes aratrum. C. VIBIVS C. F. C. N. *ibid. 3.* Etiam Liberalia respicit.

V. Caput deae Libertatis laureatum. LIBERTATIS. = Roma habitu militari, dextra hastam, laeva parazonium tenens, spoliis insidens, laeuo pede orbi terrarum imposito: a Victoria aduolante coronatur. Numus rarus, praeclarum victoriae ad Mutinam monumentum. C. PANSÆ, C. F. C. N. *Morell. ibid. 5.*

VI. Persona Sileni scenica. C. PANSÆ. = Duæ dextrae iunctae tenentes caduceum alatum. ALBINVS BRVTI F. Occiso Hirtio datus a Senatu D. Junius Brutus Albinus Panfae collega. Numus aereus, similis denario ap. *Morell. ibid. 6.*

VOLTEIA. I. Caput Jovis laureatum. = Templum Jovis Capitolini tetrastylum; in fastigii umbone fulmen. M. VOLTEI M. F. *Morell. I.* M. Volteium IIII. virum monetalem cum C. Vibio Varo Octaviani III. viri tempore suspicatur Haverc. in ceteris nimium argutus.

II. Caput deae Liberae hedera et pampino redimitum = Ceres in draconum bigis vtraque manu facem tenens. A tergo folium, nota fabrilis. M. VOLTEI M. F.

Incertarum gentium, cum nullae notae fatis clare appositae sint, adhuc subiiciemus numos aliquot

I. Caput Romae galea alata indutum. X. ROMA. = Roma spoliis insidens, hastata, accubante lupa cum gemellis, augurium captat inter geminos vultures. *Morell. Inc. t. I. VII.*

II. Caput Veiovis laureatum; subtus fulmen. = Jupiter fulmen emittens, in quadrigis. Ad Sentiam gentem spectare creditur. *Morell. 3, II.*

III. Caput Romae galea alata indutum. X. = DioscURI hastati in equis concitatis. ROMA. *Morell. t. 3. III.*

III. Caput Jovis Capitolini laureatum = Victoria coronat tropaeum. ROMA. *ibid. VI.*

Tandem sublestae fidei numos commemorare placet tres:

I. Caput, quale Victoriae esse solet, sine alis, nisi Veneris est. ROMA. = Dea Victoria pateram porrigens, sellae insidens, intra quam siglae ST (f. *securitas temporum.*)

II. Caput viri nudum: TREBONIVS. = Gryphus ante arborem, cui acclinatum est tympanum: post illud instrumentum musicum: supra gryphum stella.

III. Caput viri nudum, a ceruice caduceus. SERTORIUS cum nota 9. = Cerua, Sertorio amata. PROVIDENTIA MILITARIS.

Et haec quidem de numis familiarum Romanarum in Museo nostro academico seruatis; nam Imperatorum Romanorum numos omnis generis ac moduli, cum barbarorum numis, et bracteatis, tum recentiorum temporum numos enarrandos in aliud tempus seponere necesse est. In hac autem opera nostra quid sequuti simus, facile perspicitur: scilicet censenda illa est ex eo, quod diligentiam adhibuimus in indagando, ad quam gentem ac familiam numus quisque spectaret, et in comparando eo cum iis, quorum delineatio et descriptio a viris doctis iam prodita est. Nec vero opes nostras cum vlllo regum ac principum gazophylacio contendere posse, satis perspectum habemus; sumus pauperes in aere nostro; quod si qui sunt, qui seu publica seu privata liberalitate arculas nostras locupletare voluerint, gratia iis habebitur publice ac priuatim. Vt tamen haec, quae in illis adhuc sunt recondita, recenseremus, ea maxime causa nos adduxit, Comitones, quod, quid in copiolis hisce nostris contineretur, publice declarandum esse videbatur, vt, si quis esset vestrum, cuius interesset, harum rerum gustum habere, facultatem eas cognoscendi in Georgia Augusta non deesse intelligeret. Eo enim consilio omnium harum opum seu naturae seu ingenii humani, quas partim Bibliotheca publica, partim Museum continet, prouisus factus est, vt instrumenta ingenuae doctrinae, sine quibus nulla ingeniorum follertia aut subtilitas satis proficere potest, desiderantibus in promptu sint: inter ea autem cum libraria supellex censenda, tum bibliotheca altera, eaque multo amplior et ad veram doctrinam haud

---

minus necessaria, naturae inquam: quam et ipsam  
instructam vobis Regio beneficio et apertam videtis.

Nunc quod in manibus est, ne dimittamus,  
curandum est: rogandi nimirum estis, Commilito-  
nes, ut die crastino, et pompae in templum acade-  
micum ducendae, et sollennibus celebrandis, be-  
neuoli et fauentes adesse, ipsaque vestra frequentia  
pietatem ac studium vestrum in almam Georgiam  
Augustam declarare velitis. P. P. d. XVI. Sept.  
CLOCCCLXXVIII.

ORATIO  
IN SOLLENNIBVS PARENTALIBVS \*)  
GEORGIAE AVGVSTAE  
IN  
HONOREM AC MEMORIAM  
MVNCHVSIANAM

PIE CELEBRATIS

AVCTORITATE  
GEORGIAE AVGVSTAE PRORECTORIS  
GEORGII LVDOVICI BOEHMER  
ET SENATVS

HABITA

A

CHR. GOTTL. HEYNE

ELOQV. PROF.

D. XXVIII. DEC. MDCCCCLXX.

---

\*) Indiſta illa ſunt per Programma Vol. I. Opuſc. infer-  
tum p. 383.

---

*Vir est optimus, et inter praecipua saeculi  
ornamenta numerandus: colit studia, studiosos  
amat, fouet, prouebit, multorumque, qui aliqua  
componunt, portus, sinus, praemium; omnium  
exemplum; ipsarum denique litterarum iam se-  
nescentium reductor ac reformator.*

PLIN. Epist. VIII, 12.

---

---

PRORECTOR ACADEMIAE MAGNIFICE,

ILLVSTRISSIMI COMITES,

AVDITORES SVO QVISQVE LOCO ET HONORIS  
DIGNITATIS AETATIS GRADV HONORATISSIMI,

**M**unus hoc vestra auctoritate, Patres, mihi impositum, ut moerorem vestrum ac luctum in grauissimo, qui nos perculit, casu his, qui confluerunt, Ciuibz Amicisque nostris interpreter, sentio quidem quam honorificum mihi sit; nunquam tamen onus me subire memini, cui perferendo minus parem me sentirem. Siue enim ipsum luctum nostrum, siue luctus causas attendo, omnia video viribus meis esse maiora. Ut vero Eius Viri, in cuius honorem solenne hoc officium susceptum, celebritas haec est facta, nomine ac memoria digna proferam, id vero plane despero. Deficiunt enim me ea ipsa, quae alias imbecillitatem meam firmare, animum erigere et incitare poterant: festi diei hilaritas, publica laetitia, inprimisque respectus ad eum, ad quem consilia nostra et incepta referre solebamus, quem nostris quoque coetibus et confessionibus animo ac mente interesse, eaque, quae in iis recte erant gesta et curata, comprobare et benigne laudare noramus. At nunc ad retardandos et hebetandos quosuis animi impetus omnia comparata esse video. Plura me circumstant, quibus  
contur-

conturbari me necesse est: moeroris mei et debilitati animi conscientia; in hac ipsa nostra celebritate tristis taciturnitas; lugubris loci sancti facies, vestri obtutus defixi, oris tristitia ac sollicitudo; et omnium maxime moestissima illa cogitatio, non iam esse *MVNCHVSIVM*, cui haec ipsa sollennia, hanc laudationem approbare possim.

Doloris vestri interpretem me excitastis! Quo studio, quo tandem ingenio me hoc assequuturum putatis, ut vestris voluntatibus satisfaciam? Nam cum natura sua magnus dolor sensusque animi graviter affecti ad efferendum oratione commoda difficilis est, tum multo magis alienus. Quicquid itaque, etiam cum vi aliqua, extulero, semper vestrum erunt plures, quibus ea sensu suo videbuntur minora. Quae omnia tanto magis mihi metuenda esse sentio, quo minus mihi ipsi a me satis fieri video. Tanto enim moerore, tanta aegritudine confectum, animo fractum, deiectum, me esse sentio, ut quotidianis quoque curis per hos dies impar fuerim, omnium rerum taedio, tanquam tabe, consumar, nulliusque non intentioris cogitationis prorsus sum impatiens. Qui itaque meum dolorem grauissimum tacitus concoquere posse optabam, et fortunae ferendae assuescere, ille ego ad luctum publicum oratione declarandum euocor? qui in solitudinem abdere me cogitabam, in celebritatem hanc extrahor? qui in me ipso deprehendo, quanto eloquentior omni voce animi dolor sit, ad communem vestrum dolorem eloquendum excitor? Quod nisi mature me ad hoc comparassem, ut omnia  
facienda



facienda et patienda putarem, quae muneris semel suscepti rationes postulant, utque officii sanctitatem eodem loco haberem ac fati necessitatem, quae nullam excusationem admittit, nunc saltem onus impositum detrectandum mihi esse arbitrarer. Sed apud virum bonum officii summam legem esse debere memini; et sustentat recreatque me illa cogitatio, quod ad memoriam immortalis MÜNCHHVSII colendam, animisque cum nostrum omnium, tum huius inprimis florentissimae Iuuentutis, altius et in imas praecordiorum radices infigendam et in omne aeuum perpetuandam, cuncta haec parata esse video. Si quid enim est, quod languentem et demissum animum excitare possit, aio ac candide profiteor hoc studium esse, hunc ardorem, quo ad persolvendam hanc MÜNCHHVSIIANO nomini debitam pietatem inflammatus sum; quam, etsi pro officii nostri magnitudine nunquam satis testatam facere poterimus, volo tamen ac cupio eam quam fieri potest luculentissime et omnium hominum confessione verissime demonstratam et ad omnem posteritatem proditam esse. Nam hoc equidem animo prouideo ac praesentio, vobisque, Auditores, palam praedico, seram, et vero etiam ultimam, posteritatem, ubi Georgiae Augustae origines recognoscet, immortalia MÜNCHHVSII facta, curas ac consilia in ea tuenda ornandaque memoriae mandata leget, cum, quae innumera et diuina in nos collata fuerint beneficia, cognouerit, identidem quaesituram esse, qua vero mente nos tantis meritis responderimus? quam gratis ac deuotis tanti Viri nomini voluntatibus inter ista oninia fuerimus? quod tandem

dem ad testandam animorum pietatem religionis nostrae ac fidei monumentum nobis superstes esse voluerimus? Quo itaque pro virili et ipse prospiciam, ut iis qui post nos erunt, parata sit responsio, lubenter auctoritate vestra mandatum munus in me recipio, et, quantum in me erit, ne vestrae pietatis sensus mea oratione attenuetur, cum fide curabo. Inter volentes et proclives ad causam animos facundiam approbare non adeo difficile esse potest. Nihil proferre, nihil eloqui potero, siue ad animorum sensum siue ad pietatis affectum, quo non dicentem me vestri animi anteuertant; nihil laudabile, nihil praeclarum de MÜNCHHVSIO potero memorare, quin memoria vestra plura, et pleniora, et maiora, animis vestris subiiciat.

Quo tamen ordine mihi procedendum sit, Auditores, qui in tanta rerum copia dilectus, qui materiae, si qua alia fuit, ad dicendum felicissimae tractandae modus, in hac deliberatione fateor diu me defixum animo exitum non reperire; Quid? quod inter tot ac tanta rerum argumenta, ipsa dicendi principia inuenire difficile videri debet. Sed in hac tanta difficultate, florentissimi Iuuenes, a vobis consilium et rationem petam. Si vestrum quisque parente suo, quam tamen fati acerbiter per multos adhuc annos a cunctis abesse iubeat numen O. M. sed si parente morte sibi erepto quisquam vestrum cum amicis suis ac familiaribus sermones habiturus esset, quale sermonum argumentum fore putabimus? In summa animi aegritudine, qua de re lubentius commemorabitis, quem ad eloquendum,

quendum, narrandum, laudandum, copiosiore  
ac locupletiore locum habebitis, quam hunc: at  
bonus erat pater, benignus, indulgens! beneficia  
accepta enumerabitis, curas, vigilias pro vestra  
salute, amorem et caritatem in vos summam com-  
memorabitis. Agedum in iisdem confumentus et  
nos orationem nostram; faciemus *breuem recensum*  
*eorum meritorum et beneficiorum*, quae parens noster  
communis in nos cumulavit, *earumque virtutum*  
*exemplar* proponemus, ex quibus illa munificentia  
in nos fluxit. His iisdem spero me assequuturum,  
vt animos vestros non difficulter teneam; nec ve-  
reor, ne quisquam vestrum sit, qui rem parum  
gratam aut non vel se vel nobis vel hoc die satis  
dignam a me exponi arbitretur. Tu autem, sancta  
Anima, quae olim mente et cogitatione nostris coe-  
tibus adesse solebas, nunc corpore libera, etsi in  
beatas regiones euolasti, tamen etiamnum tanquam  
Genius Georgiae tuae Augustae nos inuisere, nostra  
concilia obire, sacris nostris cerimoniais interesse  
non dedignaris; te videre videor de beata sede de-  
lapsam nos reuisere, templi sanctitatem, solemnum  
cerimoniam augustam, acerbum horum luctum,  
meum grauem dolorem, communem omnium pie-  
tatem, respicere. At tu, sancta Anima, pium  
officium memoriae tuae tuaeque virtutis recondendae  
propitia ac volens accipere nobisque porro fauere  
dignare.

Quae quidem in condenda conditaque sub  
auspiciis Regis Augustissimi, nunc in beatas sedes  
recepti, GEORGII Secundi Academia MvNCHVSI,  
immortalis

immortalis Viri, consilia, studia et labores fuerint, ut nunc exponam; a me non expectatis, Auditores, et si quis expectet, cum meus ad hanc Academiam accessus ab ipsis originibus nimis longe absit, quo minus eius voluntati satisfaciam, verecundia mea intercedit. Est tamen opus fundatum, eductum, ornatum eiusmodi, ut vel primo adspectu satis prodatur, quae mens, quae prudentia, quam capax magni consilii animus, quae curarum moles, quod studium, quae laboris perseverantia, eius esse debuerit, qui illud eduxerit. Enimuero nec minoris molis, forte etiam difficilioris curae res est, remp. academicam bene conditam bene tueri, inchoata perficere, infirma firmare, ad aliquam celebritatem et nomen non clamoribus et inani strepitu, sed vera ac solida et mansura laude, academiam euehere; multas res, quae tali reip. litterariae fatales esse solent, praecidere vel occupare, alias, quae utilitatem habere possunt, adiuuare et temperare. Primordia enim unicuique academiae ipsa rei novitate ad famam aliquam sunt salubria; ubi vero in altum euecta naus cursum instituere coepit, prospectus taedio victi homines ad alias curas se auertunt; interea illa immenso ponto iactata modo vela aut funes accusat parum idoneos, nimis laxos vel intentos, modo socios nauales parum operae intentos; inter haec ea ad scopulum aliquem solet adhaerescere nec cursum tenere. Summam igitur prudentiae ac mirae alicuius sollertiae curaeque indefessae laudem prouenire necesse est ex rebus Academiae, a primis nascendi primordiis progressae, feliciter administratis et ad maiorum rerum initia prouectis.

prouectis. Nam ea, quibus vniuersitas litteraria, quamcunque partem spectetis, instructa esse debet, multa et varia et inter se diuersa sunt; pertinaci tamen studio, vigilia ac labore, omnia et singula prosequenda. Praeter illa enim, quae cum ceteris reip. partibus communia sunt huic curae, is, qui academicam remp. moderatur, descriptam animo habere debet omnem eius formam et naturam, operis partes ac leges, singula machinae, vt hoc vtamur, organa, eorum vires, conditiones, casus; multarum rerum, quae ad disciplinam publicam priuatamque, vrbis et academiae iura, vtilitates et ornamenta, spectant, notitias mente complecti; informatam animo habere totius litterarum ambitus adumbrationem aliquam; singularum disciplinarum dignitatem, necessitatem vel vtilitatem, omniumque inter se rationes mutuas cum ad vniuersam remp. tum ad academiae statum ac tempora tenere: incrementa rei litterariae nosse eiusque exuberationes vel defectiones; saeculi quoque saporem ac iudicium notum habere; nec haec omnia in vna aliqua disciplina; id quod tamen viris doctis ad magnam eruditionis exultimationem interdum satis est; verum in omnibus et vniuersis disciplinis, etiam in iis, quarum nondum inuentus erat idoneus doctor et auctor. Ad tot ac tantas curas, quarum magnitudinem vos ipsi aestimate, MvNCHHVSII ingenium magnum et ad ardua consilia nata mens vacabat, et quidem inter summa reip. negotia et officia, vt tamen huic vni curae totum addictum putasset; etiam minoris momenti rebus sollicitè prouidens, aut maioribus eas sollerter attemperans.

Iam primum in describenda et componenda instruendaque Vniuersitate nostra quantum Ille vltra saeculi sui sapientiam sapuit! inprimis si eos annos animis reputetis, in quos eius prima aetas inciderat! Quod enim nunc de academiarum naturis ac causis iudicia paullo subtiliora etiam ab eruditis viris in medium proferri coepere, Gottingae nostrae magna ex parte debetur; quandoquidem, quoniam in hac Academia multa aliter et melius instituta esse videbant homines, contemplatione eius rei et observatione excitati in causas ac finem consiliis propositum tentarunt inquirere, hinc ad alia progredi. Verum MVNCHHVSIVS iam tum, cum nec inter eruditos quisquam ea de re cogitaret, vidit in academiis multa esse ex antiqua disciplina monachica, nec vnius aevi vel populi, profecta, quae a meliorum temporum ratione aliena sunt, saltem sua ratione nunc destituuntur. Litterarum a Bononiensis inde vel Parisiensis Vniuersitatis originibus quanta facta sunt incrementa! quam immutata singularum disciplinarum, philosophicarum inprimis, facies! nonnulla etiam noua earum genera ac nomina exorta, eaque pristinis illis vtiliora forte et potiora! commercia etiam hominum rerumque, diuersarumque inter se gentium, maiora!

Longa esset oratio, si persequi vellem, quae in studiorum ratione ex iis causis aut mutata sunt aut mutari debuerunt. Haec vidisse et animaduertisse, magna erat in MVNCHHVSIO sollertiae et sagacitatis laus; nunc sobriam eius sapientiam, prudentem ac cautam moderatamque diligentiam cognoscite

gnoscite. Multum ab eorum rationibus abfuit, qui, cum viderent in ciuitatibus nostris et imperiis esse nonnulla propter temporum, in quibus constituta fuere, barbariem male descripta aut etiam vsu deprauata, societates hominum ad ordinem aliquem naturalem, quem dicunt, reuocare voluerunt, quem si sequerentur homines, breui haberemus omnino nec ciuitatem nec libertatem. Simili modo si quis aut nunc, aut multo magis ante hos XL annos, Academiam condere vellet, qualem ipsa litterarum ac disciplinarum subtilis aliqua descriptio postulare, quam parum ille aut reip. consulturus aut consilio suo prospecturus esset! Quid enim? Facultatibus his, quas barbaries inuexit, proscriptis, eruntne qui talem academiam frequentare velint? Doctorum, quos vocant, renuntiationibus, examinibus et disputationibus sublati, an ex hac disciplina progressos loco aliquo habendos putabunt? Minus calide, et eo sapientius *MVNCH-HVSIVS*: Noluit nimium discedere ab antiqua academiarum forma ac ratione, sed res maluit eo deducere, vt facie externa eadem seruata indoles earum et natura emendaretur; labes, si qua inhaereret, sensim sensimque elueretur, integritas et sinceritas non animaduertentibus restitueretur. Omnino, si quid video, maior eius est sapientia, qui, quum laborare res humanas suis infirmitatibus videat, cum sine magna ruina aut saltem labefactione eorum, quae salua sunt, commode et vtiliter succurri non posse videat, dissimulare eas malit et tacite remedia applicare, quibus vis mali possit aut reprimi aut diminui.

Interea in Academiae descriptione et constitutione cum ab initio tum temporum successu dissimulanter plurima mutauit, multa adiecit immortalis MÜNCHHVSIVS, quibus quasi ex cella monasteriali in campum et puluerem vitae ciuilis eruditio educeretur. Primum *libertatem cogitandi, sentiendi, scribendi*, sciuit et fundauit; quā an maius bonum mortalibus dari possit dubito; vt, si nullum aliud beneficium Regiis auspiciis in nos contulisset, hoc vno tamen nomine Germaniae deliciae MÜNCHHVSIVS esset appellandus. Nam hac ipsa re in singulas fere disciplinas, in historicas imprimis, et Iuris publici disciplinam, lucem intulit nouam lateque omnia collustrauit; simul per alias Germaniae partes, etiam in aliis officiorum ac rerum generibus, libertatis recte sentiendi tanquam signa extulit. Hoc tanto bono Germaniae parto, saluae almae Georgia Augusta, vere Augusta, sancta Libertatis parens, ad humanitatis decus et ornamentum nata. Huius libertatis cogitatione animum meum curarum laborumque assiduitate fractum saepe recreare soleo: At liber tamen sum! libere viuere, dicere, iudicare de rebus, ac tuto possum! Hoc quidem bono contineri video quicquid ceteris vitae bonis dulcedinem veram et plenam iucunditatem affundere potest; et hoc bono erepto ceterorum bonorum omnium fructum, studiorum illecebras, ingenii fomenta, ingenuam doctrinam, sapientiam, veritatem, ipsam humanitatem eripi. Hanc nostram felicitatem summam teneamus, o Patres; homini sobrio ac generoso miseria cogitari maior potest nulla, quam animi sensus, ingenii inuenta, mentis iudicia, metu aliorum,



aliorum, quorum obtusum acumen et ipse et sanus quisque rideat. dissimulare et occultare, aut si quid dentium claustra perruperit, pusillorum animorum et ingeniorum odia fulcipere, in religionis ac pietatis malam suspensionem adduci. De Georgiae Augustae fortuna, Deus omen auertat, nunquam equidem metuum; sed ut metuum, habere me arbitror tum, si qua mala fraus hominis hanc nobis Aegidem, hoc Palladium eripuerit. Non deerunt ingenia praeclara et ornata, non deerit honesta industria: modo nulla auctoritas in formulas ac verba aliorum iurare cogat.

Sed video libertatis dulcedine delinitum animum diutius in ea haesisse, quam res ferebat. Alia enim erant enumeranda, quae ad litterarum ac disciplinarum descriptionem meliorem et commodiorem MÜNCHHVSIANA instituta pepererunt: etsi video omnia a me breuissimis esse comprehendenda. Cupio vero quam maxime abducere et sciungere orationem meam a laudibus Georgiae Augustae, quibus, tametsi pleraque, quae de MÜNCHHVSIO dicenda habeo, cum iisdem sunt coniunctissima, et quamuis is, qui MÜNCHHVSIANVM opus omnium clarissimum laudet, MÜNCHHVSIVM ipsum laudasse videri debeat, tamen nunc locum non esse, satis sentio.

Itaque post libertatem, MÜNCHHVSII cura et prouidentia in primis eo spectauit, ut vitae et reipublicae doceretur discereturque; ut studiorum academicorum ratio et ordo ad certa consilia et fines

referretur; vt ad vitam ciuilem statim ipsa institutio academica attemperaretur; vt, quae publice priuatumue vtilia essent, praeferrentur studiis otiosis et umbraticis; vt auocata ab inani verborum strepitu et a scholae tristitia ad vitae humanae cultum eruditio adduceretur; vt tamen solida esset et accurata; vt ex fontibus hausta, vt a suis principiis ac causis ducta; vt iis omnibus, quae viam et accessum muniunt, et adminicula praebent, instructa esset; vt tandem multa, quae in academicae disciplinae censum superiore tempore aut vix aut nunquam venire solebant, vitam tamen possent iuuare vel ornare, in illum censum reciperentur; quae iam in censu erant, ipsa docendi ratione, descriptione partium, principiorum et argumentorum veritate, dilectu et robore, rerum ordine et lumine, adiumenti aliquid vel ornamenti ex Gottingensi schola mutuarentur.

Itaque de orbe aliquo disciplinarum et studiorum academico, certaque per annos descriptione, regendisque omnino studiis academicis, praeclare merita est magna MvncHVSI mens; eaque ipsa re disciplinarum omnium inter se fines, prouinciae, agri, accuratius constitui, quae inter se contigua ac finitima, et ad mutuam opem vel vtilitatem afferendam accipiendamque opportuna essent, clarius apparere, vniuersus eruditionis ambitus et area patere, de partitione disciplinarum, diuersaque singularum auctoritate et dignitate, deque commoda singulas disciplinas tractandi et dispescendi ratione melius constare coepit. Gottingensis certe disciplinas tradendi ratio adeo se probare coepit, vt in aliis passim academiis eam sequi non pigeret.

Disci-

Disciplinam porro. quae quicquam fructus ad remp. et vsum liberalem haberet, esse voluit nullam, quae non Gottingae doctorem suum haberet; et, quoties disciplinae partem speciatim alicubi vel emendatam vel diligentius excultam audisset, protinus et hanc in Academiam suam illatam esse voluit, vti in Oeconomia priuata, Architectura militari et Tactica, et nuper in arte veterinaria vidimus; et vt artium antiquitatisque studium elegantius, exterorumque populorum litterae, a nostra Academia non exulent, MVNCHHVSIANA vtique cura et auctoritate prouisum est. Itaque lectionum per semestres habendarum recens encyclopaediae alicuius speciem prae se ferre videri poterat.

In illud tamen omnium maxime curis suis et consiliis inuigilauit, vt, quae vitam ciuilem ornant, litterae inprimis cum vbertate et diligentia docerentur. Itaque Iurisprudentiae per Germaniam coli solitae partes et disciplinas omnino omnes Gottingae expolitas esse voluit \*), rem iudiciariam imperii R. G. nondum in academijs frequentari solitam in hanc Academiam induxit, easque lectiones haberi iussit, quae ad forum resque agendas curandasque instruunt animos matureque assuefaciunt. Porro prouidit, vt tum Imperii R. G. tum Regnorum Europaeorum et Ordinum Germaniae historia earum rerum apparatu et copiis, sine quibus totum hoc studium ieiunum et exile esse necesse est, ad-

Dd 4

ornata

\*) Inprimis Ius Germanicum priuatum, feudale, canonicum, ecclesiasticum, criminale.

ornata esset; vt adeo historia, recentiorum inprimis temporum, ad vsum vitae accommodatius posset tradi eique Ius publicum German. superstrui, quod in ipsis negotiis et officiis vtilitate sua se approbaret; si quidem *MVNCHHVSII* cura ea adiumenta suppetitata fuerunt, quibus academici viri vix solent potiri. Iisdem praesidiis instructa fuit rerump. Europaeorum notitia politica, tum scientia politica, cum Iure publico vniuersali et Iure Gentium Europaeorum, quod in more, vfu et consuetudine positum est; iisdem praesidiis et copiis numismatica, diplomatica et heraldica. Terrarum populorumque descriptionis accuratioris initia *MVNCHHVSIVM* experta sunt fautorem summum; Historia vero litteraria, quae iam ante Gottingae incunabula sua habuerat, eadem Eius cura, instructissimae inprimis bibliothecae copiis, auctus insignes accepit. In theologicis disciplinis superstitiosum et pusillanimum prauae alicuius acerbitalis studium magna Eius mens nunquam cepit nec admisit; pura et recta esse pietatis studia, doctrinam autem theologicam, non formula aliqua, inter controuersiae et disputationis aestum, iurgia, studia, nata, sed philologicis, criticis, historicis fundamentis substructam esse voluit. Itaque litterarum, inprimisque Graeciae et Orientis veteris, quanta decora Gottingae extiterunt! Dogmatum tandem symbolicaeque theologiae et rerum ecclesiasticarum historia incrementa inter nos habuit tanta, quanta ex meliore philosophia, interpretatione et lectione ad critices lapidem Lydium explorata expectari potuit.

Nec

Nec tamen illa doctrinarum genera, quae extra academiarum fines olim efflorescere solebant, homine tamen inprimis digna sunt, eumque, quem sapientem esse volumus, omnium maxime constituunt, quod *MVNCHVSI* imputent, habent nihil. Floruerunt Eo curante Gottingae viri, qui historia naturali, ipsiusque naturae studio, in contemplatione rerum, obseruatione et experimentis constituto et fundato, porro in mathesi vniuersa, eiusque partibus, analysi, astrononia, mechanica et architectura, non solum concinnius, exactius, et vberius, quam adhuc factum erat, omnia traderent, verum etiam praeclaris inuentis antiquam Germaniae in his doctrinis celebritatem apud exteros tuerentur. Iam in anatomicis, botanicis, chirurgicis, et in arte obstetricia, physiologia quoque, aliis medicae artis partibus, Gottinga ad eam laudem peruenit, qua potissimum nomen eius ad remotissimarum terrarum gentes inclaruit.

Sed quod pro illis temporibus, quibus Academia nostra adoleuit, summum in remp. litterariam beneficium et ad omnem posteritatem fructuosum fuit, nondum memorauimus: philosophiae horridae et clamosae, nulliusque nec ad vitam nec ad sapientiam vtilitatis, quae barbarie sua et squalore totam fere Germaniam tum inquinauerat, pestis, *MVNCHVSI* maxime prouidentia, est repressa. Nisi enim Lipsia et Gottinga huic furori restitissent, de omni vera et solida eruditione erat conclamatum; vocabulorum, non rerum, scientiam haberemus. At magnus ille *MVNCHVSI*, qui nil tribuebat

fapientiae, quae tota ex verborum ſtrepitu pende-  
bat, virorum, quos cum ad ceteras tum ad philo-  
ſophicas inprimis diſciplinās vocaret, dilectu Got-  
tingae ſaluti prouidit, hiftoricarum et antiquiorum  
elegantiorumque litterarum tanquam vallo eam  
cinxit, bibliothecaeque opibus ad vtiliores copias  
a ieunīs argumentatiunculis animos traduxit.  
Itaque Gottingam philoſophia ecclēſtica ſtatim ab  
initio immigrauit; Gottingae, etiam philoſophiae  
doctores, dubitare et nonnulla neſcire auſi ſunt.

Res tandem ſcholaſtica in his terris ſi ad nul-  
lam ſatis probabilem conditionem illa euecta, neque  
eo adducta eſt, vt academica haec noſtra inſtitutio  
ſatis magnum fructum noſtratibus afferre poſſit,  
MVNCHHVSI tamen curis imputandum habet, vt  
illa hoc ſaltem, quo eſt, loco ſit. Nam quo mi-  
nus illa in eo gradu conſtituta ſit, quo MVNCHV-  
SIVS adducere eam voluit, ſummum Viri libertatis  
publicae ſtudium interceſſit. Publice enim vtile  
eſſe poteſt, vt liberum ſit hominibus, in nonnullis  
ſibi ipſis deeſſe, et meliora aſpernari. Ipſa rei in  
publicum fructuoſae vtilitate allici homines volebat.  
Ilfeldenſe tamen Paedagogium cum alias tum nouiſ-  
ſimis temporibus ita adornare et inſtruere coepit, vt  
illa inſtitutio academicae reſponderet, vtque hu-  
manitatis litteris imbuta ingenia Gottingae traderet  
Ilfelda.

Ingentia et immortalia MVNCHHVSI in Litteras  
merita videtis, Auditores; curas, ſollicitudines,  
ſtudia Viri immortalis ad iſta conſequenda in con-  
ſpectu

pectu non aequae sunt posita; quanta tamen fuerint, ad coniectandum facile et proclive est. Multa in iis, quae adhuc memorauimus, ex honesta illa libertate, eximia ista Georgiae Augustae Tutela et ornamento, aut fluxerunt aut robur habuerunt; historiae imprimis et Iuris Germanici, maxime publici, disciplinae; multa ex honestis, quae doctrinae constituerat, praemiis; plurima virorum, quos ad hanc Academiam vocauit, dilectu et iudicio, et vero etiam praefidiis adminiculisque, quibus generosiores cuiusque indolem industriamque iuuaret, effecta.

Et de doctorum quidem virorum, quos huc accessiuit, dilectu et iudicio, quam alteram reip. academiae ancoram recte appelletis, quam vellem ne pudor me prohiberet ea, quae animus versat, eloqui. Sed, si tantorum Virorum ex omnibus vndique Germaniae prouinciis collectorum et in vnum congregatorum confessum circumspicio, vere nuntiatum esse video, quod olim auditum incredibile ad fidem esse videbatur, tam diuersis disciplinis et scientiis reperiri potuisse viros, qui eas ornarent. Nesciet futura aetas, curae ne potissimum molestiam, an studii alacritatem, inuestigationis perseverantiam, iudicii felicitatem, admiretur, imprimis in eo hominum genere, quod ex secessibus suis excitandum plerumque et protrahendum est; in tanta probationis et experimenti difficultate; in tanta generum varietate ac diuersitate. Tam felicem tamen ingeniorum exploratorem nulla facile vidit aetas, nullum diligentiores et laboriosiores. Itaque huius viri iudicio probatum esse, famae  
praero-

praerogatiua erat, si non magnae, certe bonae; et MvNCHHVSIO non displicuisse pro praeiudicio apud magnam Germaniae partem habebatur. Sed me in locum incidisse sentio lubricum, et in quo sine offensione non facile progredi liceat. Itaque illud modo attingam, si quid aliud, hoc in Viro illud admirabile fuisse, cum, iis temporibus, in quae aetas eius iuuenilis et disciplina academica inciderat, multa litterarum et disciplinarum genera ne nomine quidem nota essent, studiorum autem cursum ipse tenuisset eum, quo per Iuris disciplinae viam regiam an semitam angustam dicam? ad summa reip. munera et honores contenderet, vt tamen non vnus disciplinae vnusue generis angustis mentem suam, consilia et curas, includi sine-  
ret. Quin ille nulli litterarum generi defuit; omnibus prouidit liberaliter; vniuersum disciplinarum ambitum magno suo pectore cepit, cura et amore paterno complexus est.

Atque hoc fateor primo ad hanc Academiam accessu incredibili me voluptate perfudisse, cum Virum aliis plane iisque multo grauioribus curis et negotiis implicitum, diuersis prorsus ab ineunte aetate studiis innutritum, tamen viderem historiam litterariam, elegantiorē litteraturam, humanitatis doctrinam, vniuersae antiquitatis eiusque monumentorum studium probare, tam diligentibus mihi commendare verbis, tam diserte de eius vera ratione, tractatione et vtilitate, monere.

Sed quam subtile Eius in diuersissimis litterarum et doctrinarum generibus esset iudicium, nusquam



quam melius cognoscere licuit, quam vbi librorum, quibus bibliotheca publica locupletanda esset, notationes et designationes ipsi a me offerrentur; nam si eum sibi offerri eas velle, oblatas recognoscere, alia subnotare, alia obelo confodere, solitum fuisse narro, etsi exteris parum probabile videbitur, pro certo tamen ac testato me hoc eloqui nostis, Patres; tum ille librum nonnunquam damnavat, meo, qui nondum librum vidissem, iudicio satis probabilem, quem tamen tempus ac res paullo post me docebat, de eorum, qui probandi et in bibliothecam admittendi essent, numero recte fuisse reiectum. Alio tempore si libri ad suum iudicium non admodum praeclari, forte etiam magna impensa redimendi, necessitas tamen a me vel utilitas, esset monstrata, de sententia Ille et voluntate sua lubens decedebat. Non sine animi voluptate interdum dum bibliothecae loculos perlustro, in librum incido, de quo tum cum emendus esset controuersiam natam et causam a me per litteras diligenti argumentorum expositione agendam recorder. Omnino enim, qua in re magni Eius animi iudicium luculentissimum ponere soleo, erat ingenii mira aliqua docilitas, in sene quoque; voluntas flexibilis, et ab omni obstinatione ac peruiacacia aliena. Copiam iudicii facere utilitati publicae volebat vnum quemque. Veritatis auctoritati tantum tribuisse puto mortales paucos, certe ex doctorum virorum genere.

Vt tamen haec omnia, quae modo ab hoc Viro curata, administrata, prouisa diximus, quomodo ab vno viro, diuini quamuis ingenii, miri acuminis

acuminis, acerrimae perspicaciae, subacti longo varioque rerum usu iudicii, animi intentionis, assiduitatis, laborisque patientiae incredibilis, ab vno tamen omnia ista perfici potuerint, appareat, teneatis, o Iuuenes, pulchrae laudis cupiditate inflammati, teneatis hoc, iuuenilem eius Viri aetatem omnis historiae cognitione imbutam, humanitatis litteris fuisse admodum excultam magnorumque vetustatis ingeniorum contubernio mature assuesactam. Harum litterarum dulcedine semel imbuto animo nec in negotiosissima vita, nec in prouecta senecta, deliciae suae effluxerant. Neminem vidimus, qui sententiam veteris scriptoris, vel versum tam commode laudaret, ut totum negotium decideret; vidimus neminem, qui scribendi genere hoc vteretur, seuero, presso, arguto; nec subtrahi verbum poterat, nec adiici. Virum litteris politissimum, summis negotiis curisque versatum, vel in familiari epistola agnosceres.

Nihil itaque est, o boni, quod miremini, Virum, qui adolescentiam tam praeclare studiis honestis imbuerat, virilem aetatem grauissimis curis muneribusque reip. splendidissimis exercuerat, admirabilem hanc iudicii maturitatem et subtilitatem peruenisse, ut ingenii doctrinaeque arbiter et spectator esset acutissimus; ut consiliis, monitis, praeceptis, iuuare et regere posset nos omnes; ut in suo quemque doctrinae genere multa saluberrime moneret, quae longo rerum usu edoctus ad vitam civilem utilitatemque publicam, in quaque re, in quaque disciplina, maxime desiderari cognosset.

Ad

Ad hanc ipsam mentis praeclaram virtutem accessisse cogitate magnum animi consilium, generosam et excelsam indolem, pulchrae laudis studium; sic intelligitis, quomodo fieri potuerit, ut copiis et adiumentis necessariis nos omnes instrueret, in easque res sumtus faceret ea cum munificentia, quam, ut a Rege, et a tanta mente profectam, vere regiam appellaretis. Nec in libraria modo, mathematica reliquaue eruditionis supellectile substituit Viri immortalis liberalitas. Etiam doctrinae colligendae et amplificandae causa itinera a nonnullis per Europam suscipi voluit; iis, qui, in docto aliquo opere elaborabant, elucubrationis adiumenta et copias litterarias, interdum mera ornamenta, magna cum cura et sollicitudine, nonnunquam pluribus litteris in longinquas terras datis, paravit et subministravit.

Vt vero ista omnia tanto maiorem ad animos, imprimis generosiores, vim haberent, Viri immortalis summa humanitate, facilitate et comitate factum putate; qua vel una virtute ad omne aevum consecrata esse debet MUNCHHVSIANI nominis memoria. Cum ad eruditionem humaniore cultu expoliendam, ad squalorem et paedorem obscurae diligentiae abstergendum, vanique fastus stultitiam coercendam, ad animos doctorum virorum erigendos, libertatis et honestatis sensu bonaequae laudis studio suaequae virtutis fiducia honesta imbuendos, hoc imprimis valere intelligeret, si doctorum virorum cohors a viris in magna generis, loci munerumque, dignitate collocatis dignatione aliqua et honore

honore se haberi videret; deprimi contra et infra vulgaris adeo virtutis laudisque gradum reiici et subsistere animos, si ab iis, quibus consilia et studia sua probata esse velint, fastidiose se excipi aut contemptu neglectuque haberi videant; cum haec teneret animo prudentissimus Vir, iudicaretque aequum esse, vt, quod praecipuum aut vnum eruditionis praemium est relictum, viris doctis post cetera omnia ne eriperetur; nam quaestuosae doctrinae genera in rep. esse admodum pauca; itaque aditu suo, ne per litteras quidem, excludebat neminem; inter curas summas tamen otium supererat et vacatio ad commoda et alloquia nostra; a docto viro interpellatio importuna videbatur nulla; facilitate admissionis et humanitate, etiam cum honoris significatione beneuolentiaeque exquisitiore aliqua testificatione, deuinciebat sibi, qui se adiissent, omnes. Et tamen inter haec orationis grauitas, verborum in-affectata veritas. Nam vidimus quondam et alios, qui comitatem simularent, renidentibus ringentibusque similiores, vt sibi ipsi fidem adimerent; sed huic Viro oris, vultus, vocis aderat veritas. Verbo tantum haec vobis, Patres, in memoriam sunt reuocanda. Quotus enim quisque vestrum est, qui non *MVNCHVSIO* salutato, etiamsi spe ac voto exciderat, hilaris discefferit, incredibilem eius comitatem praedicauerit? aut qui non litteras summae humanitatis, benignitatis, amoris plenas in scriniis suis feruet? quanta illa ad seram senectutem felicitatis nostrae monumenta!

Cum autem in academica inprimis administratione, paruis fere ex rebus res magnas aptas esse

esse sciret, nihil Ille tam paruum ac tenue esse putabat, quod non cura sua dignum arbitraretur. Nulla re, opera, cura, parua, magna, leui, graui, varia, multiplici, modo ad Georgiae Augustae utilitates, et ad commoda nostra, aliquam vim id haberet, studium suum et patientiam frangi sinebat. In summa occupatione nullas facile litteras, ad quas non responderet, seposuit. Quae ad publicum Academiae statum vel ad suam quisque priuatam conditionem salubriter monueramus, tanquam pro beneficio sibi imputabat. Si quid consilii, suasionis vel dissuasionis, etiam leuiter vel inscite, submissum erat, aut dissimulanter ferebat, aut clementer coarguebat.

Hac incredibili sua industria, diligentia et temporis parsimonia; nam resectio ipsi erat laboris mutatio; in officio continebat omnes. Quis enim dissolute, supine ac negligenter ageret, qui occupatissimum Virum nec minutias nostras ne differre quidem in alium diem \*) videret? Quis, si Virum curis officiisque vitae publicae priuataeque magnis paruisque innumeris districtum distentumque tamen his negotiis nostris vacare nosset, quis, inquam, etsi tota vita litteris assideret, tamen collatus cum illo, non quasi somno et inertiae deditus erubesceret? \*\*) nemo saltem curarum suarum et officiorum siue obtentu siue simulatione in muneris sui curatione

\*) *Nulla in audiendo difficultas, nulla in respondendo mora.* PLIN. Paneg. 79.

\*\*) PLIN. Epp. VI, 5.

tione vel mandata aliqua opera contentionem ac studium remittere audebat. Huius itaque illustris exempli auctoritati vel maxime deberi iudico, quod Gottinga industriae et intentioris alicuius diligentiae laudem praecipuam (quae utinam ipsi propria ac perpetua sit!) habere dicitur. Quicquid enim, quod probes, Gottingae est, MÜNCHHYSIANVM est.

Vigilantissimae MÜNCHHYSII curae debemus etiam ornamenta Georgiae Augustae haec singularia aut cum paucis Academiis communia, quae partim ad dignitatem et auctoritatem nostram faciunt, partim adiumenta et praesidia industriae nostrae sunt insignia. Omnino enim Ille summam et doctorum auctoritatem, et urbis esse voluit \*); et omnia haec intra tam breue tempus perfecit, quod vix ad cogitandum et inchoandum multi satis longum esse putassent. Equidem, quando Bibliothecam nostram publicam ingredior, saepe tanquam religioso aliquo MÜNCHHYSIANI nominis horrore animum percussum sentio. Haec ergo omnium saeculorum, populorum, summorum cuiusque aetatis ingeniorum monimenta non sibi, non suis vñibus; sed ut nostrae singulorum doctrinae obstetricia adiumenta essent, Regiis auspiciis prouidit et parauit assidua cura Eius Viri, cuius beneuolum et amantem nostri animum haec ipsa Viri serena facies, hic sacratus vultus \*\*) adhuc spirare videtur! Quanta eius mens et sapientia esse debuit, qui vidit, Bibliotheca tali publice instructa se Gottingae addere non

\*) Cic. de Offic. I, 1.

\*\*) In tabula imaginem MÜNCHHYSII exhibente.

non modo decus et ornamentum singulare; non modo privati cuiusque apparatus librarii compendium subministrare; etsi et hoc subministravit; verum ipsam Academiae nostrae naturam et indolem hac vel una re constitui a se, ut varia et copiosa esset doctrina professorum et familiarium; ut cum eruditionis et litterarum incrementis etiam nostrae litterae incrementa caperent; ut, quicquid per Europam noui inuenti, cogitati et obseruati, quisquam usquam proposuisset, in suam utilitatem uerterent nostri homines; hinc publicam disciplinarum doctrinam nouis copiis amplificarent. Ita uero historica et litteraturae humanitatisque studia, eaeque disciplinae, quae ex iis succum, vires, vitam ducunt, in tam liberali nutritione habent, unde laetius efflorescant, unde niteant. Modo adsint ea, quae ornent, ingenia intellexit nunquam defore, quae ornari possint. Ea itaque opipara et diuite hac supellectile libraria uoluit ali, excitari, varia lectione ditari, a seruili vulgarium et communium opinionum assensu ad subtilius iudicium traducere, ad exquisitiorem et ornatiorem ingeniosamque doctrinam vel inuitos, manu iniecta, obtorto collo, retrahere. Huius itaque Bibliothecae Ille, tanquam carissimae filiolae, incredibili aliquo amore duci; eam oculis, auribus, habere; de ornamentis eius et decoribus sollicitus esse plus quam dici potest. Librorum emtioni ipse providebat; nulli sumtui, ne iis quidem temporibus, parcebat, cum ceteris erogationibus parcendum esset. Si quem librum bonum diu quaesitum fortuna tandem obtulisset, tanquam laetam rem Ille nuntiare, nullam

morant ferre, prouidere, vt quam primum Gottin-  
gam liber transmitteretur.

Sed video, non sine summo animi mei dolore,  
nec sine multis lacrimis me hunc locum persequi  
posse; et solent ea, quae nulla oratione commode  
reddi possunt, maiora videri, dum tacemus, quam  
si leuiter perstringimus. Me quidem ad Manes  
vsque prosequetur earum curarum cogitatio, quas  
in Bibliothecae locupletandae consiliis a Viro im-  
mortali, MvNCHHVSIO, consumi per hos septem  
annos vidi.

Verum retrahendus est animus ab illa cogita-  
tione et transferendus ad reliqua a MvNCHHVSIO  
praeclare in hac Academia prouisa et instituta, vt  
in vno saltem vel altero doceam, Eum in iis rebus,  
quae litteras iuuare vel ornare possunt, plus etiam  
vidisse quam multos ex ipso eruditorum virorum  
coetu. Ita Societatem Scientiarum Regiam, quam  
non nisi ipsius Regii Sanctioris Consilii in his terris  
curae et tutelae subiectam esse voluit, Societatis  
Commentarios, Librorum nouorum Recensus, quo-  
rum certe momentum non leue fuit ad rem Ger-  
maniae litterariam vniuersam, Praemia publice  
quaestionibus positis proposita, Ille non inter or-  
namenta modo habuit, sed inter eas res esse puta-  
vit, quae torporem animorum abstergerent, ne,  
in vulgari disciplinarum tradendarum orbe, annuo  
aut semestri cursu, circumacti, locupletandae doctri-  
nae et litterarum curam amitterent academici docto-  
res; easdem esse, quae Georgiae Augustae peculiarem  
aliquam



aliquam eruditionis naturam constituerent, et vero etiam eius existimationi consulerent \*). Germanici sermonis elegantiam et curam Societatis, quae ei colendo se consecraret, studio, opera, etiam exemplo, retineri intellexit; in re enim litteraria pudore plurimum proficitur; et inter aliorum studia praeclara facile aliquis vel non monitus inertia sua erubescit. Instituti historici quanta vis et opportunitas esse posset ad studium historiae latius disseminandum, inprimis in Academia tot opibus litterariis exornata, vnus omnium optime perspexit. In hoc autem deo se Ille assimilabat, quod non vnus vel alterius disciplinae, familiae vel sectae studia fouebat, reliqua omnia insuper habebat; sed totum earum rerum, quae ad publicam vtilitatem quicquam fructus haberent, ambitum animo et cura aequaliter amplectebatur.

Enimuero res foret infinita, enarrare omnia, quae doctrinae, industriae, existimationis, dignitatis, instrumenta, adiumenta, decora excogitauit et prouidit; quae ad vtriusque reip. academicae et municipalis concordiam, ad vrbis nostrae exornationem et securitatem, ad disciplinam academicam liberaliter et tamen seuerè exercendam; ea porro, quae ad publicam priuatamque rerum ad vitae vsum vtilium vel iucundarum affluentiam, ad sumtus in quotidianum victum minuendos, ad vitae commoditatem, ad mercatus frequentiam, an-

Ee 3

nonae

\*) Haec vberius exposita alio loco: v. Elogium in Soc. R. Scient. recitatum, quod insertum est *Notis Commentariis Soc. R. Sc. Gott. To. II. ad calc. p. 149.*

nonae laxationem, rerum venalium vilitatem; quae tandem ad virtutem, pietatem, honestatem, inuenit, parauit, destinauit. Hoc saltem in intuendis his animo dimittere nolim quenquam, vt omnia ad vtilitatem publicam et ad posteritatis com-  
moda comparata esse intelligat \*).

Vt autem hae illae sunt magnae virtutes, facta et consilia magna, quibus nominis in re litteraria immortalitatem sibi comparauit MvNCHHVSIVS; in litterarum enim per Germaniam annalibus MvNCHHVSIANA aera, si qua alia, nepotibus nostris erit memorabilis; ita haec eadem illa sunt, quibus effecerat, vt, quod paucis contigit, in summo dignitatis fastigio constitutus, amaretur, cum ipse amaret; vt nobis non domini, sed patris loco esset; paterna auctoritate nos regeret, liberorum pietate coleretur. Incredibilem enim Georgiae Augustae suae amorem et studium, quod rebus, verbis, etiam vultu prodebat, in illo Viro mirabantur ac praedicabant omnes, etiam exteri, qui eum adierant. Georgiae Augustae etiam nomine audito voluptatem animi declarabat aucta frontis hilaritas; in fene autem, propter tot annorum decora, tantas virtutes, tanta merita venerabili, haec paterni animi tacita voluptas, ex caritate et affectu summo profecta, a nemine sine aliqua animi commotione cognosci poterat.

#### Commemo-

- \*) Nullum est enim magno principe immortalitatemque merituro impendii genus dignius, quam quod erogatur in posteros. PLIN. Paneg. 26.

Commemorata adhuc bona, Auditores, nobis quodammodo fuere peculiaria; nec minus tamen magnam partem tulimus ex meritis Viri immortalis de rep. vniuersa, de terris Brunsvicensibus, de tota Germania. Quantus hic se rerum, virtutum, factorum, campus aperit, si MvncHvsii per LV annos in patriam hanc merita, fidem et constantiam erga tres Georgios Reges, sapientiam rerum usu firmatam, auctoritatem prudentia partam, res in variis vitae munerumque partibus gestas; in re civili, in redituum publicorum descriptione vel administratione, salubriter curatas vel promissas; si tandem ea omnia persequatur animo aliquis, quorum Ille auctor, hortator, suasor, fuit. Rara Eius et mira felicitas, quod virtutum et meritorum laudes vnus assequutus est diuersissimas. Regiae Maiestatis et voluntatis Minister et Amicus fuit integerrimus; Pater Patriae; Conseruator ac Firmator publicae libertatis; Civium Portus, Arx, Ara; Aerarii Regii Locupletator, non exactionum acerbitate, sed curae assiduitate, rationum diligentia, erogationum moderatione; agricoltationis Genius salutaris; Artium honestarum omnisque operae publice quaestuosae Adiutor; Ingeniorum Lux et amicum Sidus; Industriae probae Praesidium et Tutela; Tenuiorum et Pauperum Altor Nutritorque; Fortunae iniquioris Emendator; Opum suarum inter egentes Largitor pius ac misericors. Etiam de suis Eum copiis multa in rem nostram conuertisse, non ignoramus. Ex sua penu paupertatem honestam alumnorum leuauit stipendiis, quorum persoluendae

pensionis instare tempus ne inter nouissimas quidem vitae curas fuit immemor.

Omnia haec, et quis vestrum, Auditores, non plura et alia meminit, sed haec omnia si boni numinis indulgentia his terris, huic populo, huic Acaemiae, praeclari alicuius muneris loco, ad tam diuturnum usum concessa esse cogitamus; si tantarum virtutum fructum e summo rerum fastigio, tam plena copia, tam longo annorum ordine, qui per se hominis aeuum facere possit, in nos cumulatam; si res ab infirmis ac teneris primordiis ad hos virium auctus et robur perductas, intestissimis periculossimisque temporibus, belli quoque calamitatibus, eiusdem, qui fundauerat, Viri curis seruatas, restitutas, amplificatas reputamus: percellitur quodammodo animus ad tantae felicitatis, tantorum bonorum recensum; quanto magis tantorum bonorum amissione et ereptione! Sane quidem primo statim consolationis susceptae exordio nobis occurrent omnes: non iniquo animo ferendam esse calamitatem, diu prouisam, et quae ante tot annos accidere potuerit, ut omne hoc tempus in lucro ponendum, non nunc de damno accepto conquerendum sit. Humanum tamen est, ignoscere dolentibus, iis fortunae muneribus ereptis, quorum satietas nos nunquam cepit. Etiam in amicorum discidiis, etsi votis nostris die et mense vno et altero adiecto, cum tamen discessu tandem faciendo dirimimur, solemus abeuntibus manus iniicere, amplexibus inhaerere. At sensus nostri et affectus in huius

Viri

Viri desiderio quam exiguum partem explet benevolentiae et amicitiae nomen; quo tamen quid inter mortales sanctius? quid augustius?

Vos autem, Patres, prouectiore inter nos senectute venerabiles, inprimisque quotquot ex iis qui MÜNCHHVSIO in Georgiae suae Augustae initiis adfuerunt, superstites estis, \*) nunc etiam huic ipsi superstites, pro quo deuotum suum quisque vellet caput; Adspectu audituque miserabilis senectus vestra etiam iis lacrimas exprimit, qui proprium dolorem non capiunt. Erepto hoc longae senectutis tanquam comite ac sodali, in solitudine derelicti, quod superest viae, inter nullos MÜNCHHVSII affatus, nulla alloquia, conficiendum esse videtis! Nec est, praestantissimi viri, quod dolorem vestrum obiurgemus. Habet tamen conditio vestra ipsa paratum aegritudinis solatium. Quo enim minus longe abestis a decursus huius per mortales curas et sollicitudines conficiendi termino et fine, eo minus diuturnus esse poterit vester luctus. At nobis, quo aetatis quisque sumus gradu, non tam facilis doloris medicina est parata. Multa a temporis longinquitate et die sunt expectanda; multa a summis virtutibus Eius Viri, qui MÜNCHHVSII desiderium explebit; alia in diuinae voluntatis cogitatione et in pia religiosaque mentis constantia sunt posita remedia.

Ee 5

Sed

\*) Ipsis Academiae incunabulis interfuere VV. III. GEBAVERVS, et HOLLMANNVS ab a. 1734. RICHTERVS a. 1735. AYRERVS ab a. 1736.

Sed et iis ipsis, quae dolorem continent vel maxime, inesse videmus partim causas, cur dolorem inhibeamus, partim solatii femina. De erepto tantae prosperitatis fructu quid habemus quod cum fortuna queramur, ut non potius ultra votorum verecundiam concessum eius usum nobis gratulemur? Quid? quod a deo non est euocatus, nisi curatis et peractis iis omnibus, quibus salus publica firmari, nostra autem Academia ornari ac perfici potuit!

Contigit enim et nobis et MÜNCHHVSIO singularis haec felicitas, ut, ante discessum ex hac vita, mirabili et praeclara aliqua numinis beneuolentia, omnia in eum locum deducerentur, quo cura Bius, cui rerum nostrarum conditio ac natura penitus esset nota, singula, quae opus erat, ordinari, constitui, inchoata absolui, designata ad exitum perducere possent. Visa enim est immortalis Viri mens per totum hunc, qui ultimus vitae fuit, annum, tanquam praesagio aliquo et praesensione incitata, anniti et allaborare, ut expedita et profligata essent negotia omnia. Haec eadem incredibilis prouidentiae diuinae indulgentia erigit animos nostros ad meliorem spem etiam de futura nostra sorte, cuius tanquam pignus certissimum habemus fortunam praeteritam. Etiam aeterno Numini MÜNCHHVSIANAM memoriam cordi curaeque fore ne dubitemus. Fidissimi voluntatis suae ministri recordatione illud res nostras, prouidentia sua per eum constitutas et fundatas, fortunabit; modo iis ipsi non defuerimus.

**Etiam**

Etiam Viri fama immortalis nominisque perpetuitas habet, quod animos nostros a luctu recreet; et saepe illa cogitatio animos nostros recreabit, nos in Musarum castris M<sup>V</sup>NCHHVSTO duce et auspice militasse! nos censerī inter veteranos ex M<sup>V</sup>NCHHYSIANA disciplina progressos! et quandoquidem cum ipsis factis et operibus eorumque fructu ad omnem posteritatem sempiterna erit M<sup>V</sup>NCHHVSI memoria, quoties M<sup>V</sup>NCHHVSIANI nominis per Germaniam totumque terrarum orbem litterarium audita celebritate exultabimus! Iam canis sparfos et senio fractos voluptate nos inexhausta perfundet dulce nomen ad aures nostras allapsū. Obsurdecet enim futura aetas ad nomen Maecenatis, et in voluptarii hominis, qui nullis auctoribus idoneis ad aeternitatem nominis arrepsit, locum succedet M<sup>V</sup>NCHHVSIUM nomen, omnium eruditorum virorum voce ac consensu.

Cum itaque Ipsi, nobis, omnia contigerint cumulate, quae et in praeteritis temporibus poterant optari, quaeque per futura tempora possunt sperari, quid est, quod in summa calamitate non egregie nobiscum actum esse dicamus? Nisi forte, (quis tamen tam impius et nefarius, ut hoc in mentem admitteret?) nisi quis Aeternitatem ipsi et Immortalitatem in hac mortali vitae conditione, in hac rerum infirmitate et naturae communis fragilitate, forte assignatam fuisse velit. Curis iam et laboribus fracto corpore, viribus ingrauescente senectutis vi debilitatis, negotiorum hac semper iterum recrudescentium mole tandem fessus, quid habuit, quod sibi

sibi optabilius contingere arbitrari posset, quam vt placida morte defungeretur, cuius beneficio aeterna et vera quiete potiri liceret? Contigit tamen et sic, vt idem rei gerendae et viuendi esset terminus.

Discessit itaque pia Anima in beatas sedes, et inter ordines recepta est Animarum magnarum, quae de genere humano bene merendo exquisitius aliquod felicitatis genus sibi parauerunt. Ingressa confessum, eorum, quos hac in vita curis suis fouerat et vt sua fata implere possent prouiderat, quique se iam morte anteuenterant, laetis acclamationibus excepta pia Anima. (nam nec inter immortales grata deficit memoria et pietas) adiit GEORGIVM suum SECVNDVM, narrauit magni nepotis virtutes, religionem ac pietatem, pacis et pacis artium amorem; exposuit Ei Georgiae suae Augustae fortunas et incrementa. Gauisa est his auditis sanctissima Vmbra, et inter magnos Reges et Heroes, humani generis delicias, maior se ipsa et excelsior facta, priscarum suarum curarum et consiliorum nouos fructus ferre visa est.

Nos autem, o Patres, o Ciues, quanta ad virtutis, ad officii conscientiam, ad consilia recta et salutaria, habemus incitamenta! quales factorum nostrorum habemus exactores et probatores! Sedent in aeterna Regis aula nostrarum rerum inspectores Augusta Georgii et Sancta MVNCHHVSI Annae; obleruant consilia nostra; laetantur ac tristantur factis nostris. Ad has animos habete conuersos, vt nihil moliamini, nihil suscipiatis,  
nihil



nihil agatis, quod tantis Animabus improbandum, aut iis rerum principiis, praeclarisque coeptis, quibus illae quondam curas mortales adhibuere, indignum sit.

Neque si de aeternis sedibus agere nobiscum, alloqui Georgiam Augustam suam, posset beata MVNCHVSI Anima, aliter illa nobiscum ageret, quam vt luctus nostri inertiam obiurgaret, sed verbis, vt solebat, lenissimis et paternae indulgentiae similibus, animosque ad strenuam virtutem excitaret. "Non luctu, o mei, sed virtute, vestram pietatem mihi praestate. Quae Regi, quae patriae, quae litteris pro officii quisque ratione debetis, etiam meo exemplo, mea memoria incitati, religiose et sancte praestare annitimini. Concordibus animis viuite; et communem Georgiae meae Augustae vtilitatem consiliis curate communibus. Magnum duorum Regum opus, alterius cura initia sua, alterius, incrementa nactum, vt per vos saluum et integrum sit, prouidete. Hunc mihi gratissimum funeris honorem ac munus arbitrabor; omni emortuali sollenni hoc mihi iucundius putabo. Memoriam meam inter vos haberi cupio caram et sempiternam; et caram habebitis, si, quo amore, qua caritate vos omnes amplexus sim, grati memineritis."

Enimuero, sancti Manes, cara et iucunda et quauis felicitate dulcior animis nostris erit Vestri memoria. Nec vnquam mente excidet ea cura,  
ne

---

ne quidquam, quod Vestris votis consiliisque non respondeat, suscipiamus. Hoc sancti Manes, iuro pro me, hoc pro his, qui me audiunt, qui me vident; caput meum donumque meam, si sciens fefellerō, irae Vestrae sacratam volo.

Vos autem, flōrentissimi Iuvenes; o cura nostra, quondam MvNCHHVSII cura et amor; animis vestris Viri immortalis nomen ad perpetuam memoriam infigite, vosque ita assuefacite, vt, quotiescunque MvNCHHVSIVM nomen ad aures vestras acciderit, tanquam ad paterni nominis auctoritatem tactus reuerentia ac pietate animus se ad seueram virtutem componat. Quicquid enim Georgia Augusta habet, vestris vsibus paratum vobisque fructuosum, quae adminicula, quas opes, doctrinae copias, ipsos doctores, quos amatis, omnia haec post Dei O. M. prouidentiam, Regiamque munificentiam, huius Viri immortalis curae debita mementote. Itaque Eius memoriam animis vestris sancte colite, ad seram posteritatem grata pietate commendate, Eius immortalitati fauete.

*Haue sancta anima!*

---

INDEX.

# I N D E X. \*)

## A

Abrogatio legum, de ea lex Zaleuci [31](#). Charondae [99](#). [113](#)

Aburiae gentis num. [358](#)

Accoleiae gentis num. [358](#)

Achaei, populari ciuitatum forma vñ sunt [181](#). ad Siritidem occupandam missi [239](#). Magnae Graeciae ciuitatum diffenfiones componunt [188](#). ciuitates Magnae Graeciae Achaici generis [5](#). [201](#). ex iis solum Tarentum superstes [212](#)

Aciliae gentis num. [358](#)

Acrae [259](#)

Adulterii poena inter Thurios [94](#)

Aedificia publica magno sumtu, priuata modico curata [102](#)

Aegyptiorum lex [295](#) not. [296](#)

Aeliae gentis num. [359](#)

Aeliani locus illustr. [141](#)

Aemiliae gentis num. [359](#)

Aetolorum colonia Temesa [276](#)

Aeschyli Schol. illustr. [345](#)

Agathocles Crotonem et Italiam afflixit [191](#) sq.

Agrigentum, a Gelois conditum [260](#)

Alcibienis Sybaritae vestis [173](#)

Alexander Molossus, ad versus Lucanos arcessitus a Tarentinis [141](#). [203](#). [212](#). [241](#). [266](#). ad Pandosiam occumbit [205](#)

Aloidae, tres Musas ediderunt [307](#)

Alybas [209](#)

Ambracia [256](#)

Amyris Sybarita [135](#)

Anaëtorium [256](#)

Anaxilaus Rheginus [269](#). [271](#)

Androdamas Rheginus [272](#)

Antiochus Syracusanus [179](#)

Antoniae gentis num. [360](#)

Aoede Musa [307](#)

Ἀπολείπειν et ἀπολύειν de diuortio [118](#)

Apollo

\*) Concinnatus Index studio iuuenis de erudienda iuuentute aliquando praeclare meritori G. C. F. Seidel, Hannov. Sem. philol. fodal. adscripti.

---

ne quidquam, quod Vestris votis consiliisque non respondeat, suscipiamus. Hoc sancti Manes, iuro pro me, hoc pro his, qui me audiunt, qui me vident; caput meum domumque meam, si sciens fefellerō, irae Vestrae sacratam volo.

Vos autem, florētissimi Iuuenes, o cura nostra, quondam MvNCHHVSII cura et amor, animis vestris Viri immortalis nomen ad perpetuam memoriam infigite, vosque ita assuefacite, vt, quotiescunque MvNCHHVSII nomen ad aures vestras acciderit, tanquam ad paterni nominis auctoritatem tactus reuerentia ac pietate animus se ad seueram virtutem componat. Quicquid enim Georgia Augusta habet, vestris vñibus paratum vobisque fructuosum, quae adminicula, quas opes, doctrinae copias, ipsos doctores, quos amatis, omnia haec post Dei O. M. prouidentiam, Regiamque munificentiam, huius Viri immortalis curae debita mementote. Itaque Eius memoriam animis vestris sancte colite, ad feram posteritatem grata pietate commendate, Eius immortalitati fauete.

*Haue sancta anima!*

---

# I N D E X. \*)

## A

- Abrogatio legum, de ea lex Zaleuci [31](#). Charondae [99](#). [113](#)  
 Aburiae gentis num. [358](#)  
 Accoleiae gentis num. [358](#)  
 Achaei, populari ciuitatum forma vsi sunt [181](#). ad Siritidem occupandam missi [239](#). Magnae Graeciae ciuitatum dissensiones componunt [188](#). ciuitates Magnae Graeciae Achaici generis [5](#). [201](#). ex iis solum Tarentum superstes [212](#)  
 Aciliae gentis num. [358](#)  
 Acræ [259](#)  
 Adulterii poena inter Thurios [94](#)  
 Aedificia publica magno sumtu, priuata modico curata [102](#)  
 Aegyptiorum lex [295](#) not. [296](#)  
 Aeliae gentis num. [359](#)  
 Aeliani locus illustr. [141](#)  
 Aemiliae gentis num. [359](#)  
 Aetolorum colonia Temesa [276](#)  
 Aeschyli Schol. illustr. [345](#)  
 Agathocles Crotonem et Italiam afflixit [191](#) sq.  
 Agrigentum, a Gelois conditum [260](#)  
 Alcisthenis Sybaritae vestis [173](#)  
 Alexander Molossus, ad versus Lucanos arcessitus a Tarentinis [141](#). [203](#) [212](#). [241](#). [266](#). ad Pandosiam occumbit [205](#)  
 Aloidæ, tres Musas ediderunt [307](#)  
 Alybas [209](#).  
 Ambracia [256](#)  
 Amyris Sybarita [135](#)  
 Anactorium [256](#)  
 Anaxilaus Rheginus [269](#). [271](#)  
 Androdamas Rheginus [272](#)  
 Antiochus Syracusanus [179](#).  
 Antoniae gentis num. [360](#)  
 Aoede Musa [307](#)  
 Ἀπολύειν et ἀπολύειν de diuortio [118](#)

Apollo

\*) Concinnatus Index studio iuuenis de erudienda iuuentute aliquando praeclare meritori G. C. F. Seidel, Hannov. Sem. philol. fodel. adscripti.

- Apollo vnde litteris et artibus, inprimis musicae artique  
 medicae praeesse dictus [303](#) sq.  
 Apollodorus, *περὶ νομοθετῶν* [284](#)  
 Apollonii Rhodii loc. [ill. 352.](#) Schol. [ill. 338. 340. 346.](#)  
 Aquiliae gentis num. [360](#)  
 Arcades, qui Italiam adiere [277.](#) Arcadum leges, ibid.  
 de Arcadibus luna antiquioribus [334](#) sq. aucto-  
 res, qui hac de re mentionem fecere [337.](#) huius  
 mythi explicationes [341. 345. 349. 350](#) sq. Arca-  
 dum vetustas [343.](#) Luna ab iis et sidera observata  
[342. 3. 4. 6.](#) Arcadum mythi [344.](#) annus [348.](#)  
 Arcadia Gigantis vnde dicta [339.](#) et Pelasgis [343.](#)  
 Arcadicarum rerum scriptores [344](#)  
 Archias [179.](#)  
 Archytas Tarentinus strategus, [224.](#)  
 Aristo Chius *Ἰώσις* scr. [339](#)  
 Aristocles [283.](#)  
 Aristocratae, in pligarchiam mutatae [274.](#) aliae ex gene-  
 ris nobilitate, aliae ex censu [275](#)  
 Aristophanis Schol. [ill. 143](#)  
 Aristotelis loc. [ill. 148. 163. 221.](#) eius libri de rebus  
 publ. [281.](#) de rep. Sybaritarum [130](#) de rep. Te-  
 gearum [340.](#) *Νόμιμα* et *Νόμοι* [282](#)  
 Aristoxenus Musicus [225](#)  
 Artes, vid. Litterae. Eae, quae cum strepitu exercentur,  
 a Sybaritis in urbem non admissae [151](#)  
 Aseleni montes [347.](#)  
 Athenaei loca [ill. 128. 129. 130. 134. 149. 150. 174.](#)  
 Atiliae gentis num. [360](#)  
*Αὐλών*, Caulon urbs [203](#)  
 Aureliae gentis num. [361](#)

## B

- Bacchus, cur inter deos ingeniorum fautores adscriptus [303](#)  
 ab Hersacleensibus imprimis cultus [245](#)  
 Baebiae gentis num. [361.](#)  
*Βακχεύων* [345.](#)  
 Bentleius, contra eum disputatur in iis, quae de Zaleuci  
 legibus pronuntiavit [17. 62. 104.](#) in iis quae de  
 Charondae LL. disputavit [154](#) sq. [162. 164](#) sq.  
 Brundisium [275](#)  
 Brutii [265](#) sq. Sybaritas delent, [140.](#) Crotonem expu-  
 gnant [193. 194.](#) aduersus eos. Alexander Molossus  
 arcessitus [203](#)  
 Buxentum [262](#)

## C

- Caeciliae gentis num. [361](#)  
 Caesia gentis num. [362](#)  
 Κακομιλία [79.](#) [117](#)  
 Callimachus περί νόμων [285](#)  
 Callipolis [158.](#) [270](#)  
 Calpurniae gentis num. [362](#)  
 Calumniatorum poena inter Thurios [92.](#) [85.](#) [116](#)  
 Camarina Syracusarum colonia [259](#)  
 Carisia gentis num. [362](#)  
 Casmenae a Syraculis conditae [259](#)  
 Cassiae gentis num. [362.](#) [363](#)  
 Catana [158.](#) [159.](#) [267](#)  
 Caulonia, colonia Crotoniatarum [195.](#) [203](#) sq. numi [204](#) nota.  
 Certare cum deo [306](#)  
 Chalcis Euboeae, [266](#) sq. vrbs Ionicae originis [273](#) sq.  
 administrata per optimates Hippobotas ibid. Colo-  
 niae [266](#)  
 Chalcidicae ciuitates [6.](#) [158.](#) [266](#) sq. earum instituta [273](#) sq.  
 Chamaeleon Ponticus, philosophus [131](#)  
 Charondas [76.](#) quis fuerit et quo tempore vixerit, [56](#) sq.  
 unde inter Pythagoreos referri coeperit [169.](#) [170.](#)  
 Leges, quae eius nomen praeferunt Thuriisne scriptae  
 sint [156.](#) Catanaeis et aliis Chalcidicis ciuitatibus  
 leges scripserunt [158.](#) inque iis, Rheginis [159.](#) ipse  
 Charondas Catanaeus [158.](#) inter vetustiores legum-  
 latores [160.](#) et Thuriis antiquior [161.](#) Sed hi eius  
 legibus vti sunt [161.](#) Sintne ad Charondam aucto-  
 rem referenda fragmenta legum, a Diodoro et Sto-  
 baeo sub eius nomine seruata [163](#) sq. Non habemus  
 ex iis, nisi sententias [170.](#) [285.](#) Eius legum prooe-  
 mium [77](#) sq. [109.](#) indicii necessitatem imponit ciui-  
 bus [84.](#) [89.](#) fragmenta ex ipsis legum tabulis [113.](#)  
 in his, quae spectant ad disciplinam domesticam [115.](#)  
[116.](#) ad personarum iura [117.](#) leges can solitae,  
 quo modo [166](#)  
 Chones, [236](#)  
 Claudiae gentis num. [363](#)  
 Cleandridas Spartanus, dux Thuriarum [140.](#) [210.](#) [239.](#)  
 Gylippi patet [140](#)  
 Cleanthes [283](#)  
 Clearchus περί βίαν [283](#)  
 Cleonymus Spartanus, aduersus Lucanos arcessitus [142.](#) [212](#)  
 Heynii Opusc. acad. Vol. II. F f Clishe-

- Clithenes [134](#)  
 Clitarchus, rerum Sybaritarum scriptor. [131](#)  
 Clitonymus [175](#)  
 Cloacina in numo [387](#)  
 Clouliae gentis num. [364](#)  
 Cnidii, Liparae conditores [262](#)  
 Coeliae gentis num. [364](#)  
 Coloniae Magnae Graeciae ac Siciliae, earum genera [5](#). 201.  
 ac tempora [7](#). earum mittendarum causae [10](#). earum  
 incrementa [11](#). metropoleon mores ac leges retine-  
 bant [178](#)  
 Confidae gentis num. [364](#)  
 Copiae vel Copia, colonia Thurios a Romanis ducta [143](#)  
 Corcyra [256](#)  
 Cordiae gentis num. [364](#)  
 Corinthus, resp. [255](#). coloniae [256](#)  
 Corneliae gentis num. [364](#). [365](#)  
 Corporis iuris glossati mpti, olim Schwarzli, nunc Biblioth.  
 Gotting. descriptio [318](#) sq. eius aetas [327](#). eius  
 auctoritas et usus [328](#). glossa [325](#) sq.  
 Cosmopolis magistratus Locorum [51](#)  
 Crepusiae gentis num. [366](#)  
 Cretenium coloniae in Italia [275](#). [276](#). in LL. quid iis  
 maxime propositum? [290](#). [291](#) not.  
 Crimisa [276](#)  
 Critias πολιτείας scripsit [283](#)  
 Croton, Achaici generis colonia [6](#). [180](#). eius origines  
[178](#) sq. resp. popularis forma [129](#). instituta ibid.  
 situs [183](#). ciuium frequentia et studia [183](#). urbis  
 fata [184](#) sq. luxus [133](#). [186](#). colonia Romana Cro-  
 tonem missa [193](#)  
 Croton heros [180](#) not.  
 Crotoniatae, a Sybaritis laceffiti [133](#). Sybaritis ad Traen-  
 tem fluuium victis, urbem solo aequant [136](#). [186](#).  
 nonam Sybarin excindunt [138](#). eorum clades ad  
 Sagram [184](#) sq. quo tempore accepta? ibid. emen-  
 dati Pythagorae disciplina [187](#). odia in Pythagoreos  
 nata. ibid. resp. ab Achaeis restituta [188](#). foedus  
 faciunt cum Sybaritis et Cauloniatis [189](#) sq. mores  
 ac leges Achaeorum recipiunt [190](#). a Dionysio victi  
[191](#). ab Agathocle afflicti [191](#) sq. mox in bellis  
 Romanorum cum Pyrrho [193](#). cum Poenis, ibid.  
 Crotoniatarum numi [180](#). medici celebres [189](#). coloniae [195](#).  
 Cumae [267](#). sq. earum coloniae [268](#)



Cupienniae gentis num. [366](#)  
 Curioforum poena apud Thurios [95](#)  
 Curtiae gentis num. [366](#)

## D

*Δαίμονας* in legibus Zaleuci et Charondae [22.](#) [83.](#) [105.](#)  
*δαίμονες* [83.](#) *δαίμονες* *χθόνιοι* Manes [101](#)  
 Daunii [275](#) fq.  
 Delator, lex Charondae de delatoribus [89.](#) an probanda  
 sit [89](#) fq.  
 Demetrius Phalereus [284](#)  
 Derisionis poena, an probanda [94.](#) [95.](#) [96](#)  
 Desertores ordinum, in eos lex Thuriorum [100](#)  
 Dicaearchia, Puteoli [269](#)  
 Dicaearchus, eius scripta [282](#)  
 Didae gentis num. [366](#)  
 Digestum vetus infortiatum et nouum vnde dictum [319.](#)  
 antiquiorum Ictorum ea interpretandi ratio [320.](#)  
 Diocles Syracusanis leges tulit [257](#) fq.  
 Diodorus, ex eo legum Zaleuci prooemium ill. [19.](#) [26.](#)  
 Charondae [79.](#) [83.](#) [98.](#) [106.](#) leges Charondae [115.](#)  
 quae fides ei in his tribuenda [168.](#) [157.](#)  
 Diogenes Babylonius *πρὶ νόμων* [285](#)  
 Dionis du Sejour, contra eum disputatur [333](#)  
 Dionysiorum dominatio in Syracusanos [257.](#) maioris expe-  
 ditio in Italiam [56.](#) [191.](#) [204.](#) minoris crudelitas  
 in Locros [57](#)  
 Dionysius, Chalcidensis, scripsit *κρίσεις* [339](#)  
 Dionysius Halicarn. emend. [231](#)  
 Dionysius Perieg. ill. [134](#)  
 Dionysus vid. Bacchus  
 Dioscorides [283.](#)  
 Diuortia nuptiarum, de his lex apud Thurios [118](#)  
 Domitiae gentis num. [366.](#) [367](#)  
 Doricae stirpis coloniae Magnae Graeciae [5.](#) [216.](#) [255.](#) ea-  
 rum reip. administrandae forma [5.](#) [217.](#)  
 Dorieus Spartanus, dux Crotoniatarum [137](#)

## E

Educatio vid. institutio.  
 Egeſta [276](#)  
 Egnatuleiae gentis num. [367](#)  
 Elea, Phocaeensium tum Thuriorum colonia [274.](#) [202.](#)  
 numi ibid. not.  
 Emtionis venditionis lex apud Thurios [152](#)

- ΕμΦουσιῶσθαι 81  
 Endymion, fabularum de illo causae [347](#). [346](#). not.  
 Epeus, Metaponti conditor [207](#)  
 Ephori, magistratus Heracleensium [247](#)  
 Ephorus, quae de Arcadibus tradiderat [344](#)  
 Epidamnus [256](#)  
 Ἐπίκληροι, de illis lex apud Thurios [119](#).  
 Ἐπίκληρις [116](#). not.  
 Ἐστιάτωρ quis sit [108](#)  
 Ἐστιῶχος [83](#)  
 Euboea, vrbs [158](#). 270. insulae origines [273](#)  
 Eudoxus [358](#).  
 Eupheme, Musarum nutrix [308](#)

## F

- Fabiae gentis num. [367](#). [368](#)  
 Familiae Romanae quarum numi extant [358](#) sq. vana per-  
 suasio de origine Graeca [380](#)  
 Fanniae gentis num. [368](#)  
 Farfuleiae gentis num. [368](#)  
 Flaminiae gentis num. [368](#)  
 Flapiae gentis num. [368](#)  
 Fonteiae gentis num. [368](#). [369](#)  
 Furiae gentis num. [372](#). [373](#)

## G

- Γαμέτρας apud Heracleenses [247](#)  
 Gela a Rhodiis condita [260](#)  
 Gelo [257](#)  
 Glossa Accurfiana [325](#)  
 Γραμματεὺς apud Heracleenses [247](#)

## H

- Herenniae gentis num. [373](#).  
 Hellanicus [283](#)  
 Heracles. Tarentinorum colonia [234](#). successit in locum  
 Siris [235](#) sq. eius res et fortuna [240](#). numi [241](#). [245](#).  
 facta autonomos [241](#). foederata Romanorum ciuitas  
[242](#). an municipium [243](#). et not. x). y). instituta  
[244](#). religiones [245](#). tabula aerea documentis pu-  
 blicis inscripta in agro Heracleensi inuenta [245](#). eius  
 argumenta [246](#). ex ea magistratus et alia ad remp.  
 spectantia [247](#) sq. Curiae epifemis signatae ibid.  
 praedes in locatione conductione dati [248](#).  
 Heraclea Minna [275](#)

- Heraclides Ponticus, eius πολιτεῖαι [283](#). νόμοι [285](#). de eo [134](#). [135](#). [167](#).  
 Herculaneum [276](#)  
 Hercules, Crotoniatarum ἥρωε ἐπιχώριος [180](#). Heracleensibus inprimis cultus [245](#). eius cum Gigantibus pugna [338](#). [352](#)  
 Hercules Musagetæ [305](#)  
 Hermippus [284](#). [167](#)  
 Hermodorus [283](#)  
 Herodotus de Sybari [135](#). [137](#). [139](#)  
 Hesiodus, de Ἀστρονομία carmen, eius nomine insignitum [310](#). Musarum numerus in eius carminibus obuius [310](#)  
 Hiero [257](#)  
 Himera [158](#). [270](#)  
 Hippo [263](#)  
 Hippodamus Milesius [281](#)  
 Hippys Rheginus [337](#)  
 Homerus, Musarum numerus in carminibus eius obuius [310](#)  
 Honoris caput in numis [381](#)  
 Hostidae gentis num. [373](#)  
 Hostiliae gentis num. [374](#).  
 Hybla [259](#)  
 Hyria [275](#)

## I

- Iamblichus: loc. em. [182](#)  
 Iapyges [179](#). [218](#). vide Messapii; eorum origo [275](#). [276](#)  
 Iapygiae terminus [211](#)  
 Iccus medicus [224](#)  
 Indicij necessitas et utilitas in LL. Charondæ [89](#). inter veteres Germanos [91](#).  
 Infortiare [320](#).  
 Institutio, de ea præcipiebant LL. [14](#). [290](#) sq.  
 Ioannes Stobæus v. Stobæus.  
 Iones Sirin occuparunt [237](#) sq.  
 Ionicae originis ciuitates [224](#). [274](#)  
 Ἰσομύησιον [33](#)  
 Iudicia a Charonda descripta [115](#)  
 Iuliae gentis num. [374](#)  
 Iuniae gentis num. [376](#)  
 Iuno apud Sybaritas inprimis culta [174](#). Lencadia seu Lacinia ibid. [186](#)  
 Iupiter Homonoëus [204](#). [189](#). Anxur [409](#)  
 Iustinus ill. [186](#). [207](#). [218](#).

## K

*Κακομιλία* de illa lex Charondae 79. 117

## L

Lacedaemoniorum colonia Tarentum 217

Lagaria vrbs a Phocenibus condita 207. 276

Lampon 139

Laus, Sybaritarum colonia 138 201

Leges Graecorum, de iis vniuerse 286 sq. etiam morum et educationis praecepta apud veteres tradunt 14. 35. 120 sq. 291 sq. etiam pietatem praecipunt 292. not. Lex pro instituto dicta 297. de abrogatione LL. lex Zaleuci 31. Charondae 99. 113. In legum ferendarum disciplina praestantissimi auctores sunt Graeci 17. Prooemia legum 42. publice ediscenda ac decantanda 109. 166. not. Legum reuerentia quomodo in LL. Charondae munita 98. 99. 113. Legum diuisionem secundum varias iuris partes veteres ignorabant 293 sq. Legum priscarum fragmenta quomodo servata 167 sq. 285. quatenus ex illis ciuitatnm instituta omnino possunt intelligi 294. sq. Legum causae plerumque ignorantur 295 sq. Scriptores de legibus et rebusp. 280 sq. 167

Legum latores veteres 284. philosophi quo sensu 291.

Leontini 158. 267

Leucas 256

Leuternia terra 235

Libertas, principium et fundamentum omnis societatis ciuilis 289.

Licinia gentis num. 377

Lipara, Cnidiorum colonia 262

Litterae et artes, earum ratio et conditio antiquissima declarata e nominibus symbolicis Apollinis et Mercurii 301 sq. Vulcani et Minervae 304. Herculis Musagetae 305. Musarum 306 sq. Litterae publice docendae e lege Charondae 175 sq.

Livii locus ill. 144

Locri Epizephyrii, eorum origo 18. 46. gens 48. 262. illis leges scripsit Zaleucus 18. vid. Zaleucus. bonis legibus florere 44. 50 quamdiu LL. superstites 68. per quos scriptis mandatae 69. Locrorum resp. aristocratica 51. numi 49. 52. instituta 53. Locri nullis mancipiis vsi 54. cum Crotoniatis pgnant ad Sagram fluium 55. . cum Anaxillaō 56. cum

- cum Dionysio 56. 57. cetera bella et fortuna 58.  
 nobiles ciues 61. Locrorum coloniae 263.  
 Lucani 264 sq. Thuriros deleuerunt 141. proelium Graecorum cum iis ad Laum, ibid. 265. alia cum iis proelia 142. 190. 191. Tarentinorum cum iis bella 227  
 Lucianus: sub eius nomine de astrologia liber 335'  
 Luciliae gentis num. 378  
 Lucretiae gentis num. 378  
 Luna: ante eam Arcades extitisse dicti, quo sensu? 337. sq. 350 sq. an opinio eorum, qui lunam aliquando cometam fuisse dicunt, ex Arcadum narratione firmari possit 334. eius inter Arcades cultus 342. Luna ante pugnam Herculis cum Gigantibus orta 338. 352  
 Lupia apud Pausaniam 143  
 Lutatiae gentis num. 379  
 Luxus Sybaritarum 131. 172. omnium fere magnae Graeciae vrbium 133  
 Lyciorum lex 296  
 Lycophronis locus ill. 236 sq.  
 Lyfias 139. 141

## M

- Maianiae gentis num. 579  
 Mamiliae gentis num. 380  
 Marciae gentis num. 380  
 Mariae gentis num. 383  
 Massilia 274.  
 Matronas apud Sybaritas ad solennes epulas vocare licebat 149  
 Mazaceni Charondae legibus vsi 161  
 Medici Crotonistae celeberrimi 189  
 Medma 263  
 Megara seu Hybla 259  
 Melanippe, de ea fabula ad Metapontum traducta 207. 208  
 Melete Musa 307  
 Memmiae gentis num. 384  
 Memoriae beneficium in prisca vita. 307  
 Menedemus 192  
 Mercurius, vnde artibus et litteris praesse dictus sit 301  
 Messana 262. 269. Anaxilao paret 271  
 Messipii 275 sq. v. Iapyges. a Spartanis eiekti 218. 219' not. bellum cum Tarentinis gerunt 221. 222. 240  
 Metabus 208  
 Metagenes Comicus 175  
 Metapontum 205. origo primum a Pylis 206. tum ab Achaeis 209. 239. eius fortuna 209. numi 205. 206. not. Me-

- Metapontus, de eo et Melanippe fabula [207](#) sq.  
 Micyrthus tutor liberorum Anaxilai [271](#)  
 Milesii, ob calamitatem Sybaritarum publicum luctum indixerunt [138](#)  
 Miletus ab optimatibus administrata [274](#)  
 Milo Crotaniatarum dux Sybaritas profligat [136](#)  
 Minerva, virtutis bellicae artiumque pacis dea [304](#). Eilenia et Ellefia [207](#)  
 Minucia gentis num. [385](#)  
 Mnaseas Patrensis, eius Europiaca [339](#)  
 Mneme Musa [307](#)  
 Mnemosyne, cur mater Mnarum habita [308](#)  
 Molpis [283](#)  
 Montesquieuus LL. causas commentus [295](#)  
 Mores: morum praecepta apud veteres dabant leges [14](#). [291](#). sq. unde nostro tempore petantur [292](#). eorum sanctitati legum auctoritas superstructa [120](#). discrimen inter mores veteris Graeciae et nostros [294](#)  
 Morgetes, Italiae populus [270](#)  
 Mortui, quomodo honorari debebant secundum LL. Charrondae [101](#)  
 Moses legum fundum fecit pietatem [292](#)  
 Μουσική, vocis origo et significatus primus [311](#)  
 Mucia gentis num. [386](#)  
 Munchhusius: in solennibus eius parentalibus oratio [411](#). merita et beneficia in Academiam [415](#) sq. in Academiae descriptione et institutione [418](#) sq. in libertate cogitandi ac scribendi fundata [420](#) in modo docendi et in disciplinis Academicis descriptis [422](#). in re scholastica [426](#). in professorum delectu [427](#). in Bibliotheca locupletanda [429](#). Eius facilitas reliquaeque virtutes [431](#). reliqua merita [436](#) sq.  
 Musae, earum origo e Pieria, et numerus [305](#) sq. tandem nouenarius obtinuit [309](#). an in Homero et Hesiodo occurrat [310](#). Litterarum artiumque inter antiquiores Graecos conditio, ex Musarum nominibus muniisque declarata [307](#) sq. quando haec inuenta [309](#). veteris vitae et moris vestigia in iis, quae de Musis narrantur [311](#)  
 Museum Academicum [317](#). [335](#). [407](#). Ex eo numi familiar. Rom. [358](#) sq.  
 Muffidiae gentis num. [386](#)  
 Mylae [158](#). [270](#)  
 Myrica coronati calumniatores apud Thurios [92](#)  
 Myscellus, Crotonis conditor [179](#)

## N

- Naeviae gentis num. [387](#)  
 Nasidia gentis num. [387](#)  
 Naxos [266](#). [157](#) sq.  
 Neapolis, Cumarum colonia [268](#) sq. eius fortuna [269](#)  
 Nicocles citharoedus [225](#)  
 Nicolaus Damascenus, resp. et LL. historiis inseruit [283](#)  
 Νόμμων scriptores [282](#) sq.  
 Νομοθέται, vario sensu dicti [284](#). legum interpretes interdum et ipsi sic dicti [169](#). de iis [scriptores](#) [284](#)  
 Νόμοι: qui νόμων libros [scripsere](#) [282](#) sq. et νομοθεσιών ibid. [284](#)  
 Nomophylax magistratus Locrorum [52](#). Thuriorum [151](#).  
 Noniae gentis num. [388](#)  
 Norbanae gentis num. [388](#)  
 Nouellae glossa instructae [324](#)  
 Nouercam inducere liberis, vetitum lege Charondae [106](#). [118](#)  
 Νοῦμος [226](#). [233](#). [249](#)  
 Numae lex [295](#). not.  
 Numi familiarum Rom. qui sunt [356](#). [eorum](#), qui Museo academico seruantur recens [358](#) sq.  
 Nuptiae secundae LL. Charondae damnantur [106](#). feuerioribus moribus illa lex vtique est consentanea [107](#)  
 Nympharum antra apud Sybaritas [129](#)  
 Nymphodorus [283](#)

## O

- Ὀδὸς ναυδεσσοῦ apud Sybaritas [129](#)  
 Ὀμοσπύροι in LL. Charondae [166](#)  
 Opimiae gentis num. [388](#)  
 Ὀρνιθευταί [134](#)  
 Orphanorum tutela e lege Charondae [117](#)  
 Ovidius ill. [334](#)  
 οἱ ὠρεῖται. [101](#)

## P

- Paestum seu Posidonia [263](#). [203](#). eius res et fortuna [264](#)  
 Palaepolis, Neapolis [268](#)  
 Palladium [236](#)  
 Pallas Heracleensibus culta [245](#)  
 Pan, vnde ei Syringis inuenti laus venerit [303](#)  
 Pandosia colonia Crotoniatarum [195](#). [205](#). numi ibid. altera vrbs ibid.

- Πανήγυρις Magnae Graeciae 189. 190. Heracleae habebatur 240  
 Papiae gentis num. 392  
 Παραπίπτειν 104  
 Parmenides 275  
 Partheniae 217. 218.  
 Parthenope 261. Neapolis sic dicta 268  
 Pausaniae locus ill. 143  
 Pelasgi, qui Italiam adiere 277. qui Arcadiam inhabitauerunt 343  
 Petilia Lucaniae vrbs 276  
 Petiliae gentis num. 393  
 Phalanthus Tarenti conditor 217  
 Phaleas Chalcedonius 281  
 Phidon 255  
 Philippus in numis familiae Maniae 381.  
 Φιντίας 250.  
 Pindari schol. emend. 63  
 Plaetoriae gentis num. 394  
 Planciae gentis num. 394  
 Πλαταιίδες, vrbs 205  
 Plautiae gentis num. 394.  
 Plinius ill. 229  
 Plutarchus de Curiofit. loc. ill. 95  
 Pobliciae gentis num. 395  
 Polianomorum magistratus apud Heracleenses 247.  
 Polieum, quae Siris fuerat 236 sq.  
 Πολιτεία quid sit? 221. 148  
 Πολιτειαῶν scriptores 280 sq. 283. tradita in iis singularia rerum. 297  
 Politice, eius incunabula eiusque apud veteres ratio 287.  
 in quibus a nostris temporibus diuersa 291  
 Polybii locus ill. 91. 47. 140  
 Pompeiae gentis num. 396  
 Pompeii 276  
 Porciae gentis num. 396  
 Posidonia v. Paestum.  
 Posidonius Stoicus 283  
 Postumiae gentis num. 396.  
 Praedes apud Heracleenses in locato conducto dati 248  
 Procliae gentis num. 397  
 Πρωγγυα τοῦ σώματος apud Heracleenses 248  
 Προσέλειν 345  
 Προσέληνοι Arcades 341. 345



Profelenus rex Arcadum fabulis notus [340](#)  
 Protagoras Thuriis LL. scripsisse dictus [163](#)  
 Proxenus [283](#)  
 Pupillorum tutela in LL. Charondae [117](#)  
 Puteal Scribonii [399](#)  
 Puteoli [269](#)  
 Pylis Metapontum condidisse dicti [206](#)  
 Pyrrhus, eius adventus in Italiam [129](#)  
 Pythagoras Crotonem adiit [186](#). quando floruit [187](#). de  
 legibus meritisque eius omnino [96](#).  
 Pythagorei, nata in eos odia [187](#). [188](#). bene de ciuitatibus  
 Magnae Graeciae meruere; leges tulisse parum proprie  
 dicuntur [190](#) sq. a Rheginis excepti [271](#) not.  
 Pyxus seu Buxentum [262](#)

## R

Respublicae, qui de iis scripsere [280](#) sq. de iis vniuerse  
[286](#) sq. omne reip. genus experti Graeci [290](#). a po-  
 pulari progressi [289](#)  
 Rhegium [158](#). [270](#) sq. resp. et fortuna ibid. Legibus Cha-  
 rondae vsa [vrbs](#) [272](#). municipium tandemque colonia  
 Rom ibid.  
 Rhinthon poeta tragicus [224](#)  
 Rhodiorum coloniae in Sicilia et Italia [260](#) sq. ad Siritidem  
 appulere [237](#)  
 Rosciae gentis num. [398](#)  
 Rubriae gentis num. [398](#)  
 Rustiae gentis num. [399](#)  
 Rutilliae gentis num. [399](#)

## S

Saeus [283](#)  
 Sagra fluuius, ibi clades Crotoniatarum [184](#)  
 Salapia [261](#)  
 Salentia [275](#)  
 Samnites [264](#). Metapontum deleuerunt [209](#)  
 Satyrius campus [219](#)  
 Scidrus [138](#). [201](#)  
 Scriboniae gentis num. [399](#)  
 Scylletum [275](#)  
 Scymnus Chius [39](#). et passim emend. [183](#)  
 Selenitae gens [339](#)  
 Sentiae gentis num. [400](#)  
 Sergiae gentis num. [400](#)  
 Seruiae gentis num. [401](#)  
 Seruillae gentis num. [400](#)

Siculi 270

Siris Troianae originis habita vrbs 235. a Metapontinis, Sybaritis et Crotoniatis expugnata 237. 185. Iones Polieum appellant 236 sq. Tarentinorum colonia facta Siris 211. Nauale Heracleesium factum 240. Rhodiorum colonia huc deducta 261.

Siris fluuius 235.Siritarum numi 235

Siritis terra, de ea bellum Tarentinorum aduersus Thurios 239. 140. 218. 227.

Σιρῳέπται apud Heracleenses 247

Spartani quid in LL. maxime spectarunt 290. 291 not.

Sphaerus 283

Stephanus Byz. emend. 202

Stobaeus, ex eo legum Zaleuci prooemium ill. 19. Leges 26.Legum Charondae prooemium ill. et emend. 76 sq.

97 sq. loca eius alia emend. 152. 153. 154. Iudicium de prooemiis illis 168

Strabonis loca ill. 7. 142. 205. 208. 210. 223. 226. 261Στρατηγός, magistratus Graecorum Italiae ciuitatum 224Sulpitiae gentis num. 401.

Sybaris eius origo 126 sq. situs et incrementa 128. opes diuitiae, luxusque 129 sq. incolarum frequentia 131 sq. 136. superbia et arrogantia 134. eius exitium 135. a Thesfalo quodam vrbs instaurata 138. a Crotoniatis iterum diruta 138. acceptis ex Peloponneso colonis, Sybaritae vrbs sedem transtulerunt circa fontem Thuriam, vnde vrbi nomen Thurii 139. vindicant sibi terram Siritidem 211

Sybaris ad Teuthrantem fluv. 143. 261Sybaris et Crathis fluuii 128Sybaris vrbs in veste texta 173Sybaritarum numi 173 sq. resp. aristocratica 147. leges149. luxus 129 sq. 149 sq. 172 sq. equi ad tibiaecantum saltantes 137. magnificentia in sacris 149 sq.Sybaritarum coloniae 201. 138. scriptores 175.Sybaritae deleti 139. 140.

Syracusae, origo et genus 256. reip. status, eiusque vicissitudines 256 sq. leges 257. 8. coloniae 259

Σύμβουλοι magistratus ap. Thurios 151.Συσσίτια ap. Thurios 151

## T

Tabula Heracleensis 245 sq.Taciti loc. ill. 133

Talis.

- Talionis ius apud Locros et Thurios constitutum 38. 113  
 Taras heros 217. in numis 220  
 Tarentinorum numi 220. 225. 226. studia et litterae 224.  
 dialectus 231  
 Tarentum, colonia Dorica, eius origo 217. Herculeum  
220. not. Neptuno sacrum ibid. reip. administran-  
 dae forma, ex aristocratica, democratica 221. opes  
 et potentia 223. 224. 225 sq. bella cum Messapiis  
 seu Iapygibus 221 sq. 240. cum Thuris 227. 239.  
 Metapontinis, Lucanis, etc. 227. externis ducibus  
 accitis, Archidamo, Alexandro, etc. ibid. not. cum  
 Romanis 228. Colonia Romana huc deducta 229.  
 facta municipium ibid. artis opera et aedificia in-  
 signia 229  
 Tauromenium 270  
 Telephus Pergamenus 284  
 Telys, Sybaritarum tyrannus 135  
 Temesa ab Aetolis condita 276.  
 Templi Iouis Capitolini frons in numis 393  
 Terina, colonia Crotoniatarum 195. 202 sq. numi, ibid.  
 Testes Synodales qui dicti. 91  
 Thamyris Sybarita 135.  
 Thapsus 261  
 Theocratia perperam accepta 285  
 Theodectes rhetor. 283  
 Theodorus historicus 338  
 Theophrastus, eius libri de rep. et LL. 282  
 Theopompus LL. et resp. inseruit suis historiis 283  
 Thefalorum coloniae in Sicilia et Italia 276  
 Thorise gentis num. 402  
 Thrafsybulus 257  
 Thuria fons 139. 141. 144  
 Thuriæ in Sallentinis 142. 144  
 Thuri: colonia Atheniensem, eius origo 139. inter Ioni-  
 cas colonias habenda 275. non Achaeorum 174. Apol-  
 linis colonia 141. factio Atheniensem ibid. et 174.  
 eius fata 140. bellum cum Lucanis 141 sq. socie-  
 tas cum Romanis 182. colonia a Romanis missa,  
 Copiae seu Copia vrbs nuncupata est 143. Thurio-  
 rum reip. forma popularis 147 sq. 275. instituta 151  
 subtilitas in legibus ferendis 152. Charondae legibus  
 vsi 161. nec tamen sibi scriptis, verum adscitis 157.  
 Zaleuci legibus non sunt vsi 162. scriptores 175.  
 numi 173

Timaeus, eius asserta de Locris et Zaleuco [62](#)

Timoleon [257](#)

Titiae gentis num. [402](#)

Tituriae gentis num. [402](#)

Traens fluv. [136](#).

Τραγῶδεςθαι [104](#)

Tulliae gentis num. [403](#)

Tutela pupillorum, de illa lex Charondae [117](#)

Tyndaris [262](#).

## V

Valeriae gentis num. [403](#).

Vargunteiae gentis num. [403](#)

Vates, omnis doctrinae et sapientiae auctores [303](#)

Velia 202. [274](#)

Vestis, Sybaritica formis intextis [173](#). tenuior Tarentina [225](#).

Vibiae gentis num. [404](#)

Vibona Valentia [263](#)

Vita publica priuataque antiquitatis praestans nostra [15](#). [16](#)  
morum disciplina seuerior [94](#)

Volteiae gentis num. [405](#)

Vulcanus, vnde artes metalla tractandi ei tributae? [304](#)

## X

Xenocrates [139](#)

## Υ

Υέλγ [203](#)

## Z

Zaleucus, de eo [17](#) sq. leges scripsit Locris [18](#). quando scripserit? [50](#). [64](#). [160](#). an scripserit? [62](#). Pythagoreus non fuit [64](#). Eius legum prooemium ex Stobaeo et Diodoro appositum et illustratum [18-23](#). an prooemium hoc Zaleuci fuerit [67](#). [71](#). [166](#) sq. [285](#). eius legum fragmenta ad certa capita reuocata [26-32](#). in his lex de lege abroganda [31](#). ad morum disciplinam constitutae leges [32-37](#). de criminibus publicis priuatisque [37](#). de iure priuato [39](#). an Thurii eius legibus vsi sint? [162](#)

Zancle [158](#). [269](#)





005801384

